

ინგლისურიდან თარგმნა ვახტანგ ჭელიძემ,
ანა რატიანმა

ჰ ე ნ რ ი რ ა ი დ ე რ ჰ ა გ ა რ დ ი
ს ო ლ ო მ ო ნ მ ე ფ ი ს ს ა გ ა ნ ძ უ რ ი

თ ა ვ ი I

შ ე ხ ვ ა დ რ ა ჰ ე ნ რ ი ძ უ რ ტ ი ს თ ა ნ

უცნაური გეჩვენოთ ის ამბავი, რომ აგერ თრმოცდათხუთმეტი წლის კაცი
შევიქენი და კალამს პირველად ახლა მოვკიდე ხელი. არ ვიცი, რა სახეს
მიიღებს ჩემი მოთხოვობა და, საერთოდ, შემწევს თუ არა ძალა, დაგასრულო იგი.

როდესაც განვლილ ცხოვრებას გონების თვალით გავუურებ, გაოცებული
ვრჩები: მიკვირს ხოლმე, რამდენი რამის გაკეთება მოვასწარ, რამდენი რამ
განვიცადე და გადავიტანე. ალბათ ჩემი სიცოცხლის გზაც ასე უსასრულოდ
გრძელი მიტომ მეჩვენება, რომ ძალიან ადრე გავები მძიმე უდელში. იმ ასაკში,
როცა პატარა ბიჭუნები სკოლაში სიარულს იწყებენ, მე უკვე ვშრომობდი:
ვყიდდი წვრილმან საქონელს ძველ კოლონიაში, შემდეგ ვნადირობდი,
ვვაჭრობდი, ვმუშაობდი მაღაროში და, ასე გასინჯეთ, ვიბრძოდი კიდეც-
მხოლოდ ამ რვა თვის წინათ შევიქენი მდიდარი ადამიანი და ამჟამად დიდძალ
ქონებას ვფლობ, თუმცა ჯერჯერობით კარგად არც კი ვიცი, რა მაქვს და რისი
პატრონი ვარ. მიუხედავად ამისა, არაფრით ადარ დაგონანხმდებოდი გადამეტანა
ის, რაც ამ თხუთმეტ-თექვსმეტ თვეში გადავიტანე, თუნდაც წინასწარ
მცოდნოდა, ყველაფერი ასე შესანიშნავად დასრულდებოდა და ასე ზღაპრულად
გავმდიდრდებოდი.

მე ერთი მოკრძალებული, თავმდაბალი კაცი გახლავართ, მმულს სისხლი
და ძალმომრეობა და, გულწრფელად რომ გამოგიტყდეთ, ამ ფათერაკებმა და
უცნაურმა შემთხვევებმა გვარიანად მომაბეზრა თავი.

არ ვიცი, რატომ დავიწყე ამ წიგნის წერა, ეს ხომ ჩემი საქმე სულაც არ
არის! ამასთან, არც განათლებულ ადამიანად მომაქვს თავი, თუმცა „ძველ
აღთქმასა“ და ინგოლძის ლეგანდებს მუდამ დიდი სიამოვნებით ვკითხულობ.

ასეა თუ ისე, შევეცდები გაგაცნოთ ის მიზეზები, რამაც მაიძულა ხელი
მომეკიდა ამ მძიმე საქმისათვის. ჯერ ერთი, ხათრი ვედარ გაუუტეხე სერ ჰენრი
კურტისსა და კაპიტან გუდს, რომელთაც მთხოვეს ამეწერა ჩვენი ფათერაკებით
აღსავსე თავგადასავალი. მეორეც, ამჟამად შინ, დურბანში ვარ და უსაქმობა
მკლავს, რადგან მარცხენა ფეხში ატეხილმა ტკივილმა პვლავ საწოლს
მიმაჯაჭვა. ეს სატკივარი მტანჯავს მას შემდეგ, რაც იმ წყეულ ლომს
გადავეყარე. ამ ცოტა ხნის წინათ კი ჭრილობა გამეხსნა და ჩვეულებრივზე
მეტად დავიწყე კოჭლობა.

ალბათ ლომის ქტილებში არის რადაც შხამი, თორუმ რას უნდა მიეწეროს ის ამბავი, რომ სავსებით მოშუშებული ჭრილობა ისევ და ისევ იხსნის ხოლმე პირს? თანაც ნუ დაგავიწყდებათ, ეს ხდება ყოველწლიურად და მუდამ ერთსა და იმავე დროს.

ჩემს სიცოცხლეში სამოცდახუთი ლომი მყავს მოკლული. ნადირობისას თავზე ბეწვიც კი არ შემრხევია და განა საწყენი არ არის, რომ იმან, სამოცდამექვემ, ასე უმოწყალოდ დამიღიჯნა ვეხი? ეს არღვევს საქმის ბუნებრივ მსვლელობას; მე კი, სხვა სიკეთესთან ერთად, წესრიგის მოყვარული კაცი ვარ და არ მომწონს ეს ამბავი.

გარდა ამისა, მინდა ჩემმა ვაჟიშვილმა პარიმ, რომელიც ამჟამად ლონდონის ერთ-ერთ სავადმყოფოში პრაქტიკაზე იმყოფება და მალე ექიმი უნდა გახდეს, ამ მოთხოვნის კითხვისას დროებით დაივიწყოს თავისი საქმეები და ცოტათი მაინც გაერთოს.

საბრალო ბიჭს საავადმყოფოში მუშაობით ალბათ თავი აქვს მობეზრებული და ვფიქრობ, მაინცდამაინც არც გვამების გაპევთა ანიჭებს დიდ სიამოვნებას... ყოველ შემთხვევაში, პარის ეს წიგნი მოსაწყენი არ მოეწვენება და მის ერთფეროვან ცხოვრებას ორიოდე დღით მაინც გაახალისებს. მით უმეტეს, რომ აქ მრავალ საოცარ ამბავს ამოიკითხავს.

იქნებ გაგიკვირდეთ, ამ წიგნის ფურცლებზე, ფულატას გარდა, არც ერთი ქალი რომ არ შეგხვდებათ, თუმცა, რას ვამბობ, არის კიდევ გაგულა, მაგრამ ახლაც არ ვიცი, ქალი იყო ის თუ ქაჯი. ასეა თუ ისე, საოცალავში ჩასაგდები არ არის, რადგან სულ ცოტა, ასი წლის მაინც იქნებოდა და დამეთანხმებით, თავისი ქალობით დიდად არავის დააინტერესებდა.

მაგრამ ხომ არ არის დრო, გავება უდელში და გავწიო ეს მძიმე ჭაპანი? აქ, ცოტა არ იყოს, ძნელი სავალია და ვშიშობ, ბორბლებიანად ჭანჭრობში არ ჩავეფლა. თუმცა ხარები ადვილად ამომათრევენ იქიდან. ძლიერ უდლეულს ეს არ გაუქირდება, სუსტი კი, რასაკვირველია, ვერაფერს გააწყობს. ასე და ამგვარად, ვიწყებ თხრობას!

„მე, ალან ქუოტერმენი, ნატალის პროვინციის ქალაქ დურბანის მცხოვრები, ჯენტლმენი, ფიცსა ვდებ და ვაცხადებ, რომ...“ ამგვარად დავიწყე ჩენების მიცემა სასამართლოში ხიგასა და ვენტფორგელის საბედისწერო დაღუპვის გამო, მაგრამ წიგნისთვის ასეთი დასაწყისი მაინცდამაინც შესაფერისი არ უნდა იყოს.

ვეჭვობ აგრეთვე, შემიძლია თუ არა ჯენტლმენი ვუწოდო ჩემს თავს? საერთოდ, რას ნიშნავს სიტყვა „ჯენტლმენი“? ამ საკითხში ჯერჯერობით კარგად ვერ გავრცელებარ. ჩემს ცხოვრებაში არა ერთსა და ორ ნიგერთან მქონია საქმე... არა, არა, წავმლი ამ სიტყვას, არ მომწონს იგი. მე ვიცნობდი ზანგებს, რომლებიც ნამდვილი ჯენტლმენები იყვნენ, ამაში შენც დამეთანხმები, პარი, ჩემთ ბიჭიკო, როცა ბოლომდე ჩაიკითხავ ამ წიგნს... ვიცნობდი აგრეთვე ძალზე ბოროტსა და ფლიდ თეთრკანიანებს, ჯენტლმენობისა რომ არა ეცხოთ რა, თუმცა ფული თავსაყრელად პქონდათ. ყოველ შემთხვევაში, მე ჯენტლმენად ვარ შობილი, მიუხედავად იმისა, რომ ერთი საწყალი მეწვრილმანე და მონადირე გახლდით. შემომრჩა თუ არა ცხოვრებაში ჯენტლმენობა, ეს თქვენ განსაჯეთ, მე ვერაფერს გეტყვით. ისე კი, გამოგიტყდებით, ძალიან დიდი სურვილი მქონდა ჯენტლმენი ვეოფილიყავი.

ჩემს სიცოცხლეში ბევრი ადამიანი გამოვასალმე წუთისოფელს, მაგრამ უმანკო სისხლით ხელი არახოდეს გამისვრია. გკლავდი მხოლოდ მაშინ, როცა იძულებული ვიყავი, თავი გადამერჩინა.

უფალმა გვიბოძა სიცოცხლე და გვიბრძანა, დაგვეცვა იგი. მეც მუდამ ამ მრწამსით ვმოქმედებდი და იმედი მაქვს, როცა ჩემი განკითხვის უამი დადგება, უფალი მომიტევებს.

ვაი რომ ქვეყანა ბოროტებით არის სავსე და ეს წენარი ადამიანი იძულებული შევიქმნი ბლომად დამედვარა სისხლი. არ ვიცი, სწორად ვმსჯელობ თუ არა, მაგრამ ნაქურდალით ხელი არასოდეს მომითბია, თუმცა ოდესდაც, ერთ კაფრს მოტყუებით გამოვაცალე ხელიდან ძროხების ჯოგი. მართალია, ვალში არც ის დამრჩნიდა და კარგადაც გამაცურა, მაგრამ სინდისი მაინც დღემდე მქენჯნის.

ამრიგად, სერ პენრი კურტისსა და კაპიტან გუდს დაახლოებით თვრამეტი თვის წინათ შექვედი. ეს შემდეგნაირად მოხდა:

იმხანად ბამანგვატოს მახლობლად სპილოებზე ვნადირობდი, მაგრამ რატომდაც ხელი მომეცარა, ბოლოს საშინელმა ციებ-ცხელებამ დამრია ხელი. ოდნავ მოვიკეთე თუ არა, მაშინვე ალმასის ქვიშრობისაკენ გავწივ. აქ გავყიდე სპილოს ძვლები, ფურგონი, ხარები, ანგარიში გავუსწორე მონადირეებს და ჩავჯექი საფოსტო კარეტაში, რომელიც კაპში მიდიოდა.

კაპში ერთი კვირა სასტუმროში ვცხოვრობდი და, უნდა გამოვტყდე, საკმაოდ დამიცარიელებს ჯიბე. საქმე არა მქონდა რა და, დრო ტყუილუბრალოდ რომ არ დამეცარგა, გადავწევიტე დამეთვალიერებინა ქალაქის ყველა დირსშესანიშნავი ადგილი. მოვიარე ბოტანიკური ბაღები, რომელთაც, ჩემი აზრით, ქვეყნისთვის დიდი სიკეთე და სარგებლობა მოაქვთ, მოვინახულე პარლამენტის შენობაც, რომელსაც არავისთვის არავითარი სარგებლობა არ უნდა მოჰქონდეს. კვირის სწორზე გადავწევიტე „დანკელდით“ ნატალში დაგბრუნებულიყავი. ეს გემი იმხანად ნაგსადგურში იდგა და ინგლისიდან „ედინბურგ კასტლს“ მოელოდა.

ის იყო ფული გადავიხადე და გემზე ავედი, რომ „ედინბურგ კასტლმაც“ მოატანა, ნატალში მიმავალი მგზავრები ამ გემიდან „დანკელდზე“ გადმოსხდნენ. მეზღვაურებმა დუზა აუშვეს და ჩვენ ზღვაში გავედით.

ახალ მგზავრებს შორის გემბანზე ჩემი უურადღება ორმა კაცმა მიიპყრო. ერთი მათგანი ასე, ოცდაათიოდე წლის ჯენტლმენი იქნებოდა. გამოგიტყდებით, ასეთი მოსული და ლამაზი მამაკაცი მანამდე არსად შემხვედრია.

მას ქერა თმა, სქელი წვერი, სახის სწორი ნაკვთები, ღრმად ჩამჯდარი ნაცრისფერი თვალები ჰქონდა და თავისი გარეგნობით რატომდაც ძველ დანიელს მომაგონებდა. ეს, რასაკვირველია, არ ნიშავს იმას, თითქოს დანიელებზე ბევრი რამ ვიცოდე. ჩემს ცხოვრებაში მხოლოდ ერთ დანიელს შევხვდი და ისიც საკმაოდ გაიძვერა აღმოჩნდა.

პო, კიდევ ერთხელ, დიდი წინათ ვნახე სურათი. ტილოზე რამდენიმე ბატონი იყო დახატული, ისინი ძალზე წააგავდნენ თეთრკანიან ზულუსებს. ხელში ყანწები ეჭირათ, გრძელი თმა კი ზურგზე ჩამოშლოდათ. როცა კიბესთან ჩვენს ახალ მგზავრს უცეკეროდი, უნებლიერ გამიელვა ფიქრმა, ამ კაცმა თმა ოდნავ რომ მოზარდოს, ჯავშანი ჩაიცვას, ხელში საბრძოლო ნაჯახი და კათხა დაიჭიროს, თაგისუფლად შეეძლება იმ სურათისთვის პოზირება-მეთქი.

სხვათა შორის, შემდგომ შევიტყვე, რომ პენრი კურტისის ძარღვებში (პენრი კურტისი ის მაღალ-მაღალი ჯენტლმენი გახლდათ) მართლაც ჩქეფდა დანიური სისხლი. საოცარია, როგორ იჩენს ხოლმე თავს მემკვიდრეობა! პო, კურტისი ვიდაც ჩემს ძველ ნაცნობსაც მივამსგავსე, მაგრამ ვის, ვეღარ გავისხენე.

სულ სხვა იყო მეორე მამაკაცი, სერ პენრის რომ ესაუბრებოდა. შევხედე თუ არა, იმწამსვე გავიფიქრე, საზღვაო ოფიცერი იქნება-მეთქი. არ ვიცი, რატომ

და საზღვაოსნო ოფიცრებს თვალის ერთი შევლებით იცნობს ხოლმე კაცი. მე რამდენჯერმე მქონდა შემთხვევა, მენადირა მათთან ერთად და ყოველთვის კმაყოფილი ვრჩებოდი. ყველანი არაჩვეულებრივად გაბედული, სასიამოვნო ვაჟპაცები იყვნენ, რაც ასე იშვიათია ჩვენს დროში. მხოლოდ ერთი რამ არ მომწონს მათი – ძალიან უყვართ უშვერი სიტყვები და ლანძღვა-გინება. თუ გაგონდებათ, ამ მოთხოვობის დასაწყისში ვიკითხე, ვინ არის ნამდვილი ჯენტლმენი-მეთქი? ახლა შემიძლია ამ კითხვაზე გიპასუხოთ. ნამდვილი ჯენტლმენი ბრიტანეთის სამეფო ფლოტის ოფიცერი გახლავთ. თუმცა, რასაკ-ვირველია, გამონაკლისი მათ შორისაც არის. ვფიქრობ, ზღვის უკიდეგანო სივრცე და მსუსხავი ქარები, რომელთაც თვით დმერთების სუნთქვა მოაქვთ, წმენდენ და აკრიალებენ მათ გულებსა და გრძნობებს ყოველგვარი სიბილწისაგან.

მაგრამ დავუბრუნდეთ ჩვენს მოთხოვობას. მე ახლაც მართალი გამოვდექი. ეს კაცი მართლაც ყოფილი საზღვაო ოფიცერი იყო. უმწიკვლოდ ემსახურა მისი უდიდებულესობის, ბრიტანეთის დედოფლის ფლოტში ჩვიდმეტი წელი და სრულიად მოუღლოდნელად, საკუთარი სურვილის გარეშე, კაპიტნის ჩინით რეზერვში ჩაერიცხათ. აი, რა მოელით ადამიანებს, რომლებიც დედოფლის სამსახურში იმყოფებიან. როგორც კი ცოდნასა და გამოცდილებას დააგროვებენ და მათი ნიჭი, მათი უნარი სრულად გაიფურჩქება, თავიდან იცილებენ, უსპობენ ყოველგვარ საარსებო წყაროს და ცხოვრების ბობოქარ ტალღებში მოისვრიან ხოლმე. შესაძლოა, ისინი ურიგდებიან კიდეც ასეთ ცხოვრებას, მაგრამ მე მირჩევნია, ლუკმაპური ნადირობით ვიშოვნო. რა თქმა უნდა, ფული ცოტა მექნება, მაგრამ, სამაგიეროდ, დამცირებასა და ზედმეტ ჭირდაშებს გადავურჩები.

კაპიტანი ჯონ გუდი – მე მისი სახელი და გვარი მგზავრთა სიაში ამოვიკითხე – ოცდაათიოდე წლის, ჩასკვნილი, საშუალო ტანის შავთმიანი და საკმაოდ ორიგინალური გარეგნობის მამაკაცი იყო. ძალზე ფაქიზად და გემოვნებით ეცვა, წვერი გულდაგულ გაეპარსა, თვალზე კი მონოკლი ედგა. ეს მონოკლი ზედ შეხორცებული გეგონებოდათ, რადგან უზონროდ ატარებდა და მხოლოდ მაშინ მოიხსინდა ხოლმე, როცა გაწმენდას დააპირებდა. ჩემი გულუბრყვილობით მეგონა, საწოლშიაც ასე ძინავს-მეთქი, მაგრამ მერე დავრწმუნდი, რომ ვცდებოდი. ძილის წინ მონოკლს, ხელოვნურ კბილებითან ერთად, შარვლის ჯიბეში ინახავდა. კბილები ორი წყვილი ჰქონდა, თანაც, ისე ოსტატურად ნახელავი, რომ ხშირად მავიწყდებოდა მეათე მცნება, რადგან საკუთარით მაინცდამინც კმაყოფილი არ ვიყავი.

მე მგონია, ცოტა ავჩარდი.

ზღვაში რომ გავედით, მალე მოსადამოვდა, ნაპირიდან სუსხიანმა ქარმა დაქროლა, ცოტა წამოწინწკლა კიდეც. მგზავრებმა კაიუტებს შეაფარეს თავი და გემბანი მალე დაცარიელდა. ჩვენს ბრტყელფსკერიან გემს მსუბუქი ტვირთი მიჰქონდა, ამიტომაც ტალღები თავის ნებაზე ათამაშებდა. ზოგჯერ გვეგონა, სადაც არის, გადავყირავდებითო, მაგრამ, საბედნიეროდ, მსგავსი არაფერი მომხდარა.

გემბანზე ვეღარ გავძელი, დაბლა ჩავედი და სამანქანო განყოფილებასთან დავდექი. აქ თბილოდა. თანაც დახრის საზომის შევყურებდი და თავს ვირთობდი. ხელსაწყოს ისარი ნელ-ნელა მოძრაობდა და გემის ყოველ დაფერდებაზე დახრის კუთხეს უჩვენებდა.

– ესეც დახრის საზომია, რაღა, მგონი, შემოწმებულიც არ არის! – ბრაზით ჩაილაპარაკა ვიდაცამ ჩემ გვერდით.

მივიხედვ და სწორედ ის ოფიცერი დავინახე, წელან გემბანზე ჩემი უურადღება რომ მიიპყო.

- მართლა? რატომ ფიქრობთ ასე? – გავეპასუხე.
- რატომ ფიქრობო? აქ საფიქრალი რა არის? გემი რომ მართლა იმ გრადუსამდე გადახრილიყო, ეს ხელსაწყო რომ უჩვენებს, მაშინვე გადავყირავდებოდით; თუმცა სავაჭრო ფლოტის კაპიტანს სხვა რა მოეთხოვება, მაგათხე დაუდევარი არავინ მინახავს.

სწორედ ამ დროს გაისმა გონგის ხმა. მგზავრებს სადილად უხმობდნენ. ამან ძალზე გამახარა, რადგან აუგანელი მოსახმენია, როცა ბრიტანეთის ფლოტის კაპიტანი სავაჭრო ფლოტის კაპიტანის შემკიბას იწყებს. ამაზე უარესი მხოლოდ ერთი რამ არის – უსმინო, რა გულახდილად თათხავს სავაჭრო ფლოტის კაპიტანი ბრიტანეთის ფლოტის ოფიცერებს.

მე და კაპიტანი გუდი კაიუტ-კომპანიაში ჩავედით. სერ ჰენრი კურტისი უკვე სუფრას უჯდა. კაპიტანი გუდი გვერდით მოუჯდა, მე კი მათ პირდაპირ დავიკავე ადგილი. მე და კაპიტანმა ნადირობაზე ჩამოვაგდეთ საუბარი. იგი კითხვას კითხვაზე მაყრიდა, მე კი ვცდილობდი, რაც შეიძლება, ამომწურავი პასუხი გამეცა. მალე სპილოებზეც ჩამოვაგდეთ სიტყვა.

- ბედი გქონიათ, სერ, – თქვა ვიდაც უცნობმა ჩემ გვერდით, – ქუოტერმენზე უკეთესად ვის შეუძლია სპილოებზე რამე გითხრათ.

სერ ჰენრი აქამდე უხმოდ ისმენდა ჩვენს საუბარს. ამ სიტყვებზე კი შესამჩნევად შეგროთა.

- მაპატიეთ, სერ, თქვენ ალან ქუოტერმენი ხომ არ ბრძანდებით? – ბოხი ხმით მკითხა მან.

– გახლავართ-მეთქი, – გუპასუხე.

„მართლაც ბედი მქონია“, – თავისთვის ჩაილაპარაკა სერ ჰენრიმ, ჩემთვის კი აღარავერი უთქვამს.

ნასადილებს კაიუტ-კომპანიიდან რომ გამოვდიოდით, სერ ჰენრიმ მთხოვა, ჩემთან შემობრძანდით, ჩიბუხი გავაბოლოთო. კაიუტა ფართო და ნათელი იყო. გემბანზე გადიოდა. იგი ორი კაიუტისაგან გადაეკეთებინათ. ოდესდაც ერთ-ერთ წარჩინებულ ფრანგს „დანკელდით“ ზღვის სანაპიროს გასწვრივ უმოგზაურია, ეს კაიუტაც მაშინ მისთვის მოუწყვიათ, ტიხარი აუდიათ და მერე ადარ აღუდგენიათ. კაიუტაში ფართო დივანის წინ პატარა მაგიდა იდგა, სერ ჰენრიმ სტიუარდს ვისკი შეუკვეთა, ჩვენ კი ამასობაში ჩიბუხები გავაჩადეთ.

- მისტერ ქუოტერმენ, – თქვა სერ ჰენრიმ, როცა სტიუარდმა ვისკი შემოიტანა და ლამპა აანთო, – შარშანწინ, დაახლოებით ამ დროს, მგონი, ტრანსგაბლის ჩრდილოეთით, ბამანგვატოში იყვით, არა?

– დიახ, დიახ, – მივუგე გაოცებულმა. გამიკვირდა, ამ უცხო ადამიანმა საიდან იცის, სად ვიყავი და სად არა-მეთქი.

– თქვენ იქ ვაჭრობდით? – მკვირცხლად შემეგოთხა გუდი.

– ჟო, საქონლით დატვირთული ფურგონი წავიყვანე, ბამანგვატოში გავჩერდი და სანამ ყველაფერი არ მივყიდ-მოვყიდე, ვეხი არ მოვიცვალე.

სერ ჰენრი ჩემ პირდაპირ მოწნულ სავაჭრელში იჯდა, იდაყვებით მაგიდას დაყრდნობდა, თვალჩაციებით მიცემდა და რაღაც უცნაურად აღელვებული ჩანდა.

– შემთხვევით ხომ არ შეხვედრიხართ იქ ვინმე ნევილს? – მკითხა მან.

– როგორ არა, ნევილმა თავისი ფურგონი სწორედ ჩემი ფურგონის გვერდით დააყენა. ორიოდე კვირა დაჭყო იქ. უნდოდა ხარები დაესვენებინა და ისევ განეგრძო გზა. ამ რამდენიმე თვის წინათ ვიდაც ვექილის წერილიც

მივიღე, მთხოვდა, თუ იცით, მაცნობეთ, ნევილი საით გაემზავრაო; მეც დაუყოვნებლივ მივწერე, რაც ვიცოდი.

— დიახ, — მითხრა სერ ჰენრიმ, — იმ ვექილმა გადმომიგზავნა თქვენი წერილი, სადაც ატყობინებდით, ჯენტლმენი, გვარად ნევილი, მაისის პირველ რიცხვებში ბამანგვატოდან ფურგონით გაემზავრა, თან კაფრი მონადირე ჯიმი ახლდაო. ნევილს უწდოდა, აინაიტამდე, მატაბელეს სულ ბოლო დასახლებამდე მისულიყო, იქ ფურგონი გაეყიდა და გზა ფეხით განეგრძოო. იწერებოდით აგრეთვე, ნევილს მართლაც გაუყიდია თავისი ფურგონი, რადგან ექვსი თვის შემდეგ მას ერთი პორტუგალიელი ვაჭარი დაატარებდაო. პორტუგალიელს ფურგონი აინაიტამდე თეთრკანიანისაგან ეყიდა. იმ კაცის სახელი ადარ ახსოვდა, მაგრამ დაბეჯითებით ამბობდა, ისა და მისი შავკანიანი გამყოლი სანადიროდ აფრიკის შუაგულისკენ წავიდნენო.

— სრული სიმართლეა, — დავუდასტურე მე.

ერთხანს სამივენი ჩუმად ვისხედით.

— მისტერ ქუოტერმენ, — მოულოდნელად მითხრა სერ ჰენრიმ — თქვენ, რასაკვირველია, არ იცით და ვერც ხვდებით, რამ აიძულა ჩემი... ჰმ, დიახ... მისტერ ნევილი ჩრდილოეთისკენ დასდგომოდა გზას.

— როგორ არა, ცოტა რაღაც ვიცი, — მივუგე და გავჩუმდი, არ მინდოდა ამ საკითხზე ლაპარაკი.

სერ ჰენრიმ და გუდმა ერთმანეთს გადახედეს, კაპიტანმა მრავალმნიშვნელოვნად დააქნია თავი.

— მისტერ ქუოტერმენ, — განაგრძო სერ ჰენრიმ, — მინდა რაღაც გაგანდოთ და რჩევა გაითხოთ, ადვილი შესაძლებელია, თქვენი დახმარებაც დამჭირდეს. ჩემმა ვექილმა თქვენი წერილი გადმომცა და მითხრა: შეგიძლიათ მისტერ ქუოტერმენს სავსებით ენდოთ, მას ნატალში კარგად იცნობენ, საერთო პატივისცემით სარგებლობს, თანაც ისეთი კაცია, რომ საიდუმლოს არასოდეს გასცემს.

მე დარცხვენით დავუკარი თავი და, უხერხელობა რომ დამეფარა, გაზავებული ვისკი ოდნავ მოვსვი.

— მისტერ ქუოტერმენ, ახლა აღარაფერს დაგიმალავთ, მისტერ ნევილი ჩემი ძმაა.

— ოჲ, — წამოვიძახე მე და უცებ გამახსენდა, ვის მაგონებდა სერ ჰენრი კურტისი. მისტერ ნევილი უფრო ტანმორჩილი იყო, წერიც შავი ჰქონდა, მაგრამ ძმები თვალებით და სახის მოყვანილობით ძალიან წააგავდნენ ერთმანეთს.

— მისტერ ნევილი ჩემი ერთადერთი ძმაა, — განაგრძო სერ ჰენრიმ, — რაც თავი მახსოვს, უერთმანეთოდ დღეც არ გაგვიტარებია. ამ ხუთიოდე წლის წინათ კი დიდი უბედურება დაგვატყდა თავს: სამკვდრო-სასიცოცხლოდ ვიჩეუბეთ (ეს ხშირად ემართებათ ხოლმე ძალიან დაახლოებულ ადამიანებს) და მე მას საქმაოდ ცუდად მოვექეცი.

აქ კაპიტანმა გუდმა, თითქოს ამ სიტყვების დადასტურება სურსო, ენერგიულად დააქნია თავი. ამ დროს ჩვენი გემი კარგა მაგრად დაფერდდა, კედლის დიდი სარკე ზედ ჩემს თავზე მოექცა და სარკეში გამოჩნდა კაპიტანი, რომელიც გამალებით აკანტურებდა თავს.

— უთუოდ მოგეხსენებათ, — განაგრძო სერ ჰენრიმ, — რომ დიდი ბრიტანეთის კანონების მიხედვით, თუ კაცი მოკვდა ისე, რომ ანდერძის დატოვება ვერ მოასწრო, და თუ მას არ გააჩნდა სხვა ქონება, გარდა მიწისა, რომელსაც ჩვენში უძრავ საკუთრებას ემახიან, კველაფერი მისი უფროსი

შვილის ხელში გადადის. სამწუხაროდ, მამაჩვენი სწორედ მაშინ გარდაიცვალა, როდესაც მე და ჩემი ძმა ერთმანეთს ვემდუროდით. კანონის მიხედვით, მთელი აღგილ-მამულის მფლობელი მე შევიქენი, ჩემი ძმა კი ულუკმაპუროდ დარჩა, რადგან არც ფული გააჩნდა და არც რაიმე პროფესია ჰქონდა. რასაკვირველია, ვალდებული ვიყავი მიმეცა მისთვის წილი, მაგრამ ამ დროისთვის ჩვენს შორის მდგომარეობა იმდენად გამწვავდა (ამ სიტყვებს დრმა ოხვრა მოჰყვა), რომ საამისოდ თავი ადარ შევიწუხე. არ იფიქროთ, თითქოს მსურდა უსამართლოდ მოვპყრობოდი, მაგრამ სულ ველოდი, გაუჭირდება და პირველად თვითონ შემირიგდება-მეთქი. მაპატიეთ, ასეთ წვრილმანებზე რომ გელაპარაკებით, მაგრამ თქვენთვის ამთავითვე ყველაფერი ნათელი უნდა იყოს. ხომ ასეა, გუდ?

— რასაკვირველია, — მიუგო კაპიტანმა, — დარწმუნებული ვარ, მისტერ ქუოტერმენი არ გაგთქამთ.

— ეგ თავისთავად იგულისხმება, — ვუპასუხე მე. — უნდა გითხრათ, ძალიან ვამაყობ იმით, რომ საიდუმლოს შენახვა მეხერხება.

— ჰოდა, — განაგრძო სერ ჰენრიმ, — იმ დროისათვის ჩემს ძმას ბანგში რამდენიმე ასეული გირვანქა სტერლინგი ჰქონდა, ეს უმნიშვნელო თანხა ისე გამოიტანა, ჩემთვის არაფერი უთქვაშს, გვარი გადაიკეთა და გიური ოცნებით, რომ სიმდიდრეს მოიხვეჭდა, სამხრეთ აფრიკისკენ გაემგზავრა. ყველაფერი ეს შემდგომ შევიტყვე. სამიოდე წელმა განვლო, მე კი მასზე არაფერი მსმენია, წერილებს ვწერდი, მაგრამ, ცხადია, არ დებულობდა. რაც დრო გადიოდა, მით უფრო ვწუხდი. მაშინდა მივხვდი, მისტერ ქუოტერმენ, რას ნიშნავს საჯუთარი სისხლი და ხორცი.

— მართალს ბრძანებოთ, — მივუგე მე და თვალწინ ჩემი ჰარი დამიდგა.

— ჩემი ქონების ნახევარს მივცემდი, ვინც მეტყვის, ჯორჯი ცოცხალია და კარგად არისო. ღმერთო ჩემო, ნუთუ ადარასოდეს შევხვდებით ერთმანეთს?

— მე მგონია, დიდი იმედი არ უნდა იქონიოთ, კურტის, — ნაწყვეტნაწყვეტად თქვა კაპიტანმა და სერ ჰენრის გადახედა.

— დიახ, მისტერ ქუოტერმენ, წლები გადიოდა, მე კი სულ უფრო და უფრო მტანჯავდა ფიქრი იმაზე, ცოცხალი იყო თუ არა ჯორჯი და თუ ცოცხალი იყო, როგორ დამებრუნებინა შინ. დავიწყე ძებნა, მალე თქვენი წერილიც მივიღე, შევიტყვე, რომ არც თუ ისე დიდი ხნის წინათ კარგად ყოფილა და ცოტა დავმშვიდიდი, მაგრამ დღემდე მასზე სხვა ვერაფერი შევიტყვე. ბოლოს და ბოლოს, გადავწყვიტე, ჩამოვსულიყავი და ყველაფერი ადგილზე გამერკვია, კაპიტანმა გუდმა კი იმდენი სიკეთე გამოიჩინა, რომ თან წამომყვა.

— მოგეხსენებათ, სხვა საქმე მაინც არაფერი მაქვს, — თქვა კაპიტანმა გუდმა, — საადმირალოს ლორდებმა ფლოტიდან ნახევარ ხელფასზე გამომაგდეს, რომ შიმშილით სული ამომძრომოდა, ახლა კი, სერ, იქნებ დაწვრილებით გვითხრათ, რა იცით, ან რა გაგიგონიათ მისტერ ნევილზე?

თ ა ვ ი I I

ლ ე ბ ე ნ დ ა ს თ ლ თ მ თ ნ მ ე ვ ი ს
ს ა ბ ა დ თ ე ბ ზ ე

ჩიბუხს თამბაქოთი ვტენიდი და პასუხი კარგა ხანს დავაყოვნე.

— გითხრათ თუ არა ჩემმა ძმამ მაშინ, სად მიდიოდა, ან რას აპირებდა? — მოუთმენდად მკითხა სერ ჰენრიმ.

– მითხრა, მაგრამ დღემდე ამაზე სიტყვა არავისთან დამცდენია. მისტერ ნევილი მეუბნებოდა, სოლომონ მეფის საბადოებისკენ უნდა წავიდეო.

– სოლომონ მეფის საბადოებისკენ? მერე და, საით არის ეგ საბადოები?

– ერთბაშად წამოიყვირა ორივე.

– რა მოგახსენოთ, მეც გადმოცემით ვიცი. მართალია, დიდი ხნის წინათ დამანახეს მთის მწვერვალები, რომლის იქითაც თითქოს ის საბადოები მდებარეობს, მაგრამ იმ მთებამდე, მთელ ას ოცდაათ მილზე გადაჭიმული იყო უდაბნო. რამდენადაც ვიცი, თეთრკანიანთა შორის მხოლოდ ერთმა შეძლო მისი გადალახვა. მაგრამ იქნებ სჯობდეს გაგაცნოთ ლეგენდა სოლომონ მეფის საბადოებზე? ოდონდ სიტყვა მომეცით, რომ უჩემოდ არსად არაფერს იტყვით. თანახმა ბრძანდებით? მე სერიოზული საფუძველი მაქს, მოგმართოთ ასეთი თხოვნით.

– რასაკვირველია, რასაკვირველია! – წამოიძახა კაპიტანმა გუდმა, სერ პენრიმ კი მხოლოდ თავი დააჭნია.

– ალბათ მოგეხსენებათ, – დავიწყე მე, – რომ სპილოზე მონადირენი უხეში, ტლანქი ადამიანები არიან და, გარდა ყოველდღიური წვრილმანებისა, ცხოვრებაში არაფერი აინტერესებთ. თუმცა ზოგჯერ მათ შორისაც შეხვდებით ორიოდე კაცს, რომლებიც დიდი გულმოღვინებით კრებენ ადგილობრივ მკვიდრთა შორის გადმოცემებსა და ლეგენდებს და ცდილობენ ოდნავ მაინც ახადონ ფარდა ამ საიდუმლოებით მოცული ქვეყნის ისტორიას. პირველად სწორედ ასეთი ადამიანისაგან გავიგე ლეგენდა სოლომონ მეფის საბადოებზე. მას შემდეგ აგერ თცდაათი წელიწადი გავიდა. მაშინ სპილოებზე ნადირობა ის-ის იყო დავიწყე და საამისოდ მატაბელებს მხარე ავირჩივ. იმ კაცის გვარი ივენსი იყო. საბრალო მომდევნო წელიწადს დაიღუპა – დაჭრილმა კამეჩმა იმსხვერპლა. ზამბეზის ჩანჩქერთან დაასაფლავეს. მახსოვს, ერთ საღამოს ვუთხარი, ანტილოპებზე ნადირობისას საოცარ საბადოს წავაწყდი-მეთქი, ის ადგილი ახლა ტრანსვალის ლიდენბურგის რაიონს ეკუთვნის. ახლახან მითხრეს, ოქროსმაძიებლებმა იქ საბადო აღმოაჩინესო, მაგრამ მე დიდი ხნის წინათ ვიცოდი მისი არსებობა. იქ პიტალო კლდეში გაჭრილია ფართო გზა, რომელიც საბადოს შესასვლელში, ანუ ტალანში ჩადის. ამ ტალანში გროვა-გროვა ყრია ოქროვანი კვარცი, ჩანს, იგი დასამსხვრევად იყო გამზადებული. ყველაფერზე ეტყობა, რომ მუშები, ვინც არ უნდა ყოფილიყვნენ ისინი, იძულებულნი გამხდარან სასწრაფოდ მიეტოვებინათ იქაურობა. შესასვლელიდან ოციოდე ნაბიჯის დაშორებით, სიღრმეში ოსტატურად მოპირკეთებული ფართო ტალანი მიემართება.

– მართლა? – წამოიძახა ივენსმა, – მე კი უფრო გასაოცარ ამბავს გეტყვი. ერთხელ აფრიკის შუაგულში თავს წავადექი ქალაქის ნანგრევებს. ჩემი აზრით, ეს იყო ოფორი, დაბადებაში რომ არის მოხსენებული. – სხვათა შორის, კარგა ხნის შემდეგ სხვა, უფრო გამოცდილმა და განათლებულმა მკაფიობრებმა დაადასტურეს ივენსის ეს მოსაზრება.

მახსოვს, მოჯადოებულივით ვისმენდი და ხარბად ვიჭერდი მის ყოველ სიტყვას. მხიბლავდა თხრობა უძველეს ცივილიზაციაზე და იმ განძეულზე, იუდეველ და ფინიკიელ ავანტიურისტებს აფრიკიდან რომ გაჰქონდათ, როცა ქვეყანა კვლავ ბარბაროსულ მდგომარეობას დაუბრუნდა.

– გაგიგონიათ რამე სულეიმანის მთებზე? – მკითხა უკურად ივენსმა, – ეს მთები მაშუალუმბვეს ჩრდილო-დასავლეთით მდებარეობს.

მე ვუპასუხე, არაფერი გამიგია-მეთქი.

– პოდა, სოლომონ მეფის საბადოები სწორედ იმ მთების გადაღმა არის. მე, რასაკირველია, ალმასის საბადოებს გულისხმობ.

– საიდან იცით? – შევეკითხე.

– როგორ თუ საიდან? განა სულეიმანი დამახინჯებული „სოლომონი“ არ არის? გარდა ამისა, მონიკას მიწაზე ერთმა მოხუცმა იზანუზიმ მითხრა, იმ მთების იქით მცხოვრები ხალხი ზულუსების ტომის შთამომავალია, მათ კილოკავზე ლაპარაკობენ, მაგრამ უფრო ტანმაღალი და ლამაზები არიანო. წინათ თურმე მათ შორის გრძნეულებიც ყოფილან, გრძნეულებს მისნობა თეთრკანიანებისაგან ჯერ კიდევ მაშინ შეუთვისებიათ, „როცა მთელი სამყარო ბნელით მოცული ყოფილა“. მაშინ თურმე იცოდნენ, სად იყო ის საბადოები, ბრჭყვიალა ქვებს რომ პოულობდნენ.

მართალი რომ მოგახსენოთ, ივენისის ნაამბობი მაშინ სასაცილოდ მეჩვენა, თუმცა დამაინტერესა კია, რადგან ალმასის ქვიშობი იმ დროს ჯერ კიდევ არ იყო აღმოჩენილი. საბრალო ივენის მალე იმ ადგილებიდან გამოემგზავრა და დაიდუა კიდეც. მთელი ოცი წლის განმავლობაში ერთხელაც არ გამხსენებია მაშინდელი ჩვენი საუბარი. მაგრამ სწორედ ოცი წლის შემდეგ – ეს კი სამკაოდ დიდი დროა, რადგან სპილოებზე ნადირობა მეტად საშიში ხელობაა და მონადირეთა შორის იშვიათად თუ ვინმე ცოცხლობს ამდენ ხანს – ბევრი რამ შევიტყვე სულეიმანის მთებსა და მათ გადაღმა მხარეზე. იმსანად მონიკას მიწის იქით, კრაალ სიტანდში ვცხოვრობდი. უნდა მოგახსენოთ, მეტად საზიზდარი ადგილია, საჭმელი არაფერია და არც ცხოველი ან ფრინველია სადმე, რომ კაცმა ცოტა მაინც წაინადიროს. ციებ-ცხელებამ შემომიტია და თავს საძაგლად ვგრძნობდი. სწორედ ამ დროს კრაალში ერთი პორტუგალიელი მოვიდა. მას მეტისი მსახური ახლდა. უნდა გითხრათ, პორტუგალიელებს კარგად ვიცნობ, რადგან ხშირად შევხვედრივარ დელაგოაში. დედამიწის ზურგზე არ მოიპოვება მათზე უფრო ვერაგი და მზაკვარი ხალხი. ყველამ იცის, რომ ისინი თავიანთი მონების სისხლითა და ტანჯვა-წამებით მდიდრდებიან. მაგრამ ეს ადამიანი არაფრით არ პგავდა თავის თანამემამულებს და უფრო ზრდილობიან ესპანელს მოგაგონებდათ – ისეთ ესპანელს, წიგნებში გმირებად რომ გამოჰყავთ ხოლმე. ეს იყო მაღალ-მაღალი, გამხდარი კაცი, კეთილი, შავი თვალები და ხუჭუჭი, ჭაღარა ულვაში ჰქონდა.

ჩვენ ერთხანს ვიმუსაიფეთ, მან დამტვრეული ინგლისური იცოდა, მე კი ცოტ-ცოტა პორტუგალიური მახსოვდა. გამეცნო, ხოზე სილვესტრი გახლავარ, დელაგოას ყურესთან საკუთარი მიწის ნაკვეთი მაქვსო. გამოთხოვებისას ძველებურ ყაიდაზე კოხტად მომიხადა ქუდი და მითხრა:

– ნახვამდის, სენიორ, თუკი ოდესმე ამქვეწად ისევ შევხვდით ერთმანეთს, იცოდეთ, მაშინ უმდიდრესი ადამიანი ვიქნები და თქვენც არ დაგივიტყებთ.

ამ სიტყვებმა ცოტა გამამხიარულა, თუმცა ძალზე მისუსტებული ვიყავი და სიცილის თავი არ მქონდა. დავინახე, რომ სილვესტრი დასავლეთისაკენ გაემართა და გეზი დიდი უდაბნოსკენ აიღო. ნეტავ რას ეძებს, რა დარჩენია იქ, ჭარაზე აფრაკად ხომ არ არის-მეთქი? – გავიფიქრე მაშინ.

გავიდა ერთი პგორა, ნელ-ნელა გამოვჯანსაღდი. ერთ სადამოს პატარა კარვის წინ ვიჯექი (ამ კარავს ყველგან თან დავატარებდი) და საცოდავი, გაძვალტყავებული ჩირის ფეხს ვლრღნიდი. ეს ჩიტი ერთ ზანგს გავუცვალე ქსოვილში, რომელშიც, სულ უკანასკნელი, ოცი ასეთი ჩიტი მაინც მეკუთვნოდა.

ფიქრმორეული გავცექროდი წითლად გავარვარებულ მზეს, უკიდეგანო უდაბნოში რომ იძირებოდა. უკერად სამასიოდე იარდის დაშორებით, ბორცვზე ვიდაც კაცს მოვკარი თვალი. ტანსაცმელზე ეტყობოდა, ევროპელი უნდა

უოფილიყო. ჯერ მოფორთხავდა, შემდეგ წამოდგა, ტორტმანით გაიარა რამდენიმე იარღი, მერე დაეცა და ისევ წამოფორთხდა. მივხვდი, საქმე კარგად არ იყო და დასახმარებლად ერთ-ერთი ჩემი მონადირე გავაგზავნე. იგი მალე დაბრუნდა და, როგორ გგონიათ, ვინ მოიყვანა?

— რასაკვირველია, ხოზე სილვესტრი იქნებოდა, — წამოიძახა კაპიტანმა გულმა.

— დიახ, ხოზე სილვესტრი გახლდათ, უფრო სწორად რომ ვთქვათ, კანგადაკრული მისი ჩონჩხი. ციებ-ცხელებისაგან სახე ბიასავით გახდომოდა, სიგამხდრით თვალები ლამის ბუდიდან გადმოცვენოდა, ყვითელ კანქეშ, რომელიც პერგამენტს უფრო წააგავდა, საცოდავად ამოჩროდა ძვლები, თმა კი ერთიანად გაჭადარავებოდა.

— წყალი, დვთის გულისათვის, წყალი! — ამოიკვნესა მან. დამსკდარ-დახეთქილი ტუჩები ძლიერ აამოძრავა და ჩაშავებული ენა გამოუჩნდა.

მე რძეგარული წყალი მივაწოდე. ერთბაშად უზარმაზარი ყლუპებით დასცალა ორი კვარტი. მეტის მიცემა შემეშინდა. ცოტა ხნის შემდეგ ციებ-ცხელებამ შემოუტია, დაეცა და ბოდვა დაიწყო. რას არ ახსებებდა: სულეიმანის მოებს, ალმასებს, უდაბნოს... საბრალო კაცი კარაგში შევიყვანე და ვცდილობდი, რამდენადაც შემეძლო, ტანჯვა შემემსუბუქებინა. რასაკვირველია, ბევრი არაფერი შემეძლო. ჩემთვის ცხადი იყო, რით დამთავრდებოდა ყველაფერი ეს.

ასე, თერთმეტი საათისთვის ავადმყოფი ოდნავ დამშვიდდა, მეც დავწექი, ვიფიქრე, ცოტა დავისვენებ-მეთქი, მაგრამ ჩამძინებოდა. ალიონზე გამომედვიძა, ბინდბუნდში ჩემს სტუმარს მოვდარი თვალი. გამხდარ-დალეული, ქვეშაბებზე წამომჯდარიყო და უდაბნოს გასცექროდა. უეცრად მზის პირველმა სხივმა ჩვენს წინ გადაშლილი ფართო ველი გაანათა, მერე ჩვენგან ასეული მილით დაშორებული სულეიმანის მოების ყველაზე მაღალი მწვერვალი მოძებნა და ზედ გასრიალდა.

— აჲა, აი, ისიც! — წამოიძახა მომაკვდაგმა პორტუგალიურად და გრძელი, ძვალტყავად ქცეული ხელი გაიწვდინა, — მაგრამ მე ვერასოდეს, ვერასოდეს ვეღარ მივაღწევ იქამდე, ვერც სხვა ვინმე მივა, ვერა! — უეცრად დადუმდა, თითქოს რადაც უნდა მოიფიქროსო. — მეგობარო, — მითხრა მერე და ჩემკენ შემობრუნდა, — აქა ხართ? თვალთ დამიბნელდა, ვეღარაფერს ვხედავ.

— ნუ გეშინიათ, თქვენ გვერდითა ვარ, — ვუთხარი. — ახლა დაწექით და დაისვენეთ.

— დასასვენებლად დრო მერეც მეყოფა, — მომიგო საბრალომ, — მალე, სულ მალე სამუდამოდ დავისვენებ... ვავდები... თქვენ ადამიანურად მომეცყარით. მინდა გადმოგცეთ ერთი დოკუმენტი. იქნებ თქვენ მაინც გაგიღიმოთ ბედმა და მიხვიდეთ იქამდე, თუ გაუძლებთ უდაბნოში მგზავრობას. უდაბნომ, უდაბნომ დამღუპა მეცა და საბრალო ჩემი მსახურიც.

თქვა ეს, უბეში ხელი ჩაიყო და ამოიღო რაღაც ნივთი, რომელიც ანტილოპას ტყავისაგან გაპეტებულ თამბაქოს ქისას მივამსგავსე — ისეთ ქისას, ბურებს რომ აქვთ ხოლმე. იგი მაგრად იყო შეკრული ტყავის თასმით, რომელსაც ჩვენ „რიმპის“ ვეძახით. მომაკვდავი შეეცადა თასმა გაეხსნა, მაგრამ ძალა არ ეყო. მაშინ ის ნივთი მე გამომიწოდა და მოხოვა, გამიხსენიო. უმალ შევაგებე ხელი, გავხსენი და დაფლეთილი, გაყვითლებული ტილოს ნაჭერი ამოვიდე; ტილოზე უანგისფერი ასოებით რაღაც ეწერა, შიგ კი ქაღალდი იყო გახვეული.

ხოზე სილვესტრს ძალამ უმტყუნა, იგი ოდნავდა ჩურჩულებდა:

– მაგ ქადალდზე ის წერია, რაც ტილოზე იყო დაწერილი, ამ ამბების გარკვევასა და დაზუსტებას მრავალი წელი მოვანდომე. მისმინეთ! ჩემი წინაპარი, ლისაბონელი პოლიტიკური ემიგრანტი, ერთ-ერთი პირველთაგანი გადმოვიდა ამ ნაპირზე თავის თანამემამულეებთან ერთად. ეს დოკუმენტი კი დაწერა სიკვდილის წინ, აი, იმ მთებში, სადაც არც მანამდე, არც შემდეგ თეთრკანიანს ფეხი არ დაუდგამს. ეს ჩემი წინაპარი ხოზე და სილვესტრა იყო და ზუსტად სამასი წლით წინათ ცხოვრობდა. მონას, რომელიც მთების გადმოღმა ელოდა, კოვნა მისი გვამი და ეს წერილი შინაურებისათვის მოეტანა. წერილი ოჯახში ინახებოდა, მაგრამ მისი წაკითხვა არასოდეს არავის უცდია, ვიდრე ბოლოს მე არ დავინტერესდი. ამან შეიწირა ჩემი სიცოცხლე, ახლა შეიძლება ვინმე სხვას გამოადგეს და უმდიდრესი კაცი გახადოს. ოდონდ ამ ქადალდს ხელში ნურვის ჩაუგდებთ. თქვენ თვითონ სცადეთ ბედი.

ამის შემდეგ კალავ ბოდვა დააწყებინა და ერთ საათში გათავდა კიდეც-დმერთმა სასუფეგელი დაუმკვიდროს მის სულს! მშვიდად მოკვდა. რაც შემეძლო, ღრმად გავუთხარე სამარე და ზედ დიდი ქვები დავაწყვე, იმედი მაქსს, ტურები მის გვამს ვერ ამოთხრიდნენ. მერე კი იმ კრაალიდან მეც წამოვედი.

– იმ დოკუმენტს რა ბედი ეწია? – მკითხა სერ ჰენრიმ, რომელიც დიდი გულისყურით მისმენდა.

– დიახ, დიახ, რა ეწერა იმ დოკუმენტში? – დაუმატა კაპიტანმა გუდმაც.

– კარგით, ბატონებო, რაკი გაინტერესებთ, ამასაც გატყვით. ეს საიდუმლო ჯერ არავისთვის გამიმხელია, დვინით გამტყვრალ ბებერ პორტუგალიელ ვაჭარს კი, რომელმაც მაშინ ის დოკუმენტი მითარგმნა, მეორე დღესვე აღარ ახსოვდა მისი შინაარსი. ის ტილო, საბრალო დონ ხოზეს თარგმანთან ერთად, დურბანში მაქსს. მაგრამ უბის წიგნაში მაშინვე ჩავიწერე ინგლისური თარგმანი, რუკაც გადავიხატე, თუკი შეიძლება მას, საერთოდ, რუკა უწოდოს კაცმა. აი, ის ჩანაწერიც, მაშ მისმინეთ:

„მე, ხოზე და სილვესტრა, შიმშილისაგან დონემიხდილი ვკვდები პატარა მდგიმეში, სამხრეთით მდებარე თოვლიანი მთის მწვერვალზე, უფრო სწორად, მის ჩრდილო კალთაზე. ეს არის ერთ-ერთი მთა, იმ თრს შორის, რომელთაც მე დედოფალ საბიას მექრდი ვუწოდე. ამას ვწერ საკუთარი სისხლით, 590 წელს, ჩემი ტანსაცმლის ნაფლეთზე. კალმად ძვლის ნატებს ვხმარობ. თუ ჩემმა მონამ აქ ამოაღწია, ეს წერილი იპოვა და დელაგოას მოიტანა, ჩემმა მეგობარმა (სახელი გაურკვეველია) აცნობოს მეფეს, რაც აქ წერია, რათა მან ლაშქარი გამოგზავნოს. თუ ლაშქარი მოახერხებს უდაბნოსა და მთების გადალახვს, დაამარცხებს მხენ კუპუანელებსა და მათ წყეულ ჯადოს გასტებს, რისთვისაც თან მღვდელმსახურნი უნდა იახლონ, მაშინ ჩვენი მეფე სოლომონის შემდეგ ამქვეყნად უმდიდრესი გვირგვინოსანი შეიქნება.

მე საკუთარი თვალით ვნახე აურაცხელი ალმასი და ძვირფასი თვლები სოლომონის საგანძურში, „თეთრი სიკვდილის“ უკან, მაგრამ მისნებზე მონადირე გაგულას მუხანათობის გამო, ბეწვებ გადაურჩი სიკვდილს და ვერაფერი წამოვიდე. ის, ვინც წამოსვლას დააპირებს, დაადგეს რუკაზე აღნიშნულ გზას, პყვეს თოვლს დედოფალ საბიას მარცხენა ძუძუზე, ვიდრე მწვერვალს არ მიაღწევს... მწვერვალის ჩრდილოეთით იწყება სოლომონ მეფის დიდი გზა, აქედან კი კუპუანელთა სამეფო სამი დღის სავალზეა. გაგულა უნდა მოკლათ. ილოცეთ ჩემი სულისათვის. მშვიდობით. ხოზე და სილვესტრა".

როცა კითხვა დავასრულე და ჩემს მსმენელებს პორტუგალიელის უდონ ხელითა და მისივე საკუთარი სისხლით დახატული რუკის ასლი დავანახე, კაიუტაში სიჩუმემ დაისადგურა.

გურგისი და კაპიტანი გუდი გაოგნებულები შემომცეროდნენ.

— დიახ, — დაარღვია ბოლოს დუმილი კაპიტანმა გუდმა, — მე ორჯერ შემოვუარე დედამიწას და თითქმის ყველა კუთხე მოვლილი მაქვს, მაგრამ მიწა გამისკეთს, თუ ამგვარი რამ ოდესმე გამეგონოს, ან სადმე წამეკითხოს.

— დიახ, მეტად უცნაური ამბავია, მისტერ ქუოტერმენ, — თქვა თავის მხრივ სერ ჰენრიმ, — იმედი უნდა ვიქონიოთ, აბუჩად არ გვიგდებთ. გამიგია, ახალბედებთან ასეთი რამ დასაშვებიაო.

— თუ ასე ფიქრობთ, ჯობია ახლავე დავანებოთ ყველაფერს თავი, — ვუთხარი ძალზე გაბრაზებულმა, ქაღალდი ჯიბეში ჩავიდე და წამოვდექი. — არ მიყვარს, როცა მაკუთვნებენ იმ ვიგინდარათა რიცხვს, რომელთაც მახვილგონიერებად მიაჩნიათ ტყუილების ცხობა და ჩამოსულთა წინაშე გამუდმებული ტრაბახი, ნადირობისას ესა და ეს შემემთხვაო.

სერ ჰენრი შეეცადა დავემშვიდებინე და თავისი დიდი ხელი მხარზე დამადო.

— დაბრძანდით, დაბრძანდით, მისტერ ქუოტერმენ, — თქვა მან, — მაპატიეთ, ვიცი, გულშიც არ გაგივლიათ ჩვენი მოტყუება, მაგრამ თქვენი ნაამბობი იმდენად არაჩვეულებრივი იყო, რომ ძალაუნებურად ჭრი შემგარა.

— დურბანში რომ ჩავალო, ნამდვილ რუკას და დოკუმენტს გიჩვენებო, — ვუთხარი რამდენადმე დამშვიდებულმა, რაღან, ცოტა რომ დავგიქრდი, მივხვდი, სერ ჰენრი სავსებით მართალი იყო. — თქვენს ძმაზე ჯერ არაფერი მითქვამს. მე ვიცნობდი ჯიმს, მის მსახურს. ძალიან ჭკვიანი და კარგი მონადირე იყო. სწორედ იმ დილით, როცა მისტერ ნევილი გასამგზავრებლად ემზადებოდა, ჯიმი ჩემს ფურგონთან იდგა და ჩიბუხისთვის თამბაქოს ჭრიდა.

— ჯიმ, სპილოებზე სანადიროდ ხომ არ მიდიხართ? — გვითხვ.

— არა, ბაას, სპილოს ძვლები რაა, ჩვენ უფრო ძვირფასი რამ გვაინტერესებს.

— უფრო ძვირფასიო? მაშ ოქროს საძებნელად მიდიხართ?

— არა, არა, ბაას, ის, რასაც ჩვენ ვეძებთ, ოქროზე ძვირფასია, — ჩაიცინა ჯიმმა.

ადარაფერი ვკითხვ, რომ ზედმეტ ცნობისმოყვარეობას მის თვალში არ დავემცირებინე, მაგრამ, მართალი გითხვათ, ძალიან დავინტერესდი.

— ბაას, — მითხრა უეცრად ჯიმმა და თამბაქოს დაჭრას თავი მიანება.

მე წავიყრუე, ვითომც არ გამიგონია.

— ბაას, — განმეორებით მომმართა მან.

— ჰმ, რა გინდა, მეგობარო?

— ბაას, ჩვენ ალმასების საძებრად მივდივართ.

— ალმასების საძებრად? მაშ, სწორ გზას არ ადგიხართ, ქვიშრობისკენ უნდა წასულიყვავთ.

— ბაას, არ გაგიგია რამე სულეიმანის მთებზე?

— ჰო.

— არ გაგიგია, იქ ალმასები არისო?

— ჰო, რადაც მაგის მსგავსს ხშირად ჩმახავენ, ჯიმ.

— ეს მოჩმახული ამბავი არ არის, ბაას, მე ვიცნობდი ერთ ქალს, იქიდან გამოქცეულიყო და თავის პატარა ვაჟთან ერთად ნატალამდე მოედწია. ყველაფერი თავისი პირით მიამბო. ახლა ის ქალი უავე მკვდარია.

— შენი ბატონი მტაცებელი ფრინველების ლუკმა გახდება, ჯიმ, თუ ამ უბუნურ განზრახვაზე ხელი არ აიღო. არც შენ დაგადგება კარგი დღე, თუმცა ეგ შენი გადამდრევალი, გამხდარ-გაფშეკილი ხონხის ვის რა ხეირს დააყრის.

– მართალი ხარ, ბაას, – ჩაიცინა ჯიმმა, – მაგრამ ადამიანი ბოლოს და ბოლოს მაინც უნდა მოკვდეს, მე კი ძალიან მინდა ბედი ვცადო. ამასთან, აქ მალე სპილოებს სულ ამოწყვეტებს.

– კარგი, კარგი, მოიცადე, ვიდრე ყვიციანი ანგელოზი არ გწვდება მაგ ჩაყვითლებულ ყელში, მერე ნახე, რა სიმღერებს დაამდერებს, – ვუთხარი მე.

ნახევარი საათის შემდეგ ნევილის ფურგონი გზას დაადგა. უეცრად ჯიმი შემობრუნდა და ჩემკენ გამოიქცა.

– მისმინე, ბაას, მინდა დაგემშვიდობო, შენ მართალი ხარ, ჩვენ ვედარასოდეს დავბრუნდებით.

– ჯიმ, შენი ბატონი მართლა სულეიმანის მთებისკენ აპირებს წასვლას თუ წელან ტყუილი მითხარი?

– ტყუილს რად გეტყოდი? ჩემმა ბატონმა თქვა, რადაც არ უნდა დამიჯდეს, უნდა გავმდიდრდეო; პოდა, ალმასები საამისოდ არ გამოდება?

– ერთი წუთი დამიცადე, ჯიმ, შენს ბატონთან წერილს გაგატან, მაგრამ პირობა უნდა მომცე, რომ ამ წერილს მხოლოდ აინაიტში გადასცემ (აინაიტი ჩვენგან ასიოდე მილით იყო დაშორებული).

– კეთილი, ბაას, – მიპასუხა ჯიმმა.

მე ქადალდის ნაგლეჯი ავიდე და ზედ დავწერე: „ის, ვინც იქ წასვლას დააპირებს, დაადგეს რუკაზე აღნიშნულ გზას, აჟყვეს თოვლს დედოფალ საბიას მარცხენა ძუძუზე, ვიდრე მწვერვალს არ მიაღწეს. მწვერვალის ჩრდილოეთით იწყება სოლომონ მეფის დიდი გზა“.

– მაშ, ასე, ჯიმ, ეს წერილი შენს ბატონს გადაეცი და უთხარი, ზუსტად მიპყვეს იმ გზას. ქადალდი ახლა არ მისცე, თორებ მობრუნდება და შეკითხვებით ამომახრჩობს, მე კი პასუხის თავი არა მაქვს. ახლა კი გასწი, ზარმაცო, ხედავ, თქვენი ფურგონი აღარც კი ჩანს.

ჯიმმა წერილს ხელი დაავლო და ფურგონს უკან გამოუდგა. ამის შემდეგ მისტერ ნევილზე აღარაფერი გამიგია, სერ, მაგრამ ძალიან ვშოშობ, რომ...

– მისტერ ქუოტერმენ, – გამაწყვეტინა სიტყვა სერ პენრიმ, – მე მივყვები იმ გზას სულეიმანის მთებამდე და, თუ საჭირო იქნა, უფრო შორსაც წავალ. არ მოვისვენებ, სანამ არ ვიპოვი ჯორჯს, ან სანამ არ გავიგებ, რომ ნამდვილად დაიღუპა. ხომ არ წამოხვალო ჩემთან ერთად?

მგონი უკვე მოგახსენეთ, ძალზე ფრთხილი, ჩუმი და მოკრძალებული კაცი ვარ-მეთქი, ამიტომ იყო, რომ ამ წინადადებამ ძალზე გამაოცა და შემაშფოთა კიდეც. ეს ხომ უეჭველ სიკვდილს ნიშნავდა! გარდა ამისა, სხვა რომ აღარაფერი ვთქვა, მოვალე ვიყავი შვილს დაგხმარებოდი და უფლება არ მქონდა, ასე ნაადრევებად გამეტირა თავი.

– გმადლობთ, სერ, მაგრამ მიჯობს, უარი მოგახსენოთ, საგმაოდ მოვხუცდი იმისთვის, რომ მსგავს გიურ საქმეებში მივიღო მონაწილეობა. ეჭვი არ მეპარება, ჩვენც ჩემი საბრალო მეგობრის სილვესტრის ბედი მოგველის. ამასთან, ვაჟის პატრონი ვარ, მას ჯერ კიდევ ესაჭიროება ჩემი დახმარება, ამიტომ უფლება არა მაქვს, თავი საფრთხეში ჩავიგდო.

ეტყობოდა, ჩემმა პასუხმა სერ პენრი და კაპიტანი გუდი ძალიან გაანაწერა.

– მისტერ ქუოტერმენ, – მითხრა სერ პენრიმ, – მე მდიდარი კაცი ვარ და ჩემს განზრახვაზე ასე ადვილად ხელს არ ავიდებ, თუკი ჩვენთან წამოხვალთ, გასამრჯელოდ რაც გინდათ მთხოვეთ. ამ თანხას ჩვენს გამგზავრებამდე მიიღებთ. ამასთან, წინასწარ მივიღებთ ზომებს, რომ თქვენი ვაჟი ყოველმხრივ იქნეს უზრუნველყოფილი იმ შემთხვევაში, თუ ამ მოგზაურობიდან ვედარ

დაგბრუნდით. ალბათ ჩემი ნათქვამიდან მიხვდებით, რამდენად საჭიროდ მიმაჩნია თქვენი მონაწილეობა ამ ექსპედიციაში. თუ სულეიმანის საბადოს მივაღწიეთ და ალმასების პოვნა მოვახერხეთ, თქვენ და გუდი მათ შუაზე გაიყოფთ, მე მათ არ ვსაჭიროებ. თანაც გზაში სპილოებზე წავინადირებთ და სპილოს ძვალსაც ასევე თანაბრად გაინაწილებთ. შეგიძლიათ წარმოადიგნოთ თქვენი პირობები, მისტერ ქუოტერმენ. გარდა ამისა, მინდა იცოდეთ, რომ ყოველგვარ ხარჯებს მე ვკისრულობ.

— სერ ჰენრი, — ვუთხარი პასუხად, — ასეთი სარფიანი საქმე ჩემთვის ჯერ არავის შემოუთავაზებია. ღარიბმა მონადირემ ყველაფერი კარგად უნდა აწონ-დაწონოს, ამისთვის კი დროა საჭირო. ყოველ შემთხვევაში, პასუხს დურბანში ჩასვლამდე მოგახსენებთ.

— ძალიან კარგი, — მომიგო სერ ჰენრიმ.

ამის შემდეგ ორივეს დამე ნებისა ვუსურვე და წამოვედი.

იმ დამით სიზმარში სულ საბრალო სილვესტრსა და ალმასებს ვხედავდი.

თ ბ გ ი I I I

ა მ ბ თ პ ა ჩ ვ ე ნ ი მ ს ა ხ უ რ ი
 ხ დ ე ბ ა

აეიპტაუნიდან დურბანამდე ზღვით მგზავრობას ოთხი-ხუთი დღე სჭირდება: ეს დამოკიდებულია ამინდზე და გემის სვლაზე. ისტ-ლონდონში მშენებლობა არ დამთავრებულა, მიუხედავად იმისა, რომ იქ უამრავი ფულია ჩაურილი. ამიტომაც, ნაცვლად იმისა, რომ კარგად მოწყობილ პორტში შევიდეს, — ამაზე ლაპარაკით ხომ დიდი ხანია უურები გამოგვიჭედეს — გემი იძულებულია ნაპირიდან კარგა მოშორებით ჩაუშვას დუშა. თუ ზღვა დელავს, მაშინ მთელი დღე და დამე უნდა ელოდო, რომ ნაპირიდან საბუქსირო ნავებმა მოაღწიონ. საბედნიეროდ, ჩვენ ცდა არ დაგვჭირვებია. ისტ-ლონდონს რომ მივუახლოვდით, ზღვა ოდნავ დელავდა. ნაპირიდან უმალვე გამოგზავნეს ბუქსირები, რომელთაც მწკრივად მოჰყავდათ უშნოდ გამოჩორენილი ბრტყელძირა ნავები. ჩვენი გემიდან გამეტებით ისროდნენ ნავებში ფუთებს, არც კი დაგიდევდნენ, რა იყო შიგ: მატყლი, მინა თუ ფაიფური. გემბანზე ვიდექი და დავინახე, როგორ დაიმსხვრა ყუთი, რომელ შიც თოხი დუეინი შამპანურის ბოთლი იყო. ბოთლებიდან შადრევანივით გადმოჩევა დვინომ და ბინძური ნავის ფსკერს ქაფად მოედო. გული დამწყდა, ეს ძვირფასი სასმელი ასე ტყუილუბრალოდ რომ იკარგებოდა.

ალბათ კაფრ მტვირთავებსაც სინანული ამოძრავებდათ, ნამსხვრევებიდან ხელად ამოაცოცეს შემთხვევით გადარჩენილი ორი ბოთლი, ყელი წაამტვრიეს და უკანასკნელ წვეთამდე დაცალეს. დვინო იმწამსვე თავში აუგარდათ და კარგა მაგრა შეზარხო შდნენ. ამას კი აღარ ელოდნენ, თავზარდაცემულები ნავის ფსკერზე დაფოფხავდნენ და გაჟყიროდნენ, ეს საუცხოო სასმელი „ტაგატი“, ესე იგი, მოჯადოებულია. მე დაგუმოწმე, საშინელი საწამლავი დალიეთ და ახლა ყველანი სათითაოდ დაიხოცებით-მეთქი. კაფრები შიშისაგან მთლად გადაირივნენ, ნიჩბებს უცნენ და ნავი ნაპირისკენ გააქროლეს. დარწმუნებული ვარ, შამპანურს თავის სიცოცხლეში აღარ გაეკარებიან.

ჩვენი საუბრის შემდეგ სულ კურტისის წინადაღებაზე ვფიქრობდი. პირველ ორ დღეს ამ საკითხს აღარ შევხებივართ, თუმცა სულ ერთად ვიყავით. მე

ვუყვებოდი სერ პენრისა და გუდს სხვადასხვა ამბებს, ნადირობისას თავს რომ გადამხდენოდა, ამასთან, არაფერს ვთხზავდი და არც ვაზვიადებდი, როგორც ეს საერთოდ მონადირეებს სჩვევიათ. ანკი რაში გვჭირდება ჩვენ, აფრიკელ მონადირეებს, ტყუილების ცხობა, განა სატრაბახოდ ის არ კმარა, რაც თავს გადაგვხდებია?

ბოლოს, იანვრის ერთ მშვენიერ დღეს – იანვარი ხომ ჩვენში ყველაზე ცხელი თვეა – ჩვენი გემი ნატალს მიუახლოვდა და მის თვალწარმტაც ნაპირებს გაუყვა. ვფიქრობდით, მზის ჩასვლამდე დურბანის კონცხისთვის შემოგვევლო. ეს ნაპირი ხომ ყველას აჯადოვებს ქვიშის წითელი გორაკებით, უსასრულო ზურმუხტისფერი სივრცით და ამ სივრცეში, ამ სიმწვანეში აქა-იქ მიყუჟული კრალებით. ტალღები ზედიზედ ეხეოქება ნაპირთან წამოყუდებულ კლდეებს, ყალყზე შემდგარი იმსხვრევა, უკეუცემა და აჩენს ქათქათა ქაფს, ზოლებად რომ გასდევს ნაპირს. მაგრამ განსაკუთრებით ლამაზია ბუნება თვით დურბანთან. საუკუნეთა განმავლობაში წვიმასა და დვართქაფს ბორცვები დრმა ხეობებით დაუსერავთ. ამ ხეობებში მოშხუიან მდინარეები, რომელთაც მზე თვალისმომჭრელად ალაპლაპებს; აყრილ-ატებილ ბარდებსა და ბუჩქნარს შორის, რომელიც ისეა დარგულ-გასარებული, როგორც ეს თვით უფალს უნებებია, აქა-იქ მოჩანს პურის ხის ჭალაკები და შაქრის ლერწმის პლანტაციები. ამ მწვანე წალკოტში უკცრად გამოკრთება ხოლმე თეთრი სახლი, თითქოს მის წინ უშფოთველად გართხმულ ზღვას უდიმისო, და მისი გამოჩენა რაღაც განსაკუთრებულ დასრულებულ იერს აძლევს ირგვლივ ყველაფერს.

ჩემი აზრით, რაგინდ თვალწარმტაცი არ უნდა იყოს ბუნება, ადამიანი მას კიდევ უფრო მიმზიდველს ხდის. იქნებ ასე მიტომ მეჩვენება, რომ ძალიან დიდხანს მომიხდა ცხოვრება ველურ, უკაცრიელ ადგილებში და ამის გამო უფრო ვაფასებ ცივილიზაციას, მიუხედავად იმისა, რომ იგი სპობს და სდევნის ფრინველსა და ცხოველს. ედემის ბალი, უეჭველია, წარმტაცი იყო ადამიანის გაჩენამდეც, მაგრამ უფრო წარმტაცი გახდა მას შემდეგ, რაც მის ბილიკებზე ევა გამოჩნდა.

თუმცა დავუბრუნდეთ ამბავს! ჩვენ, ცოტა არ იყოს, ანგარიშში მოვტყუვდით. მზე დიდი ხნის ჩასული არ იყო, როცა დუზა დურბანის კოშკის მახლობლად ჩავუშვით. გაისმა ზარბაზნის გრიალი, დურბანის მცხოვრებლებს ატყობინებდნენ, ინგლისიდან ფოსტა მოვიდაო.

რაკიდა დავიგვიანეთ და ნაპირზე გადასვლა აღარ შეიძლებოდა, გემბანზე ავედით და ვუცქეროდით, როგორ დატვირთეს მაშველი ნავი ფოსტით, მერე კი სასადილოდ წავედით.

როცა ამოვბრუნდით, მთვარე უკვე ამოსული დაგვხვდა, მის შუქს ზღვა და ხმელეთი გაეჩახხახებინა.

ნიავს ნაპირიდან სასიამოვნო მოტკბო-მოცხარო სურნელი მოპქონდა. ეს სურნელი რატომდაც საეკლესიო საგალობლებსა და მისიონერებს მაგონებს. სანაპიროზე სახლები განათებული იყო. უზარმაზარი ხომალდიდან, ჩვენ გვერდით რომ იდგა, მუსიკა და სიმდევრა ისმოდა. მეზღვაურები დუზას ხსნიდნენ და ზღვაში გასასვლელად ემზადებოდნენ. საუცხოო, წყნარი დამე იყო, ერთი იმ ღამეთაგანი, რომელიც მხოლოდ სამხრეთ აფრიკაში იცის. მთვარე თავის ვერცხლის საბურველში ხვევდა მთელ ბუნებას.

სიმშვიდე მოპფენოდა დედამიწას. იმ სიწყნარისა და სიმშვიდის გავლენით უზარმაზარ ბულდოგსაც კი დავიწყებოდა თავისი სურვილი – წაჩეუბებოდა მაიმუნს, გემბანზე, გალიაში რომ იჯდა. ძალი კაიუტის კართან გაშოტილიყო და ტკბილად ხვრინავდა.

ჩვენ სამი – სერ პეტრი კურტისი, კაპიტანი გუდი და მე – საჭევართან დავსხედით.

– მისტერ ქუოტერმენ, – მყითხა პეტრიმ ცოტა ხნის სიჩუმის შემდეგ, – რა პასუხს მაძლევთ ჩემს თხოვნაზე?

– დიახ, დიახ, – სიტყვა შეაშველა კაპიტანმა გუდმა, – რა გადაწყვიტეთ? იმდი მაქვს, მონაწილეობას მიიღებთ ჩვენს ექსპედიციაში. ჩვენ ბედნიერად ჩავთვლით თავს, თუ დაგვთანხმდებით, წამოგვყვეთ არა მარტო სულეიმანის მთების გადაღმა, არამედ, საერთოდ, ყველგან, სადაც შეიძლება იმყოფებოდეს ჯენტლმენი, რომელსაც ჩვენ ვეძებთ.

უხმოდ წამოვდექი, გემის ქიმთან მივედი და ჩიბუხი გამოვბერტყე. არ ვიცოდი, რა პასუხი გამეცა, სულ ცოტა, ერთი წუთი მაინც მჭირდებოდა, რომ დაგვიქრებულიყავი და საბოლოოდ გადამეწყვიტა რამე. ბნელში თამბაქოს ფერფლმა გაიციმციმა და იმავე წამს გადაწყვეტილებაც მივიღე.

ცხოვრებაში ხშირად ხდება ასე: ადამიანი წვალობს, ყოქმანობს, არ იცის, რა გზას დაადგეს და ბოლოს, ერთ წამში გადაწყვეტს ხოლმე ვკელაფერს.

– კარგი, ბატონებო, – ვთქვი და ჩემს ადგილზე დავჯექი, – მეც თქვენთან ერთად მოგდივარ. ახლა კი ნება მიბოძეთ, მოგახსენოთ, რატომ და რა პირობებში ვდებულობ თქვენს წინადადებას.

პირველი: გარდა იმისა, რომ გზის ხარჯები თქვენ გეგისრებათ, სპილოს ძვალი და სხვა ფასულობა, რასაც გზაში ვიშოვით, მე და კაპიტანმა გუდმა შუაზე უნდა გავიყოთ.

მეორე: გარდა ამისა, ვიდრე გავემგზავრებოდეთ, ხუთას გირვანქა სტერლინგს გადამიხდით, მე კი ვალდებულებას ვკისრულობ, პატიოსნად გემსახუროთ მანამდე, ვიდრე ეს თქვენთვის საჭირო იქნება, ან ვიდრე მიზანს არ მივაღწევთ, უკიდურეს შემთხვევაში, ვიდრე არ დავიღუპებით.

მესამე: სანამ სულეიმანის მთებისკენ გავემგზავრებოდეთ, უნდა გავაფორმოთ ხელ შეკრულება, რომლის მიხედვით ჩემი დაღუპვის, ან მძიმედ დაშავების შემთხვევაში ვალდებული იქნებით ჩემს ვაჟს, პარის, რომელიც ლონდონის უნივერსიტეტში მედიცინას ეუფლება, ხუთი წლის განმავლობაში აძლიოთ გარკვეული თანხა – წლიურად ორას-ორასი გირვანქა სტერლინგი. ხუთი წლის შემდეგ კი იგი ფეხზე დადგება და საკუთარი თავის რჩენას შეძლებს, თუ რასაკვირველია, მისგან საერთოდ რამე გამოვიდა. აი, ჩემი პირობები. ხომ არ ფიქრობთ, რომ გადავაჭარბე?

– არა, არა, – აჩქარებით მომიგო სერ პეტრიმ, – სიამოვნებით გეთანხმებით. გადაწყვეტილი მაქვს, მოვძებნო ჩემი ძმა და, რაც არ უნდა დამემართოს, ამ განზრახვაზე ხელს არ ავიღებ. ვიცი, რომ გამოცდილი და საქმეში ჩახედული კაცი ბრძანდებით და მზადა ვარ უფრო მეტიც გადაგიხადოთ.

– რაკი ასეა, ძალიან ვწერვარ, რომ ვერ მოვისაზრე მეტი მეთხოვა, მაგრამ რაც არის, არის, ჩემი სიტყვა უკან არასოდეს წამიდია. ახლა კი გმტყვით, რამ მაიძულა თქვენთან ერთად წამოგსულიყავი: უპირველეს ყოვლისა, მთელი ამ ხნის განმავლობაში თვალყურს გადევნებდით, და კადნიერებად ნუ ჩამომართმევთ, თუ გეტყვით, რომ ძალიან მომეწონეთ. უჭივი არ მეტარება, ჩვენ საუცხოოდ გავწევთ უდელს, ამას კი დიდი მნიშვნელობა აქვს, როცა კაცს წინ ასეთი შორი გზა უდევს. რაც შეეხება სულეიმანის მთების გადალახვას, ღრმად დარწმუნებული ვარ, რომ იქიდან ცოცხლები ვედარ დავბრუნდებით. რა ბედი ეწია მოხუც სილვესტრას სამი საუკუნის წინათ? რა ბედი ეწია მის შთამომავალს ამ ოცი წლის წინ? რა ბედი ეწია თქვენს ძმას? ვერ დამარწმუნებთ, რომ ჩვენც იგივე არ გველის.

ვთქვი ესა და შევჩერდი. მინდოდა მენახა, რა შთაბეჭდილება მოახდინა ჩემმა სიტყვებმა. კაპიტანი გუდი ოდნავ შემკრთალი მეჩვენა, სერ ჰენრის კი სახეზე ძარღვიც არ შეკრთომია.

— რაც უნდა იყოს, მაინც უნდა ვცადო ბედი, — მშვიდად მომიგო მან.

— შესაძლოა უცნაური გეჩვენოთ, — განვაგრძე მე, — რომ ეს ფრთხილი და გაუბედავი კაცი, იმის შემდეგ, რაც ახლა ვთქვი, წამოსვლაზე უარს არ გეუბნებით, მაგრამ საამისოდ ორი მიზეზი არსებობს: ჯერ ერთი, საოცარი ფატალისტი ვარ და ღრმად მწამს, რომ ჩემი სიკვდილის დღე და საათი წინასწარ განსაზღვრულია, და თუ ბედით სულეიმანის მთებში წასვლა და იქ დაღუპვა მიწერია, რაც უნდა მოვიმოქმედო, ამას ვერ ავცდები. დმერთს უკველივე უკეთ მოეხსენება, ამიტომ ამაზე ფიქრით თავს არ შევიწუხებ. მეორჯ: მე ერთი დარიბი კაცი ვარ და, მიუხედავად იმისა, რომ ორმოცი წელი ნადირობაში გავატარე, შავი დღისათვის მცირეოდენი თანხაც კი ვერ გადავინახე. ის კი არა, თავი ძლიერდივობით გამჭინდა. ბატონებო, თქვენ, რასაკვირველია, იცით, რა სახიფათო და საძნელო საქმეა სპილოზე ნადირობა. ადამიანები, რომლებიც ამით ცხოვრობენ, საშუალოდ ოთხ-ხუთ წელიწადში იღუპებიან. მე კი ეს ვადა თითქმის შვიდჯერ გავადიდე, ახლა კი ალბათ ჩემი აღსასრულიც მოახლოებულია. თუ ნადირობისას დავიღუპვ, ჩემს შვილს, ჰარის, ვალების გასტუმრების შემდეგ საარსებო წყარო აღარ დარჩება, და მაშასადამე, ვეღარც სწავლას განაგრძობს. თქვენთან რომ წამოვიდე, მაშინ იგი ხუთი წელიწადი უზრუნველყოფილი იქნება და საშუალება მიეცემა, ფეხზე დადგეს. აი, მოკლედ ჩემი შეხედულება ამ საკითხზე.

— მისტერ ქუოტერმენ, — მითხრა სერ ჰენრიმ, რომელიც დიდი უურადღებით მისმენდა, — თქვენ ეჭვი გეპარებათ ექსპედიციის წარმატებაში და ფიქრობთ, ყველაფერი ცუდად დამთავრდებათ. მართალი ხართ თუ არა, ამას დრო გვიჩვენებს, პირადად მე კი, რაც უნდა მოხდეს, გადაწყვეტილი მაქვს, საქმე ბოლომდე მივიყვანო. თუ მაინცდამაინც დაღუპვა გვიწერია, იმედი მაქვს, სიკვდილის წინ ცოტას მაინც წავინადირებთ. თქვენ რას იტყვით, გუდ?

— რასაკვირველია, — დაუმოწმა კაპიტანმა, — ჩვენ სამივენი შეჩვეული ვართ, სიკვდილს თვალებში ვუცექიროთ, ამიტომაც თავსაც კარგად დავიცავთ. ჩემი აზრით, უკან დახევა არ დირს. ახლა კი, მეგობრებო, კაიუტ-კომპანიაში ჩავიდეთ და ერთმანეთს გზა დავულოცოთ.

მეორე დღეს ნაპირზე გადავედით. მე შევთავაზე სერ ჰენრის და კაპიტან გუდს ჩემს პატარა სახლში დასახლებულიყვნენ. სახლი სანაპიროზე დგას, სამოთახიანია, აქვს სამზარეულოც. გამოუწვევი აგურისაგან არის ნაგები, სახურავი კი მოთუთიებული რკინისა აქვს. თავისთვად დიდი არაფერია, სამაგიეროდ, საუცხოო ბაღი აკრავს. რა არ ხარობს იქ: იაპონური ზღმარტლი და მანგოს ხეები, რომლებიც წელს დიდ მოსავალს მომცემენ. ეს ხეები ბოტანიკური ბაღის დირექტორმა მაჩუქა. მებაღეობა ჯეკს დავაკისრე. ჯეკი ჩემი ყოფილი მონადირეა, სიკუპუნისის მხარეში გარეულმა კამეჩმა ფეხი ბარძაფში გადაუმტკრია. საბრალო კაცი დასახიჩრდა და იძულებული შეიქნა, ნადირობაზე სამუდამოდ აელო ხელი. ახლა ნელ-ნელა დახანხალობს და, ასეა თუ ისე, ბაღს უვლის. ჯეკი ზუღუსი არ გეგონოთ, გრიკვას მშვიდობიან ტომს ეკუთვნის. ზუღუსს ვერავინ აიძულებს, მებაღეობას მოპკიდოს ხელი. ამგვარ შრომას იგი გულს ვერ დაუდებს.

რადგან სახლში სივიწროვე იყო, სერ ჰენრისა და გუდს კარავში ეძინათ. კარავი ბაღის ბოლოს, ფორთოხლის ხეივანში ჩავდგით. ხეები ყვაოდა და ირგვლივ საამო სურნელი იდგა, ტოტები კი მწვანე და ყვითელი ნაჟოფით იყო

დახუნძლული (უნდა მოგახსენოთ, რომ ჩვენთან, დურბანში, ხეები ერთდროულად ყვავიან კიდეც და ნაყოფსაც იძლევიან), ბაღის ეს კუთხე განსაკუთრებით ლამაზია და სუფთა პაერზე ძილიც სასიამოვნოა, მით უმეტეს რომ ჩვენთან, ბერეაში, ქინქლი არ იცის და თუ გაჩნდა, ისიც ძლიერი წვიმების შემდეგ ჩნდება.

მაგრამ უნდა განვაგრძო თხრობა, თორემ, ვიდრე ჩვენ სულეიმანის მთებამდე მივაღწევდეთ, ეს წიგნი თავს მოგაბეზრებთ. რაკი გადავწყვიტე სერ პენრის გავევები-მეთქი, შინ დაბრუნებისთანავე სამზადისს შევუდექი. უპირველეს ყოვლისა, ჩემო ბიჭიკო, სერ პენრისაგან ჩავიბარე ქაღალდი, რომელიც უზრუნველყოფდა შენს მომავალს. აქ რამდენადმე გაგვიჯანჯლდა კიდეც საქმე. სერ პენრი ადგილობრივი მკვიდრი არ იყო და ფული, ჩემი სიკვდილის შემთხვევაში შენთვის რომ უნდა გადმოერიცხათ, ინგლისის ბანგში ინახებოდა, მაგრამ ბოლოს და ბოლოს ერთი მარჯვე ვექილის წყალობით ეს საქმეც მოგაგარეთ, თუმცა იმ უსინდისომ გასამრჯელოდ ოცი გირვანქა სტერლინგი წაგვარიზა.

ხუთასი გირვანქა სტერლინგის ჩეკი ჯიბეში ჩავიდე და ამით სიფრთხილეს ხარჯი გადაგუხადე, მერე სერ პენრის ანგარიშზე ფურგონი და საუკეთესო ხარები ვიყიდე. ფურგონის სიგრძე ოცდაორი ფუტი იყო, რკინის ღერძები პქონდა, ძალიან გამძლე და მსუბუქი ჩანდა, თუმცა მთლად ახალთახალი არ ყოფილა, ერთხელ უკვე მოევლოთ იმით აღმასის ქვიშრობი (ამან უფრო დამარწმუნა, რომ მშრალი, გამოსული ხისგან იყო ნაკეთები). ფურგონი რომ ცუდად ყოფილიყო შეკრული ან ნედლი მასალისაგან გამზადებული, ეს პირველი მგზავრობისთანავე გამოჩნდებოდა. ჩვენს ფურგონს უკანა მხარე ღიად პქონდა დატოვებული; აქ ტვირთის დასაწყობი ადგილი იყო. ასეთ ფურგონს ჩვენში „ნახევრად გადახურულს“ ეძახიან. ჩარდახი საცხოვრებლად იყო განჯუთვილი, შიგ მოეწყოთ ტყავის საწოლი, რომელზედაც ორი კაცი მოთავსდებოდა. იყო აგრეთვე იარაღების თარო და გზაში გამოსადეგი სხვადასხვა ნივთები და საგნები. ფურგონში ას ოცდახუთი გირვანქა გადავიხადე, ვფიქრობ, ბევრი არ მიმიცია.

შემდეგ შევიძინეთ ოცი საუკეთესო ზუდუსური ხარი. ჩვენებურ უდელში თექვსმეტ ხარს აძამენ, მაგრამ ყოველი შემთხვევისათვის ოთხი კიდევ დავუმატებულური პირუტყვი გაცილებით დაბალი და მსუქანია, ვიდრე აფრიკანდერული, რომელთაც მმიმე ტვირთის გადასაზიდად იყენებენ. ეს პატარა ჯიშის ხარები მაინცდამაინც არ ირჩევენ საჭმელს, ნაკლებად ავადდებიან და უგუებიან უმძიმეს პირობებს. ამიტომ შეუძლიათ თავი გაიტანონ იქ, სადაც აფრიკანდერული ხარები შიმშილით იხოცებიან. ამასთან, მათზე უფრო სწრაფადაც დადიან და მსუბუქი ტვირთით დღეში ხუთი მილის გავლა შეუძლიათ. გარდა ამისა, ჩვენი უდლეული კარგად იყო ადიდაში გამოსული, ესე იგი, გაკაუბულ-გამოწრთობილი, რადგან მთელი აფრიკა სიგრძე-სიგანით პქონდა მოვლილი. სწორედ ამის გამო, ასე თუ ისე, დაზღვეულები იყვნენ მალარიისაგან, ასე ხშირად რომ ანადგურებს ხოლმე ჯოგებს უცხო, შეუჩვეველ კელდებში. არის კიდევ ერთი საშინელი დააგადება - ჭლები, რომელიც უმოწყალოდ ჟლებს პირუტყვს, მაგრამ არც ამის გვეშინოდა, რადგან ჩვენი ხარები თავის დროზე აცრილნი იყვნენ, ეს სენი რომ არ შეყროდათ. აცრა ასე ხდება ხოლმე: კუდის რიკიდან დაახლოებით ერთ ფუტზე კუდს გადასერავენ და ზედ ამ სენით დაღუპული პირუტყვის ფილტვის ნაჭერს მიაკრავენ. რამდენიმე ხნის შემდეგ ხარი მსუბუქად ავადდება ჭლექით, კუდი კი ნაჭდევზე ძვრება. აცრის შემდეგ ხარი სენშეუვალი ხდება. რასაკირველია, საცოდაობაა

პირუტყვის უქადოდ დატოვება იმ ქვეყანაში, სადაც ამდენი ბუზია, მაგრამ პატრონს ხარის დაკარგვას მისი კუდის დაკარგვა უჯობს. კუდი უხაროდ რის მაქნისია, ზოგჯერ მტკრის გადმოსაფერთხად თუ იხმარ, ეგ არის და ეგ! მაგრამ მაინც სასაცილოა, როცა ხარებს უკან მიჰყები და კუდის ნაცვლად უბადრუკ ჯირჯვებს უცქერი. ასე გმონია, ბუნებამ რაღაც აურდაურია და ამ საბრალო პირუტყვებს კუდის ნაცვლად პრემირებული ბულდოგების უკანალის მოსართვები მიაწებაო.

ერთი სიტყვით, ფურგონი და ხარები შევიძინეთ, ახლა სურსათ-სანოვაგესა და წამლებზე უნდა გვეფიქრა. ეს ადვილი როდი იყო, ყველაფერი წინასწარ უნდა აგვეწონ-დაგვეწონა, რომ არ გადაგვეტვირთა ფურგონი და, ამავე დროს, თან წაგვედო ყველაფერი, რაც საჭირო იქნებოდა ასეთი ხანგრძლივი მოგზაურობისათვის. საბედნიეროდ, აღმოჩნდა, რომ გუდს მედიცინისა ცოტა რაღაც გაეგებოდა. დიდი ხნის წინათ როგორდაც მოქმინა კურსი მედიცინასა და ქირურგიაში და ახლა დროდადრო თავის ცოდნას პრაქტიკულად იყენებდა. რასაკვირველია, კაპიტანს ექიმის დიპლომი არ ჰქონდა, მაგრამ ჩვენ თანდათანობით დავრწმუნდით, რომ ამ საქმისა გაცილებით მეტი გაეგებოდა, ვიდრე იმ ვაჟაბატონებს, რომელთაც უფლება ეძლევათ თავის თავს „მედიცინის დოქტორი“ უწოდონ. გუდს საუცხოო სამგზავრო აფთიაქი და ქირურგიული ხელსაწყოები ჰქონდა. მან ჯერ კიდევ დურბანში ყოფნისას ისე მარჯვედ მოჰკვეთა ერთ კაპრს ვეხზე ცერი, რომ ყველანი გაოცებულები დავრჩით. კაცმა ეს ოპერაცია ძალზე მშვიდად და გულგრილად გადაიტანა, მაგრამ როგორ გაოცდა ჩვენი კაპიტანი, როცა კაფრმა სთხოვა, ახალი თითო გამიკეთე, უკიდურეს შემთხვევაში, თეთრიც გამოდგებაო.

სურსათისა და წამლების საქმე, დვოის მადლით, მოვაგვარე, ახლა ჯერი იარაღის შერჩევასა და მსახურების აყვანაზე მიდგა. სერ ჰენრიმ ინგლისიდან ჩამოიტანა თოვები, მეც მქონდა ზოგი რამ, აქედან შევარჩიეთ, რაც ჩვენთვის გზაში ყველაზე მეტად იყო საჭირო. თუმცა ჯობია მოვიშველიო სია, რომელიც ჩემი უბის წიგნაკში შემონახულა. ახლა მხოლოდ მისი გადაწერადა დამჭირდება:

„სამი მძიმე ორლულიანი თოფი, თითოეული დაახლოებით თხუთმეტ გირვანქას იწონის და დასატენად თერთმეტი დრახმა შავი თოფის წამალი სჭირდება“.

ეს თოვები სპილოებზე სანადიროდ მიგვქონდა. ორი თოფი – სერ ჰენრისა და კაპიტან გუდისათვის ლონდონის ერთ-ერთი ცნობილი ფირმის საუკეთესო ოსტატების მიერ იყო დამზადებული. ჩემი თოვე სიკოხტავით იმ ორ თოფს ვერ შეედრებოდა და არც ფირმა მასსოვდა მისი, მაგრამ სპილოებზე ნადირობისას ჩემთვის არასოდეს უმტკუნია. შემდეგ:

„სამი ორლულიანი თოფი „ექსპრეს 500“ სასკდომი ტყვიისათვის. დასატენის წონა ექვსი დრაჟმა“.

ეს თოვები უბრალო იყო, ასე, საშუალო სიდიდის ცხოველებზე სანადიროდ (ანტილოპა და სხვ.) და გაშლილ ალაგას მტრისაგან თავის დასაცავად გამოგვადებოდა.

„ერთი ორლულიანი თორმეტყალიბიანი ფილთა თოფი ცენტრალური დარტყმით“.

ეს თოფი გზაში ძალიან გამოგვადგა, წვრილ-წვრილ ცხოველებს გხოვდით და საჭმლით უზრუნველყოფილი ვიყავით.

„სამი „ვინჩესტერის“ სისტემის კოლოფიანი შაშხანა (არა კარაბინი)“. ეს ჩვენი სათადარიგო თოვები გახდდათ.

„სამი კოლტის“ თვითშესამართი რევოლუციი, მსხვილყალიბიანი ტყვიებით".

ამგვარი იყო ჩვენი აღჭურვილობა. ადსანიშნავია, რომ ყოველი კლასის იარაღი ერთი და იგივე სისტემის და ყალიბის იყო, ამიტომ საჭიროების შემთხვევაში შეგვეძლო ტყვიები ერთმანეთისოვის გაგვეცვალა.

მე დაწვრილებით ჩამოვთვალე ყველაფერი, შესაძლოა, მკითხველი დაიქანცა კიდეც ამდენი წვრილმანით, მაგრამ მის წინაშე მაინც არ ვიხდი ბოდიშს, რადგან ყოველმა გამოცდილმა მონადირემ იცის, რა დიდი მნიშვნელობა აქვს იარაღის შერჩევას.

ახლა მინდა რამდენიმე სიტყვა მსახურებზეც მოგახსენოთ.

დიდი ბჭობის შემდეგ გადავწყვიტეთ, წაგვეყვანა ხუთი კაცი: მეგზური, მეხრე და სამი მსახური. მეგზურისა და მეხრის დაქირავებაზე დიდი დრო არ დამისარჯავს. ორივე ზულუსი იყო, ერთს გოზა ერქვა, მეორეს – ტომი. მსახურების შერჩევა კი, ცოტა არ იყოს, გამიჭირდა. უნდა მოგვეძებნა გულადი, ერთგული და სანდო ადამიანები. მათზე ხომ ბევრი რამ, თვით ჩვენი სიცოცხლეც კი, იქნებოდა დამოკიდებული. როგორც იქნა, მივაკვლიე ორ მათგანს, – ერთი პოტენტოტი ვენტფორგელი იყო, მეორე კი – პატარა ზულუსი ხივა. მან მშვენიგრად იცოდა ინგლისური. ვენტფორგელს კარგა ხანია ვიცნობდი. ჩემს სიცოცხლეში მასზე უკეთესი მეგზური და მონადირე არსად შემხვედრია. ერთი ჩასკვნილი, ძარღვმაგარი კაცი იყო, მაგრამ, სამწუხაროდ, როგორც ყველა პოტენტოტს, ერთი ნაკლი ჰქონდა: ძალიან უყვარდა სმა. საკმარისი იყო, მის წინ ბოთლი გროგი დაედგათ, რომ ამქვეყნად ყველაფერი დავიწყებოდა. ცხადია, ასეთ ადამიანს სავსებით ვერ მივენდობოდით, მაგრამ რაკი გზად არც სამიკიტნოები შეგვხვდებოდა სადმე და არც დვინის დუქნები, მისი ეს ნაკლი მაინცდამაინც არაფრად ჩაგიგდია.

მესამე მსახურის პოვნა ძალიან გამიძნელდა, ამიტომ გადავწყვიტეთ, ჯერჯერობით ეს ორი წაგვეყვანა. იმედი გვერდიდა, გზაში ვინმეს შევხვდებოდით, მაგრამ სწორედ ჩვენი გამგზავრების წინა საღამოს, სადილობის ხანს, ხივა შემოვიდა და მომახსენა, ვიღაც ზულუსს თქვენი ნახვა უნდაო. სადილი რომ დავამთავრეთ, ხივას ვუბრძანე, ზულუსი შემოიყვანე-მეთქი. ოთახში ახოვანი, ლამაზი მამაკაცი შემოვიდა, ასე, ოცდაათოოდე წლის იქნებოდა, ზულუსის კვალობაზე კანი მეტად დია ფერისა ჰქონდა. მისაღმების მაგიერ თავისი კორძებიანი ჯოხი მაღლა ასწია და ოთახის კუთხეში უხმოდ ჩაცუცქდა. რამდენიმე ხანს თავს ისე ვაჩვენებდი, ვითომ მის იქ ყოფნას ვერც კი ვამჩნევდი. ჩემი მხრივ დიდი წინდაუხედაობა იქნებოდა, სხვაგვარად მოვქცეულიყავი. ასეთ ხალხს მაშინვე რომ გამოელაპარაკო, მის თვალში ყოველგვარ ლირსებას დაკარგავ, მაგრამ შევნიშნე, რომ ეს ზულუსი „კეშლა“, ესე იგი, „ავირგვინიანი კაცი“ იყო. ომაში ჩაწიული ჰქონდა კაუჩუკის ფართო რგოლი, რომელიც ქონით იყო გაპოხილ-გაპრიალებული. რგოლის ასე ტარების უფლება აქვთ მხოლოდ წარჩინებულ ზულუსებს მას შემდეგ, რაც გარკვეულ ასაკს მიაღწევენ.

მისი სახე მეცნაურა.

- ჰეი, შენ, მანდ, – ვუთხარი ბოლოს, – რა გქვია?
- ამბობა, – მომიგო ზულუსმა დაბალი, სასიამოგნო ხმით.
- მგონი, ადრე სადღაც მინახიარ.
- დიახ, ინკოზი, სწორედ ბრძოლის წინა დღეს, ლიტლჰენდთან იზანდჰუანში შემხვდით.

უეცრად ჩემთვის ყველაფერი ცხადი გახდა.

ზულუსებთან იმ დასაქცევი ომის დროს მე ლორდ ჩელმსფორდის ერთ-ერთი მეგზურთაგანი ვიყავი. რამდენიმე ფურგონი მყავდა ჩაბარებული. ჩემდა

საბედნიეროდ, სწორედ პრძოლის დაწყების წინ იმ ფურგონებთან ერთად მომიხდა ბანაკის დატოვება. ვიდრე ხარებს შეუბამდენენ, სწორედ ამ ზულუსს გამოველაპარაკე. მაშინ იგი ჩვენი მოკავშირე ზულუსების რაზმს მეთაურობდა. მითხრა, ძალიან ვეჭვობ, ჩვენმა ბანაკმა მტრის შემოტევას გაუძლოსო. მე ვურჩიე, ენა დაიმოკლე, ეს შენი ჭეუის საქმე არ არის-მეთქი, მაგრამ შემდეგ მისი სიტყვები ხშირად მახსენდებოდა.

— პო, მართალი ხარ, — ვუთხარი, — ახლა რისოვის გარჯილხარ?

— აი რა, მაკუმაზან (ეს სახელი კაფრებმა შემარქვეს, მაკუმაზან ნიშნავს „ადამიანს, რომელიც ნაშუადამევს დგება“, ჩვენებურად კი, „უბრალოდ, ადამიანს, რომელიც მუდამ ფრთხილობს), მითხრეს, თითქოს თეთრკანიან ბელადებთან ერთად შორს, ჩრდილოეთისკენ აპირებ წასვლას. მართალია ეს?

— მართალია, მერე რა?

— თქვეს, გადაწყვეტილი აქვთ, მდინარე ლუგანგამდე მივიდნენო. ლუგანგას კი მანიკას მიწიდან ერთი მთვარის საფალი გზა აცილებს. ესეც მართალია, მაკუმაზან?

— რაში გესაჭიროება იმის ცოდნა, სად მივდიგარო და სად არა, შენ ვინ გეყითხება? — ვუთხარი და უჭირო გადაგხედე. გადაწყვეტილი გვქონდა, ჩვენი მგზავრობის მიზანი არავისოთის გაგვემხილა და საიდუმლოს გულმოდგინედ ვინახავდით.

— ოჳ, თეთრო ადამიანებო! — წამოიძახა ზულუსმა, — თუ მართლა ასე შორს მიდიხარო, ნუ დამტოვებო, მეც წამიყვანეთ!

მართალი გითხრათ, გამაოცა ამ კაცის კილომ და ლაპარაკმა; თავი ძალზე დირსეულდა ეჭირა და საქციელიც კვთილ შობილური ჰქონდა. არც მისი მომართვა იყო ჩვეულებრივი. ზულუსი თავის დღეში არ ეტყვის თეთრკანიანს — ოჳ, თეთრო ადამიანო! თეთრკანიანთან საუბრისას ჩვეულებრივი მისი მიმართვა: „ინკორზი“, რაც მათ ენაზე ბელადს ნიშნავს.

— თავს ნუ იგდებ, — მკაცრად ვუთხარი, — ვიდრე თეთრკანიანს რამეს ეტყოდე, კარგად უნდა დაფიქრდე. სად არის შენი კრაალი, ვინა ხარ? მიპასუხე, რომ ვიცოდეთ, ვისთან გვაქვს საქმე.

— ამბობა მქვია. ზულუსების ტომს ვეკუთვნი, მაგრამ სინამდვილეში მათთან საერთო არაფერი მაქვს. ჩემი სამშობლო აქედან შორს, ჩრდილოეთშია. ჩემი ტომის ხალხი იქ დარჩა, როცა სხვა ზულუსები აქეთკენ წამოვიდნენ. ეს მოხდა ათასი წლის წინათ, გაცილებით უფრო ადრე, ვიდრე მეფე ჩაკა ტახტზე ავიდოდა. მე არა მაქვს კრაალი და დიდი ხანია აქეთიქით დავეხეტები. ბავშვი ვიყავი, ზულუსთა ქვეყანაში ჩრდილოეთიდან რომ მოვედი. შემდეგ ნომაბაკოზის პოლკში მეფე კეჩვაიოს ვემსახურებოდი. ზულუსების ქვეყნიდან ნატალში გავიქეცი, მინდოდა გამეგო, როგორ ცხოვრობდნენ თეთრკანიანები. შემდეგ კეჩვაიოს წინააღმდეგ ვიბრძოდი. მას მერე ნატალში ვცხოვრობ, მაგრამ ჩემი ადგილი აქ არ არის. გული ისევ ჩრდილოეთისაკენ მიმიწევს. წამიყვანეთ. ფულს არ გამოგართმევთ. ამტანი კაცი ვარ, გამოგადგებით. საჭმელს საქუთარი ოფლით მოვიპოვებ და ცეცხლთანაც ადგილს მართებულად დავიჭრ. აი ეს არის ჩემი სათქმელი!

ამ კაცის თხოვნამ საგონებელში ჩამაგდო, ყველაფერზე ეტყობოდა, არა ტყოდა, მაგრამ იმდენად განსხვავდებოდა სხვა ზულუსებისაგან და მისი თხოვნა, უფულოდ გემსახურებითო, იმდენად უცნაური იყო, რომ ძალაუნებურად დაგეჭვდი. არ ვიცოდი, რა პასუხი მიმეცა, ამიტომ ჩვენი საუბარი სერ ჰენრისა და კაპიტან გუდს გადავუთაგმნე და რჩევა ვკითხე.

— აბა, ერთი უთხარით, ფეხზე წამოდგეს, — მითხრა პასუხის ნაცვლად სერ ჰენრიმ.

ზულუსმა გრძელი სამხედრო მოსახსამი მხრებიდან გადაიგდო და წამოდგა. მთლად დედიშობილა იყო, თუ არ ჩავთვლით მუჩასა და ლომის ბრჭყალების ყელსაბამს. ასეთი ლამაზი ზულუსი ჩემს სიცოცხლეში არ მენახა. სიმაღლით ექვსი ფუტი და სამი დუიმი იქნებოდა, მხარბეჭიანი და კარგად მოყვანილი იყო. ლამპის შუქზე მისი კანი ჩვეულებრივ შავგვრემანზე ოდნავ მუქი თუ ჩანდა. მხოლოდ ასეგათ მიუკერდებოდი ჭრილობები აქა-იქ მუქი ლაქებივით ეტყობოდა. სერ ჰენრი მიუახლოვდა ზულუსს და თვალი თვალში გაუყარა.

— რა საუცხოო წყვილია, — მითხრა გუდმა და ჩემკენ გადმოიხარა. — შეხედეთ, თითქმის ერთი სიმაღლისა არიან.

— მე მომეწონეთ, — უთხრა ზულუსს სერ ჰენრიმ, — მომეწონეთ და ჩემთან გზოვებთ.

ეტყობა, ამბობა მიხვდა, რასაც უუბნებოდნენ, იმიტომ რომ ზულუსურ ენაზე უპასუხა: კარგი, გმადლობთო. მერე ახედ-დახედა მის წინ მდგომ თეორკანიან ბუმბერაზეს და დასინა:

— მე და შენ ნადვილი მამაკაცები ვართ, დიახ, დიახ, ნამდვილი ვაჟკაცები.

თ ა ვ ი I V

ნ ა დ ი რ ო ბ ა ს პ ი ლ ო ე ბ ზ ე

მე არ ვაპირებ დაწვრილებით მოგითხოთ ყველაფერი, რაც გზაში, კრაალ სიტანდამდე თავს გადაგვხდა. სიტანდა დურბანიდან სამი ათასი მილით არის დაცილებული და მდინარე ლუკანგასა და კალუკვეს შესართავთან მდებარეობს.

ჩვენ იძულებული გავხდით, უკანასკნელი სამასი მილი ფეხით გაგვევლო, რადგან იმ ადგილებში ძალიან გახშირდა საზარელი ბუზი ცეცხა, რომლის ნაკბენი, ვირისა და კაცის გარდა, ყველასათვის საბედისწეროა.

დურბანიდან იანგრის ბოლოს გამოვედით, სიტანდას კი მხოლოდ მაისში მივაღწიეთ, გზად ბევრი რამ გადაგვხდა თავს, თუმცა დიდად საყურადღებო არაფერი მომხდარა, გარდა ერთი შემთხვევისა, რომელზედაც მინდა დაწვრილებით გესაუბროთ.

აინაიტში, მატაბელეს ბოლო სავაჭრო პუნქტში, რომელსაც მეცე ლობენზულა მართავს (უნდა ითქვას, რომ ეს ლობენზულა წარმოუდგენელი არამზადა), სინანულით გამოვეთხოვთ ჩვენს ფურგონსა და ხარებს. იმ ოცი ხარიდან, დურბანში რომ შევიძინეთ, თორმეტიდა დაგვრჩა. ერთს კობრამ უკბინა, სამი უწყლობით დაგველუპა, ერთს გზა აებნა და დაგვეპარგა, სამმა კი ხეტიტას მსგავსი რაღაც შეამიანი მცენარე შეჭამა და მოკვდა. ის მცენარე სხვა ხარებსაც ეჭამათ, მაგრამ გადავარჩინეთ, ხეტიტას ფოთლების ნახარში ვასვით. ამგვარი ნახარში, თუ დროულად მიაშველეთ, შეამის მოქმედებას მაშინვე აქარწყლებს. ფურგონი ხარებითურთ გოზას და ტომს ჩავაბარეთ. მათ, რასაკვირველია, ზედმიწევნით ვენდობოდით, მაგრამ მაინც ვთხოვეთ შოტლანდიელ მოხუც მისიონერს, რომელიც ამ უდაბურ მხარეში დასახლებულიყო, მათზე თვალი სჭეროდა. შემდეგ ამბობას, ხივას, ვენტფორგელისა და ექვსი კაფრი მებარგულის თანხლებით ქვეითად დავადექით გზას.

მახსოვს, მდუმარედ მიგაბიჯებდით. ყოველი ჩვენგანი გულში ალბათ იმას ფიქრობდა, უკან დაბრუნება მომიწევს თუ არაო. მე კი, მართალი მოგახსენოთ, სულაც არ მქონდა იმედი, რომ ოდესმე ჩვენს ფურგონს ისევ დავინახავდი. კარგა ხანს მივყვებოდით გზას ასე, მწარე ფიქრებში წასულნი. უეცრად ამბოპამ, რომელიც წინ მიგვიძლოდა, ზულუსურ ენაზე სიმდერა წამოიწყო: რამდენიმე გულითად ადამიანს გული გაუწვრილა ერთფეროვანმა ცხოვრებამ, მობეზრდათ შეჩვეული გარემო და უკიდეგანო უდაბნოსაკენ გაუყვნენ გზას, რომ იქ ან რაღაც სიახლე ენახათ, ან ვაკაცურად დალუპულიყვნენ, მაგრამ აი საოცრება! უდაბნოს შუაგულს რომ მიაღწიეს, თვალწინ საუცხოო წალკოტი გადაეშალათ. ოპ, რა კეკლუცი ქალები, რა საქონლის ჯოგები დახვდათ იქ. ამასთან, ტყეში ბლომად იყო ნადირი, ბრძოლის ველზე კი – მტერი. სხვა რადა უნდოდათ?

ამ სიმდერამ გულში იმედი გაგვიდვიძა და ყველანი გავმხიარულდით. ამბოპასაც შემოაწვებოდა ხოლმე გულზე ნადველი, მაგრამ მხოლოდ მცირე ხნით. საოცარი უნარი ჰქონდა, სხვები გაემხიარულებინა, მასთან საკუთარ დირსებას არასოდეს ჰყარგბავდა. ეს სიცოცხლით სავსე ადამიანი ყველამ გულით შევიყვარეთ.

ახლა კი მინდა ერთი შემთხვევა გაფიხსენო, ამით მეც ცოტას გავერთობი, რადგან ნადირობის ამბები ძალიან მიტაცებს.

აინაიტიდან ასე, ორიოდე კვირის სავალზე ერთ თვალწარმტაც ადგილს წავაწყდით. ნიადაგი ნოტიო იყო. მაღლა, გორაკებს შორის, დაღრანტულ ხეობებში, სქლად აყრილიყო აიდოროს ბუჩქები (ასე ეძახიან ამ ბუჩქებს ადგილობრივი მკვიდრი), აქა-იქ კი „წაცტე-ეენ-ბეცტ-ს“ („ცოტა ხანს შეჩერდი“) ეკლიანი ჯაგები მოჩანდა. მათ შორის აშოლტილიყო მაჩაბელებს ლამაზი ხები, რომელთაც ტოტები ყვითელი, გამაგრილებელი ნაყოფით ჰქონდათ დახუნძლული. ეს ნაყოფი სპილოების საყვარელი საჭმელია, ამიტომ არ გამკირვებია, მთელი ის არემარე მათი ნაკვალევით რომ დაგვხვდა გადათელილი. ბევრგან შეგვხვდა გადამტვრეული და ძირფესვიანად ამოთხრილი ხებიც. სპილო ხომ ჭამის დროს თავის ირგვლივ ყველაფერს ერთიანად ამტვრევს და ანადგურებს.

მახსოვს, მთელი დღე შეუჩერებლივ ვიარეთ და სადამო ხანს ბუჩქნარით დაფარულ ერთ ლამაზ გორაკს მიუჟახლოვდით. გორაკის ძირში მდინარის დამშრალი კალაპოტი მოჩანდა. აქა-იქ ხნარცვებში კი ბროლივით გამჭვირვალე წყალი ლივლივებდა. წყლის სიახლოვეს ნადირისაგან ბილიკები იყო დახლაკნილი. ჩვენ წინ გადაშლილი ფართო ველი წალკოტს მოგაგონებდათ. აქ ჯგუფ-ჯგუფად მოჩანდა მორცხვი მიმოზა და ფოთლებხასხასა მაჩაბელებს ხები. ირგვლივ კი ზღვად აყრილიყო ბუჩქნარი, რომელსაც ერთი ბილიკიც არსად სერავდა.

როგორც კი მდინარის კალაპოტს მიუჟახლოვდით, აყლაყუდა ჟირაფების ჯოგი ადგილს მოსწყდა და ჭენებ-ჭენებით გაქუსლა. ჭენებითო ვამბობ, თორებ ამ ცხოველმა ისეთი უცნაური სირბილი იცის, გეგონებათ, მიცურავსო. კუდები სასაცილოდ აეპრიხათ და ჩლიქებს კასტანეტებივით უხათქუნებდნენ მიწას. როცა სამასიოდე იარდით დაგვმორდნენ, ესე იგი, ფაქტიურად გასცდნენ ტყვიის სასროლ მანძილს, გუდმა ცოუნებას ვედარ გაუძლო, სასკდომი ტყვიით დატენილი თოვი შემართა და ესროლა ახალგაზრდა ჟირაფს, ჯოგს კუდში რომ მისდევდა. რადაც საოცარი შემთხვევის წყალობით, საბრალო პირუტყვს ტყვია კისერში მოხვდა და ხერხემალი გადაუმსხვრია. ჟირაფი კურდღლელივით გადავიდა ყირას. კაცი ნადირობაში დაგბერდი, მაგრამ ამაზე საოცარი სურათი, მართადი გითხრათ, არასოდეს მინახავს!

— ეშმაკმა დალახვროს! — წამოიძახა გუდმა (როცა აღელვებული იყო, ჩვეულებად პქნიდა მაგარ-მაგარი სიტყვები ეხმარა, რაც მე ძალიან მწყინდა), — ეშმაკმა დალახვროს-მეთქი, აკი მოვკალი!

— უ უგწან! (დიახ, ბუგვან)! — წამოიყვირეს ჩვენმა კაფრმა მტვირთავებმა, — უ, უ! (დიახ, დიახ)!

ისინი გუდს მუდმა მონოკლით ხედავდნენ, ამიტომაც იყო, რომ „ბუგვანი“ (შუშისთვალი) შეარქვეს.

იმ დღიდან მოყოლებული, გუდმა, თუ ჩვენ შორის არა, კაფრებში მაინც, მარჯვე მსროლელის სახელი დაიმკვიდრა, თუმცა სინამდვილეში თოფს კარგად ვერც კი ხმარობდა.

შსახურებს ვუპრძნეთ, მოკლული ჟირაფისთვის საუკეთესო ნაჭრები აეჭრათ, ჩვენ კი ერთ-ერთი ხნარცვის მარჯვნივ ასიოდე იარდი გადავზომეთ და ადგილის შემორაგვას შევუდექით. შემორაგვა ასე ხდება: რაც შეიძლება ბლომად დაჭრიან ეკლიან ძემვს და მრგვალი დობის მაგვარად აწყობენ. მერე შიგნით მიწას მოასწორებენ, ცენტრში ბალახისაგან საწოლებს გამართავენ, მერე კი ერთს ან რამდენიმე კოცონს გააჩადებენ.

შუშარბაში შემოგადამდა კიდეც. ლობის შემორაგვას რომ მოვრჩით, ცაზე უკვე მთვარე მიცურავდა. ვახშამიც მზად იყო. ძალიან გემრიელი გვეჩვენა ჟირაფის ხორცის ბივშტექსი და შემწვარი ძვლის ტვინი, თუმცა ტვინის გამოსადებად ძვლის გატეხვა, ცოტა არ იყოს, გაგვიძნელდა.

სავსე მთვარის შუქზე შევექცეოდით ჩვენს უბრალო ვახშამს, თანაც გუდს ვაქებ-ვადიდებდით. ნაგახშმევს კი ჩიბუხები გავაბოლეთ და საუბარი გავაბით. კოცონის ირგვლივ ჩამსხდარ-ჩაცუცქებულები ალბათ ძალზე უცნაური სანახავები ვიყავით.

განსაკუთრებით თვალში გეცემოდათ განსხვავება სერ პენრისა და ჩემ შორის. მე ერთი გამხდარი, ტანმორჩილი კაცი ვარ. მუქი კანის ფერი და ჯაგარივით გაფშეკილი თმა მაქვს, თანაც სულ რაღაც სამოციოდე კილოგრამს თუ ვიწონი. სერ პენრი კი ბრგე, მხარბეჭიანი კაცია, თმა ქერა აქვს და წონითაც კაი ოთხმოცდათხუთმეტი კილოგრამი იქნება. მაგრამ თუ გავითვალისწინებო მაშინდელ პირობებს, ჩვენ სამში ყველაზე უცნაური სამეფო ფლობის გადამდგარი თფიცერი, კაპიტანი ჯონ გუდი მოგეწვენებოდათ. იგი ტყავის ტომარაზე იჯდა და ისე სუფთად და ფაქიზად იყო ჩაცმული, გეგონებოდათ, სადმე ცივილიზებულ ქვეყანაში იმყოფება და ნადირობაში სასიამოვნოდ გატარებული დღის შემდეგ ეს-ეს არის დაბრუნდაო. საიმდევისოდ ტვიდის ყავისფერი კოსტუმი შეერჩია, ისეთი, მონადირეები რომ იცვამენ ხოლმე. თავზეც ყავისფერი ქუდი ეხურა, ფეხებზე კი კოხტა გეტრები ეცვა. უნდა მოგახსენოთ, არასოდეს მინახავს აფრიკის უდაბნოში ასე წმინდად გაპარსული, ასე კოხტად და სუფთად ჩაცმული ჯენტლმენი. მისი ჩასმული კბილები საუცხოო მოვლილ-შენახული იყო, მარჯვენა თვალზე მონოკლი ედგა. როგორც, ჩვეულებრივ, სხვა დროს, არც იმ სადამოს დავიწყებია გუტაფისის თეთრი საყელოს გაკეთება. უნდა მოგახსენოთ, რომ ამ საყელოების კაიხელა მარაგი პქნდა წამოღებული.

— იცით, ეს საყელოები ძალიან ცოტას იწონის, — გულუბრუებილოდ მითხრა მან, როცა გაოცება ვერ დავფარე. — მე კი მუდმა ჯენტლმენივით ჩაცმა-დახურვა მიყვარს.

დიახ, ამგვარად ვისხედით და ვსაუბრობდით მთვარის მომაჯადოვებულ შუქზე, თან გავცემოდით კაფრებს, რომლებიც ჩვენგან რამდენიმე იარდზე კოცონს შემოსხდომოდნენ და მათრობელა დაკათი დატენილ ჩიბუხებს უპლაკუნებდნენ. ჩიბუხის ტარები სამხრეთაფრიკული ანგილოპის რქისაგან იყო

გაპეოებული. ბოლოს კაფრები საბნებში გაეხვივნენ და ცეცხლის პირას მიიძინეს. მათ შორის ამბოპა არ ერია, იგი მოშორებით მიმჯდარიყო (შევამჩნია, რომ კაფრებს გაურბოდა), თავი ხელისგულებზე დაეყრდნო და დრმა ფიქრს მისცემოდა.

უეცრივ ზურგს უკან, ბუჩქნარიდან ხმამაღალი ბრდდვინვა შემოგვესმა.

— ლომია! — წამოვიძახე მე.

ეველანი ფეხზე წამოვხტიოთ და სმენად ვიქეციოთ.

იმავე წამს ხნარცვიდან, ჩვენგან ასიოდე იარდზე, ყურთასმენის წამდებად დაიღრიალა სპილომ.

— ნკუნგუნკლოვო ინდლოვუ! (სპილო, სპილო!) — აჩურჩულდნენ კაფრები.

რამდენიმე წუთის შემდეგ ბუნდად დავლანდეთ სპილოების ჯოგი. ეს უზარმაზარი ცხოველები ნელი ნაბიჯით მიემართებოდნენ ბუჩქნარის შეაგულისაკენ. გუდი ნადირობის ჟინმა აიტანა და გახელებული წამოხტა. ალბათ ეგონა, სპილოსაც ისევე ადვილად მოვკლავ, როგორც ის უირავი მოვკალიო. მაგრამ მე მკლავში ხელი წავატანე და ძალისძალად დაგსვი.

— არავითარ შემთხვევაში არ ესროლოთ, — ვუთხარი, — დააცადეთ, გაიარონ.

— ეს მხარე მონადირისათვის ნამდვილი სამოთხე ყოფილა... მე მგონია, ცუდი არ იქნება, ერთი-ორი დღით აქ რომ შევჩერდეთ და ცოტა წავინადიროთ, — თქვა მოულოდნელად სერ პენრიმ.

ცოტა არ იყოს, გაკვირვებული დავრჩი. აქამდე სერ პენრი სულ იმის ცდაში იყო, რაც შეიძლება სწრაფად გვევლო წინ. განსაკუთრებით მას შემდეგ, რაც აინაიტში გვითხრეს, ამ ორიოდე წლის წინათ ინგლისელმა, გვარად ნევილმა გაყიდა თავისი ფურგონი და უდაბნოსაკენ გაემართაო. ახლა კი ალბათ მონადირის ინსტინქტმა სძლია და ეს სიტყვები ათქმევინა.

სერ პენრის წინადაღებას გუდი სიხარულით შეხვდა, რადგან სპილოებზე ნადირობა ოცნებად პქონდა გადაქცეული. მართალი გითხრათ, მეც ამაზე ვოცნებობდი, ვერ შევრიგებოდი იმ აზრს, რომ სპილოების ჯოგი მშვიდად გაეცლებოდა აქაურობას, ჩვენ კი ასე გულხელდაკრეფილები ვისხდებოდით.

— ძალიან კარგი, მეგობრებო, — ვთქვი მე, — არ გვაწყენს, ცოტათი მაინც რომ გავერთოთ, ახლა კი დავიძინოთ, ხვალ უთენია უნდა ავდგეთ, რომ ჯოგმა არ გაგვასწროს.

ჩემი თანამგზავრები დამეთანხმნენ და ყველანი დასაძინებლად მზადებას შევუდექით. გუდმა ტანსაცმელი გაფერთხა, გაწმინდა, შემდეგ მონოკლი და ხელოვნური კბილები ჯიბეში ჩაიწყო, შარვალი და ხალათი გულდაგულ დაკეცა და, დილის ცვარს რომ არ დაესველებინა, თავისი გარეზინებული ზეწრის ქვეშ ამოხდო. მე და სერ პენრიმ კი სწრაფად გავიხადეთ ტანსაცმელი, საბნები წავიხურეთ და თავი ღრმა ძილს მივეციოთ. დაღლილ-დაქანცულებს სიზმარიც კი არ გვინახავს, მაგრამ ძილშიც კი გვეზვენებოდა, რომ მივდიოდით, მივდიოდით და მივდიოდით...

ჩუ, ეს რა ხმები ისმის?

იქ, სადაც წყალი გვეგულებოდა, ერთი ორომტრიალი და ლაწალუწი ატყდა. მეორე წუთს გაისმა შემზარავი ღრიალი. დიას, დიას, ასე მხოლოდ ლომი ღრიალებს ხოლმე. თვალისდახამსამებაში წამოვხტიოთ და სიბნელეს თვალჩაციებით დავაშტერდით. როგორც იქნა, გავარჩიეთ მოყვითალო-მოშავო ფერის რაღაც სხეულები. ისინი აქეთ-იქით აწყდებოდნენ და სამკვდრო-სასიცოცხლო ბრძოლით თანდათანობით გვიახლოვდებოდნენ. ჩვენ თოვებს ხელი დავავლეთ, ველდესკუნები გზადაგზა ჩავიცვით და მოღობილიდან

სირბილით გავედით. სწორედ ამ დროს მოწინააღმდეგენი მიწაზე დაეცნენ, ერთ ხანს გვესმოდა, როგორ კოტრიალობდნენ ბალახში, მერე მიყუჩდნენ და როცა მივუახლოვდით, უკვე გაშეშებულნი იყვნენ.

აი, რა სურათი წარმოგვიდგა თვალწინ.

ბალახში მამალი ანტილოპა ეგდო – ეს ანტილოპა აფრიკაში გავრცელებულ ჯიშებს შორის ყველაზე ლამაზია. იქვე დავინახეთ საუცხოო შავფაფრიანი ლომი, იგი ანტილოპას თავისი უზარმაზარი მოხრილი რქებით გაეგმირა. ალბათ ანტილოპა წყლის დასალევად ჩავიდა ხნარცვთან, სადაც საკბილოს მოლოდინში ლომი იყო მიმალული (უთუოდ მისი ღრიალი გვესმოდა დაწოლის წინ). ანტილოპა რომ წყალს დაეწაფა, ლომი ზურგზე შეახტა და ზედ მის წვეტიან რქებს წამოეგო (მსგავს სურათს ერთხელ უკვე სადღაც წავაწყდი). ლომი გააფთრდა და, რაკი თავი ვერაფრით გაითავისუფლა, სულ დაუფლითა ანტილოპას კისერი და ზურგი. შიშისა და ტკივილისაგან გაგიუქბული ანტილოპა გამწარებული გამოიქცა ხნარცვიდან. ასე გარბოდა, ვიდრე მკვდარი არ დაეცა ძირს.

ჩვენ დავათვალიერეთ უსულო ცხოველები, მსახურებსა და მტვირთავ კაფრებს ვუხმეთ და საერთო ძალით ლომი და ანტილოპა ლობისკენ გადმოვათრიეთ, შემდეგ ჩვენს საწოლებს დაგუბრუნდით და მზის ამოსვლამდე ფეხიც აღარ გაგინძრევია.

ცისპირი გატყდა თუ არა, ფეხზე წამოვდექით და ნადირობის სამზადისს შევუდექით. გადავწყვიტეთ წაგველო მსხვილყალიბიანი სამი თოვი და ბლომად ტყვია-წამალი, ჩვენი მოზრდილი მათარები კი ცივი ჩაის სუსტი ნაყენით აგვევსო. მე ვფიქრობ, ნადირობისას ჩაი საუკეთესო სამედია. შემდეგ ნაჩქარევად ვისაუზმეთ და გზას გავუდექით. ამბობა, ხივა და ვენტფორელი უკან მოგვყვნენ. კაფრი მტვირთავები კი ბანაკში დავტოვეთ და ვუბრძანეთ, ლომი და ანტილოპა გაერყავებინათ, მერე ანტილოპა ნაჭერ-ნაჭერ აექნათ.

სპილოების ფართო ბილიკის მიგნება არ გაგვირვებია. ვენტფორგელმა ბილიკი დაათვალიერა და თქვა, აქ ოც-ოცდაათამდე სპილოს გაუვლია, ამათგან უმეტესობა მამალი სპილოებია.

დამით ჯოგს კარგა დიდი მანძილის გავლა მოესწრო და მხოლოდ ათი საათისათვის, როცა სიცხემ გვარიანად შეგვაწუხა, დამტვრეულ-დალებილი ხეების, მოთხრილი ფესვების, მიყრილ-მოყრილი ფოთლებისა და აბოლილი ნაპელის დანახვისას მივხვდით, რომ სპილოები სადღაც ახლოს იმყოფებიან.

მართლაც, ცოტა ხნის შემდეგ თვალი მოვკარით ჯოგს. ვენტფორგელი მართალი გამოდგა, ასე ოცი-ოცდაათი სპილო იქნებოდა. საუზმე დაემთავრებინათ, ახლა ღარტაფში იდგნენ და უზარმაზარ ყურებს აფართხუნებდნენ. მართალი მოგახსენოთ, საუცხოო სანახაობა იყო.

სპილოები ჩვენგან ორასიოდე იარდით იყვნენ დაშორებულნი. მე დავიხარე, გამხმარ ბალახს ხელი მიუსვ-მოფუსვი, მუჭში შევაგროვე და მერე მაღლა შევისროლე, რომ ქარის მიმართულება გამეგო. ვიცოდი, თუ სუნს იკრავდნენ, ისე სწრაფად მიეფარებოდნენ თვალს, თოვის დაცლასაც ვერ მოგასწრებდით. როცა დაგრწმუნდით, ქარი ჩვენკენ ქროდა, ნელ-ნელა, ფორთხვით წავედით სპილოებისკენ და, რაკი მაღალი ბალახი გვფარავდა, ამ უზარმაზარ ცხოველებს ასე, ორმოც იარდზე მივუახლოვდით. სწორედ ჩვენ წინ, გვერდშექცევით სამი ვეებერთელა სპილო იდგა. ერთ მათგანს უშველებელი ეშვები ჰქონდა. ჩემს თანამგზავრებს გადავუჩურჩულე, მე შუათანას ვესვრი-მეთქი. სერ ჰქონდა მარცხნივ მდგომი სპილო ამოიღო მიზანში, გუდმა კი იმ დიდეშვიანს უმიზნა თოვი.

— აბა, ვესროლოთ! — ჩურჩულით ვთქვი.

— ბახ! ბახ! ბახ! — იჭექა თოფებმა და სერ ჰენრის სპილო უსულოდ დაეცა ძირს, ტყვია შიგ გულში პქონდა მოხვედრილი.

ჩემმა სპილომ წამოიჩოქა, ასე მეგონა, სასიკვდილოდ დავჭერი-მეთქი, მაგრამ წამის შემდეგ ფეხზე წამოდგა და ჩვენკენ გამოიქცა, ცოტას გაწყდა, გვერდი არ გამკრა. ამჯერად თოფი ფერდში დავუმიზნე და ვესროლე. სპილო მკვდარი დაეცა. თოფი საჩქაროდ დავტენე, მისკენ გავექანე, საბრალო პირუტყვს მესამე ტყვია ტყინში ჩავაჭედე და ამით მის ტანჯვას ბოლო მოვუდე, მერე გუდისკენ მივიხედე, რომ მენახა, როგორ გაართვა თავი იმ უზარმაზარ ცხოველს, სიბრაზისა და ტკივილისაგან რომ დრიალებდა და იქაურობას აყრუებდა. დავინახე, ცუდ დღეში ჩავარდნილიყო და მისკენ გავექანე. ძალიან აღელვებული დამხვდა.

პირველი ტყვიით დაჭრილი, გააფთრებული ცხოველი თავდათავ მისკენ გამოქანებულიყო. საბრალო კაპიტანს ძლივს მოქსწრო განზე გახტომა. ახლა სპილო გზა-კვალის განურჩევლად პირდაპირ ჩვენი ბანაკისაკენ გარბოდა, დაფეობული ჯოგი კი საწინააღმდეგო მიმართულებით მიქროდა.

ჩვენ შევყოფმანდით, ვერ გადაგეწყვიტა, დაჭრილ სპილოს გამოვდგომოდით თუ ჯოგს ავდევნებოდით. ბოლოს ვარჩიეთ, ისევ ჯოგს გავყოლოდით. გვეგონა, იმ უზარმაზარ ეშვებიან სპილოს ველარასოდეს ვიხილავდით, მაგრამ შევცდით. ნეტავ მართლა ასე მომხდარიყო! სპილოების დევნა არ გაგვთხელებია, ისინი გზად ტოვებდნენ ფართო ბილიკს, ისე თხრიდნენ და ლეწავდნენ სქელ ბუჩქებსა და ბარდნარს, თითქოს ბალახის დეროები ყოფილიყო.

მაგრამ მათთან მიახლოვება არც ისე ადვილი აღმოჩნდა. სიცხისაგან გათანგულები ორი საათი მაინც მივდევდით უკან, ვიდრე ხელახლა დავინახავდით. უზარმაზარი მამალი სპილოს გარდა, ყველანი ერთად შექუჩულიყვნენ, მოუსვენრად ტოვავდნენ და ხორთუმს წამისწამ მაღლა სწევდნენ, რომ ჰაერი დაეყნოსათ. ამით მივხვდი, რაღაც ცუდი განეზრახათ.

ის მამალი სპილო ჯოგს, ასე, ორმოცდაათ იარდზე დაშორებოდა. ალბათ დარაჯად იდგა. ჩვენგანაც დაახლოებით ამ მანძილით იქნებოდა დაშორებული. უფრო ახლოს მისვლა რომ გადაგეწყვიტა, შეიძლებოდა დავენახეთ, ან სუნი ეკრა და მაშინ ჯოგი ისევ გაიქცეოდა. ამიტომ ჯოგის გუშაგი ყველამ მიზანში ამოვიდეთ და ჩემს მიცემულ ნიშანზე ერთბაშად ვესროლეთ. სამივე ტყვია მიზანში მოხვდა და სპილო უსულოდ დაენარცხა ძირს. ჯოგი გაიქცა, მაგრამ, საუბედუროდ, ასიოდე იარდის შემდეგ წაწყდა ნულას — მდინარის დამშრალ ციცაბონაპირიან კალაპოტს. სპილოებმა თავი ვეღარ შეიკავეს და ფლატეზე გადაცივდნენ. როცა მივუახლოვდით, დავინახეთ, დაფეობული ცხოველები თავგანწირვით ცდილობდნენ იქთა ნაპირზე აბობდებას, შემზარავი დრიალით იქაურობას აყრუებულები ერთმანეთს ფეხექვეშ თელავდნენ. ერთი სიტყვით, იქცეოდნენ ისე, როგორც მოიქცეოდა ადამიანთა უმრავლესობა მსგავს შემთხვევაში.

დრო ხელსაყრელი იყო. ჩვენც სასწრაფოდ დავტენეთ თოფები, ვისროლეთ და ხუთი ცხოველი სიცოცხლეს გამოვასალმეთ. ალბათ მთელ ჯოგს ამოვწყვეტდით, მაგრამ სპილოებმა მოულოდნელად გეზი იცვალეს. იმის ნაცვლად, რომ მაღლა აჟყოლოდნენ, მდინარის კალაპოტს თავქვე დაუყვნენ და რაც ძალი და, ღონე პქონდათ გაქუსლებს. ძალზე დაქანცულები ვიყავით, მათი დევნის თავი აღარ გვქონდა, მგონი, მოგვწყინდა კიდეც ეს ხოცვა-ჟლება.

ხუმრობა ხომ არ იყო, რვა სპილო მოვკალით! ერთი დღისთვის ეს არც თუ ისე ცედი ნადავლი იყო.

ცოტა ხნით შევისვენეთ. ამასობაში ჩვენმა მსახურებმა ორ მოკლულ სპილოს გულები ამოაცალეს და ვახშმისათვის შეინახეს, მერე კი კმაყოფილებმა ბანაკისკენ გამოვწიეთ. გადავწყვიტეთ, მეორე დილით მებარგულები გამოგვეგზავნა, რომ სპილოებისათვის ეშვები დაეძროთ.

იმ ადგილს რომ მივუახლოვდით, სადაც გუდმა უზარმაზარი სპილო დაჭრა, წინ ანტილოპების ჯოგი შემოგვეფეთა. არ გვისვრია, რადგან ხორცი ისედაც საკმარისი გვქონდა. ანტილოპებმა გვერდით ჩაგვიქროლეს, ასიოდე იარდი გაირბინეს, ბუჩქებს მიეფარნენ და შემობრუნდნენ, რომ კარგად დაგეთვალიერებინეთ. გუდს სამხრეთაფრიკული ანტილოპა არასოდეს ენახა, ერთი სული ჰქონდა, მათთან ახლოს მისულიყო, ამიტომ თოფი ამბოპას გაუწოდა და ხივას თანხლებით ბუჩქნარისკენ გასწია. ჩვენ კი მის მოლოდინში დასასვენებლად დავსხედით.

მზე ჩადიოდა დიდებული და ბრწყინვალე, დასალიერს მეწამული ფერი დასდებოდა. მე და სერ ჰენრი ამ ლამაზი სურათის ცქერით ვტკბებოდით. უცრად საზარელი დრიალი შემოგვესმა. იმავე წამს უზარმაზარი სპილოც დავინახეთ. მას ხორთუმი აეშვირა, კუდი აეპრიხა და ისე გამორბოდა.

სწორედ ის სპილო იყო, დილით გუდმა რომ დაჭრა; გააფთრებული ცხოველის წინ თავჭუდმოგლეჯილები გამორბოდნენ გუდი და ხივა. დიახ, დიახ, სპილო სწორედ მათ მოსდევდა. საზარელი იყო. ჩვენ გაშეშებულები ვიდექით, სროლას ვერ ვბედავდით, გვეშინოდა, შემთხვევით ჩვენიანები არ დაგვეჭრა, თუმცა სიმართლე რომ ითქვას, ამ სიშორეზე სროლას აზრიც არ ჰქონდა.

წამიც და საშინელი რამ მოხდა: გუდი მისმა ევროპულმა ტანსაცმელმა იმსხვერპლა. რომ არ აეხირებინა და შარვლისა და გეტრების ნაცვლად ჩვენსავით ფლანელის ხალათი და ველდესკუნები ეტარებინა, არაფერი მოხდებოდა. ახლა კი, ამ სამკვდრო-სასიცოცხლო წუთში შარვალი სირბილში ხელს უშლიდა. კაპიტანი სამოციოდე იარდით იქნებოდა ჩვენგან დაცილებული, რომ ფეხი აუსხლტა და ზედ სპილოს ცხვირწინ პირქვე გაიშხლართა (ფეხი კი მიტომ აუსხლტა, რომ მისი ევროპული ფეხსაცმლის ლანჩები ბალახზე სირბილის დროს გაპრიალდა და ძალზე ცურავდა).

ჩვენ ყველამ საზარლად შევყვირეთ და მისკენ გავექანეთ, თუმცა ვიცოდით, ვედარავერს ვუშველიდით.

მართლაც, სამიოდე წამში ყველაფერი დამთავრდა, მაგრამ არა ისე, როგორც ჩვენ ვვარაუდობდით. როცა ხივამ დაინახა, გუდი დაეცაო, შებრუნდა და გააფთრებულ ცხოველს შები ხორთუმში აძგერა. გამწარებულმა სპილომ დაიღრიალა, ზულუსი მიწაზე დაანარცხა, წელქვევით თავისი უზარმაზარი ფეხი დაადგა, წელზევით ხორთუმი შემოარკალა და საბრალო ბიჭი შეაზე გახლიჩა.

ამ საშინელი სანახაობით გონდაკარგულები იქითქნები გავქანდით, თან გზადაგზა შეუჩერებლივ ვისროდით, ვისროდით მანამ, სანამ სპილო ზულუსის გვამს ზედ არ დაეცა.

ამასობაში გუდიც წამოდგა და, სასოწარკვეთილი ხელების მტვრევას მოჰყვა. დასტიროდა მამაც ჭაბუქს, მის გადასარჩენად სიცოცხლე რომ არ დაიშურა.

თუმცა ცხოვრებამ საქმაოდ გამაკაუა, ამ სურათის დანახვისას ყელში ბურთივით მომაწვა რაღაც და ლამის მეც ავქვითინდი. ამბოპა განზე იდგა და უზარმაზარ სპილოს და პატარა დასახიჩრებულ გვამს დასჩერებოდა.

— რა ვუყოთ, — თქვა მან უეცრად, — მართალია, ხივა მოკვდა, მაგრამ მოკვდა გმირულად, ვაჟპაცური სიკვდილით.

თ ა გ ი ს

ჩ ვ ე ნ უ დ ა ბ ნ თ ს მ ი ვ გ ვ ე ბ ი თ

ჩვენ ცხრა სპილო მოვკალით, ეშვები დავაძვრეთ, ბანაკის ახლოს გადმოვიტანეთ და ერთი უზარმაზარი ხის ძირას ქვიშაში ჩავფალით. უველავერ ამას ორი დღე მოვანდომეთ. უკეთესი სპილოს ძვალი არსად შემხვედრია, ყოველი ეშვი, საშუალოდ, ორმოციდან თრმოცდაათ გირვანქამდე იწონიდა. ხივა რომ დაფლითა, იმ სპილოს ეშვები კი, ჩვენი ვარაუდით, ას სამოცდაათი გირვანქა მაინც იქნებოდა. საბრალო ხივა, უფრო სწორად, მისი დასახირებული გვამი, ჭიანჭველაჭამიას სოროში დაგერძალეთ. თან, ზულუსების ჩვეულების თანახმად, საფლავში შები ჩავაყოლეთ, ეგება საიქიოს გზაზე მიმავალს თავდასაცავად დასტირდესო.

მესამე დღეს, ალიონზე ისევ გზას გავუდექით. იმედი გვქონდა, თუ ცოცხლები გადავრჩებოდით, აქეთობისას იმ ეშვებს ამოვთხოიდით და თან წამოვიდებდით. საქმიოდ გრძელი და მომქანცველი გზა გავიარეთ და, ბოლოს, როგორც იქნა, სიტანდას მივაღწიეთ. ეს კრიალა მდინარე ლუკანგას მახლობლად მდებარეობს. კაცმა რომ თქვას, ჩვენი მოგზაურობა სინამდვილეში სწორედ აქედან იწყებოდა.

შესანიშნავად მახსოვეს, როგორ მივედით სიტანდაში. მარჯვნივ პატარა დაბა იყო. დაბა-მეთქი ვამბობ, მაგრამ ამ დაბაში სულ რამდენიმე უბადრუკი ქოხი იდგა. ქოხებზე საქონლისთვის ქვის გომურები მიეშენებინათ. უფრო ქვემოთ, ზედ მდინარესთან ზოლებად ილანდებოდა დამუშავებული მიწის ნაკვეთები, სადაც აქაური მკვიდრნი მარცვლეულს თესავდენ. უფრო შორს, თვალმიუწვდომელ სივრცეზე გაჭიმულიყო მაღალი მობიბინე ბალახით დაფარული ველები, ანუ მდელოები, ზედ კი ჯოგ-ჯოგად დაგხეტებოდა წვრილფეხა პირუტყვი.

კრაალი სიტანდა სწორედ ამ ნაყოფიერი მიწის საზღვარზე მდებარეობდა. კრაალის მარცხნივ უდაბნო გადაჭიმულიყო. ძნელი სათქმელია, რას უნდა მიეწეროს, რომ ნიადაგი ასე მკვეთრად და მოულოდნელად იცვლიდა სახეს, მაგრამ განსხვავება იმდენად გასაოცარი იყო, რომ, გინდა არ გინდა, თვალში გეცემოდა.

ჩვენ პატარა მდინარის მახლობლად დაგიკარვეთ, წყალგაღმა ქვალორდიანი ფერდობი მოჩანდა. ოციოდე წლის წინათ ამ ფერდობს ხოხვით მიჰყვებოდა საბრალო სილვესტრი; მისი გიჟური ოცნება, მიეღწია სოლომონის საბადომდე, მარცხით დამთავრდა. ფერდობის იქით, დაბლა, ეკლიანი ბუჩქნარით დაფარული უწყლო უდაბნო იწყებოდა.

სალამოვდებოდა. მზის უზარმაზარი ბირთვი ნელ-ნელა ეშვებოდა უდაბნოსკენ და მისი სხივები თვალუწვდენელ სივრცეს ნაირფრად აშუქებდა.

ვიდრე გუდი ბანაკის საქმეებს მოაგვარებდა, მე სერ პენრის ვთხოვე, ცოტა გავისეირნოთ-მეთქი. ორივენი გორაკზე ავედით და იქიდან გავხედეთ უდაბნოს. პაერი წმინდა და კრიალა იყო. შორს, შორს, ცის დასალიერთან თვალი მოვკარი სულეიმანის მთების თოვლიან მწვერვალებს, რომლებიც აქედან ძალზე ბუნდოვნად მოჩანდა.

– შეხედეთ, – ვუთხარი სერ პენრის ცოტა ხნის სიჩუმის შემდეგ, – ის კედლები გარს ერტყმიან სოლომონ მეფის საბადოს. ღმერთმა უწყის, მივაღწევთ თუ არა იქამდე.

– იქ უნდა იყოს ჩემი ძმა და თუ ეს ასეა, უსიკვდილოდ მოვძებნო, – მშვიდად მიპასუხა სერ პენრიმ.

– რა გაეწყობა, ღმერთი იყოს ჩვენი მფარველი, იმედს ნუ დავკარგავთ, – ამოვიოხოვ და შევტრიალდი, რომ ისევ ბანაკში გავტრუნებულიყავი. მაშინდა დავინახე, მარტონი არ ვიყავით.

ჩვენ უკან შორეული მთებისკენ თვალმიპყრობილი ჩვენი ზულუსი ამბოპა იდგა. როცა დამინახა, მისკენ ვიყურებოდი, სერ პენრის მიუბრუნდა (ვატყობდი, ამბოპამ სერ პენრი რადაც გამორჩეულად შეიყვარა):

– მაშ, იმ მთებისკენ აპირებ წასვლას, ინკუბუ? – უთხრა და თავისი ფართო ასეგაი მთებისკენ გაიწვდინა.

ინკუბუ სპილოს ნიშავს, ეს სახელი სერ პენრის ზულუსებმა შეარქეს.

ბრაზი მომერია და მკაცრად ვუთხარი, – როგორ ბედავ შენს ბატონთან ასე მოურიდებდა და ლაპარაკს; შეგიძლიათ ერთმანეთში როგორც მოგესურვებათ, ისე ილაპარაჯოთ, მაგრამ უფლება არა გაქვთ, თეორკანიანს რადაც სულელური შერქმეული სახელებით მიმართოთ-მეთქი. ამაზე ამბოპამ მშვიდად გაიცინა. მისმა სიცილმა კიდევ უფრო აღმაშვოთა.

– რა იცი, რომ ადამიანი, რომელსაც ვემსახურები, ჩემი ტოლი და სწორი არ არის? – მითხრა ამბოპამ. – თქმა არ უნდა, ჩემი ბატონი მეფის შთამომავალია, ამას მისი სიმაღლე და გარეგნობა მოწმობს; მაგრამ საიდან იცით, რომ მეც სამეფო გვარს არ ვავთვინი? ოჰ, მაკუმაზან, გადაეცი ჩემი სიტყვები ინკუბუს, ჩემს ბელადსა და ბატონს, შენც მისმინე, მინდა რადაც გიოთხრა.

გაბრაზებული ვუგდებდი ყურს. ზულუსებისაგან ჩვეული არა ვარ ასეთ ლაპარაკს. მაგრამ ასე იყო თუ ისე, ამ კაცს ჩემდაუნებურად პატივს ვცემდი, თანაც მაინტერესებდა, რა უნდა ეთქვა ჩვენოვის; ამიტომ მისი სიტყვები მაშინვე ვუთარგმნე სერ პენრის, ჩემი მხრივ კი დაგუმატკ, ეს ზულუსი ნამეტნავად გათავსედდა და გაკადნიერდა-მეთქი.

– ჰო, ამბოპა, – მიუგო სერ პენრიმ, – იმ მთებისკენ ვაპირებ წასვლას.

– უდაბნო უსასრულოა, იქ წყალი არ არის, ცად აზიდული მთები კი თოვლითად დაფარული. ვერავინ იტყვის, რომ გადალახა ის მთები, რომელთა უკან მზე იმაღება. როგორ მიაღწევ იქამდე, ინკუბუ, ან რატომ ეშურები იქითკენ?

მე სერ პენრის ეს სიტყვებიც ვუთარგმნე.

– გადაეცი, – მითხრა სერ პენრიმ, – რომ დიდი ხნის წინათ იქით წავიდა ერთი ადამიანი, რომლის ძარღვებშიც ჩემი სისხლი ჩქევს. ჩემი ვალია, მოვძებნო იგი.

– მართალს ამბობ, ინკუბუ. აქეთობას ერთ პოტენტოტს შევხვდი, მან მითხრა, ორი წლის წინათ ვიღაც თეორგანიანი უდაბნოს გაჟყვა და იმ მთებისკენ წავიდა, თან მონადირე-მსახური ახლდა, უკან არც ერთი აღარ დაბრუნებულა.

– რა იცი, რომ ის კაცი ჩემი ძმა იყო? – პკითხა სერ პენრიმ.

– მე არაფერი ვიცი, მაგრამ პოტენტოტს რომ ვკითხე, ის კაცი როგორი იყო-მეთქი, მითხრა, თვალებით შენს ბატონს წააგავდა, ოღონდ შავი წვერი ჰქონდა. მის მსახურს ჯიმი ერქვა. ბეტუანლენდიდან ყოფილა, ტანსაცმელს ატარებდა თურმე.

— მართლაც თქვენი მმა ყოფილა! — წამოვიყვირე მე, — ჯიმს ხომ კარგად ვიცნობდი!

სერ პენრიმ დაფიქრებით დამიქნია თავი.

— ამაში ეჭვი არ მეპარებოდა, — თქვა მან, — ჯორჯი კერპი კაცია, თუ რამე ამოიჩემა, უკან ადარ დაიხევს. ბავშვობიდანვე ასეთი იყო. რაკი გულში ჩაიდო, სულეიმანის მთებზე უნდა გადავიდეო, გადავიდოდა კიდეც, რასაკვირველია, თუ გზაში რაიმე უბედურება არ დაატყდა თავს. ამიტომაც სწორედ იმ მთების იქით უნდა ვექიო.

ამბობას ცოტ-ცოტა ესმოდა ინგლისური, მაგრამ ამ ენაზე იშვიათად ლაპარაკობდა.

— ძალზე შორი გზაა, ინკუბუ, — თქვა მან.

მე მისი სიტყვები სერ პენრის ვუთარგმნე.

— დიახ, გზა მართლაც შორია, — მიუგო სერ პენრიმ, — მაგრამ არ არსებობს ამქვეყნად გზა, ადამიანმა რომ ვერ გალიოს, თუკი ამას მთელ ძალ-ღონეს მოახმარს. თუ სიყვარული კელაპტრად წინ უძღვის, კაცი ყველაფერს დაძლევს. არ არსებობს ისეთი მთა, მან ვერ გადალახოს, არ არსებობს უდაბნო, იგი რომ შეაჩეროს, გარდა, რასაკვირველია, იმ მთებისა და უდაბნოებისა, რომელთა ნახვა ამ ცხოვრებაში არ გვიწერია. ასეთი სიყვარულისთვის ყველაფერს გაწირავ, თვით სიცოცხლესაც კი. დიახ, საკუთარ სიცოცხლესაც მსხვერპლად გაიდებ, თუკი უფალმა ასე ინება.

— დიადი იყო შენი სიტყვები, ოჲ, მამავ ჩემო, — მიუგო ზულუსმა (ასე ვეძახდი ამბობას, მიუხედავად იმისა, რომ იგი ზულუსი არ ყოფილა), როცა სერ პენრის სიტყვები გადავეცი, — დიადი და ამაღლვებელი, სწორედ ისეთი, ჭეშმარიტ მამაკაცს რომ შეჭვერის. შენ მართალი ხარ, ინკუბუ, მამავ ჩემო! რა არის სიცოცხლე? მსუბუქი ბუმბული, ან ბალახის თესლია, რომელსაც ქარი თავის ნებაზე წაიღ-წამოიღებს. ზოგჯერ იგი მრავლდება, ზოგჯერ ზეცისკენ მიფარფატებს, მაგრამ თუ თესლი საღია, შეიძლება გზად მცირე ხნით შეჩერდეს. კარგი იქნება, ქართან ჭიდილში განვლო ასეთი გზა და ერთ ხანს სადმე დაყოვნდე. ადამიანი ბოლოს მაინც უნდა მოკვდეს, უარეს შემთხვევაში, შეიძლება მოკვდეს ცოტათი ადრე. მე შენთან ერთად ყველგან წამოვალ, ინკუბუ, უდაბნოშიც და იმ მაღალ მთებშიც. დიახ, წამოვალ, თუ გზაზე არ დავეცი.

ამბობა დადუმდა, მაგრამ იმწამსვე განაგრძო ლაპარაკი რიტორიკული აღტყინებით, რომელიც ზოგჯერ უუფლება ხოლმე ზულუსებს. ეს ამტკიცებს, რომ ამ ტომის ხალხი დაჯილდომებულია პოეტური ნიჭით და ინტელექტით, თუმცალა ერთსა და იმავე სიტყვას რამდენჯერმე იმეორებენ.

— დიახ, რა არის სიცოცხლე? — განაგრძო ამბობამ, — მითხარით, პოი, თეთრო ადამიანებო, თქვენ ხომ გონება ყველგან მიგიწვდებათ, აკი ფლობთ სამყაროს საიდუმლოს, ვარსკვლავების საიდუმლოს. ოჲ, თეთრო ადამიანებო, თქვენ, რომელთაც გეხერხებათ შორი მანძილიდან უხმოდ, თვალისდახამხამებაში, გადასცეთ ერთმანეთს სიტყვები, გამიმჟღავნეთ სიცოცხლის საიდუმლო, მარქვით, სად მიდის, ან საიდან მოდის იგი. არ ძალგიძოთ, არა, მიპასუხოთ, რადგან თავადაც არ უწყით ეს. მაშ მისმინეთ, ისევ მე გეტყვით! უკუნეთიდან მოვდივართ და უკუნსავე ვერწყმით. დამეში ქარიშხლისაგან დევნილი ჩიტივით ამოვიჭრებით ხოლმე არარაობიდან, კოცონის შექმნები წამით გაიელვებს ჩვენი ფრთები და მერე კვლავ არარაობას ვუბრუნდებით. სიცოცხლე არარაობაა, არაფერია, მაგრამ ამავე დროს ყველაფერია. ეს ის ხელია, რომელიც განარიდებს სიკვდილს, ეს ციცინათელაა, დამით რომ ციმციმებს და დილის შუქზე ქრება, ხარების მიერ ზამთრობით

ამონასუნთქი თეთრი ბოლია, ბალახზე გაწოლილი ოდნავ შესამჩნევი ჩრდილია, რომელიც მზის ჩასვლისთანავე უნდა გაქრეს.

— უცნაური კაცი ხარ, ამბოპა, — უთხრა სერ პენრიმ, როცა ზულუსი დადუმდა.

ამბოპამ გაიცინა.

— მე მგონია, ჩვენ ძალიან ვგავართ ერთმანეთს, ინკუბუ. ვინ იცის, იქნებ მეც ვეძებ ჩემს საკუთარ ძმას იმ მთების იქით.

— რა გინდა ამით თქვა? და საერთოდ, რა იცი იმ მთებზე? — ვკითხე მე და ეჭვით შევათვალიერე.

— ოჯ, ძალიან ცოტა რამ. ამბობენ, იმ მთების გადაღმა საიდუმლოებით მოცული წარმგაცი ქვეყანა არისო. საოცრებათა და გრძნეულთა, მამაცი მეომრებისა და მაღალი ხეების, თოვლიანი მწვერვალების, მქუხარე ჩანჩქერებისა და თეთრი ვაზის ქვეყანაო. მაგრამ ლირს კი ამაზე ლაპარაკი? წასვლის დროა, საღამოვდება. ვისაც ბედი წარუძღვება, ის მიაღწევს კიდეც იქამდე.

მე კვლავ უნდობლად გადავხედვ, ამ კაცმა უეჭველად იცოდა რადაც.

— ჩემი ნუ გეშინია, მაკუმაზან, — მითხრა ამბოპამ, ჩემი იჭვნეული მზერა რომ დაიჭირა, — გულში ცუდი არაფერი მიდევს. არც სამარეს გითხრით ჩუმ-ჩუმად. თუ ოდესმე გადავლახეთ ის მთები, მზის უკან რომ აღმართულან, ვიტყვი ყველაფერს, რაც ვიცი, მაგრამ ვაი, რომ მათ მწვერვალებზე სიკვდილი დახეტიალობს. გამოიჩინეთ კეთილგონიერება, დაბრუნდით უკან, დაბრუნდით-მეთქი, ბატონებო, და სპილოებზე ინადირეთ. მე ვთქვი!

შემდეგ დამშვიდობების ნიშნად შუბი ასწია, შებრუნდა და თავქვე დაეშვა; ბანაქში რომ ჩავედით, იგი უკვე თოფს წმენდდა, როგორც ეს ჩვეულებრივ მსახურს შეეფერება.

— რა უცნაური კაცია, — თქვა სერ პენრიმ.

— უცნაურზე მეტია, — დავუმოწმე მეც. — ჩემი აზრით, საეჭვოდ იქცევა, რაღაც იცის, მაგრამ არ უნდა თქვას. თუმცა მასთან ურთიერთობის გაფუჭება არა ლირს. გზაში ათას რამეს გადავეყრებით. და ჩვენი უცნაური ზულუსი უთურდ დიდ დახმარებას გაგვიწევს.

მეორე დღეს სამგზავროდ მზადებას შევუდექით. რასაკვირველია, სისულელე იქნებოდა იმაზე ფიქრიც კი, ჩვენი თოვები და სხვა იარაღი უდაბნოში თან წაგვედო. მებარგულები გავისტუმრეთ და მოველეპარაკეთ იქვე მცხოვრებ კაფრს, ვიდრე დავბრუნდებოდით, ჩვენი ნივთები თავისთან შეენახა. გული მეფლითებოდა, როცა ვფიქროდი, ეს საუცხოო თოვები ამ ქურდს უნდა ჩავაბაროთ-მეთქი. ბებერ გაიძერას მათ დანახვაზე თვალები აუციმციმდა, ვერ იქნა და ვერ მოაცილა წუწები მზერა. იძულებული გავხდი, სასწრაფო ზომებისთვის მიმემართა.

პირველ ყოვლისა, დაგტენე ყველა თოფი, ჩახმახები შევაყენე და კაფრს გამოვუცხადე, ამ იარაღს თითი არ დააკარო, თორემ უბედურებას დაატრიალებ-მეთქი. კაფრმა მაშინვე მოისურვა შეემოწმებინა, მართალს ვეუბნებოდი თუ არა, და ჩემს ორლულიან თოფს დასწედა. გაისმა გრიალი და ტყვიამ ფერდი შეულეწა ხარს, რომელსაც სწორედ ამ დროს კრაალში მოდენიდნენ. კაფრი კი უკუდარტყმისაგან ზურგზე გადაკოტრიალდა, იმავე წამოხტა. ხარის დაკარგვა საშინლად ეწყინა და გათავხედებულმა საზღაური მომთხოვა. ერთი კია, მეფიცებოდა, მაგ თოვებს სიახლოვეს აღარ გავეპარებიო.

— ჩამალეთ თივაში ეგ ცოცხალი ქაჯები, თორემ ყველას გაგველებს! — ბუტბუტებდა იგი.

ვიცოდი, მოხუცი ძალზე ცრუმორწმუნე იყო და დავემუქრე: ერთი თოფიც რომ დაგვეკარგოს, ჯადოს ვიხმარ და შენც და შენს სახლობასაც ერთიანად ამოგჟუეავთ-მეთქი. თუ ბედმა გვიმტყუნა და გზაში დავიღუპეთ, შენ კი ამ დროს ჩვენი თოფების დასაკუთრება მოიწადინე, საიქიოდან გამოგეცხადები, ჩემს აჩრდილს ვერც დღისით და ვერც დამით ვერსად გაექცევი-მეთქი... გარდა ამისა, შენს საქონელს შევულოცავ, დავაცოფებ, რძეს გავუშრობ, შენ კი იმ ზომამდე მიგიყვან, სიკვდილი სანატრელი გაგიხდეს-მეთქი. ამას არ გაკმარებ, ეშმაკეულებს, თოფში რომ სხედან, გარეთ გამოგუბახებ და ისინი მოგელაპარაკებიან, როგორც წესი და რიგია-მეთქი. ერთი სიტყვით, გავაგებინე, რა სასჯელი ელოდა, თუ ჩვენს ნდობას არ გაამართლებდა. ბებრუხანა გვარიანად შეშინდა და შემომფიცა, თქვენს ნივთებს ისევე გავუფრთხილდები, როგორც განსცენებული მამაჩემის სულსო.

ზედმეტი ტვირთისაგან გავთავისუფლდით და საგზაოდ მზადებას შევუდექით. საჭირო იყო, გადაგვერჩია თან წასაღები იარაღი და ნივთები. ძალიან ვცდილობდით თავი არ გადაგვეტვირთა და რაც შეიძლება მსუბუქად გვევლო, მაგრამ თითოეულ ჩვენგანს ორმოც-ორმოცი გირვანქა ტვირთი მაინც შეხვდა საზიდად. აი, რა მიგვქონდა თან:

სამი „ექსპრესის“ სისტემის თოფი, თავისი ორასი ტყვიით; ორი სავაზნეკოლოფიანი „ვინჩესტერი“ (ამბობასა და ვენტფორგელისათვის), ესეც ორასი ტყვიით; სამი „კოლტის“ სისტემის რევოლვერი სამოცი ტყვიით; ხუთი ოთხ-ოთხსამისი მათარა; ხუთი საბანი; ოცდახუთი გირვანქა ბილტონგი ანუ აპოხტი; ათი გირვანქა საუკეთესო მძივი საჩუქრებისათვის; პატარა აფთიაქი აუცილებელი წამლებით. თან წავიღეთ აგრეთვე ერთი უნცია ქინაქინა და მცირე ზომის ქირურგიული ხელსაწყოები.

ამას ემატებოდა ზოგიერთი წვრილმანი: კომპასი, ასანთი, ჯიბის ფარანი, ფილტრი, თამბაქო, პატარა ბარი, ერთი ბოთლი ბრენდი და, ბოლოს, ტანსაცმელი, რომელიც ზედ გვეცვა. ასეთი შორი და სახიფათო მოგზაურობისათვის ყველაფერი ეს, რასაკვირველია, ცოტა იყო, მაგრამ მეტის წაღება ვეღარ გავბედეთ, ორმოცი გირვანქა ტვირთი ჩვენთვის საკმაოზე მეტიც იყო. უდაბნოს გავარვარებულ ქვიშაზე მძიმე ტვირთით სიარული ძნელზე ძნელი საქმეა. ასეთ შემთხვევაში, ყოველი ზედმეტი გრამი უნდა აიწონ-დაიწონოს. ძალიანაც რომ ვცდილიყავით, ტვირთს ვერ შევიმსუბუქებდით, რადგან თან მხოლოდ აუცილებელი ნივთები მიგვქონდა.

დიდი გაჭირვებით დავიყოლიე სამი საცოდავი კაფრი, ოციოდე მილზე წამოგვილოდა. — ეს ჩვენი მოგზაურობის პირველი საფეხური იყო. ყოველ მათგანს უნდა წამოედო გოგრის დიდი ბოთლი, თითო გალონი წყლით. ფეხის ქირად თითოეულისათვის მონადირის დანა უნდა მიმეცა. იმედი გვქონდა, წყლის მარაგს პირველ გადასასვლელზე შევავსებდით. გადავწყვიტეთ გზას დამით დავდგომოდით, რადგან ამ დროს შედარებით უფრო გრილოდა. კაფრებს ვუთხარი, სირაქლემებზე სანადიროდ მივდივართ-მეთქი. კაფრები პასუხად რაღაცას მეუბნებოდნენ, მხრებს იჩეჩდნენ და მარწმუნებდნენ, ნამდვილად დაგიუბულხართ, აუცილებლად წყურვილით დაიხოცხითო. ერთი მხრივ, ეს მართლაც საფიქრალი იყო. მაგრამ კაფრებს ძალიან უნდოდათ დანები ხელო ეგდოთ. სხვა დროს და სხვა პირობებში ასეთ რამეზე ვერც იოცნებებდნენ, ამ ველურსა და უაცრიელ ადგილებში დანა დიდი იშვიათობაა. ჰოდა, დანების სათრით დაგვთანხმდნენ ის ოცი მილი ჩვენთან ერთად გაევლოთ. ალბათ გულში ფიქრობდნენ, თუნდაც ახლავე დახოცილან წყურვილით, ჩვენი რა საქმეა.

მთელი მეორე დღე ძილსა და დასვენებას მოვაწყომეთ: მზის ჩასვლისას ძროხის ხორცით კარგად წავივახშემეთ და ზედ ჩაიც დავაყოლეთ. გუდმა ნადვლიანად შენიშნა, ვინ იცის, ჩაის კვლავ როდისდა დავლევოო. ნავახშემევს გავამზადეთ ბარგი-ბარხანა, შემდეგ ისევ დავწექით და მთვარის ამოსვლას დაველოდეთ. ბოლოს, დაახლეობით საღამოს ცხრა საათისათვის, მთვარეც ამობრწყინდა. მისი შუქი თქრიალით მოეფინა არემარეს და შორეთში გაჭრილი უდაბნო ვერცხლისფრად აალაპლაპა. ჩვენ წინ გართხმული სივრცე ისეთივე დიადი და მდუმარე ჩანდა, როგორც ვარსკვლავებით მოჭედილი ცის ტატნობი.

ველანი მზად ვიყავით, გზას დავდგომოდით, მაგრამ ადგილიდან არ ვიძროდით, თითქოს ვუყმანობდით, ფეხს ვითრევდით. თუმცა რა გასაკვირია, მოუსავლეთის კარიბჭესთან ადამიანი მუდამ ყოყმანობს ხოლმე. ჩვენ, სამი თერთკანიანი, განზე გავდექით. ამბოპა ჩვენგან რამდენიმე ნაბიჯზე იდგა. თოვი მხარზე გადაეგდო, ხელში შები ეჭირა და თვალჩაციებით გასცემოდა უდაბნოს. ვენტფოგელი და კაფრები ჩვენს ზურგს უკან შექუჩულიყვნენ.

— ბატონებო, — წამოიწყო სერ ჰენრიმ დაბალი, სასიამოვნო ხმით მცირე დუმილის შემდეგ, — ჩვენი მოგზაურობა არაჩვეულებრივი იქნება, ვეჭვობ, იგი კეთილად დამთავრდეს. ჩვენ სამნი ვართ და დრმად მჯერა, რაც უნდა მოხდეს, ერთმანეთს უკანასკნელ წუთამდე დავიცავთ. ახლა კი, ვიდრე გზას გავუდგებოდეთ, ვახსენოთ დმერთი, შემოქმედი ყოვლისა, რომელიც დასაბამიდან წარმართავს ადამიანთა ბედს და ადგავლინოთ მცირე ლოცვა მისდამი. ვენდოთ დვთის ხებას, შევევედროთ, სწორი და ჭეშმარიტი გზით გვატაროს.

სერ ჰენრიმ ქუდი მოიხადა, სახეზე ხელები აიფარა და ორიოდე წუთი ლოცვად იდგა. მე და გუდიც ვლოცულობდით.

მე, მსგავსად მონადირეთა უმრავლესობისა, არ შემიძლია მხურვალედ ლოცვა. სერ ჰენრი კი დრმად მორწმუნე ადამიანია, თუმცა ამგვარი სიტყვები მისგან სხვა დროს აღარ გამიგონია. გუდიც ლვთისმოსავია, მხოლოდ ლანძლვა-გინება უყვარს. ყოველ შემთხვევაში, არ მახსოვს, ოდესმე ასე მხურვალედ მელოცოს. ლოცვა რომ დავასრულე, გულს მეფონა. ჩვენი მომავალი ბნელით იყო მოცული, მაგრამ, ჩემი აზრით, იდუმალი და შეუცნობელი, ყოველგვარი საფრთხე და განსაცდელი, ადამიანს შემოქმედთან აახლოვებს.

— აბა, ახლა კი წავიდეთ! — თქვა სერ ჰენრიმ.

გზას დავადექით. მივდიოდით, მაგრამ არსებითად ალალბედზე უნდა გვევლო, რადგან გარდა იმ მორეული მთებისა, აქედან ძლიერ რომ ილანდებოდა და ხოსე და სილვესტრას მიერ სამასი წლის წინათ ქსოვილის ნაფლეთზე დახატული რუკისა, ვერაფრით ვიხელმძღვანელებდით. ნახევრად შეშლილი მომაკვდავი მოხუცის დატოვებული ტილოს ეს ნაფლეთი მაინცდამაინც დიდად საიმედო არ იყო. მიუხედავად ამისა, მთელ იმედებს მასზე ვამყარებდით. პირადად მე სულ იმაზე ვფიქრობდი, მივაგნებდით თუ არა პატარა ტბორს „ცუდი წყლით“, რომელიც, მოხუცი პორტუგალიელის რუკის მიხედვით, უდაბნოს შეაგულში, ესე იგი, კრაალ სიტანდადან სამოციოდე მილის დაშორებით უნდა ყოფილიყო. ეს ტბორი ამავე მანძილით იყო დაშორებული დელოფალ საბიას მოებიდან. წყლისთვის რომ ვერ მიგვეგნო, საშინელ ტანჯვაში ამოგვხდებოდა სული, მაგრამ ვინ იყო თავდები, რომ ქვიშისა და ბუჩქნარის ამ უკიდეგანო ზღვაში მაინცდამაინც იმ ტბორს წავაღებოდით. დავუშვათ და, სილვესტრამ სწორად გადაიტანა რუკაზე მისი ადგილსამყოფელი, მაინც ძნელი დასაჯერებელი იყო, რომ სამი საუკუნის მანძილზე უდაბნოს თაკარა სხივებს ერთიანად არ ამოეშრო იგი. ბოლოს და ბოლოს, სულ რომ არაფერი, ქვიშით ამოივსებოდა ან გარეული ცხოველები გადატეპნიდნენ.

აჩრდილებივით უხმოდ მიგყვებოდით ბნელს. ჩქარი სიარული შეუძლებელი იყო. ფეხი წამდაუწუმ ქვიში გვეფლობოდა. ეკლიანი ბარდები გზას გვიღობავდა, ფეხსაცმელი სილით გვევსებოდა. იძულებული ვიყავით, დროდადრო შეგვესვენა და სილა გამოგეფერთხა. უდაბნოს მძიმე, სულის შემხუთველ ჰაერს დამის სიგრილე რამდენადმე ამსუბუქებდა და სასიამოვნოს ხდიდა. ამიტომაც, მიუხედავად ზემოაღნიშნული სიძნელეებისა, საძმაო მანძილის გავლა მოვასწარით. ირგვლივ შემზარავი სიჩუმე გამეფებულიყო. გუდმა ჩვენ გასამხნევებლად სტგენა წამოიწყო. მაგრამ მხიარული კილო ვრცელ უდაბნოში როგორდაც ულიმდამოდ და ავტედითად გაისმა. გუდმა იგრძნო ეს და სტვენა შეწყვიტა.

მალე ძალზე სასაცილო ამბავი გადაგვხდა თავს, თუმცა, უნდა ითქვას, თავდაპირველად ძალიან შევშინდით. გუდი კომპასით ხელში წინ მიგვიძლოდა – როგორც, საერთოდ, ყველა მეზღვაურს, მასაც ემარჯვებოდა კომპასით გზის გაკვლევა. ჩვენ კი ერთიმეორის მიყოლებით მის უქან მივაბიჯებდით. უკცრად ჩვენმა კაპიტანმა ხმამაღლა წამოიყვირა და სადღაც გაქრა. იმავე წამს ჩვენ ირგვლივ რაღაც საოცარი ხმები გაისმა: ფრუტუნი, ხვრინვა და კვნესა ერთმანეთში აირია, მერე ფეხის მძიმე ბარტყუნით ვიღაც გაიქცა.

დიდი გაჭირვებით დავლანდეთ ბნელში რაღაც უცნაური ცხოველები, ფხოჭა-გლეჯით რომ გარბოლნენ წინ და ირგვლივ მტვრის კორიანტელს აყენებდნენ. შეშინებულმა კაფრებმა ტვირთი მიწაზე დააგდეს და გაქცევა დააპირეს, მაგრამ მალე მიხვდნენ, გასაქცევი რომ არსად პქონდათ, პირქვე დაემხნენ და აყვირდნენ, ეშმაკი, ეშმაკი! მე და სერ ჰენრი გაოცებულები ვიდექით. მაგრამ წარმოიდგინეთ, რა დაგვემართებოდა, როცა დავინახეთ, რომ გუდი გამალებული მიქროდა მთებისკენ, თან საზარლად ღრიალებდა. მოგვეჩვენა, თითქოს ცხენს მიაჭენებდა. უკცრად ხელები აიქნია და მთელი ძალით მძიმედ დაასკდა მიწას.

მაშინვე მივხვდით, რაც მომხდარიყო: ბნელში კვაგების ჯოგს გადავწყდომოდით. ცხენებს ეძინათ. გუდმა წაიფორხილა და ერთ-ერთ მათგანს ზურგზე დაეცა. დაფეთებული ცხოველი წამოხტა, ბნელში გაიჭრა და „მხედარიც“ თან გაიტაცა. ჩვენებს მივაძახე, არ შეშინდეთ-მეთქი, და სასწრაფოდ გუდისკენ გავექანე.

ადვილი წარმოსადგენია, როგორ გამიხარდებოდა, როცა ჩვენი კაპიტანი ქვიშაზე მჯდარი დავინახე. საბედნიეროდ, სულაც არ დაშავებულიყო, მხოლოდ ძალზე შეშინებული ჩანდა და კარგა მაგრადაც იყო დაუკილი, თუმცა ეს არც მას და არც მის მონოკლს არ ემჩნეოდა.

ამ შემთხვევამ გვარიანად გაგვამიარულა და მალე ისევ გზას დავადექით. დამის პირველი საათისთვის შევისვენეთ. ცოტა წყალი დავლიეთ (წყალს სამყოფად ვერ დავლევდით, რადგან კარგად გვესმოდა, რას წარმოადგენდა ჩვენთვის ეს ძვირფასი სითხე) და ნახევარი საათის შემდეგ ისევ გზას გავუდექით.

ვიარეთ, ვიდრე აღმოსავლეთი ალისფრად არ შეფერადდა, და მოყვითალო-მოგარდისფრო ნაზი სხივები არ გამოჩნდა. ეს სხივები სწორაფად გადადღადდა და უცებ ცეცხლოვან ზოლებად მოედო მიწას, სწორედ ამ ზოლებით შემოცურდა უდაბნოში განთიადი, ვარსკვლავები გაუფერულდნენ და ბოლოს სრულიად გაქრნენ. მთვარე მიიბნიდა და მის მკრთალ დისკოზე გამოჩნდა მთაგრეხილის ზოლი. ასე ლაცლაცებს ხოლმე მომაკვდავის სახეზე ჩრდილი. მზის სხივებმა ისრებივით გაიელვეს სადღაც, ძალიან შორს, დაცხოლეს უდაბნოს ბურუსის საბურველი და მთელი უდაბნო ოქროსფრად ალაპლაპდა.

გზამ ძალიან მოგვქანცა, მაგრამ გადავწყვიტეთ, არ დაგვესვენა, რადგან ვიცოდით, როგორც კი მზე აიმაღლებდა, ისე ჩამოცხებოდა, ფეხს წინ ვედარ წავდგამდით. ბოლოს, დაახლოებით ერთი საათის სიარულის შემდეგ სწორ ადგილას წამოუყდებული რამდენიმე ქარაფი დავლანდეთ. დადლილ-დაქანცულები წავლასლასდით იქით და დავინახეთ, რომ რამდენიმე დიდი ლოდი წინ წამოწვდილიყო. ამ ლოდების ქვეშ თავისუფლად შეგვეძლო მზისგან თავის შეფარება. სიამოვნებით შევლაგდით ჩრდილში. მიწა წვრილი სილით იყო მოფენილი. დავლიეთ ცოტაოდენი წყალი, თითო ნაჭერი ბილტონგი დავაყოლეთ, მერე იქვე მივეყარეთ და იმწამსვე მკვდრებივით ჩაგვეძინა.

თვალი რომ გავახილე, უკვე სამი საათი იყო.

კაფრი მებარგულები ჩვენ გადვიძებასდა ელოდნენ, რომ უკან გამობრუნებულიყვნენ, მათ ეს უდაბნო ყელში ამოუგიდათ და ველარაფერი აიძულებდათ, ცოტაზე კიდევ გამოგვყოლოდნენ. ოღონდ აქაურობას გასცლოდნენ და დანებზეც კი ხელს აიღებდნენ.

ჩვენ აუწერელი სიამოვნებით დავლიეთ მათარებში ჩარჩენილი წყალი, მერე გოგრის ბოთლებიდან წყალი მათარებში გადავასხით და კაფრები შინ გავისტუმრეთ.

ხუთის ნახევრისთვის კვლავ გზას გავუყევით. უდაბნოში სამარისებური სიჩუმე იდგა. თვალმიუწვდომელ ქვიშის ზღვაში, გარდა რამდენიმე სირაქლემისა, სულიერი არ ჰაჭანებდა. ამ უწყლო, გამომშრალ-გამოფიტულ მიწას, ეტყობა, ნადირიც გაურბოდა და ფრინველიც. ორიოდე შხამიანი კობრას გარდა, ქვეწარმავალიც კი არსად შეგვხვედრია. მიუხედავად ამისა, იყო ერთი მწერი, რომელსაც ვერა და ვერ დავადწიეთ თავი. ეს გახლდათ ბუზი, დიახ, ჩვეულებრივი ოთახის ბუზი. ისინი უდაბნოში დაფრინავდნენ, ჯაშუშებივით გვზვერავდნენ და თან მოგვყვებოდნენ, მაგრამ თითო-თითოდ კი არა, გუნდ-გუნდად. ოთახის ბუზი ძალიან უცნაური მწერია. სად გნებავთ წახვიდეთ, რომ მას არ გადაეყაროთ. რას იზამთ, ათადან ბაბადან ასეთი ყოფილა მათი მოდგმა და ჯიში.

ერთხელ ქარვის ნატეხი მაჩვენეს, შიგ ბუზი მოქცეულიყო. ეს ქარვა ხუთი ათასი წლის მაინც იქნებოდა. ბუზი ზუსტად ჩვენი ოთახის ბუზს წააგავდა. ჩემი აზრით, როდესაც დედამიწის ზურგზე უკანასკნელი ადამიანი მოკვდება, ბუზი (თუ, რასაკვირველია, ეს ზაფხულში მოხდა) ბზუილ-ბზუილით იტრიალებს მიცვალებულის ირგვლივ, რომ როგორმე დრო იხელთოს და ცხვირზე დაასკუპდეს.

საღამო ქამს შევისვენეთ, რომ მთვარის ამოსვლას დავლოდებოდით. როცა იგი ჩვეულებრივ მშვიდად და უშფოთველად ცაზე ამოგორდა, ჩვენც გზას გავუყევით. დამის ორი საათისათვის ცოტა ჩავიფერხეთ, მერე კი მზის ამოსვლამდე შეუსვენებლივ ვიარეთ. მზე რომ ამოვიდა, დადლილ-დაქანცულები დასასვენებლად შექჩერდით. დავლიეთ რამდენიმე ყლუპი წყალი და პირდაპირ ქვიშაზე დავეყარეთ. გაწამებულებს იმწამსვე ჩაგვეძინა. გუშაგის დატოვება სრულიად ზედმეტი იქნებოდა, რადგან ჩვენს ირგვლივ ჰაჭანება არაფრისა იყო. ჩვენი ერთადერთი მეტრი სიცხე, უწყლობა და ბუზები იყო. პირადად მე მერჩივნა, კაცს ან გამძვინვარებულ მხეცს შევბმოდი, ოღონდ კი ამ საზარელი „სამებისაგან“ როგორმე თავი მეხსნა. სამწუხაროდ, ამჯერად არ გვქონდა ბედნიერება, სადმე კედელს შევფარებოდით, რომ მზისგან თავი დაგვეცა. შვიდ საათზე აუტანელმა სიცხემ გაგვაღვიძა, ასე გვეგონა, გავარგარებულ ნაკვერჩელზე ვიხრუკებოდით. მზე წვეთ-წვეთად გვიშრობდა სისხლს. სულს ძლივს ვითქვამდით, რის ვაივაგლახით მოვახერხეთ წამოჯდომა.

- გაეთრიეთ! - შევძახე გასაგაოებულმა და ხელი ავუქჩიე ბუზების გროვას, თავზე გულდაგულ რომ დამბულოდა.
- რა ბედნიერები არიან, სიცხეს არც კი გრძნობენ.
- ღმერთმანი... - აღმოხდა სერ ჰენრის.
- ჰო, ცოტა არ იყოს, ცხელა, - შეაწყვეტინა გუდმა.

როგორც ვთქვი, სიცხე მართლა ჯოჯოხეთური იყო, თანაც თავს ვერსად შევაფარებდით. ირგვლივ, სადაც კი თვალი მიგვიწვდებოდა, გავარვარებული უდაბნო გადამლილიყო. არ ჩანდა არც ბორცვი, არც ქა, არც ხე და არც არაფერი, რომ პატაწინა ჩრდილი მაინც სადმე დაგვეგულებინა. მზის მკვეთრად მოლაპლაპე სხივებს ლამის დაგებრმავებინეთ. პაერის გახურებული, მოლივლივე ნაკადი კი, უდაბნოს ბულივით რომ დასწოლოდა, თვალებს გვწვავდა და ხედვას გვიშლიდა.

- როგორ მოვიქცეთ? - იკითხა სერ ჰენრიმ, - გეენას დიდხანს ვერც ერთი ვერ გაფუძლებო.

შეცბუნებულები ერთმანეთს მივაჩერდით.

- მოვიფიქრე, - თქვა გუდმა, - ორმო უნდა ამოვთხაროთ, შიგ ჩავძვრეთ, ზემოდან კი ბუჩქის ტოტები წავიფაროთ.

ამ წინადადებას დიდი აღფრთოვანებით არ შევხვედრივართ, მაგრამ სხვა გამოსავალი არ ჩანდა. თქმა და შესრულება ერთი იყო. მაშინვე მიწის თხრას შევუდექით. ვთხოვიდით ბარით, თან რომ წამოვიდეთ, ვიშველიებდით ხელებსაც და ასე, ერთი საათის შემდეგ, ამოვთხარეთ ორმო, რომლის სიგრძე ათ ფუტს უდრიდა, სიგანე - ოცს, სიღრმე კი - ორს. შემდეგ სანადირო დანებით ავკაფეთ მიწაზე გართხმული ბუჩქნარის ტოტები, ორმოში ჩავწექით და ეს ტოტები ზემოდან წავიფარეთ. მხოლოდ ვენტფოგელს არ მოუბაძავს ჩვენთვის. ის ჰოტენტოტი იყო და სიცხე სრულებით არ აწუხებდა.

ეს საფარი რამდენადმე გვიცავდა მზის მწველი სხივებისგან. მკითხველი ადვილად წარმოიდგენს, რა პაერი იქნებოდა ამ სამარისმაგვარ ორმოში, მე კი ამის ასაწერად სიტყვები არ მყოფნის. კალკუტის „შავი ორმო“ ჩვენს სოროსთან შედარებით ალბათ სამოთხედ მოგვეჩენებოდა. დღემდე ვერ მივმხვდარვარ, რამ გადაგვარჩინა იმ დღეს. ორმოში ჩაყრილებს პაერი არ გვყოფნიდა, სული გვეხუთებოდა, მხოლოდ უამიდან უამზე ვისველებდით ტუჩებს წყლით. წყალი კი ძალიან ცოტა გვქონდა. თავისთვის ნება რომ მიგვეცა, აქამდე ყლუპიც არ დაგვრჩებოდა; ამ ძვირფას სითხეს თვალისხინივით ვუფრთხილდებოდით, თორემ წყურვილი დაგვახრჩობდა.

დრო საოცრად ნელა მიიზლაზნებოდა, მაგრამ ამქვეყნად ყველაფერს აქვს დასასრული, - თუ, რასაკირველია, კაცმა მანამდე მიატანა. ეს საზარელი დღეც მიიწურა. სამი საათისათვის ვთქვით, ამ ორმოში ნელ-ნელა სიკვდილს გვირჩევნია, გზაში დავიხოცოთ. დავლიეთ რამდენიმე ყლუპი თბილი წყალი და ბარბაცით გაფუდექით გზას.

უკვე ორმოცდათი მილი გვქონდა გავლილი უდაბნოში. თუ გაიხსენებთ და სილვესტრას სიტყვებს და ერთხელ კიდევ დახედავთ მის რუგას, დაინახავთ, რომ უდაბნო ორმოც ლიეზე გადაჭიმული, ტბორი „მდგრიე წყლით“ კი თითქმის მის შეაგულ შია მონიშნული. ორმოცი ლიე ას ოც მილს შეადგენს, მაშასადამე, ჩვენ იმ ტბორს, დიდი-დიდი თხუთმეტი-ოცი მილით ვიყავით დაცილებული, თუკი, რასაკირველია, იგი ამ არემარეზე მართლა იყო სადმე.

გატანჯულ-გაწამებულები მზის ჩასვლამდე ძლივს მივლასლასებდით წინ, საათში მილ-ნახევარზე მეტს ვერ გავდიოდით. მზე რომ ჩავიდა, შევისვენეთ, რამდენიმე ყლუპი წყალი კიდევ მოვსვით და მთვარის ამოსვლამდე ცოტა

წავთვლიმეთ კიდეც. სანამ დაგწვებოდით, ამბოპამ პატარა ბორცვი დაგვანახვა. იგი ბუნდად ილანდებოდა ქვიშის სწორ ზედაპირზე და ჩვენგან დაახლოებით რვა მილით იქნებოდა დაცილებული. აქედან ჭიანჭველების ბუდეს წააგავდა.

ბოლოს მოვარეც ამოვიდა. სიცხისა და წყურვილისაგან არაქათგამოცლილები გზას დავადექით. ვისაც ეს ტანჯვა საკუთარ თავზე არ გამოუცდია, ვერ წარმოიდგენს, რა გადავიტანეთ იმ დღეს. კი არ მივდიოდით, მივბარბაცებდით. ყოველ საათში ვჩერდებოდით. ისე მოვიქანცეთ, ლაპარაკიც აღარ შეგვეძლო. აქმდე გუდს ენა არ გაუჩერებია, სულ ლაპარაკობდა და ოხუჯობდა, რადგან ძალზე მხიარული ხასიათის კაცია, მაგრამ ახლა ისიც დადუმდა.

ბოლოს, დამის ორი საათისათვის, სულიერად და ფიზიკურად გაწამებულები მივუახლოვდით პატარა ბორცვს, ერთი შეხედვით უზარამაზარ ჭიანჭველების ბუდეს რომ წააგავდა.

ამ ბორცვს სიმაღლე ასიოდე უუტი ჰქონდა და ასე, ორ აკრზე იქნებოდა გადაჭიმული.

აქ შევისვენეთ და აუტანელი წყურვილისაგან სასოწარკვეთილებამდე მისულებმა უპანასენელ წვეთმდე დავცალეთ მათარებში ჩარჩენილი წყალი. მაგრამ თვითონეულს ნახევარმა პინტმა თუ მოგვიწია. ეს მაშინ, როცა შეგვეძლო მოელი გალონები დაგველია.

წყალი დავლიეთ და დავწექით. ის იყო ჩამთვლიმა, რომ ამბოპას ხმა შემომესმა:

— თუ ხვალ წყალს ვერ მივაგენით, მოვარის ამოსვლამდე ყველანი დავიხოცებით, — ზულუსურ ენაზე თქვა მან.

მიუხედავად იმისა, რომ აუტანელი სიცხის ბუდი ტრიალებდა, ცივმა ქრუანტელმა დამიარა. საზარელია სიკვდილზე ფიქრი, მაგრამ ისე ვიყავი დალლილი, რომ ძილი ამ ფიქრმაც კი ვერ დამიფრთხო.

თ ა ვ ი V I

წ ყ ა ლ ი ! წ ყ ა ლ ი !

დილის ოთხი საათისათვის გამედვიძა. ძილმა თავისი გაიტანა და დალლილობას ისე აღარა ვგრძნობდი, სამაგიეროდ, აუტანელი წყურვილი მტანჯავდა. ამის შემდეგ თვალი ვეღარ მოვხუჭე. სიზმარში ვნახე, ვითომ მდინარეში ვპანაობდი. ნაპირები ხეებითა და ბუჩქებით იყო გადამწვანებული, მაგრამ გაღვიძებისთანავე იძულებული გაეხდი, მწარე სინამდვილეს დავბრუნებოდი: ირგვლივ ისევ გადახრუკული უდაბნო გადაჭიმულიყო. გამახსენდა ამბოპას სიტყვები, თუ წყალს ვერ მივაგენით, საზარელი სიკვდილით დავიხოცებითო. ვის შეუძლია უწყლოდ გაძლოს ასეთ თაკარაში! მე წამოვჯექი და ბინძური სახე გამშრალ-გაფშეკილი თითებით დავიზილებუთუთოები ერთმანეთზე შემწებებოდა, ვეღარც ბაგეებს ვაცილებდი ერთმანეთს. თვალები ვერ გავახილე, სანამ მაგრად არ მოვიფშვნიტე. მალე გარიერაუმა მოატანა, მაგრამ ჰაერში დილის სიგრილე ოდნავადაც არ იგრძნობოდა. საოცრად დახუთული, გავარვარებული დილის ბინდი გადაგვფენოდა თავს. ჩემს თანამგზავრებს ჯერ კიდევ ეძინათ. ბოლოს იმდენად ინათა, რომ კაცი ნაწერის გარჩევას შეძლებდა. მაშინ გადავშალე ინგოლდბის ლეგნდების პატარა წიგნი,

რომელსაც ჯიბით დაგატარებდი, და კითხვა დავიწყე. იმ აღგილს მივადექი, სადაც ეწერა:

პატარა ბიჭუნას მიჰქონდა ოქროს ნაჭედი ლიტრა,
სავსე ანკარა წყლით, ფირუზის
ნაკადად რომ მოედინება ნამურსა და
რეიმსს შორის...

დახეთქილი ტუჩები უნებლიერ ავაცმაცუნე, ან, უკეთ რომ ვთქვათ, შევეცადე ამეცმაცუნებინა. ამ ანკარა წყალზე ფიქრიც კი ჭავას მაკარგვინებდა. აქ რომ რაღაც სასწაულით კარდინალი გაჩენილიყო თავისი ზანზალაკებით, საღმრთო წერილითა და სანთლებით, მივვარდებოდი და უკანასკნელ წვეთამდე შევსვამდი მის ხელსაბან წყალს, თუნდაც ეს წყალი პაპის ხელის დასაბანად დირსებული საპნით ყოფილიყო აქაფებული. უკანასკნელ წვეთამდე შევსვამდი-მეთქი, ვამბობ, რომ მცოდნოდა კიდევაც, ამისათვის მთელი კათოლიკური ეკლესიის რისხვა და შეჩვენება დამატებულოდა თავს. წყურვილმა, დადლილობამ და შიმშილმა ცოტათი გონი ამიმდვრია. უცბად ცხადლივ წარმომიდგა თვალწინ, რა გაოცებული მიაჩერდებოდა კარდინალი, მისი თანმხლები ლამაზი პატარა მორჩილი ამ ტანდაბალ, მზით გარუჯულ, ჭალარა მონადირეს, როცა იგი ერთი ნახტომით გაჩნდებოდა მათ წინ, თავის ბინძურ სახეს წყლიან ჭურჭელში ჩაჰყოფდა და სულმოუთქმელად, უკანასკნელ წვეთამდე შესვამდა ძვირფას სითხეს. ეს იმდენად სასაცილოდ მეჩვენა, რომ თავი ვედარ შევიკავე და გადავისარხარე. ჩემმა ხრინწიანმა ხმამ დანარჩენებიც გააღვიძა. ისინიც მოჰყვნენ ჭუჭყიანი სახეების ხელასა და თვალების ფშვნეტას.

როცა ძილს ყველამ თავი გავართვით, გავმართეთ ბჭობა, როგორ მოვქცეულიყავით. ჩვენი მდგომარეობა სავალალო იყო, წვეთი წყალიც არ გაგვაჩნდა. მათარები გადმოვაპირქვავეთ, რომ სულ ყელზე ენა აგვესვა, მაგრამ რა, მათარები მშრალი იყო. გუდს ერთი ბოთლი ბრენდი ჰქონდა წამოღებული, იგი ახლა ხარბად დასცექროდა ბოთლს, მაგრამ სერ ჰენრიმ იგი ხელიდან გამოსტაცა და გადაუმალა. ჩვენს ყოფაში მაგარი სასმელის დალევა უმჭველ სიკვდილს ნიშნავდა.

— წყალს რომ ვერ მივაგნოთ, დავიღუპებით და ის არის, — თქვა სერ ჰენრიმ.

— თუ მოხუცი პორტუგალიელის რუკას ვერწმუნებით, წყალი აქ სადღაც ახლოს უნდა იყოს, — მივუგე მე.

ჩემი სიტყვებით მაინცდამაინც არავინ აღფრთოვანებულა, ცხადზე უცხადესი იყო, რომ იმ რუკაზე დიდი იმედები არ უნდა დაგვემყარებინა.

ამასობაში კარგად გათენდა. ვისხედით და გაწამებულები შევცექროდით ერთმანეთს. უეცრად ვენტფორგელი წამოდგა, აქეთ-იქით სიარულს მოჰყვა, თან მიწას თვალს არ აცილებდა. მერე ერთბაშად შეჩერდა, რაღაც წამოიყვირა და მიწაზე მიგვითითა.

— რა არის? — შევძახეთ ჩვენ, წამოვცვივდით და მისკენ გავექანეთ.

— დაგუშვათ, ეს ქურციკის კვალია და ამასთან, სულ ახალი, მერე რა გინდა ამით თქვა? — ვკითხე მე.

— ქურციკი მუდამ წყლის სიახლოვეს ცხოვრობს, — მიპასუხა მან ჰოტენტოტურ ენაზე.

— მართალი ხარ, — ვუთხარი მე, — ეგ სულ გადამავიწყდა. ისლა დამრჩენია, ამისთვის ღმერთს მადლობა შევწირო.

ამ უმნიშვნელო აღმოჩენამ ძალა გაგვიორცეცა. საოცარია, რაგინდ გულგატებილი და სასოწარკვეთილი არ უნდა იყოს ადამიანი, მაინც რაღაცას ებლაუჭება და იმედის ნაპერწალიც რომ ჩაეღვენთოს გულში, თავს უკვე ბედნიერად გრძნობს. ბნელ დამეში ცაზე ობლად რომ ციმციმებდეს ვარსკვლავი, მგზავრისთვის ესეც დიდი ნუგეში იქნება.

ამასობაში ვენტფორელმა თავისი პაჭუა ცხვირი აპრიხა და გახურებული ჰაერი დაყნოსა. ასე ყნოსავს ჰაერს მთის ბებერი შურთხი, როცა საიდანმე საფრთხის მოახლოებას გრძნობს.

— წყლის სუნი მცემს, — თქვა ვენტფორელმა.

სიხარულით ცას ვეწიეთ, რადგან ვიცოდით, რა საოცარი თანდაყოლილი ალღო აქვთ უდაბნოში გაზრდილ ადამიანებს.

სწორედ ამ დროს მზემაც ამოანათა მთელი თავისი ბრწყინვალებით და ჩვენს დატანჯულ თვალთა წინაშე ისეთი გასაოცარი სურათი გადაიშალა, რომ ლამის წყალიც კი დაგვავიწყდა. ჩვენგან ორმოცი-ორმოცდათიოდე მიღის დაშორებით დილის მზის სხივებში ვერცხლისფრად ლაპლაპებდა დედოფალ საბიას მკერდი. მის თრივე მხარეს სულეიმანის დიდი მთები გადაჭიმულიყო. ახლა, როცა ჩემს მაგიდასთან გზივარ და მინდა ამ განსაცვიფრებელი სურათის სიღიადე გადმოგცეთ, საჭირო სიტყვებს ვეღარ ვპოულობ. ზედ ჩვენ წინ, თხეუთმეტი ათასი ფუტის სიმაღლეზე აღმართულიყო ორი უზარმაზარი მთა, რომელთა ბადალი აფრიკაში კი არა, ჩემი აზრით, მთელი დედამიწის ზურგზე არ მოიპოვება. ამ ორ მთას, რომლებიც ერთმანეთისაგან ათიოდე მიღით იყვნენ დაშორებული, ჩამოფხავებული კლდოვანი ქედი აერთებდა. მთებს ამავად აღემართათ ცაში თვალით დაფარული, გაქათქათებული მწვერვალები. ისინი თითქოს სვეტებად შედგომოდნენ უზარმაზარ ჭიშპარს და მოყვანილობით ძლიერ წააგავდნენ ქალის მკერდს. მთები თანდათან ვიწროვდებოდნენ მომრგვალებული მწვერვალებისაკენ და აქედან თითქმის გადატკეცილნი ჩანდნენ. ორივე მწვერვალი ვეებერთელა, თვალით დაფარული ბორცვით მთავრდებოდა, ბორცვის მოყვანილობა ქალის ძუძუსთავს წააგავდა. ჩამოფხავებული კლდოვანი ქედის სიმაღლე რამდენიმე ათას ფუტს უდრიდა. ამ მთების ორივე მხარეს, სადამდეც კი თვალი მიგვიწვდებოდა, მოჩანდა ასეთივე ქედების ჯაჭვი. მათ შორის ამოზიდულიყო ბრტყელმწვერვალიანი მთები, რომლებიც რამდენადმე კეიიპტაუნის მთას მოგვაგონებდა. სხვათა შორის, აფრიკისათვის ეს მთები ჩვეულებრივი გეოლოგიური წარმონაქმნია.

ვიმეორებ, არ ძალმიძს აღვწერო ამ სურათის თვალისმომქრელი სილამაზე. ეს უზარმაზარი ვულკანები — მთები უეჭველად ჩამქრალ ვულკანებს წარმოადგენდნენ — იმდენად დიადი და დამთრგუნველი ჩანდა, რომ სუნთქვა შეგვეკრა.

დილის მზის სხივები ერთხანს აციალებდა თვალიან მწვერვალებს და ელაციცებოდა ყავისფერ კლდეებს თოვლის ხაზს ქვემოთ. შემდეგ ღრუბელი და სქელი ნისლი უცნაურ ბოლქებად აირ-დაირია და მთებს სქელ ფარდად აეკრა; თითქოს უნდოდა ეს დიდებული სურათი ჩვენი თვალთამზერისაგან მიეფარებინა. ახლა ძლიერსდა ვარჩევდით მთების წმინდა მოხაზულობას, რომელიც ნისლის საბურველში ზმანებასავით მოჩანდა. როგორც შემდგომ დაგადგინეთ, ამ მთებს, ჩვეულებრივ, უცნაური მჭიდრო ნისლი ფარავდა ხოლმე. ალბათ ამიტომაც იყო, აქამდე კარგად რომ ვერ დავინახეთ.

როგორც კი მთებმა ნისლის პირბადე აიფარეს, გულზე კვლავ ცეცხლი შემოგვენთო, წყურვილი ადრინდელზე მეტად გვახრიობდა.

ვენტფოგელმა კი თქვა, წყლის სუნი მცემსო, მაგრამ საითაც უნდა გაგვეხედა, სანუგეშოს ვერაფერს ვპოულობდით. სადაც კი თვალი მიგვიწვდებოდა, ყველგან მოჩანდა უნაყოფო, სიცხისაგან გათანგული ქვიშა და დაბალი ბუჩქარი – სამხრეთ აფრიკის უწყლო პლატოების ჩვეულებრივი მცენარეულობა. ბორცვს ირგვლივ შემოვუარეთ. აღელვებით ვაკვირდებოდით ყოველ მტკაველ მიწას იმ იმედით, რომ სადმე წყალს წაგაწყდებოდით, მაგრამ სად იყო წყალი? არ ჩანდა არც ორმო, არც ტბორი, არც ნაკადული, წვეთი რომ წვეთია, ისიც კი არსად შეგვინიშნავს.

– ჩერჩეტი ხარ და სხვა არაფერი, – გაბრაზებით ვუთხარი ვენტფოგელს. – ხომ ხედავ, წყალი აქ არსად არის.

მაგრამ ვენტფოგელმა ისევ აბზიკა თავისი საზიზდარი პაჭუა ცხვირი და ჰაერი დაქნოსა.

– მე ვგრძნობ წყლის სუნს, ბაას, – მითხრა პასუხად, – აქ, სადღაც, ჰაერში ვგრძნობ.

– დიახ, დიახ, – ჩავიცინე მე, – დრუბლებში წყლის მეტი რაა! იმედი მაქვს, ერთი-ორი თვის შემდეგ იგი წვიმად წამოვა და ჩვენს გამხმარ ძვლებს დაალტობს.

სერ ჰენრიმ დაფიქრებით ჩამოისვა ქერა წვერზე ხელი.

– ეგება ბორცვის თხემზე მოჩუხჩუხებდეს და არა მის ძირში?

– ყოველი შემთხვევისათვის, წავიდეთ და ვნახოთ, – შევთავაზე მე.

უძედოდ შევყევით ქვიშიან ფერდობს. უეცრად ამბობა, რომელიც ჩვენ წინ მიაბიჯებდა, გაქვავებულივით შედგა.

– ანზია! ანზია! (წყალი, წყალი!) – დაიყვირა მან.

მისკენ გავექანეთ და, მართლაც, ზედ თხემზე ფიალის მსგავსი დრმული დავინახეთ. დრმულ ში წყალი იყო, დიახ, ნამდვილი წყალი!

დრო არ დაგვიკარგავს იმის გამოსაკვლევად, ამ უადგილო ადგილას წყალი საიდან გაჩნდაო, არც მისი შავი ფერის გამო დაგვიწყია ყოფილი. ისიც ქმაროდა, რომ ჩვენ წინ იყო წყალი, ან რაღაც მისი მსგავსი. წამის შემდეგ მიწაზე განრთხმულები დავეწავეთ ამ მდვრიე სიოხეს. ისეთი ნეტარებით ვხვამდით, თითქოს დმერთების სასმელი ყოფილიყოს.

ვსვამდით და როგორ ვსვამდით! ოჰ, ღმერთო ჩემო!

როგორც იყო, მოვიკალით წყურვილი, მერე ტანო გავიხადეთ და ტბორში ჩავწერით, რომ ჩვენს მზისაგან გაფშეკილ პანსაც შეესრუტა მაცოცხლებელი ტენი.

შენთვის, ჩემო მკითხველო, საკმარისია გახსნა ონკანი, რომ უხილავი ვეება ქვაბიდან გადმოდინდეს ცივი ან ცხელი წყალი, ამიტომ შენთვის არც თუ მთლად გასაგები იქნება, რა ნეტარებით ვჭყუმალაობდით ამ მომლაშო, ბინძურ წყალ ში.

რამდენიმე ხნის შემდეგ გახალისებულები წყლიდან ამოვედით და მადიანად შევექეცით ჩვენს ბილტონგას, რომელსაც ამ ბოლო ხანებში არც ერთი ჩვენგანი არ გაკარებია. შემდეგ ჩიბუხები გავაბოლეთ, ამ კურთხეული წყლის პირას მივწერით და შუადღემდე ვიძინეთ.

მთელი ის დღე წყალთხ გავატარეთ, ვისვენებდით და ბედს მადლობას ვწირავდით, რომ ეს ტბორი გვაპოვნინა. როგორი იყო ეს წყალი, ამას, რასაკვირველია, არავითარი მნიშვნელობა არ ჰქონდა. არც ჩვენგან დიდი ხნის წინ წასული სილვესტრას მოხსენიება დაგვიწყებია, რომლისადმი უდიდესი მადლიერების გრძნობით ვიყავით გამსჭვალულები იმისათვის, რომ ასე ზუსტად გადაეტანა თავისი პერანგის ნაფხრეწზე ეს ტბორი, რაღაც მანქანებით ამდენ

ხანს რომ არ დამშრალიყო. ჩემი ვარაუდით, მას კვებავდა მიწისქვეშა ნაკადი, რომელიც ქვიშის სქელი ფენის ქვეშ მოედინებოდა.

მოვარის ამოსვლისთანავე კვლავ გზას გავუყვით, რასაკვირველია, გამგზავრების წინ ბლომად დავლიერ წყალი და პირთამდე ავავსეთ ჩვენი მათარები. ყველანი საუცხოო გუნებაზე ვიყავით და იმ დამით თითქმის ოცდახუთი მილი მოვიტოვეთ უკან.

თავისთავად ცხადია, წყალი ადარსად შეგვხვედრია. მაგრამ მეორე დღეს ბეჭმა მაინც გაგვიღიმა, ჭიანჭველების ბუდის უკან პატაწინა ჩრდილი დავინახეთ, როცა მზე ამოვიდა და მთებს ნიხლის საიდუმლო საბურველი ახადა, ჩვენთვის ცხადი შეიქნა, რომ სულეიმანის და დედოფალ საბიას მთებს ოციოდე მილიდა გვაშორებდა.

ასე გვეგონა, ეს მთები ზედ ჩვენ წინ იყო აღმართული. ახლა ისინი უფრო წარმტაცი გვეჩვენებოდა, ვიდრე წინათ. დადამდა თუ არა, გზა განვაგრძეთ და მეორე დღეს, ალიონზე, უკვე დედაფალ საბიას მარცხენა ძუძუს ძირში ვიყავით. ეს არ გაგვაკირვებია, რაკი გზაში გეზი აქტოკენ გვეჭირა. ამ დროისათვის წყალი ისევ გაგვითავდა და წყურვილი საშინლად გვტანჯავდა. ახლა კი არავითარი იმედი აღარ გვქონდა, წყალს სადმე შეგხვედროდით, ვიდრე არ მივადგებოდით თოვლის ზოლს, ამ უზარმაზარი მთის წვერზე რომ იყო. ერთო-ორი საათი დავისვენეთ და აუტანელი წყურვილით გაწამებულები კვლავ გზას დავადექით. დიდი გაჭირვებით შემყვაით გაცივებული ლავით დაფარულ მთის ფერდობს. მზე უმოწყალოდ გვაჭერდა. აღმოჩნდა, რომ ეს უზარმაზარი მთა მრავალი საუკუნის წინათ ამოფრქვეული ლავის ფენებისაგან შედგებოდა.

თერთმეტი საათისათვის ძალ-ღონე მთლად გამოგველია. ფეხზე ძლივსდა ვიდექით. გაქვაგებულმა, უსწორმასწორო ლავმ ფეხები დაგვისერა. მართალია, აქ ლავა საკმაოდ გლუვი იყო შედარებით მის სხვა სახეობებთან, რომელიც გვხვდება, მაგალითად, ამაღლების კუნძულზე, მაგრამ ზედ სიარული მაინც გვიჭირდა და ფეხებში გვტეხდა. როცა კველა ჩვენს უბედურებას ესეც ზედ დაერთო, ვიგრძენით, რომ მეტის ატანა აღარ შეგვეძლო. ჩვენგან რამდენიმე იარდის დაშორებით ლავის დიდი ლოდები იყო გადმოშვერილი, მათ ჩრდილში თავისუფლად შეიძლებოდა თავის შეფარება.

რის ვაი-ვაგლახით მივაღწიეთ იქამდე და გაოცებულები შევდექით (საკვირველი იყო, კიდევ რომ შეგვრჩენოდა გაოცების უნარი!). ჩვენს ზემოთ, პატარა პლატოზე ლავა სქლად იყო დაფარული მწვანე მცენარეულით. როგორც ეტყობოდა, ლავის პროდუქტების დაშლის შედეგად იქ წარმოიქმნა მიწის ფენა, რომელზედაც დროთა განმავლობაში მოხვდა ჩიტების მიერ შემოტანილი თესლი. მაგრამ ამ მწვანე საფარმა დიდი ხნით ვერ დაგვაინტერესა. კაცი ვერ იცოცხლებს, ნაბუქოდონოსორივით მხოლოდ ბალახეული რომ ჭამოს. ბალახეულით სიცოცხლე რომ შეინარჩუნო, ამისთვის სხვანაირ ვარსკვლავზე უნდა იყო დაბადებული და ცოტა სხვა მოყვანილობის კუჭიც უნდა გქონდეს. ლოდების ჩრდილში შეფარებულები მძიმედ ვოხრავდით. პირადად მე გულწრფელად ვნანობდი, ამ ბედუუდმართ საქმეში რომ ჩავები. უეცრად ამბობა წამოდგა და იმ მწვანე პლატოსკენ წალასლასდა. რამდენიმე წუთის შემდეგ დავინახე, რომ ეს მუდამ დინჯი და საკუთარი თავის პატივისმცემელი პიროვნება ცეკვავდა და შლეგივით გაჰყვირდა, ხელში კი რაღაც მწვანე ნაყოფი ეჭირა.

ვიფიქრეთ, ამბობამ წყალი იპოვაო და ამ იმედით ფრთაშესხმულნი მისკუნ გავექანეთ.

– რა მოხდა, ამბობა, შე დამთხვეულის შვილო? – დავუყივრე.

— ეს წყალიც არის და საჭმელიც, მაკუმაზან, — მითხრა მან და ის მწვანე ნაყოფი კვლავ ჰაერში შეათამაშა. ახლა კი დავინახე, რა ეჭირა ხელში. ეს გახლდათ ნესვი. ჩვენ წავადექით პლატოს, სადაც ათასობით გარეული ნესვი მწიფობდა.

— ნესვები! — დავუყვირე გუდს, რომელიც ფეხდაფეხ მომყვებოდა უკან.

წამის შემდეგ გუდმა უკვე ჩაასო მწიფე ნაყოფს თავისი ხელოვნური კბილები.

ალბათ თითოეულმა ჩვენგანმა ექს-ექვსი ნესვი მაინც შეჯამა, სანამ დაცარიელებულ კუჭს ამოივსებდა და გაძღვებოდა. თუმცა ამ ნესვებს განსაკუთრებული გემო არა პქონია, მაგრამ ასე მეგონა, ჩემს სიცოცხლეში ამაზე გემრიელი არაფერი მექამა.

წყურვილი რომ მოვიკალით, ნესვები შუა-შუა დავჭერით და მზის გულზე დავაწყევთ, რომ წყალი აორთქლებულიყო და ნაყოფი გაეცივებინა. მაგრამ მოგეხსენებათ, ნესვი არც თუ ისე მუსკე საჭმელია და შიმშილმა მალე ისევ შემოგვიტია. ცოტაოდენი ბილტონგი კი გგმონდა, მაგრამ გული არავის მიგვდიოდა. გარდა ამისა, უნდა დაგვეზოგა, რადგან, ვინ იცის, როდის ვიშოვიდით საჭმელს. სრულიად მოულოდნელად ბედმა გაგვიდიმა. მე უდაბნოსკენ ვიცქირებოდი. უეცრად თვალი მოვკარი ათიოდე დიდი ზომის ფრინველს, რომლებიც პირდაპირ ჩვენები მოფრინავდნენ.

— შკიტ, აას, სკიტ (ესროლე, ბატონო, ესროლე!) — ჩამიჩურჩულა პოტენტოტმა და მიწაზე განერთხო. ჩვენც მის მაგალითს მივბაძეთ.

ახლადა მივხვდი, რომ ეს ფრინველები გარეული ინდაურები იყვნენ. ისინი ორმოცდათი იარდის სიმაღლეზე მიფრინავდნენ. მე ვინჩესტერი ავიღვ, თან ფრინველებს თვალს არ ვაშორებდი. როცა ზედ თავზე გადაგვიფრინეს, მოულოდნელად ფეხზე წამოვიჭერი, ფრინველები დაფრთხენენ და, როგორც მოველოდი, ერთად შუქუჩდნენ. ორჯერ დავახალე ტყვია და ერთი ინდაური ჩამოვაგდე. კარგა მოზრდილი ფრინველი იყო, ასე, ოც გირვანქამდე ხორცი აუვიდოდა. ნახევარი საათის შემდეგ ჩვენი ვახშამი ცეცხლზე შიშინებდა, ცეცხლი ნესვის გამხმარი დეროებისაგან გავაჩალეთ. მოელი კვირის განმავლობაში ასეთი დრეობა პირველად გვქონდა. ინდაური პირწმინდად შევჭამეთ, ძვლებისა და ნისკარტის გარდა აღარაფერი დაგვიტოვებია. კარგად დავნაყრდით და ახლა თავს გაცილებით უპერ ვგრძნობდით.

დამით, მთვარე რომ ამოვიდა, კვლავ გზას გავუდექით, თან წაგიდეთ ნესვები, რამდენსაც მოვერიეთ. რაც უფრო მაღლა მივიწევდით, მით უფრო იგრძნობოდა სიცივე. ეს ჩვენთვის დიდი შედავათი იყო. გამოთენისას თოვლის საზს სულ რაღაც ათიოდე მილით ვიყავით დაცილებული. იქ, მაღლა, კვლავ წავაწყდით ნესვეს. წყალზე ფიქრი ახლა უკვე აღარ გვაშინებდა, რადგან სულ მაღლე თოვლიან მწვერვალს უნდა მივდგომოდით, მაგრამ გზა სულ უფრო და უფრო საშიში ხდებოდა. ჩვენ დიდი სიფრთხილით, ნელ-ნელა მივიწევდით წინ და საათში ერთ მილსაც ძლიერს გავდიოდით. იმ დამით ბილტონგის უკანასკნელი ნაჭერი შევჭამეთ. მას შემდეგ, რაც მთას ავუყევით, გარდა ინდაურებისა, არც ერთი ცოცხალი არსება არ შეგვხვედრია, არ წაგწყდომივართ არც წყაროს, არც ნაკადულს, რაც ძალზე უცნაური გვეჩვენა. მწვერვალზე ხომ თოვლის უზარმაზარი ზვინები იდო, რომელიც, ჩვენი აზრით, დროდადრო მაინც უნდა დამდნარიყო, მაგრამ როგორც შემდეგ აღმოჩნდა, რაღაც ამოუხსელი მიზეზის გამო, ყველა ნაკადული მთის ჩრდილო კალთაზე მიედინებოდა.

შიმშილი ძალიან გვაწუხებდა. ნამცეცი საჭმელიც არ გვქონდა. ნუთუ წყურვილით სიკვდილს მხოლოდ იმიტომ გადავურჩით, რომ შიმშილით დაგხოცილიყავით?

ჩემი მოკლე ჩანაწერები უბის წიგნაკში ყველაზე უკეთ გაგაცნობთ ჩვენს სავალალო მდგომარეობას უკანასკნელი სამი დღის განმავლობაში.

მაისი. გზას დილის თორმეტ საათზე დავადექით, რადგან საკმაოდ გრილოდა და სიცხე არ შეგვაწუხებდა. თან წავიდეთ რამდენიმე ნესვი. გაჭირვებით მივდიოდით მთელი დღე. ნესვებს აღარსად გადავწყდომივართ, ალბათ გავცდით ზოლს, სადაც ისინი ხარობენ. არც ნადირი და ფრინველი შეგვევდრია. მზის ჩასვლისას დავიკარვეთ. უკვე დიდი ხანია, არაფერი გვიჭამია. დამით საშინლად ციოდა. გავწამდით.

მაისი. რიურაჟზე გზა განვაგრძეთ. ძალიან დასუსტებულები ვართ. მთელი დღის განმავლობაში ხუთი მილის გავლა ძლივს მოვახერხეთ. შეგვხვდა თოვლით დაფარული მიწის პატარა ნაკვეთები. თოვლი შევჭამეთ, რადგან სხვა საჭმელი არაფერი გვებადა. დამის სათვალი უზარმაზარ პლატოს შევეფარეთ. ძალიან ციოდა, ცოტა ბრენდი დავლიეთ, საბნებში გავეხვიეთ და, რომ არ გაყინულიყავით, ერთმანეთს მივეკარით. შიმშილი და დაღლილობა წარმოუდგენლად გვტანჯავდა. გვეშინდა, ვენტფორელი დამით ხელში არ ჩაგვაჭომდა.

მაისი. როგორც კი მზემ აიმაღლა და ჩვენი გაფშეკილ-გაშეშებული კიდურები ცოტათი შეათბო, კვლავ შევეცადეთ განგვეგრძო გზა. საშინელ მდგომარეობაში ვართ, თუ საჭმელს ვერსად წავაწყდით, ეს ჩვენი მოგზაურობისა და არსებობის უკანასკნელი დღე იქნება. ბრენდი სულ რამდენიმე ყლუპილა დაგვრჩა. გუდს, სერ ჰენრისა და ამბოპას მშვენივრად უჭირავთ თავი, მაგრამ ვენტფორელი ძალიან ცუდად არის, პოტენტოტები ხომ საერთოდ ვერ იტანენ სიცივეს. დღეს კუჭი ისე მწვავედ ადარ მტკივა, პირიქით, როგორდაც გაბუჟებული მაქს. სხვებიც ასეთ მდგომარეობაში არიან. ჩვენ ახლა ვიმყოფებით იმ ფლატოვანი ქედის ანუ ლავის კედლის სიმაღლეზე, რომელიც ორ მთას აერთებს. ხედი საუცხოოა. ჩვენ უკან გადაშლილია თვალუწვდენელი უდაბნო, წინ კი რამდენიმე მილის მანძილზე თოვლის სწორი საფარია გადაჭიმული. მთა ზემოთ და ზემოთ თანდათან მრგვალდება. მის ცენტრში, ოთხი ათასი ფუტის სიმაღლეზე, აზიდულია უზარმაზარი მწვერვალი. ჩვენ ირგვლივ სულიერი არსად ჭაჭანებს. დმტკირო, გვიხსენი! ვფიქრობ, ჩვენი აღსასრული მოახლოებულია.

ახლა კი ჩემს დღიურს გვერდზე გადავდებ, რადგან იგი მაინცდამაინც დიდი ინტერესით არ უნდა იკითხებოდეს. გარდა ამისა, ის, რაც შემდეგ მოხდა, უფრო საინტერესოა და მინდა დაწვრილებით მოგითხოთ.

მთელი ის დღე (მაისი) ხელ-ხელა მიუჟვებოდით თოვლიან ფერდობს. დროდადრო ჩავიფერხებდით, ან დავწყებოდით, რომ ძალა მოგვეკრიბა. ალბათ საოცარი სანახავები ვიყავით. ხუთი კაცი, ხუთი ძალღონებამოცლილი, გასავათებული ადამიანი ძლივს მიათრევდა ფეხებს აზინვარებულ თოვლში და დამშეულები ხარბად აცეცებდნენ აქეთ-იქით თვალებს, მაგრამ სულ ტყუილად კი. რაც უნდა გვეძებნა, ირგვლივ პირში ჩასაკარებელს ვერაფერს ვიპოვიდით. იმ დღეს შვიდ მილზე მეტი არ გაგვივლია. მზის ჩასვლის ხანს მივაღწიეთ დედოფალ საბიას მარცხენა ძუძუს მწვერვალს – უზარმაზარ სწორ ბორცვს, რომელიც გაყინული თოვლით იყო დაფარული და ჩვენ ზემოთ ათასი ფუტის სიმაღლეზე გადმოყედებულიყო.

ხომ შავი დღე გვადგა, მაგრამ ჩვენ წინ გადაშლილ სურათს მაინც თვალს ვერ ვაცილებდით. ჩამავალი მზის შუქი კიდევ უფრო აძლიერებდა ამ წარმტაცი ბუნების სილამაზეს. მზის სხივებს ალაგ-ალაგ სისხლისფრად შეედება თოვლი, მთის მწვერვალისათვის კი ბრწყინვალე ჯილა დაედგა.

— იცით, რა? — თქვა უეცრად გუდმა, — თუ ვერწმუნებით მოხუც და სილვესტრას, აქ, სადღაც მდვიმე უნდა იყოს.

— დიახ, დიახ, — მივაგებე მე, — უნდა იყოს, თუკი, საერთოდ, სადმე არსებობს.

— მომისმინეთ, ქუოტერმენ, — ამოიოხრა გუდმა, — ნუ ლაპარაკობთ ასე. მე სავსებით ვენდობი ამ რუკას. აბა წყლის ამბავი გაიხსენეთ? პოდა, მდვიმესაც მალე მივაგნებო.

— ძალიან კარგი, მაგრამ თუ მაგ მდვიმეს დაბნელებამდე ვერსად წავადექით, მაინც ცოცხლებში აღარ უნდა ვიგულოთ თავი, — გაისმა დამამშვიდებელი პასუხი.

კიდევ ათიოდე წუთს მივლასლასებდით სიჩუმეში. ამბოპა ჩემს გვერდით მოდიოდა. საბანში გახვეულიყო, ტყავის ქამარი მაგრად შემოვჭირა წელზე, რომ, როგორც თვითონ ამბობდა, „შიმშილი მოეკრუნჩხა“. უეცრად მან ხელზე ხელი წამატანა.

— შეხედეთ! — მითხრა და თითო მწვერვალისაპერ გაიწვდინა. მე იქითკენ გავიხედე და ორასიოდე იარდის დაშორებით, თოვლიან ფერდობზე ხვრელის მსგავსი რადაც დავლანდე.

— იქ მდვიმეა, — თქვა ამბოპამ.

უკანასკნელი ძალა მოვიკრიბეთ და აჩქარებით გავეშურეთ იქითკენ. ის ხვრელი მართლა მდვიმის შესასვლელი აღმოჩნდა, სწორედ იმ მდვიმისა, და სილვესტრას რუკაზე რომ იყო აღნიშნული. სულზე მივასწარით. როგორც კი მდვიმეს მივაღწიეთ, მზე საოცარი სისწრაფით ჩაესვენა და ირგვლივ ყველაფერი წყვდიადმა მოიცვა. ამ განედზე ხომ ბინდბუნდი თითქმის არ არსებობს. მდვიმეში შევძვერით, იგი არც თუ ისე დიდი გვეჩვენა. ერთმანეთს მივეკარით, რომ როგორმე გავმობარიყავით, და დარჩენილი ბრენდი გადავკარით. თითოეულს თითო ყლუამა თუ მოუწია. ბრენდი დავლიერ და შევეცადეთ, ჩვენი უბედურება და შავსვიანობა ძილში დაგვევიწყებინა, მაგრამ აუტანელმა სიცივემ თვალი არ მოგვახუჭინა.

დარწმუნებული ვარ, რომ ამ მაღალ ადგილას თერმომეტრი თოთხმეტ-თხუთმეტ გრადუს ყინვას უჩვენებდა. მკითხველს შეუძლია წარმოიდგინოს, რა იქნებოდა ეს ჩვენთვის, გზის სიმძიმით, უსმელ-უჭმელობითა და უდაბნოს სიცხით ღონებისფილი ადამიანებისათვის. მე კი ამის ასაწერად სიტყვები არ მყოფნის. საკმარისია ვთქვა, რომ არასოდეს მიგრძნია სიკვდილის მოახლოება ისე, როგორც იმ საზარელ დამეს ვიგრძენი.

საათი საათს მისდევდა, ჩვენ მდვიმეში ვისხედით და ვგრძნობდით, როგორ დაეხეტებოდა ყინვა ჩვენ ირგვლივ, დაგვემგერებოდა ხოლმე თითებში, ფეხებზე, სახეში. სულ უფრო მჭიდროდ ვეკვროდით ერთმანეთს, ვცდილობდით, გაგმობარიყავით, მაგრამ ამაოდ, ჩვენს გასაცოდავებულ დამშეულ ჩონჩხებს სითბო აღარ შერჩენოდათ. ზოგჯერ რომელიმე ჩვენგანს ძილი წაართმევდა თავს, მაგრამ ეს იყო მხოლოდ რამდენიმე წუთით. დიდხანს ძილი, საბედნიეროდ, არავის შეგვეძლო, რადგან, რომ დაგვმინებოდა, ვეღარც გავიღვიძებდით. დარწმუნებული ვარ, იმ დამით მხოლოდ ნებისყოფამ შეგვინარჩუნა სიცოცხლე.

გათენებას ბევრი აღარაფერი უკლდა, როცა ვენტფოგელმა, მთელი დამე კბილს კბილზე რომ აცემინებდა, ერთი მაგრად ამოიოხოდა და კბილების კაწკაწი შეწყვიტა. მაშინ ამისთვის ყურადღება არ მიმიქცევია, ვიფიქრე, ალბათ ჩაეძინა-მეოქი.

ვენტფოგელი და მე ზურგიზურგმიყრდნობილი ვისხედით და ვიგრძენი, რომ მისი ზურგი თანდათანობით გაცივდა, ბოლოს კი ყინულივით შეიქნა.

წყვდიადი რიურაჟმა შეცვალდა. შემდეგ თოვლზე ოქროს სხივებიც აკიაფდა. მზე ამოგორდა და ჩვენი გათოშილ-გაყინული სხეულები გაანათა. მაშინდა დავინახეთ, ვენტფოგელი გარდაცვლილიყო, რადა გასაკვირია, მისი ზურგი ასე ცივი რომ მეჩვენებოდა. საბრალოს ალბათ მაშინ ამოხდა სული, როცა მისი ოხვრა შემომექმა. ახლა მისი გვამი ერთიანად გაშეშებული იყო. ღრმად შეძრწუნებულნი, ფოფხვით გავშორდით ცხედარს (საოცარია, რა თავზარდამცემი გრძნობა გვიყრობს ხოლმე მიცვალებულის დანახვისას). საბრალო ვენტფოგელი ისევ ისე იჯდა მუხლებზე ხელებშემოჭდობილი.

ამასობაში მზის ცივმა სხივებმა (დიახ, ნამდვილად ცივი სხივები იყო) პირდაპირ მდვიმეში შემოანათა. უეცრად ვიდაცამ საზარლად შეპყვირა. უკან მივიხედვ და რა დავინახე: მდვიმის ბოლოში, — მდვიმის სიგრძე ოციოდე ფუტი თუ იქნებოდა, — ვიდაც იჯდა, თავი მკერდზე ჩამოეგდო, გრძელი სელები კი დაბლა დაეშვა. მიცვალებული იყო, თანაც თეორებანიანი.

მიცვალებული სხევებმაც დაინახეს. ჩვენმა დაბატულმა ნერვებმა ვეღარ შეძლეს ამ სურათის ატანა. ყველანი ერთმა სურვილმა შეგვიპყრო, — სასწრაფოდ გავცლოდით ამ საშინელ ადგილს. წამოვცვივდით და ნახევრად გაყინული ფეხების თრვეით გასასვლელისაკენ გავექანეთ.

თ ა ვ ი ს ვ ი ს ვ ი ს

ს თ ლ თ მ თ ნ მ ე ფ ი ს გ ზ ა

მდვიმიდან მზით გაბრწყინებულ თოვლიან პლატოზე გამოვცვივდით, მაგრამ თითქმის იმწამსვე შევჩერდით. ყველანი უხერხეულად ვგრძნობდით თავს იმ სულმოკლეობისათვის, მიცვალებულის დანახვაზე რომ გამოვიჩინეთ.

— მე მდვიმეში უნდა შევბრუნდე, — თქვა სერ ჰენრიმ.
— რატომ? — შეეკითხა გუდი.
— რატომლაც ასე მგონია, რომ ის... ის ჩემი ძმა უნდა იყოს, — აღელვებით თქვა სერ ჰენრიმ.

ეს სავსებით შესაძლებელი გვეჩვენა და მდვიმეში შევბრუნდით. მზის სხივებმა და თოვლის ქათქათა სითეორემ გარეთ ყველას თვალი მოგვჭრა, ამიტომ ნახევრად ბნელ მდვიმეში ერთ ხანს ვერაფერი გავარჩიეთ, მაგრამ თვალი ბნელს მალე შეეჩვია და ჩვენც კრძალვით მიგუახლოვდით მიცვალებულს.

სერ ჰენრიმ ჩაიმუხლა და მგედარს სახეში ჩააშტერდა.
— მადლობა დმერთს, ჯორჯი არ ყოფილა! — შვებით წამოიძახა მან ბოლოს.

მაშინ მიცვალებულს მიგუახლოვდი და დაკვირვებით დავაცქერდი, ასე, შუახნის კაცი იქნებოდა. სწორი ნაკვთები, გრძელი შავი ულვაში და შავი ჭალარაშერეული თმა ჰქონდა. გადაყვითლებული კანი მაგრად გადაჭიმოდა გამშრალ სახეზე. ტანო არაფერი ეცვა, გარდა ნახევრად შემომპალი შარვლისა,

რომელიც უკვე ძონდებად ქცეულიყო. მიცვალებულს უელზე სპილოს ძვლის ჯვარცმა ეკიდა.

- ნეტავ ვინ უნდა იყოს? – წამოვიძახე გაპვირვებით.
- ნუთუ ვერ მიმხვდარხარ? – შემეკითხა გუდი.
- მე უარის ნიშნად თავი გავიქნიე.
- ვინ უნდა იყოს, თუ არ ხოზე და სილვესტრა!
- ეგ შეუძლებელია! – შევძახე ათროთლებული ხმით. – და სილვესტრა ხომ სამასი წლის წინათ მოკვდა.

– ვერ გამიგია, რა გიკვირთ, – მშვიდად მიპასუხა გუდმა, – ასეთ ყინვაში მიცვალებული სამასს კი არა, სამი ათას წელსაც გაძლებს. დაბალ ტემპერატურაზე სისხლი და ხორცი არ იხრწნება და უკუნითი უკუნისამდე შეინახება. ამ მდგიმეში კი, ღმერთმა დასწეულოს აქაურობა, საკმაოდ ცივა. მზე აქ არ შემოიხედავს, ვერც ნადირი მოეხეტება, რადგან სულიერი არსად ჭაჭანებს. უჭკველია მონამ, დონ ხოზე თავის წერილში რომ ახსენებს, ტანსაცმელი თან წაიღო, მიცვალებული კი აქ დატოვა. ეს გასაგებიცაა, მარტო ვერაფრით შეძლებდა მის დამარხვას. აბა, ამას შეხედეთ! – გუდი დაიხარა და საკმაოდ უცნაური მოყვანილობის წვეტიანი ძვლის ნატეხი აიღო. – აი, ამ ძვლით დახატა და სილვესტრამ ის რუპა.

თავზარდაცემულები ვიდექით. ამ აღმოჩენამ იმდენად გაგვაოცა, რომ საკუთარი გასაჭირი სულ გადაგვავიწყდა. ყველაფერი თითქმის ზებუნებრივად მიგვაჩნდა. ჩუმად დავცეკეროდით ძვლის ნატეხს და მოხუცი პორტუგალიელის ცხედარს.

– აბა, ნახეთ, – თქვა სერ ჰენრიმ და სილვესტრას მარცხენა ხელზე მიგვითითა. ხელს ოდნავ აჩნდა პატარა ჭრილობა. – აი, საიდან აუდია სისხლი, რომ წერილი დაეწერა. განა თქვენს სიცოცხლეში მსგავსი რამ გინახავთ?

ახლა ეჭვი ადარ გვეპარებოდა, რომ ჩვენ წინაშე ნამდვილად და სილვესტრას ცხედარი იყო. მართალი მოგახსენოთ, შიშმა ამიტანა.

შევჭრებდით მიცვალებულს, რომლის მითითებების წყალობით ამ გამოქაბულამდე მოვაღწიეთ. ეს მითითებები ხომ სამი საუკუნით ადრე იყო დაწერილი. ხელში მეჭირა ძვლის ნატეხი, რომლითაც სიკვდილის წინ წერდა. ვუცქეროდი ჯვარცმას, რომელსაც ალბათ მიცვალების უამს გაყინული ტუჩებით ეამბორა. ვიდექი ცხედრის წინაშე და თვალწინ დამიდგა ამ საზარელი დრამის უკანასკნელი სურათი. თვალწინ დამიდგა შიმშილისა და სიცხისაგან ღონებისდილი მოგზაური, რომელსაც მარტოდმარტო ამოხდა სული ამ მდგიმეში. კვდებოდა, მაგრამ მაინც იმაზე ფიქრობდა, როგორმე ადამიანებისათვის გადაეცა თავისი დიდი საიდუმლო. მომეჩვენა კიდეც, რომ სახის ნაკვთებით რამდენადმე წააგავდა თავის შთამომავალს, ჩემს მეგობარს, სილვესტრს, ამ თცი წლის წინ ჩემს მკლავზე რომ დალია სული. ეგებ ყველაფერი ეს ჩემი დაღლილი ფიქრის ნაყოფი იყო, მაგრამ ასეა თუ ისე, ჩვენ წინ იჯდა მოხუცი და სილვესტრა და თითქოს სასტიკად აფრთხილებდა მათ, ვინც არად აგდებს ბედისწერას და ცდილობს ფარდა ახადოს საიდუმლოებას. გაიგლის საუკუნეები, ისევ და ისევ იჯდება აქ და თავზარს დასცემს მგზავრს, რომელიც ჩვენსავით შემოხვევით შემოეხეტება ამ მდვიმეში და მყუდროებას დაურღვევს. მიუხედავად იმისა, რომ შიმშილი გვაწუხებდა და სიცივით განკალებდით, ამ სურათმა სულით-ხორცამდე შეგვძრა.

– წავიდეთ აქედან, – ხმადაბლა თქვა სერ ჰენრიმ, – თუმცა არა, ჩვენ დავუტოვებთ და სილვესტრას თანამოსაგრეს, რომელიც მის მარტოობას გაიზიარებს. ისინი ხომ ერთხაირი სიკვდილით დაიხოცნენ!

სერ პეტრიმ პოტენტოტის გვამი და სილვესტრას ცხედრის გვერდით გადაიტანა. შემდეგ დაიხარა, გადაჭრა დამპალი თასმა, მოხუც პორტუგალიელს უელზე რომ ეკიდა, და ჯვარცმა ხელში აიღო. არც ცდილა, თასმა გაეხსნა, რადგან გაყინულ თითებს ვერც კი ხრიდა. ვფიქრობ, ეს ჯვარცმა დღესაც მასთან ინახება. მე კი წამოვიდე ძვლის ნატეხი, და სილვესტრამ კალმად რომ იხმარა. ეს „კალმაზ“ ახლაც ჩემ წინ, მაგიდაზე დევს. ზოგჯერ ხელს ამ ძვლის პატარა ნატეხით ვაწერ ხოლმე.

გარდასულ საუკუნეთა ამავი თეთრკანიანი და საბრალო პოტენტოტი ფეხდაუკარებელი თოვლიანი მთების სიჩუმეში მუდმივ სადარაჯოზე დავტოვეთ. არაქათგამოცლილები მზით გაბრწყინებულ ველზე გამოვედით და გზას გავუყენით, დარწმუნებულნი, რომ სულ მალე ჩვენც ამ ორი ადამიანის ბედს გავიზიარებდით.

ნახევარი მილი თუ გვეჩნებოდა გავლილი, პლატოს კიდეს რომ მივადექით. აქედან ცხადად დავინახეთ, რომ მწვერვალი, ანუ ბორცვი, რომელიც მთას აგვირგინებდა, არ იმყოფებოდა მთის შუაგულში, როგორც ეს უდაბნოდან გვეჩნებოდა. სქელი ნისლის გამო ჩვენ ქვემოთ ვერაფერს ვხედავდით, მაგრამ მალე ნისლი შეფრთხა, მიიფანტ-მოიფანტა და დაბლა, ასე ორმოცდაათიოდე იარდზე, ზედ თოვლიანი ფერდობის კიდეზე ხასხასა ბალახით დაფარულ მდელოს მოვკარით თვალი. მდელოზე ნაკადული მიწანწარებდა, მაგრამ ეს კიდევ არაფერი. ნაკადულის პირას ათი-თორმეტი ანტილოპა მიფიცხებოდა მზეს. ძალიან შორს ვიყავით, ამიტომ გაგვიჰირდა დადგენა, რა ჯიშს ეკუთვნოდნენ.

ვერ აგიწერთ, როგორ გაგვეხარდა ამ ცხოველების დანახვა. ეს იყო საჭმელი, აუარება საჭმელი და იგი ახლა როგორმე ხელთ უნდა გვეგდო. როგორ მოვქცეულიყვავით? ანტილოპები ჩვენგან ექვსასი იარდით მაინც იქნებოდნენ დაცილებულნი, ესე იგი, აქედან კარგ მსროლელსაც კი გაუჭირდებოდა ტყვიის მიწვდენა. ვის უნდა ესროლა? არადა, ჩვენი სიკვდილ-სიცოცხლე ამ ერთ ტყვიაზე იყო დამოკიდებული.

სასწრაფოდ მოვითაბირეთ, რა გზას დავდგომოდით. ვერც კი ვიფიქრებდით იმაზე, რომ ანტილოპებს ჩუმად მივპარვოდით, რადგან ქარი მათკენ ქროდა. გარდა ამისა, როგორც არ უნდა გვეფრთხილა, შეუძლებელი იყო ამ ქათქათა თოვლში ჩვენთვის თვალი არ მოეკრათ.

— მეტი რა გზა გვაქვს, აქედან უნდა ვესროლოთ, — თქვა სერ პეტრიმ. — საქმე ისაა, რომელი თოფი ვიხმაროთ, „ვინჩესტერი“ თუ „ექსპრესი“. თქვენ რას ფიქრობთ, ქუოტერმენ?

საკითხი სერიოზული იყო, სავაზნეკოლოფიანი „ვინჩესტერი“ („ვინჩესტერი“) ორი გვერდი, ამბობამ თავის თოფთან ერთად საბრალო ვენტფორელის თოფიც (წამოიდო) ათას იარდზე სცემდა, ორლულიანი „ექსპრესი“ კი სამას ორმოცდაათ იარდს ძლივს უწევდა. ამ მანძილს იქით სროლა საფრთხილო იყო, რადგან შეიძლებოდა მიზნისათვის აგვეცდინა, მაგრამ თუ ტყვიას მოვახვედრებდით, ცხოველის მოკვლის მეტი შანსი გვერდა, რადგან „ექსპრესი“ სასკომი ტყვიებით იყო დატენილი. საკითხი ძნელი გადასაჭრელი იყო, მე მაინც გავბედე და „ექსპრესი“ აგირჩივ.

— ყველამ ესროლეთ იმ ანტილოპას, რომელიც თქვენს პირდაპირ დგას, — გავეცი განკარგულება, — უმიზნეთ პირდაპირ ბეჭში, ან ცოტა ზემოთ, შენ კი, ამბობა, მოგვეცი ნიშანი, რომ ყველამ ერთბაშად გავისროლოთ.

ჩამოვარდა სიჩუმე. სამივენი ვუმიზნებდით თოვებს და გულდაგულ ვემზადებოდით სასროლად. უთუოდ ასე ემზადება ადამიანი, რომელმაც იცის, რომ მისი სიცოცხლე ამ ერთ გასროლაზეა დამოკიდებული.

— ისროლეთ! — ზულუსურ ენაზე თქვა ამბოპამ და სამივე თოფმა გამაყრუებლად იჭება.

წამით ჰაერში, ჩვენს თვალთა წინ, ბოლის სამი ღრუბელი დაეკიდა. ეხომ აიტაცა თოფის ხმა და თოვლის თეორი მდუმარება დაარღვია. მაგრამ აი, ბოლი გაიფანტა და, ოჯ, ღმერთო ჩემო! მამალი ანტილოპა ზურგით მიწაზე განრთხმულიყო და სასიკვდილოდ იკრუნჩხებოდა. არა, შიმშილით ადარ დავიხოცებოდით. ათიოდე წუთის შემდეგ წინ გვეწყო ანტილოპას გულ-ღვიძლი. მაგრამ აქ ახალი დაბრკოლება გადაგვედობა წინ. შეშა არსად იყო, რომ ცეცხლი გაგვეჩადებინა და ხორცი შეგვეწყა. დამწუხერებულ-დანაღვლიანებულნი შევცეკეროდით ერთმანეთს.

— როდესაც ადამიანი სიკვდილის პირზეა მისული, მისთვის არჩევანი ადარ არსებობს, — თქვა გუდმა, — ვჭამოთ ეს ხორცი უმად.

მართლაც, სხვა გამოსავალი არ გვქონდა. შიმშილი კი იმ ზომამდე გვტანჯავდა, რომ გუდის სიტყვებს ჩვენში ზიზდის გრძნობა არ გამოუწვევია, რაც სხვა შემთხვევაში და სხვა დროს უთუოდ მოხდებოდა.

ხორცი რამდენიმე წუთით თოვლში ჩავმარხეთ გასაცივებლად, მერე ნაკადულის ცივ წყალში გავადანდალეთ და დაფუწყეთ ჭამა.

ახლა, როცა ამ სტრიქონებს ვწერ, ყველაფერი ეს ძალზე საზარელი მეჩვენება, მაგრამ უნდა ვალიარო, რომ იმ გულ-ღვიძლზე გემრიელი ჩემს სიცოცხლეში არაფერი მიჰამია. სულ რაღაც თხეოთმეტიოდე წუთში ჩვენი ცნობა ადარ შეიძლებოდა. ყველანი გამოვცოცხლდით, ძალ-ღონე მოგვემატა, სუსტი მაჯისცემა გაგვიცხოველდა, ძარღვებში სისხლი აჩქევდა, მაგრამ რაკი კარგად ვიცოდით, რა სახიფათო იყო ნაშიმშილარზე გაძლომა, ძალიან ვფრთხილობდით და დაზოგით ვჭამდით.

— მადლობა ღმერთს! — წამოიძახა სერ პეტრიმ, — ამ ცხოველმა სიკვდილს გადაგვარჩინა. სხვათა შორის, ქუოტერმენ, რა ცხოველი იყო ეგ?

მე წამოვდექი და მოკლულ ცხოველს მივჟახლოვდი, რომ კარგად დამეთვალიერებინა, რადგან ბოლომდე არც ვიყავი დარწმუნებული, რომ ნამდვილად ანტილოპა იყო.

იგი სიდიდით ვირს არ ჩამოუვარდებოდა, ბეწვი სქელი პქონდა, ყავისფერი და ზედ ოდნავ შესამჩნევი წითელი ზოლები გახდევდა, რქები — დიდი და უკან გადახრილი. მართალი გითხრათ, ასეთი ცხოველი არასოდეს მენახა. ეს ჯიში ჩემთვის სრულიად უცნობი იყო. ბოლოს შევიტყვე, რომ ამ უცნაური ქვეყნის მცხოვრები მას „ინკოს“ ეძახდნენ. „ინკო“ ანტილოპას ერთ-ერთი იშვიათი სახეობაა და მხოლოდ და მხოლოდ ძალიან მაღლობ ადგილებში გვხვდება — იქ, სადაც სხვა ცხოველები, საერთოდ, არ ბინადრობენ. ჩვენს ანტილოპას ტყვია შიგ ბეჭში პქონდა მოხვედრილი. ძნელი სათქმელია, ვისმა ტყვიამ მოუსწრავა სიცოცხლე, მაგრამ ვფიქრობ, გუდს ახსოვდა, როგორ მოკლა უირაფი და გულის სიღრმეში ანტილოპას სიკვდილსაც თავის მარჯვენას მიაწერდა. მაგრამ, მართალი გითხრათ, ამის გამო არ შევდაგებივართ.

ჭამაში გართულებს ყველაფერი გადაგვაციწყდა და არც კი გვიფიქრია, სად ვიმყოფებოდით, მაგრამ მსეური შიმშილი რომ დავიოკეთ, დაგმშვიდდით და ადგილმდებარეობის დათვალიერებას შევუდექით. ამბოპას ვუბრძანეთ, აეკაფა საუკეთესო ნაჭრები, რომ გზაში ხორცის საკმაო მარაგი გვქონოდა. უკვე დილის რვა საათი სრულდებოდა. პაერი სუფთა და კრიალა იყო, გეგონებოდათ, ის სქელი ნისლი, წელან ხევხუგებს რომ ებურა, ერთიანად მზემ შეიწოვაო. როგორ ავწერო იმ სურათის სიდიადე, თვალწინ რომ გადაგვეშალა — ჩვენს თავზე და ზურგს უკან ამართული იყო მთები, დედოფალ საბიას მთების ქათქათა, თეთრი

მწვერვალები. დაბლა კი, ასე, ხუთასი ფუტის დაშორებით, თვალისმომჭრელი ხედი იშლებოდა. ჩვენ პირდაპირ ქედებს, ველებსა და თვალუწვდენ ჩაბნელებულ ტყეებს შორის მოედინებოდა ფართო მდინარე. ხელმარცხნივ გადაჭიმული იყო ფართო საძოვრები, ტალღისებურად მობიბინე ბალაში ჯოგები გაფანტულიყვნენ. შორს, ცის დასალიერთან ძლივს ილანდებოდა მთები. მარჯვნივ მთა-გორები ნაკლებად იყო. ცალკეულ ქედებს მოვლილ-დამუშავებული ველების ზოლი ემიჯნებოდა. ველებს შორის ჯგუფ-ჯგუფად მოჩანდა გუმბათისებური ქოხები. მთელი ეს სურათი რუკასავით იყო გადაშეილი ჩვენ თვალწინ. მდინარეები ვერცხლის გველებივით მიიკლაპნებოდნენ; მედილურად აზიდულიყო თოვლის გვირგვინებით თავშემკობილი მთის მწვერვალები. ცად კი მხიარულად ციმციმებდა მზე. უველგან სიცოცხლის სუნთქვა იგრძნობოდა.

ძალიან გაგვაოცა იმან, რომ ჩვენ წინ გართხმული მიწა სამი ათასი ფუტით უფრო მაღლა იმყოფებოდა უდაბნოზე, ახლასან რომ გადმოვლახეთ, და იმანაც, უკლებლივ უველა მდინარე სამხრეთიდან ჩრდილოეთისაკენ რომ მიედინებოდა.

ჩვენს მძიმე განსაცდელის ჟმის დავრწმუნდით, რომ ქედის სამხრეთ ფერდობზე, რომელზედაც ამჟამად ვიდექით, არსად იყო წყალი, მაშინ, როცა ჩრდილოეთ ფერდობზე ზოლებად მიიკლაპნებოდა ნაკადულები. მათი უმტესობა ერთვოდა უცნაურად დახლაკნილ დიდ მდინარეს, რომელიც ქვეწის შუაგულისაკენ მიედინებოდა. ვისხედით და მოჯადოებულებივით უხმოდ გავცემოდით ბუნების ამ საოცარ სურათს. სიჩუმე სერ ჰენრიმ დაარღვია.

— მითხარით, ქუოტერმენ, — მკითხა მან, — აღნიშნულია თუ არა და სილვესტრას რუკაზე სოლომონ მეფის დიდი გზა?

მე თანხმობის ნიშნად თავი დაგუქნიე, ისე რომ ჩემს წინ გადაშლილი სურათისათვის თვალი არ მომიცილებია.

— მაშ მიიხედეთ იქით, — მითხა სერ ჰენრიმ და მარჯვნივ მიმითითა, — აი ის გზაც.

მე და გუდმა ნაჩვენები მიმართულებით გავიხედეთ და დავინახეთ ფართო გზა, რომელიც თავდაპირველად ვერ შევამჩნიეთ, რადგან იგი ბარში ჩასვლისთანავე მკვეთრად უხვევდა გვერდით და ბორცვებს შორის იკარგებოდა. საკვირველია, მაგრამ ამ აღმოჩენას ჩვენზე მაინცდამაინც დიდი შთაბეჭდილება არ მოუხდენია. ამდენი რამის გადამტანებს ადარაფერი გვაკვირვებდა, თითქოს ისიც კი ჩვეულებრივ ამბად მივიჩნიეთ, რომ ამ მიკარგულ ქვეყნაში ვხედავდით გზატკცილს, რომელიც, ერთი თვალის გადავლებით, ძველი რომის მოვლილ-შენახულ გზებს მოგვაგონებდა.

— ჩემი აზრით, გზა აქ სადღაც, მარჯვნივ, სულ ახლოს უნდა გადიოდეს, — თქვა გუდმა. — წავიდეთ, ვეძიოთ.

ეს კეთილგონივრული რჩევა იყო. ნაკადულში ხელ-პირი დავიბანეთ და გუდს მივყევით. ერთხანს კაჭარზე და უთოვლო, მოტიტვლებულ ადგილებში მივაბიჯებდით. ამგვარად გავიარეთ დაახლოებით ერთი მილი და პატარა ბორცვის თხემზე აღმოგჩნდით. უეცრად ზედ ჩვენ წინ გზატკცილი დავინახეთ... დიახ, ეს კლდეში გაჭრილი საუცხოო გზატკცილი გახლდათ. სიგანით დაახლოებით ორმოცდაათი ფუტი იქნებოდა. საუცხოოდ იყო შენახული, უტყობოდა, კარგად უვლიდნენ. თავდაპირველად ვიფიქრეთ, გზა აქ იწყებაო, მაგრამ, როდესაც დაბლა დავეშვით და უკან, დედოფლალ საბიას მთებს მივხედეთ, დავინახეთ, რომ იგი მთებისკენ მიემართებოდა, მაგრამ ჩვენგან ასიოდე ნაბიჯზე

მოულოდნელად სადღაც იკარგებოდა. იქიდან მთელი მთის ფერდობი კაჭარით იყო დაფარული. მოტიტვლებული ადგილებიც ბლომად ჩანდა.

— როგორ ფიქრობთ, რა მოხდა, სად დაიკარგა გზა? — შემექითხა სერ ჰენრი.

გაოგნებულმა თავი გავიქნიე.

— ყველაფერი ცხადია, — თქვა გუდმა, — დარწმუნებული ვარ, რომ ოდესდაც ეს გზა ქვედა გადადიოდა და უდაბნოს ჭრიდა. მაგრამ დროთა განმავლობაში, ვულკანების ამოხეთქვის შემდეგ, იგი მთებში ლაგიმ გადარეცხა, უდაბნომ კი ქვიშით დაფარა.

ეს მოსაზრება სიმართლესთან ახლოს იყო. ყოველ შემთხვევაში, ყველანი დავეთანხმეთ გუდს და მთიდან ნელ-ნელა დავეშვით. ახლა მაძღრები ვიყავით, გზატკეცილზე ადგილად მივაბიჯებდით, მაშინ, როცა ამოსვლისას ფეხებს ძლიერ ვადგამდით და შიმშილით დაოსებულები, არაქათგამოლეულები და გაყინულები, წამდაუწუმ თოვლში ვეფლობოდით. ახლა თავს საუცხოოდ ვერძნობდით, მაგრამ გვაგონდებოდა საბრალო ვენტფორგელი, მისი შემზარავი სიკვდილი, ბნელი მღვიმე, სადაც იგი და სილვესტრასთან ერთად დავტოვეთ, და გული გვეთუთქმებოდა. საკუთრ თავზე ადარ ვფიქრობდით, მიუხედავად იმისა, რომ მივდიოდით უცხო მხარეში, რომელზედაც არაფერი ვიცოდით. ვინ იცის, რა მოგველოდა იქ!

რაც უფრო დაბლა მივიწევდით, პაერი მით უფრო რბილი და სურნელოვანი ხდებოდა. ჩვენ წინ გადაშლილი მიწა სულ უფრო და უფრო გვატყვევებდა თავისი სილამაზით. რაც შეეხება გზას, უნდა მოგახსენოთ, რომ ჩემს სიცოცხლეში მსგავსი არაფერი მენახა, თუმცა სერ ჰენრი ამტკიცებდა, სენ-გოტარდის გზა შეეიცარიაში ამ გზატკეცილს ძალიან წააგასო. ეტყობოდა, მშენებლებს, რომელთაც ეს გზა გაჰყავდათ, არ აშინებდათ არავითარი დაბრკოლება და სიძნელე. ერთ ადგილას წავადექით ხეობას, რომლის სიგანე სამასი ფუტი მაინც იქნებოდა, სიღრმე კი არანაკლებ ასი ფუტისა და დაგინახეთ, რომ იგი მთლიანად თლილი ლოდებით იყო ამოგსებული. ამ ლოდებში დატანებული იყო დარი, რომ წყალს დაბლა თავისუფლად ედინა. მეორე ადგილას გზა უფსკრულის პირას მიიკლაკნებოდა. უფსკრულის სიღრმე ხუთასი ფუტი იქნებოდა. მესამეგან ოცდაათი ფუტის სიგრძის გვირაბს წავაწყდით. იგი გათხრილი იყო კლდეში, რომელიც გზას წინ ედობებოდა. გვირაბის კედლები ბარელიეფებით იყო შემკული. ბარელიეფებზე უმთავრესად ჯავშანში ჩასმული მეომრები იყო გამოხატული, ისინი ეტლს მართავდნენ. განსაკუთრებით მომეწონა ერთი ბარელიეფი. წინა პლანზე ასახული იყო ბრძოლა, შორს, უკან კი დამარცხებული ტყვეები მიდიოდნენ.

სერ ჰენრი დიდი ინტერესით ათვალიერებდა შორეული წარსულის ამ შესანიშნავ ნიმუშებს.

— რასაკვირველია, — თქვა მან ბოლოს, — შესაძლოა, ამ გზას სოლომონ მეფის გზა ერქვას, მაგრამ გავბედავ ვთქვა, რომ ეგვიპტელები აქ სოლომონ მეფის ქვეშვრდომების მოსვლამდე ყოფილან. ეს ბარელიეფები ძველი ეგვიპტური სტილის ნიმუშებს წააგას.

შეადლისათვის უკვე კარგა გვარიანი მანძილი გავიარეთ და ტყის ზონაში შევედით. თავდაპირველად მხოლოდ აქა-იქ გხევდებოდა წვრილი ბუჩქარი, მაგრამ რაც უფრო დაბლა ჩავდიოდით, ბუჩქები მით უფრო ხშირდებოდა. ბოლოს მივაღწიეთ ერთ ფართო კორომს და დაგინახეთ, რომ აქ ხარობდა მოვერცხლისფროფოლიანი ხეები. ასეთი ხეები კეიპტაუნთან, მაგიდის მთის ფერდობებზე შემხვედრია და ამიტომ, ცოტა არ იყოს, გაძვირვებული დავრჩი.

— ოქ, — აღტაცებით წამოიძახა გუდმა, აბზინვარებული ფოთლების დანახვაზე, — აქ ხომ აუარებელი შეშაა. მოდით, ცოტა შევისვენოთ და სადილიც მოვამზადოთ. ჩემმა კუჭმა ის უმი ხორცი უკვე მოინელა.

ეს წინადადება ყველას მოეწონა. გზიდან ოდნავ გადავუხვიეთ და იქვე მოლიკლიკე ნაკადულისკენ წავედით. ხმელი ფიჩხი შევაგროვეთ და ორიოდე წუთის შემდეგ ცეცხლი ავაგუზებუზეთ. ხორცს რამდენიმე სქელი ნაჭერი ჩამოვაჭერით, წვეტიან ჯოხებზე წამოვაგეთ და ნაკვერცხლებზე ავაშიშხინეთ. სხვათა შორის, ხორცს კაფრებიც ამგარად წვავენ. სადილს უდიდესი სიამოვნებით შევაქციოთ. როდესაც კარგად დავნაყრდით, ჩიბუხები გავაჩაღეთ და თავი განცხრომას მივეციოთ. ამგვარი ყოფა განვლილი ტანჯვა-წამებისა და ათასი უბედურების შემდეგ თოთქმის ღვთაებრივი გვეჩვენა. ნაკადულის ნაპირებს სქლად მოსდებოდა უზარმაზარი გვიმრები, მათ შორის მაქმანებივით გამჭვირვალე ველური სატაცური იჭყიტებოდა, ნაკადული მხიარულად მორაკრაკებდა, ნაზი ნიავი ხების ვერცხლისფერ ფოთლებში დაქროდა. ირგვლივ ქედნები ღულუნებდნენ. პატარა ჩიტები ტოტიდან ტოტზე ხტოდნენ, მათი ჭრელი, მოხატული ბუმბული ძვირფასი ქვებივით ელვარებდა. დიახ, ეს ჭეშმარიტი სამოთხე იყო.

შეგნებამ იმისა, რომ დაუსრულებელი ტანჯვა-წამება, ფათერაკებით აღსავსე დღეები წარსულს ჩაბარდა და, როგორც იქნა, აღთქმულ ქვეყანას მივაღწიეთ, ისე გაგვაოგნა, რომ უნებლიერ ყველანი დავდუმდით. სერ ჰენრი და ამბობა გვერდიგვერდ ისხდნენ და დამტვრეულ ინგლისურ და არანაკლებ დამტვრეულ ზულუსურ ენაზე ხმადაბლა ლაპარაკობდნენ. მე გვიმრის სურნელოვან საწოლზე ვიწევი და თვალმილულული მათკენ ვიცქირებოდი. უეცრად შევამჩნიე, რომ ბუდი სადღაც გაქრა და თვალებით ძებნა დავუწევ. მალე მივაგენი კიდეც. იგი ფლანელის პერანგის ანაბარა იჯდა ნაკადულის პირას, ტანის დაბანა უკვე მოქსწრო. ამ კაცს იმდენად ჰქონდა ტანზი გამჯდარი სისუფთავის გრძნობა, რომ ძვირფას დროს დასვენების ნაცვლად თავის წესრიგში მოყვანას ანდომებდა.

მას უკვე გაერეცხა გუტაფისის თეთრი საყელო, გაებერტყა და გულდაგულ გაეწმინდა პიჯაკი, ჟილეტი, შარვალი, რომლებიც გზაში დახეოდა, დაჟურებდა დახეულ-გამოგლეჯილ ადგილებს და თავს ნადვლიანად იქნევდა. შემდეგ ტანსაცმელი კოხტად დაკეცა, ნაპირზე დააწყო, ფეხსაცმელი აიღო და ტალახი გვიმრით მოაცილა, გაუსვა ქონი, რომელიც ინკოს ხორცს საგანგებოდ ააჭრა და დიდხანს აპრიალებდა. როცა ფეხსაცმელმა ლაპლაპი დაიწყო, მონოკლით კარგად დაათვალიერა და ჩაიცვა. პატარა სამგზავრო ტოპრაკიდან, რომელსაც არასოდეს არ იშორებდა, ამოიღო სავარცხელი შიგ ჩადგმული სარკით და ყერადდებით დააკვირდა თავის სახეს. ეტეროდა, უკმაყოფილო დარჩა, რადგან ხელი მიჰყო თმის ვარცხნას და სწორებას. მერე ისევ სარკეში ჩაიხედა. ჩაიხედა და თავი კვლავ არ მოეწონა. თითებით მოისინჯა ნიკაბი, რომელზედაც კარგა მოზრდილი წვერი ამოსვლოდა. რა გასაკვირია, უკვე ათი დღე იყო, მის სახეს სამართებელი არ მიპარებოდა.

— „არა, ეს შეუძლებელია, — გავიფიქრე მე, — ნუთუ პირის გაპარსვას აპირებს?“

დიახ, არ შევმცდარვარ, გუდმა აიღო ქონის ნაჭერი, რომლითაც წელან ფეხსაცმელი გააპრიალა, გულდაგულ გააღანდალა წყალში, შემდეგ ისევ გახსნა ტოპრაკი, ბრინჯაოს პატარა სამართებელი ამოიღო, ლოყებზე და ნიკაბზე ქონი წაისვა და პარსვას შეუდგა. ეტეროდა, ეს საკმაოდ მტკიცნეული იყო, იმიტომ, რომ დროდადრო ოხრავდა და კვნესოდა. მე კი სიცილით ვიგუდებოდი, როცა

გუგურებდი, როგორ ცდილობდა ჩვენი კაპიტანი გაეპარსა აქეთ-იქით გაჩაჩხული, სქელი, ჯაგრისებური წვერი.

როგორც იქნა, დიდი ჯახირის შემდეგ, გაიპარსა მარჯვენა ლოფა და სწორედ ამ დროს რაღაც სხივმა ელვასავით გადაუქროლა თავზე.

გუდი საშინელი წყევლა-კრულვით წამოხება (დარწმუნებული ვარ, ჩვეულებრივი სამართებელი რომ ჰქონდა, უჭრებულად ყელს გამოიჭრიდა). მეც ფეხზე წამოვიჭრი - ოდონდ მასავით წყევლა-კრულვას არ მოვყოლივარ, - და, აი, რა დავინაზე: ჩემგან ოციოდე, გუდისაგან კი, ალბათ, ასე, ათიოდე ნაბიჯზე იდგა ხალხი. ძალზე მაღლები იყვნენ, კანი მოწითალო-მოსპილენისფრო ჰქონდათ, ზოგ მათგანს თავზე შავი ბუმბულის ჯიღა ედგა, მხრებზე კი ჯიქის ტყავის მოსასხამი მოესხა. ერთი თვალის შევლებით სხვა ვერაფერი დავინახე.

ყველაზე წინ ჩვიდმეტიოდე წლის ჭაბუკი იდგა, ხელი მაღლა აღემართა და დისკოსმტყორცნელის ანტიკურ ქანდაკებას წააგავდა. როგორც ეტყობოდა, მან ისროლა ის დანა, კაპიტანს თავზე ელვასავით რომ გადაუშხივდა.

ვიდრე მათ ვათვალიერებდი, წინ წამოდგა მოხუცი, ჭაბუკს ხელი წაავლო და რაღაც უთხრა. შემდეგ ყველანი ჩვენკენ გამოემართნენ. სერ ჰქნრიმ, გუდმა და ამბოპამ თოვებს ხელი დაავლეს და მუქარით აღმართეს, მაგრამ მოსულებს ამისათვის არავითარი ყურადღება არ მიუქცევიათ, არც ფეხი შეუჩერებიათ. ცხადი იყო, არ იცოდნენ, რა იყო თოვი, წინააღმდეგ შემთხვევაში ასე გულგრილად არ მოიქცეოდნენ.

- დაყარეთ თოვები! - დავუყვირე თანამგზავრებს, რადგან მივხვდი, თუ სიცოცხლე გასურდა, უნდა დაგერწმუნებინა ეს ხალხი, რომ ცუდი განზრახვით არ ვიყავით მოსულნი და ვცდილიყავით, როგორმე მათი გული მოგვენადირებინა. გუდი, სერ ჰქნრი და ამბოპა ჩემს ბრძანებას დაემორჩილნენ. მე კი წინ წავდექი და თავი დავუკარი მოხუც მეომარს, წედან ის ჭაბუკი რომ შეაჩერა.

- სალამი თქვენდა! - მივესალმე ზულუსურად, თუმცა არ ვიცოდი, ამ ხალხთან რა ენაზე მელაპარაკა. ძალიან გამიკვირდა, როცა მოხუცი ნათქვამს მიმიხვდა.

- სალამი! - მომიგო მან არც თუ ისე წმინდა ზულუსურით, მაგრამ მე და ამბოპა მაშინვე მივხვდით, რაც გვითხრა.

შემდეგ შევიტყვეთ, ეს ხალხი ძველი ზულუსურით ლაპარაკობდა. ძველსა და ახალ ზულუსურს შორის დაახლოებით ისეთივე განსხვავებაა, როგორიც ჩოსერის ენასა და მეცხრამეტე საუკუნის ინგლისურ ენებს შორის.

- საიდან მოხვედით? - გვეითხა მოხუცმა. - ვინ ხართ? რატომ არის, რომ თქვენს შორის სამს თეთრი კანი აქვს, მეოთხე კი სახით ისე წაგვაგავს, თითქოს ჩვენთა დედათა ეშობნებს? - თქვა და ამბოპაზე მიგვითოთა.

ამბოპას შევხედე და დავრწმუნდი, მოხუცი მართალს ამბობდა. ჩვენი მსახური სახით და თვალ-ტანადობით საოცრად წააგავდა ამ ხალხს, მაგრამ მაშინ ამაზე ფიქრის დრო არ მქონდა.

- ჩვენ უცხოელები ვართ და აქ მშვიდობიანი განზრახვით მოვედით, - გუთხარი მე. თან ვცდილობდი, რაც შეიძლებოდა, ნელა მელაპარაკა, რომ მოხუცი ჩემი სიტყვების აზრს მიმხდარიყო. - ეს კაცი კი, - დავუმატე შემდეგ, - ჩვენი მსახურია.

- ცრუობ, - მომახალა მოხუცმა, - არც ერთ ადამიანს არ შეუძლია გადმოლახოს ეს მთები, იქ ხომ ყველა სულიერი კვდება და იღუპება. თუმცა რა მნიშვნელობა აქვს, ცრუობ თუ არა, უცხოელებს ეკრძალებათ კუპუანელთა

მიწაზე ფეხის დაღგმა. თქვენ უნდა დაიხოცოთ, ასეთია მეფის უზენაესი ბრძანება. მოემზადეთ, პოი, უცხოელებო!

ამ სიტყვებმა, ცოტა არ იყოს, შემაცბუნა. მეტადრე მაშინ შევკრთი, როცა მეომრებმა ქამარზე იტაცეს ხელი. ქამრებზე დიდი მძიმე დანის მსგავსი რაღაც იარაღი ეგიდათ.

— რას რატრატებს ეგ ბებერი მაიმუნი? — მკითხა გუდმა.

— ამბობს, უნდა დაგხოცოთო, — კუშტად მივუგე მე.

— ოჲ, ღმერთო ჩემო! — აღმოხდა კვეთა გუდს და, როგორც ყოველთვის, ადელვების ჟამს, ახლაც ხელი პირისკენ წაიდო, ზემო ების ხელოვნური კბილები გამოიღო, შემდეგ ისევ ჩაიდგა და ენა გაატკაცუნა, რომ კბილები მჭიდროდ ჩაჯდომოდა.

გუდი უკეთესს ვერაფერს მოიფიქრებდა. ამის დანახვაზე ამაყ კუპუანელებს შემზარავი ყვირილი აღმოხდათ და ყველამ უკლებლივ რამდენიმე იარდით უკან დაიხია.

— რა ამბავია, რა მოხდა? — გაოცებით შევეკითხე სერ პენრის.

— გუდმა კბილები ჩამოიხსნა, — აღელვებით ჩამჩურჩულა სერ პენრიმ, — პოდა, ამის დანახვაზე თავზარი დაეცათ. გუდ, გამოიღეთ კბილები, სულ გამოიღეთ!

კაპიტანი იმწამსვე დათანხმდა, კბილები გამოიღო და მარჯვედ ჩამალა ფლანელის პერანგის სახელოში.

ცხობისმოყვარეობამ თანდათანობით სძლია შიშს და კუპუანელები ნელნელა ისევ მოგვიახლოვდნენ. როგორც ეტყობოდათ, სულ დაავიწყდათ, ყელის გამოღადვრას რომ გვიპირებდნენ.

— გვითხარით, პოი, უცხოელებო! — მოგგმართა მოხუცმა და ხელი გუდისკენ გაიწვდინა. გუდი ფლანელის — პერანგისამარა იყო, სახე სანახევროდ გაპარსული პქონდა, — როგორ შეუძლია ამ მსხვილ კაცს, რომელსაც სხეულს ტანსაცმელი უფარავს, ფეხები კი შიშველი აქვს, თმა მხოლოდ სახის ერთ მხარეს ეზრდება, მეორეზე კი ბეწვიც არ ამჩნევია, ერთ თვალში მეორე თვალი უდგას, — გამჭვირვალე მბრწყინავი თვალი — როგორ შეუძლია-მეთქი ამ კაცს, თავის ნებაზე გამოიღოს კბილები პირიდან და მერე ისევ ჩაიდგას?

— გააღეთ პირი! — გუბურჩულე გუდს.

კაპიტანმა იმწამსვე გააღო პირი და გამოაჩინა ორი წითელი ნუნა, რომელთაც ახლად შობილი სპილოსავით კბილების ნიშანწყალიც არსად ეტყობოდათ.

— სად გააქრო კბილები? — შიშით შეჰყვირეს კუპუანელებმა, — აკი წელან პირში პქონდა!

გუდმა გელურებს ამაყად შეაქცია ზურგი, ხელი პირთან მიიტანა, შემდეგ შემობრუნდა, პირი გააღო და, — პოი, საკვირველებავ! — ველურებმა პირში ჩაწიკწიკებული კბილები დაუნახეს.

მაშინ ის ჭაბუკი, გუდს დანა რომ ესროლა, მიწაზე დაეცა და თავზარდაცემულმა გულშემზარავი ყვირილი მორთო. მოხუცს კი შიშისაგან მუხლები აუკანებულდა.

— ახლა კი ვხედავ, რომ სულები ხართ, — ენის ბორძიკით წაიბუტბუტა მან, — რაღაც არც ერთ მოკვდავს, ქალის მიერ შობილს, არ ეზრდება წვერი ცალ მხარეს, არა აქვს მრგვალი, გამჭვირვალე თვალი და თავის ნებაზე მოსეირნე კბილები. მოგვიტევეთ, პოი, მბრძანებელო!

ალბათ მიხვდებით, როგორ გამეხარდებოდა ამ სიტყვების გაგონება. რაღა თქმა უნდა, მაშინვე ვისარგებლე ამ მოულოდნელი ბედნიერი შემთხვევით. მოწყალედ გავიღიმე და განვაცხადე:

— კარგი, ამჯერად გვიპატიებია, რაც შესცოდეთ, ახლა კი დროა სიმართლე შეიტყოთ. ჩვენ სხვა სამყაროდან ვართ მოსულნი, დავეშვით უდიდესი ვასრკვლავიდან, რომელიც დამით თქვენს ქვეყანას თავზე დანათის, მაგრამ, მიუხედავად ამისა, ჩვეულებრივი ადამიანები ვართ.

— ო! ო! — ერთბაშად აღმოხდა ყველას გაოცების ამოძახილი.

— დიახ, ჩვენ ვარსკვლავეთიდან ჩამოვედით, — განვაგრძე შემწყნარებლური დიმილით, თან თვითონვე მიკირდა, რაებს ვროშავ-მეთქი. — დავეშვით მიწაზე, რომ თქვენი ხალხი ჩვენი აქ ყოფნით გავატედნიეროთ. ხომ ხედავთ, მეგობრებო, თქვენთან წამოსვლას ვეპირებოდით და ამისათვის თქვენი ენაც კი შევისწავლე.

— დიახ, დიახ, სწორია, ეს ასეა! — ერთხმად დამიმოწმეს ველურებმა.

— პოი, მბრძანებელო ჩემო, მაპატიე, მაგრამ ძალიან ცუდად შეგისწავლია ჩვენი ენა, — სიტყვა გამაწყვეტინა მოხუცმა.

მაგრამ ისე მწყრალად გადავხედვ, რომ საბრალო შეკრთა და ენა მუცელში ჩაიგდო.

— ახლა კი, მეგობრებო, — განვაგრძე, — იქნებ იფიქროთ, სამაგიეროს გიზღავთ მტრული შეხვედრისათვის და სიცოცხლეს გამოვასალმებო იმას, ვინც მოძრავ კბილებიან კაცზე ხელი შემართა...

— შეგვიბრალეთ, ჩემო მბრძანებელო, ის ჩვენი უფლისწულია, ჩემი ძმის შვილი, რამე რომ შეემთხვას, სისხლი მე უნდა ვზღო, რადგან მაგის სიცოცხლე მე მაბარია.

— მაგაში ეჭვი არ შეგეპაროს, — ბოროტად ჩაისისინა ჭაბუქმა.

— ეგება ფიქრობთ, ძალა არ შეგვწევდეს სამაგიერო გადაგიხადოთ? — განვაგრძე მე ისე, რომ მისი სიტყვებისთვის ჟურადდებაც არ მიმიქცევია, — მოითმინეთ და ახლავე დარწმუნდებით; შენ, პეტ, მონა ძაღლო, — რამდენადაც კი შემეძლო მრისხანედ ვუთხარი ამბოპას, — მომაწოდე ის ჯადოქმნილი მოლაპარაკე ლულა! — თან შეუმჩნევლად თვალით ჩემს „ექსპრესზე“ ვანიშნე.

ამბოპამ იმწამსვე მომაგება ხელში თოფი, მის ამაყ სახეზე იმ დღეს პირველად დავინახე რადაც დიმილის მსგავსი.

— ინებეთ, მბრძანებელთა მბრძანებელო! — მითხრა და თავი მდაბლად დამიკრა.

რამდენიმე წუთის წინ თვალი მოვკარი ანტილოპას. ჩვენგან სამოცდათოდე იარდის დაშორებით კლდეზე იდგა. სწორედ მისი მოკვლა მქონდა განზრახული, როცა ამბოპას თოფის მოტანა ვუბრძანე.

— ხედავთ იმ ცხოველს? — ვკითხე ველურებს და ანტილოპასკენ ხელი გავიშვირე, — განა დედაკაცისაგან შობილ ჩვეულებრივ ადამიანს ძალუძს მხოლოდ და მხოლოდ ხმით მოკლას იგი?

— ეგ შეუძლებელია, ჩემო მბრძანებელო, — მიპასუხა მოხუცმა.

— მიუხედავად ამისა, მე მაინც მოვკლავ იმ ანტილოპას, — მშვიდად მივუგე მოხუცმა მეომარმა გაიღიმა.

— არა, ჩემო მბრძანებელო, შენ ამას ვერ შეძლებ.

მე თოფი შევმართე და ანტილოპა მიზანში ამოვიღე. ანტილოპა ძალზე პატარა იყო და ასე შორი მანძილიდან სულ ადვილად შეიძლებოდა ტყვია ამეცლინა, მაგრამ ვიცოდი, რადაც არ უნდა დამჯდომოდა, უნდა მომეკლა. ანტილოპა უძრავად იდგა. მე დრმად ამოვიოხრე და ჩახმასს თითო გამოვკარი.

ბუჭ, ბუჭ! იგრიალა თოფმა. ანტილოპამ შეიკუნტრუშა და უსულოდ დაეცა მიწაზე. ველურებმა საზარლად დაიღრიალეს.

— თუ გინდათ ხორცი, წადით და ის ანტილოპა აქ მოათრიეთ, — მოჩვენებითი გულგრილობით ვთქვი მე.

მოხუცმა ერთ-ერთ ველურს რადაც ანიშნა. ველური კლდისქენ გაქანდა. მალე დაბრუნდა, ზურგზე მოკლული ანტილოპა მოეგდო. რომ იცოდეთ, როგორ გამეხარდა, როცა ვნახე, ტყვია ზედ ბეჭს ზემოთ მოხვედროდა. მე ხომ სწორედ ბეჭი ამოვიდე მიზანში. ველურები შემოეხვივნენ საბრალო ცხოველს და ცნობისმოყვარეობით ათვალიერებდნენ ნატყვიარს. სახეზე შიში ეწერათ.

— ხომ ხედავთ, — მივუბრუნდი მათ, — მე სიტყვებს ფუჭად როდი ვხარჯავ! ხმა არავის გაუდია.

— თუ ჩვენს ძლევამოსილებაში კიდევ ეჭვი გეპარებათ, — განვაგრძე მე, — რომელიმე თქვენგანი იმ კლდეზე დადგეს, დიახ, დიახ, დადგეს და მასაც იმ ანტილოპასავით გავაგორებ.

მსურველი არავინ აღმოჩნდა. ჩამოვარდა სიჩუმე, რომელიც მეფისწულმა დაარღვია.

— მისმინე, ძია, — მიმართა მან მოხუცს, — გემუდარები, წადი და იმ კლდეზე დადექ. ჯადო კაცს ვერ მოკლავს, მას მხოლოდ ცხოველზე აქვს ძალა.

მაგრამ მოხუცს მმისწულის წინადადება სულაც არ მოეწონა, პირიქით, ეწყინა კიდევ.

— არა, არა! — სწრაფად წამოიძახა მან, — კმარა, რაც ჩემმა თვალებმა ნახეს, — მერე თავის ამალას მიუბრუნდა და ბრძანა: — ეს ადამიანები მისნები არიან და მეფეს უნდა მივგვაროთ, ხოლო თუ ვინმექს სურს, ჯადო საკუთარ თავზე გამოცადოს, შეუძლია წავიდეს და კლდეზე დადგეს, ჯადოსნური ჯოხი მასაც დაელაპარაკება.

მაგრამ კუკუანელთა შორის ამის მსურველი არავინ იყო.

— ტყუილუბრალოდ რად უნდა დახარჯო ჯადოსნური ძალა ჩვენს ბილწ სხეულებზე, — თქვა ერთმა ველურმა. — საკმარისია, რაც ვნახეთ. არც ერთ ჩვენს მისანს მსგავსი არაფერი შეუძლია.

— მართალს ამბობ, — შვებით მიუგო მოხუცმა მეომარმა, — დიახ, დიახ, ეს ჭეშმარიტებაა. მისმინეთ, პოი, ვარსკვლავის შვილნო, ბრჭყვიალა თვალისა და მოძრავი კბილების შვილნო, თქვენ, რომელნიც მართავთ ელვა-ქუხილს და შორი მანძილიდან კლავთ ცხოველს თუ კაცს. მე ინფადუსი ვარ, კუკუანელთა ყოფილი მეფის კაფას შვილი. ეს ჭაბუკი კი სკრაგაა.

— მაგ სკრაგამ ცოტას გაწყდა, საიქიოს არ გამისტუმრა, — დაიჩურჩულა გუდმა.

— სკრაგა უფლისწულია, — ერთი ყოფით განაგრძო ინფადუსმა, — თუალას შვილია. თუალა კი დიდი მეფე გახლავთ, — ათასი ცოლის მეუღლე, კუკუანელთა წინამძღოლი და მბრძანებელი, დიდი გზის ბატონ-პატრონი, მცრის რისხვა და ძრწოლა, ბრძენი, რომელიც მისნობის ყველა საიდუმლოს განაგებს, ასი ათასი მეომრის სარდალი, თუალა ცალთვალაა, თუალა შავია, თუალა მრისხანება.

— რაკი ასეა, წაგვიყვანე იმ შენს თუალასთან, — ქედმაღლურად ვუთხარი მე, — ჩვენ არ გვსურს ქვეშევრდომებთან და მსახურებთან ლაპარაკი თუ საქმის დაჭერა.

— თქვენს სურვილს შევასრულებთ, ჩემო მბრძანებლებო! წაგიყვანთ მეფესთან. მაგრამ წინ გრძელი გზა გვიდევს! ამ ადგილებში სანადიროდ

მოვედით და სასახლეს სამი დღის სავალითა ვართ დაცილებული. მოთმინება იქონიეთ, მბრძანებელო, დიად თუალას სამი დღის შემდეგ იხილავთ.

— კარგი, — აგდებულად ვუთხარი მე, — ჩვენ დროს არ ვზოგავთ და არც არსად მიგვეჩარება, რადგან უკვდავნი ვართ. მზადა ვართ, წაგვიყვანე, მაგრამ მისმინე, ო, ინფადუს, და შენც, ჟაბუკო სკრაგა! ერიდეთ ჩვენს მოტყუებას! ნუ ეცდებით მახე დაგვიგოთ. ვიდრე თქვენი საბრალო ტვინი რამეს გაიფიქრებდეს, ჩვენ უკვე გვეცოდინება ყოველივე, რადგან მონიჭებული გვაქვს სასწაულებრივი ძალა, ჩავწერეთ ადამიანთა ფიქრსა და ზრახვებს. შუქი, გამომდინარე იმ კაცის გამჭვირვალე თვალიდან, ვისაც ფეხები შიშველი აქვს, სახეზე კი მხოლოდ ცალ მხარეს ეზრდება წვერი, ადგილზევე გაგაქვავებთ, თქვენს ქვეყანაში უბედურებას უბედურებაზე დაატრიალებს. მისი მოძრავი კბილები პირიდან გამოხტებიან და ტანში ჩაგესობათ, რომ შეგჭამონ არა მარტო თქვენ, არამედ თქვენი ცოლებიცა და შვილებიც. ჯადოსნური მილები კი საცერივით დაცხრილავენ თქვენს სხეულს.

ამ ბრწყინვალე სიტყვამ საოცარი შთაბეჭდილება მოახდინა. თუმცა არც კი ვიცი, საჭირო იყო თუ არა ამის თქმა, რადგან ჩვენი ახალი მეგობრები უამისოდაც საკმაოდ შეშინებულები იყვნენ.

მოხუცმა მეომარმა მონურად მოიხარა ქედი ჩვენს წინაშე. „კუუმ!“ „კუუმ!“
— რამდენჯერმე წამოიძახა. შემდგომ შევიტყვა, რომ „კუუმ“ კუკუანელთა მისასალმებლი სიტყვა იყო და ზულუსურ „ბააიეტს“ უდრიდა. ამ სიტყვით კუკუანელები მხოლოდ მეფესა და სამეფო სახლის შვილთ ესალმებიან. შემდეგ ინფადუსმა რადაც გადაულაპარაკა თავისიანებს. მათაც მყისვე სტაცეს ხელი მთელ ჩვენს ავლა-დიდებას, გარდა თოფებისა, რადგან მათთან მიკარებაც კი ეშინოდათ, აიღეს გუდის ტანსაცმელი, რომელიც, თუ გახსოვთ, ნაკადულის პირად იდო. კაპიტანმა მოინდომა მათვის თავისი შარვალი და პიჯაკი წაერთმია, რის შედეგადაც მასსა და ველურებს შორის კაი ხმამაღალი დავა ატყდა.

— ჩემი მბრძანებელი და მფლობელი გამჭირვალე თვალისა, ხელს ნუ ახლებს თავის ნივთებს. ყველაფერს მონები წამოიდებენ.

— კი მაგრამ, მე მინდა შარვალი ჩავიცვა, — დრიალებდა გუდი.

ამბობამ მისი სიტყვები ველურებს გადაუთარგმნა.

— ჰო, ჩემო მბრძანებელო, — შეკუვირა ინფადუსმა, — ნუთუ გსურს ეგ მშვენიერი თეორი ფეხები შენი მორჩილი მონების თვალთაგან დაჰვარო? რით დავიმსახურეთ შენი რისხვა, რატომ ინებე ასე ჩვენი დასჯა?

მე გუდს ვუცეკეროდი და სიცილით ვიგუდებოდი. ამასობაში ერთ-ერთმა ველურმა გუდის ტანსაცმელს ხელი დაავლო და მოკურცხლა.

— წყეულიმც იყავ! — ბრდღვინავდა გუდი, — იმ შავკანიანმა მაიმუნმა ჩემი შარვალი გაიტაცა.

— მისმინეთ გუდ, — უთხრა სერ ჰენრიმ, — თქვენ ამ მხარეში გარკვეული როლით გამოცხადდით და ეს როლი ბოლომდე უნდა შეასრულოთ. ვიდრე აქ ვიმყოფებით, შარვალს ვეღარ ჩაიცვამთ, დღეიდან მხოლოდ ეგ პერანგი და ფეხსაცმელი უნდა ატაროთ; ჰო, მონოკლიც გრჩებათ. ერთი სიტყვით, დროებით ბედს უნდა დაემორჩილოთ.

— დიახ, დიახ, — დაგუდასტურე მეც, — წვერიც მხოლოდ ცალ მხარეს უნდა ატაროთ. კუკუანელთა წინაშე ახლა სხვა სახით რომ წარსდგეთ, ყველას თაღლითებად მიგვიჩევენ. ძალიან ვნანობ, ამის გადატანა რომ გიხდებათ, მაგრამ სრული სერიოზულობით გეუბნებით: სხვა გამოსავალი არა გაქვთ, გუდ.

კელურებმა მცირეოდენი შევიც რომ შეიტანონ, სიცოცხლეს საფრთხეში ჩავიგდებთ.

— მართლა ასე ფიქრობთ? — კუშტად შემეცითხა გუდი.
— რა თქმა უნდა. ეგ „მშვენიერი თეთრი ფეხები“ და ეგ მონოკლი ჩვენი მხსნელია. თქვენი როლი ბოლომდე უნდა შეასრულოთ. ღმერთს მადლობა შესწირეთ, ფეხსაცმლის ჩატმა მაინც რომ მოასწარით და რომ აქ შედარებით თბილი ჰავაა.

გუდმა მწარედ ამოიოხერა, მაგრამ აღარაფერი უთქვამს. საბრალო მხოლოდ ორიოდე კვირის შემდეგ შეეგუა თავის მწარე ხვედრს.

თ ა გ ი V I I I

პ უ პ უ ა ნ ე ლ თ ა ქ ვ ე ყ ა ნ ა

მთელი დღის განმავლობაში მივდიოდით საუცხოო გზაზე. იგი პირდაპირ ჩრდილო-დასავლეთისაკენ მიემართებოდა. ინფადუსი და სკრაბა გვერდით მოგვევებოდნენ, მათი ამალა კი ასიოდე ნაბიჯით წინ მიაბიჯებდა.

— მითხარი, ინფადუს, — კითხე მოხუც მეომარს ცოტა ხნის სიჩუმის შემდეგ, — ხომ არ იცი, ვინ გაიყვანა ეს გზა?

— ეს გზა დიდი ხნის წინათ გაიყვანეს, ჩემო მბრძანებელო, არავის ახსოვს, როდის და როგორ მოხდა ეს. არც გრძნეულმა ქალმა გაგულამ იცის რამე ამაზე. გაგულა კი მრავალ თაობათა მომსწრეა. ჩვენ არც ისე ხნიერნი ვართ, რომ ეს ამბავი გვახსოვდეს. ახლა ამგვარი გზის გაყვანა არავის შეუძლია. ამიტომ არის, რომ მეფე თვალის ჩინივით უფრთხილდება მას და ზედ ბალახსაც არ გააჭაჭანებს.

— ვინ გამოაქანდაკა ადამიანები იმ გვირაბის კედელზე, ჩვენ რომ გამოვიარეთ? — ისევ შევეცითხე.

— ვინც გზა გაიყვანა, მანვე გამოკვეთა ქვაზე ის უცნაური გამოსახულებები, ჩემო მბრძანებელო. ჩვენ არ ვიცით, ვინ იყვნენ ისინი.

— როდის მოვიდნენ კუპუანელები ამ მხარეში?

— ჩემო მბრძანებელო, ჩვენი ხალხი ქარიშხლის სუნთქვასავით მოედო ამ მხარეს ათი ათასი მთვარის წინ. ისინი მოვიდნენ დიდი მიწიდან, იმ მხარეს რომ მდებარეობს, — მითხრა და ხელი ჩრდილოეთით გაიწვდინა. — როგორც გადმოგვცემენ ჩვენი მამა-პაპანი და როგორც ამბობს გრძნეული ქალი, მისნებზე მონადირე გაგულა, კუპუანელებმა ვედარ შეძლეს გადაედახათ ეს მთები, რკალად რომ ერტყმიან ჩვენს ქვეყანას და გზას უდობავენ მას, — მითხრა და თოვლით დაფარულ მწვერვალებზე მიმითითა. — ეს საუცხოო მხარე იყო და კუპუანელებიც აქ დასახლდნენ. დასახლდნენ და დროთა განმავლობაში ძლიერნი და შემართებულნი გახდნენ. ახლა ჩვენ იმდენივე ვართ, რამდენიც ზღვაში ქვიშაა. როცა მეფე თუაღა ჯარებს თავს უყრის, ფრთები, რომლითაც მეომრები თავს იმკობენ, ფარავენ მთელ დაბლობს, სანამდეც კაცს თვალი მიუწვდება.

— ახლა არ მითხარი, ჩვენი მხარე მთებით არის გარშემორტყმულიო? მაშ თუაღას ჯარები ვიდას ეომებიან?

— არა, მბრძანებელო, იქით მხარეს გზა დიაა, — მითხრა და ისევ ჩრდილოეთით მიმითითა. — დროდადრო ჩვენთვის უცნობი ქვეყნიდან მეომრები დრუბელივით მოედებიან ქვეყანას და ჩვენც ვხოცავთ მათ. უკანასკნელი

ბრძოლა რომ იყო, იმ დღიდან მოყოლებული ადამიანის სიცოცხლის მესამედმა ხანმა განვლო. ბრძოლაში ათასობით კაცი დაიღუპა, მაგრამ მაინც მოვსპერ მტერი. მას შემდეგ ომი აღარ ყოფილა.

– თქვენს მეომრებს ალბათ მობეზრდათ შუბზე დაყრდნობით თვლემა.
– არა, ჩემო მბრძანებელო, სწორედ მას შემდეგ, თავდამსხმელები რომ უკუგაბდეთ, აქ კიდევ იყო ერთი ბრძოლა, მაგრამ ეს იყო ბრძოლა ძმათა შორის, ხალხი ძაღლებით ჭამდა ერთმანეთს.

– რა იყო ბრძოლის მიზეზი?

– ახლავე მოგახსენებთ, ჩემო მბრძანებელო. ჩვენი ახლანდელი მეფე ჩემი ნახევარმაა. მას პყავდა ტყუპის ცალი. ორივენი ერთი დედისაგან, ერთ დღეს და ერთ საათს იყვნენ შობილნი. ჩვენი ჩვეულების თანახმად, შეუძლებელია ორივე ტყუპმა იცოცხლოს, მათ შორის უფრო სუსტი უნდა მოკვდეს. მაგრამ მეფის დედამ გადამალა ტყუპის ცალი, რომელიც უფრო სუსტი ჩანდა, რადგან გულმა მისკენ გაუწია. სწორედ ეს ბავშვი გახლავთ თუალა, ჩვენი მეფე, მე კი მისი უმცროსი ძმა ვარ, სხვა ქალისაგან შობილი.

– მერე, მერე?

– როცა დავგაშეაცდით, მამაჩვენი კაფა გარდაიცვალა და ჩემი ძმა იმოტუ მის ნაცვლად მეფედ აკურთხეს. იგი ერთ ხანს მართავდა ქვეყანას, საყვარელი ცოლისაგან ვაჟიც შეეძინა. ის ბავშვი სამი წლის რომ შეიქნა, – ეს დაემთხვა სწორედ დიდ ბრძოლებს, როცა არავის შეეძლო არც ხენა-თესვა და არც მოსავლის აღება, – ქვეყანა დაიმშა, ხალხი დრტვინავდა და აქეთ-იქით აწყდებოდა, როგორც ლომი, რომელსაც შიმშილისაგან სული ხდება და სიკვდილის წინ დასაფლეთად ემებს საკბილოს. მაშინ გაგულამ, ბრძენმა ქალმა, რომელიც ყველას შიმის ზარსა სცემს, ხალხი შეკრიბა და გამოუცხადა, მეფე იმოტუ ნამდვილი მეფე არ არისო. იმოტუ კი ამ დროს ომში მიღებული ჭრილობით განაწამები გაუნარევლად იწვა თავის ქოხში. გაგულა ერთ-ერთ ქოხში შევიდა და გამოიყვანა თუალა, ჩემი ნახევარმა, ხოლო მეფე იმოტუს მკვიდრი ძმა და ტყუპის ცალი. გაგულა გაჩენის დღიდან მაღავდა მას კლდეებსა და მღვიმეში. ახლა წელზე შემოსაკრავი შემოხსნა და ხალხს დაანახა გველის წმინდა ნიშანი, უფლისწულს ტანზე რომ შემორკალოდა.

ჩვენს ქვეყანაში ამ ნიშანს შობისთანავე ადებენ ხოლმე მეფის უფროს ვაჟს. „აქეთ მოიხედეთ, აი თქვენი მეფე. მე მას დღემდე სიცოცხლე შეეუნარჩუნე", – ხმამაღლა დაიყვირა გაგულამ. შიმშილით გონდაკარგული ხალხი სულ გადაირია. დაივიწვა ადამიანობა, სიკეთე, სამართლიანობა და დაიწყო ყვირილი: „მეფე, მეფე!" მაგრამ მე ვიცოდი, თუალა მეფე არ ყოფილა. ტყუპებს შორის უფროსი იმოტუ იყო და, მაშასადამე, კანონის მიხედვით, ტახტიც მას ეკუთვნოდა. როცა ხმაური და ლრიანცელი საზღვარს გადასცილდა, მეფე იმოტუმ ცოლს ხელი ჩასჭიდა და ქოხიდან გამოვიდა, თუმცა მძიმედ იყო დაჭრილი და სიარული უჭირდა. უკან მათი მცირებლოვანი ვაჟი იგნოზი მოჰყვებოდათ (იგნოზი ელვას ნიშნავს). „ეს რა ამბავია? – იკითხა იმოტუმ, – რატომ გაჰყვირით „მეფე-მეფეო?"

მაშინ თუალა, მისი მკვიდრი ძმა და მისივე დედისაგან შობილი, მეფესთან მიიჭრა, თმაში ხელი სტაცა და დანა სასიკვდილოდ ჩასცა გულში. მოგეხსენებათ, ხალხი საერთოდ ორჭოფია, ადამიანები მუდამ მზად არიან ქედი მოიდრიკონ ამომავალი მზის წინაშე, ამიტომ ყველამ ტაში დასცხო და დაიწყო ყვირილი: „თუალა ჩვენი მეფეა! გაუმარჯოს თუალას, ჩვენს მეფეს!"

– რა ბედი ეწიათ იმოტუს ცოლს და მის პატარა ვაჟს იგნოზის? ნუთუ თუალამ ისინიც დახოცა?

– არა, ჩემო მბრძანებელო. როცა ცოლმა დაინახა, ჩემი ბატონი მკვდარი დაეცაო, შეპკივლა, შვილი ხელში აიტაცა და გაიქცა. ორი დღის შემდეგ შიმშილმა ერთ-ერთ კრალში მიიყვანა, მაგრამ არავინ გაუწოდა დახმარების ხელი, არავინ ისურვა მიეცა მისთვის რე ან სხვა რამ საჭმელი. იმიტომ, რომ ადამიანს სძაგს უბედურ დღეში მყოფი. როცა დადამდა, ვიდაც გოგონა ჩუმად მიიპარა მასთან და საჭმელი მიუტანა. ქალმა დალოცა ბავშვი და დილით, ვიდრე მზე ამოვიდოდა, შვილთან ერთად მთებისაკენ გაუყვა გზას. ეჭვსგარეშეა, ორივე დაიღუპა, რადგან მას შემდეგ არც ისა და არც პატარა იგნოზი თვალით არავის უნახავს.

– ესე იგი, ის ბავშვი, იგნოზი, ცოცხალი რომ ყოფილიყო, კუკუანელების კანონიერი მეფე იქნებოდა?

– დიახ, მბრძანებელო, წმინდა გველის გამოსახულება ნიშნად ერტყმის მის სხეულს. ის არის ჩვენი მეფე, მაგრამ ვაი რომ უკვე მკვდარია. იქით გაიხედე, მბრძანებელო, – მითხრა შემდეგ და დაბლა, ველისაკენ მიმითითა. ამ ველზე ღობით გარშემორტყმული ქოხები იდგა. ღობებს კი თავის მხრივ დრმა თხრილი ერტყა ირგვლივ, – კრალში უკანასკნელად ვნახე იმოტუს ცოლ-შვილი. ღამეს იქ გავათვეთ, თუკი ჩემს მბრძანებლებს, საერთოდ, ძილი სჩვევიათ, – მითხრა და იჭვნეულად გადმომხედა.

– როცა ჩვენ კუკუანელთა შორის ვიმყოფებით, მეგობარო ჩემო ინფადუს, ჩვენც კუკუანელებივით ვიქცევით, – სიტყვა გავაბრტყელე და შევბრუნდი, რომ რაღაც მეთქვა გუდისათვის, ჩემს უკან რომ მოლასლასებდა და ამაოდ ცდილობდა შეეჩერებინა პერანგის კალთები, ქარი აქეთ-იქით რომ აფრიალებდა. შევბრუნდი თუ არა, კინაღამ შუბლით შევეხეთქე ამბოპას; იგი თურმე ფეხდავეს მომდევდა და ჩემი და ინფადუსის საუბარს აშკარა ინტერესით ისმენდა. სახეზე ცნობისწადილი აღბეჭდვოდა და წააგავდა ადამიანს, რომელიც თავს საოცრად ატანს ძალას, გაიხსენოს რაღაც დიდი ხნის წინათ მივიწყებული და მხოლოდ ნაწილობრივ თუ ახერხებს ამას.

ამ ხნის განმავლობაში სწრაფი ნაბიჯით მივიწყევდით წინ და თანდათანობით ვეშვებოდით ბექობიანი დაბლობისაკენ, ჩვენ ქვემოთ რომ გადაშლილიყო. ცადაბჯენილი მთები, ჩვენ რომ გადმოვლახეთ, ახლა ბუნდადღა ილანდებოდა სადღაც, ზემოთ. ნისლის მჯგირი ღრუბელი კდემამოსილად შემოხვეოდა დედოფალ საბიას მკერდს. ბუნების სურათები სულ უფრო და უფრო თვალწარმტაცი ხდებოდა. მცხნარეული ლალი და თამამი იყო, მაგრამ არა ტროპიკული, მზის სხივები თბილად გვეალერსებოდა, მაგრამ არ გვაწუხებდა, არ გვივავდა, მთების სურნელოვან ფერდობებს მსუბუქი ნიავი თავს ევლებოდა. ეს მხარე ჰეშმარიტად ამქვენიური სამოთხე იყო. ჩვენ შორის მსგავსი რამ არავის ენახა. ტრანსვალი საუცხოო კუთხეა, მაგრამ კუკუანელთა ქვეყანას ისიც კი ვერ შეედრება.

ინფადუსმა კრალში მალემსრბოლი აფრინა, რომ თავისიანებისთვის ჩვენი მისვლა შეეტყობინებინა. სხვათა შორის, ამ კრალის მცხოვრები ინფადუსის სამხედრო ქვეშევრდომები იყვნენ. მალემსრბოლი წარმოუდეგენელი სისწრაფით გაიქცა. ინფადუსმა მითხრა, მთელი გზა ნაბიჯს არ შეანელებსო. თურმე კუკუანელები სირბილში ძალიან გაწაფულნი არიან.

მალე დავრწმუნდით, რომ მალემსრბოლმა დავალება შესანიშნავად შეასრულა: კრალამდე ორიოდე მილიდა დაგვრჩა გასავლელი, რომ ალაყაფის კარიდან რაზმებად დაწყობილი მეომრები გამოვიდნენ და ჩვენ შესახვედრად გამოემართნენ.

სერ პენრიმ მხარზე ხელი დამადო და მითხრა, უველაფერზე ეტყობა, კრაალის მცხოვრებლები „თბილად“ გვიპირებენ შეხვედრას.

ეს სიტყვები ისეთნაირად მითხრა, რომ მის კილოს ინფადუსმაც კი მიაქცია ყურადღება.

— ხომ არაფრის შეგეშინდათ, ჩემო მბრძანებელო? — აჩქარებით იკითხა მან. — ჩემს გულში დალატს ადგილი არა აქვს. ეს მეომრები მე მექვემდებარებიან და ჩემი ბრძანების თანახმად, ჩვენ შესახვედრად მოდიან.

მე წყნარად დავუქნიე თავი, მაგრამ გული მთლად ვერ დავიმშვიდე.

კრაალიდან ნახევარი მილის მანძილზე იწყებოდა გრძელი ბეჭობი, რომელიც გზას ზემოდან გადასცექროდა. სწორედ ამ ბეჭობზე დაეწყვნენ მეომრები. ეს მართლაც რომ დიდებული სანახაობა იყო. რაზმები, სამას-სამასი კაცის შემადგენლობით, სწრაფად ადიოდნენ ფერდობზე და მათვის განკუთვნილ ადგილას უძრავად დგებოდნენ. მეომრებს თავი ფრთებით ჰქონდათ შემჯელი. მათი შუბები კი მზეზე თვალისმომჯრელად ლაპლაპებდა. ვიდრე მივუახლოვდებოდით, ბეჭობზე თორმეტი ასეთი რაზმი, ესე იგი, სამი ათას ექვსასი მეომარი ავიდა და გზის გასწვრივ თავისი ადგილი დაიკავა.

როცა რაზმებს მივუახლოვდით, დავინახეთ, რომ უკლებლივ უველა მეომარი მაღალი და მოხდენილი ტანადობისა იყო. უველანი მომწიფებული ვაჟკაცები ჩანდნენ, უმეტესად ასე, ორმოციოდე წლისა. მათ შორის არც ერთი არ ყოფილა ექს ფუტზე დაბალი, ზოგიერთი კი სამი-ოთხი დუიმით მუტიც იქნებოდა. თავს უმშვენებდათ საკობულას ფრთების შავი, მძიმე ჯიღები, ისეთივე, როგორიც ჩვენს თანამგზავრებს ჰქონდათ. წელზე კამეჩის თეთრი კუდები ერტყათ, ასეთივე კუდები ერტყათ ფეხზე, მარჯვენა მუხლთან. ყოველ მათგანს მარცხენა ხელში ეჭირა მრგვალი ფარი.

ეს ფარები გაკეთებული იყო თხელი ფურცლოვანი რკინისაგან და ზედ გადაკრული ჰქონდა კამეჩის რძესავით თეთრი ტყავი. მეომრები უბრალოდ, მაგრამ კარგად იყვნენ შეიარაღებულები, ჰქონდათ მოკლე, მაგრამ ძალიან მძიმე ორმხრივწაწვებილი ხისტარიანი შუბი; შუბის ბუნიკის სიგანე დაახლოებით ექსი დუიმი იქნებოდა. ეს არ იყო სატყორცნი შუბები; მათ ისევე, როგორც ზულუსურ ბანგანებს, ესე იგი ხანჯალ-ხელშუბებს, ხელჩართულ ბრძოლაში ხმარობდნენ. გარდა შუბებისა, ყველა მეომარს ჰქონდა სამ-სამი დიდი მძიმე დანა. ყოველი დანა სიმძიმით ორი გირვანქა მაინც იქნებოდა. მეომრებს თითო დანა კამეჩის კუდის ქამარში ჰქონდათ გარჭობილი, დანარჩენი ორი კი ფარის შიგნით იყო დამაგრებული. ეს დანები ზულუსების ასეგაის წააგავს. კუკუანელები მათ ტოლლებს უწოდებენ. კუკუანელ მეომარს შეუძლია ორმოცდათ იარდზე ისროლოს ეს დანა და არ ააცილოს. ჩვეულებრივ, ვიდრე ხელჩართულ ბრძოლაზე გადავიდოდნენ, კუკუანელები სეტყვასავით აყრიან მოწინააღმდეგეს დანებს.

რაზმები ბრინჯაოს ქანდაკებებივით უძრავად იდგნენ, მაგრამ როცა მივუახლოვდით, მეთაურის მიერ მიცემულ ნიშანზე (მეთაური იმით გამოირჩეოდა, რომ ჯიქის ტყავის მოსახამი ეცვა) ყოველი რაზმი რამდენიმე ნაბიჯით წამოიწვედა წინ, შუბებს ჰაერში შემართავდა და გვესალმებოდა გამაყრუებული შეძანილებით: „კუუმ!“ „კუუმ!“. როგორც კი გავცდებოდით, რაზმი უკან მოგვექცეოდა და კრაალისკენ მოგვეკვებოდა, ვიდრე ბოლოს და ბოლოს რუხების მთელი პოლკი (ეს სახელწოდება პოლკია მიიღო რუხი ფარების გამო), ესე იგი კუკუანელების საუკეთესო სამხედრო ნაწილი, მტკიცე ნაბიჯით არ გამოგვევა უკან. მეომართა ფეხის ხმა მიწას აზანზარებდა.

ბოლოს სოლომონ მეფის დიდი გზიდან განზე გადავუხვიეთ და მივუახლოვდით ფართო თხრილს, რომელიც კრაალს ირგვლივ ერტყა. კრაალი დაახლოებით ერთ მიღწეული იყო გადაჭიმული და ირგვლივ მსხვილი მორების მაგარი მესერი ევლო. თხრილზე, ზედ ალაყაფის კართან, გადებული იყო ასაწევი ხიდი. ჩვენ მისვლაზე კრაალის მცველებმა ხიდი დაბლა დაუშვეს, რომ ზედ გადაგულიყავით. კრაალი საუცხოოდ იყო დაგეგმილი. მის ცენტრალურ ნაწილში გადიოდა ფართო გზა, რომელსაც სხვა, უფრო ვიწრო გზები კვეთდა. ეს გზები ქოხებს კვარტლებად ჰყოფდა. უნდა ითქვას ისიც, რომ ყოველ კვარტალში თითო რაზმი ცხოვრობდა.

ქოხებს გუმბათისებური სახურავები ამშვენებდა და, ზულუსური ქოხების მსგავსად, წნელის კარგასები ჰქონდა. კარგასებში ლამაზად იყო ჩაწნული ბალახი. ზულუსების ქოხებისაგან განსხვავებით, ამ ქოხებს დატანებული ჰქონდა საკმაოდ ფართო კარი, რომელშიაც გამართული შევიდოდა კაცი. ქოხებს გარს ერტყმოდა ექვსიოდე ფუტის ვერანდა, კარგად დატეპნილი კირქვის იატაკით.

კრაალში მიმავალ გზაზე ორივე მხარეს ქალები ჩამწკრივებულიყვნენ, ისინი აქ ჩვენ სანახავად გამოსულიყნენ. მაღლები და ტანადები იყვნენ, ველურობის კვალობაზე ვერც სილამაზით დაიწუნებდით. უმეტესობა სახის სწორი ნაკვთებით გამოირჩეოდა.

მოკლედ შეჭრილი თბა ხევული ჰქონდათ და არა მატყლივით აბურდულ-დაბურდული, როგორც ეს, საერთოდ, ველურებს სხვევიათ. მაგრამ ყველაზე მეტად მათმა მშვიდმა და ამაქმა სახის გამომეტყველებამ გაგვაოცა. თავისებურად კარგად აღზრდილი და ზრდილობიანებიც ჩანდნენ და ამით ხელად გამოარჩევდით ზულუსი, ან მათი მონათესავე მაზაის ტომის, ქალებისაგან (მაზაის ტომები ზანზიბარის სამხრეთით ცხოვრობენ).

მიუხედავად იმისა, რომ ისინი აქ ცნობისწადილმა მოიყვანა, არც ერთი უხეში სიტყვა, ან წამოძახილი, არც ერთი შენიშვნა არ აღმოხდენიათ, ჩქარი ნაბიჯით გვერდით რომ ჩავუარეთ. მაშინაც კი, როცა მოხუცი ინფადუსი ხელის ოდნავი მოძრაობით ანიშნებდა, შეეხდათ საბრალო გუდის „მშვენიერი თეთრი ფეხებისათვის“ (ეს ფეხები მოხუც მეომარს ამქვეწად საოცრებათა საოცრებად მიაჩნდა), დიახ, მაშინაც კი თავს უფლება არ მისცეს, ხმამაღლა გამოეთქათ აღტაცება. ისინი თვალს არ აცილებდნენ კაპიტნის „თოვლივით ქათქათა წვივებს“, ეს იყო და ეს, მაგრამ გუდისთვის, რომელიც ბუნებით ძალზე მოკრძალებული კაცი იყო, ესეც კმაროდა.

როდესაც კრაალის შუაგულს მივუახლოვდით, ინფადუსი ეველაზე დიდი ქოხის წინ შეჩერდა. ამ ქოხს მოშორებით უფრო მომცრო ქოხები ერტყმოდა გარს.

— შემობრძანდით, ვარსკვლავეოს შვილნო, — ერთი ყოფით გვითხრა მან, — შემობრძანდით და ინებეთ დასვენება ჩვენს უბრალო საფნეში, რომ ცოტათი დანაყრდეთ და მშიერ კუჭზე ქამრების შემოჭერა არ დაგჭირდეთ. ცოტაოდენ თაფლსა და რძეს გაახლებთ, ერთ-ორ ხარს და რამდენიმე ცხვარსაც მოგგვრით. რასაკვირველია, ეს ბევრი არ არის, ჩემო ბრძანებლებო, მაგრამ, რაც არ უნდა იყოს, მაინც საჭმელია.

— ძალიან კარგი, ინფადუს, — ვუთხარი, — ჩვენ ცოტა არ იყოს, დაგჭანცა ჰაერში მოგზაურობამ და ახლა სიამოენებით წავიძინებდით.

ქოხში შევედით. აქ ყველაფერი ისე მოეწყოთ, რომ კაცი მართლაც საუცხოოდ დაისვენებდა.

ლოგინის მაგიერ მოთელილი ტყავები დაეგოთ და წეალიც შემოებანათ, რომ ხელ-პირი დაგვებანა.

უკცრად გარედან ხმაური შემოგვესმა. კართან მივედით და დავინახეთ ქალები, რომელთაც ჩვენთვის რძე, სიმინდის კოკრები და თაფლი მოჰქონდათ. მათ უცან რამდენიმე კაცი მოდენიდა მსუქან ხარს. ჩვენ ჩამოვართვით ქალებს სასმელ-საჭმელი. ამის შემდეგ ერთ-ერთმა ჭადუქმა ქამრიდან დანა ამოიდო და ხარს მარჯვედ გამოსჭრა ყელი. სულ რაღაც ათიოდე წუთში ხარი გაატყავეს, ხორცი ასო-ასო აქნეს. საუკეთესო ნაჭრები ჩვენ დაგვიტოვეს, დანარჩენი კი ჩვენი სახელით გაუგზავნეს მეომრებს, ქოხთან რომ იდგნენ.

ამბობა და ერთი საკმაოდ მიმზიდველი ახალგაზრდა ქალი საქმეს შეუდენებ: ხორცი თიხის დიდ ქოთანში ჩააწყეს, ქოხის წინ ცეცხლი გააჩადეს და სადილის თადარიგს შეუდგნენ. როცა ხორცი თითქმის მზად იყო, ინფადუსს კაცი გავუგზავნეთ, რომ ისა და მეგისწული სკრაგა დარიბულ სუფრაზე დაგვწვეოდნენ. ისინი მაშინვე მოვიდნენ და დაბალ სკამებზე ჩამოსხდნენ. ქოხში რამდენიმე ასეთი სკამი იდგა.

საერთოდ, კუკუუნელებს არ უყვართ დაყუნტული ჯდომა, როგორც ეს ზულუსებს სწავლიათ. მოხუცი მეომარი ძალზე ზრდილობიანად იქცეოდა, უკრადღებიანი და თავაზიანი იყო, ახალგაზრდა კი დაუფარავი ეჭვით გვათვალიერებდა. ამან ცოტა არ იყოს, გაგვაკვირვა. იმასაც სხვებივით აკრთობდა და აშინებდა ჩვენი თეთრი კანი და მისური ნიჭი, მაგრამ როცა დაინახა, ჩვენც ჩვეულებრივი მოკვდავებივით ვჭამდით და გვეძინა, შიში და მოკრძალება ეჭვით შეეცვალა. ეს კუმტი მზერა კარგს არას მოასწავებდა, ამიერიდან მის გვერდით უფრო ფხილდად უნდა ვყოფილიყოთ.

სადილობისას სერ პენრიმ გვითხრა, ურიგო არ იქნებოდა, ჩვენი მასპინძლებისთვის გვეკითხა, ხომ არაფერი იციან ჩემს მმაზე, იქნებ სადმე უნახავთ, ან რამე გაუგიათო, მაგრამ მე უარვყავი მისი წინადაღება, რადგან, ჩემის აზრით, აჯობებდა ამ საკითხს ჯერჯერობით არ შევხებოდით.

ნასადილებს ჩიბუხი თამბაქოთი დაგტენეთ და გავაბოლეთ, რამაც ინფადუსი და სკრაგა ძალზე გააოცა. როგორც ეტყობოდა, კუკუუნელები არ იცნობდნენ თამბაქოს დვთაებრივ თვისებებს. თამბაქო აქ უხვად იყო, მაგრამ აქაური მგვიდრი ზულუსებივით მხოლოდ უნოსავდნენ მას. ეს იყო და ეს.

ინფადუს შევეკითხე, გზას როდისდა განვაგრძობოთ-მეთქი და სიხარულით შევიტყვე, რომ მეორე დღეს, დილით უნდა გავმგზავრებულიყოვით. ინფადუს მაცნეებიც ეფრინა, რათა მეფე თუალასათვის ჩვენი მოსვლა შეეტყობინებინა. გამოირკვა, რომ ამჟამად თუალა ქვეყნის დედაქალაქში, ლუუში იმყოფებოდა და ემზადებოდა დიდი დღესასწაულისათვის, რომელსაც კუკუუნელები ყველწლიურად ივნისის პირველ კვირაში მართავდნენ. ამ დღესასწაულს ჩვეულებრივ ესწრება და მეფის წინაშე საზეიმოდ ჩაივლის ხოლმე ყველა სამხედრო ნაწილი, გარდა ზოგიერთი პოლკისა, რომელთაც საყარაულო სამსახურში ტოვებენ.

აქვე იმართება დიდი ნადირობა მისნებზე. მაგრამ ამაზე დაწვრილებით შემდეგ მოგითხობოთ.

გზას გამოენისას უნდა დავდგომოდით. ინფადუსიც თან მოგვყვებოდა. მისი ვარაუდით, თუ ადიღებული მდინარეები გზას არ შეგვიკრავდა, ლუუში მეორე დღეს, სადამოს ვიქნებოდით.

ამ საუბრის შემდეგ ჩვენმა სტუმრებმა დამე ნებისა გვისურვეს და წავიდნენ. ჩვენ გადავწყვიტო, მორიგეობით გვეყარაულა. სამი ჩვენგანი იმწამსვე იატაგზე გაფენილ ტყავებზე მიწვა და განცხომით ძილს მიეცა,

მეოთხე კი ფხიზლად გუშაგობდა, რაღგან ჩვენი მასპინძლების გულწრფელობაში, ცოტა არ იყოს, ეჭვი გვეპარებოდა.

თ ა ვ ი I X

მ ე ვ ე თ უ ა ლ ა

მე მგონია, არ ლირს დაწვრილებით აგიწეროთ ჩვენი ლუუში მგზავრობის ამბავი. გეტევით მხოლოდ, რომ მოელი ორი დღე მივყვებოდით სოლომონ მეფის ფართო გზას, რომელიც კუკუანელთა ქვეყნის შუაგულისაკენ მიიმართებოდა. რაც უფრო წინ მივიწევდით, მით უფრო ნაყოფიერი ხდებოდა მიწა. სულ უფრო ხშირად გვხვდებოდა დამუშავებულ მინდვრებში ჩადგმული კრაალები, ყველა კრაალი ძლიერ წააგავდა იმ კრაალს, სადაც ჩვენ წინა დამე გავათიეთ. მათაც მეომრები იცავდნენ. კუკუანელების ქვეყანაში, ისე როგორც ზულუსებსა და მაზაის ტომებს შორის, სამხედრო სამსახურისათვის გამოსადეგი ყოველი მამაკაცი მეომარია. ამიტომაც, როგორც თავდაცვით, ისე თავდასხმით ომებში ფაქტიურად მოელი მოსახლეობა ლებულობს მონაწილეობას. გზაზე ათასობით მეომარმა გაგვისწრო. ისინიც ლუუსები მიისწრაფოდნენ, რომ დასწრებოდნენ აღლუმს. აღლუმის შემდეგ დაიწყებოდა დიდი ზეიმი.

მეორე დღეს, სადამო ხანს, გზამ გორაკის თხემზე გაგვიყვანა. აქ ცოტა ხანს შევისვენეთ. დაბლა ნაყოფიერი ლამაზი ველი მოჩანდა. სწორედ იქ იყო გაშენებული ქალაქი ლუუ. ვალურების ქალაქის კვალობაზე მას უზარმაზარი ფართობი ეჭირა და გარეუბნის კრაალებთან ერთად ხუთ მილზე მაინც იქნებოდა გადაჭიმული. გარეუბნის კრაალებში დიდი დღესასწაულის დროს ასახლებდნენ მეომრებს, რომლებიც ქვეყნის სხვადასხვა კუთხიდან მოდიოდნენ. ლუუდან ჩრდილოეთით, ორიოდე მილის მანძილზე მოჩანდა ნალისებური მთა, რომელზედაც დაწვრილებით ქვემოთ მექნება ლაპარაკი. ქალაქი თვალწარმტაც ადგილას იყო გაშენებული. ფართო მდინარეს რამდენიმე ადგილას კვეთდა ხიდები; ეს სწორედ ის მდინარე იყო, დედოფალ საბიას მკერდიდან რომ დავინახეთ. იგი ქალაქის ცენტრში გადიოდა და ქალაქს ორ ნაწილად ჰყოფდა. შორს, ასე, სამოცი-სამოცდაათი მილის დაშორებით, მოჩანდა სამი მთა, მთებს სამკუთხედის მოკანილობა ჰქონდათ, მათ მიუვალ, ციცაბო, ჩამოფხავებული კლდეების მწვერვალებზე თოვლი იდო. ეს მთები თავისი აღნაგობით ძალიან გამოირჩეოდა დედოფალ საბიას მთებიდან, რომელთა ფერდობები მომრგვალებული და უფრო დამრეცი იყო.

ინფადუსმა დაინახა, ცნობისმოყვარეობით რომ გაგურებდით ამ მთებს, და გვითხრა:

— მაგ მთებს ხალხი „სამ ჯადოქარს“ უწოდებს, დიდი გზაც სწორედ მანდ მთაგრდება, ჩემო მბრძანებლებო.

— რატომ მაინცდამაინც მანდ? — შევეკითხე.

— ეგ არავინ იცის, — მიპასუხა მოხუცმა მეომარმა და მხრები შეიშმუშნა, — ამ მთებში მრავალი მღვიმეა, მათ შორის არის დრმა ჭა, სადაც ეშვებოდნენ ძველი დროის ადამიანები, რომ ეპოვათ ის, რისთვისაც ამ ქვეყანაში მოვიდნენ. იქვე, სიკვდილის სავანეში, ვმარხავთ ჩვენს მეფეებსაც.

— რისთვის მოდიოდნენ აქ ის ბრძენი ადამიანები? — მოუთმენლად გავაწყვეტინე სიტყვა ინფადუსს.

- ამას კი ვედარ მოგახსენებთ. ჩემი მბრძანებლები შორეული ვარსკვლავეთიდან არიან მოსულნი და ყველაფერი ეს ჩემზე უპეტ მოგეხსენებათ,
- მიპასუხა ინფადუსმა და სწრაფად აგვავლ-ჩაგვავლო თვალი.

ცხადი იყო, არ უნდოდა ეთქვა ყველაფერი, რაც იცოდა.

- მართალი ხარ, ინფადუს, - ვუთხარი, - ვარსკვლავეთის მკვიდრებმა ვიციო ბევრი რამ ისეთი, რაზედაც თქვენ წარმოღვენაც არა გაქვთ. აი, მაგალითად, მე გამიგონია, რომ შორეულ წარსულში ადამიანები ამ მთებში ბრჭყვიალა ქვებისა და ყვითელი რეინისათვის მოვიდნენ.

- ჩემი მბრძანებელი ბრძენია, - ცივად მომიგო ინფადუსმა, - მასთან შედარებით მე უგუნური ბალდი ვარ, ამიტომაც არ შემფერის ამ საკითხზე საუბარი. ჩემი მბრძანებელი ასეთ რამეზე მოხუც გაგულას უნდა ელაპარაკოს, როცა ლუუში მივალთ, რადგან გაგულა მასავით ბრძენია.

მითხრა ეს და განმშორდა. როგორც კი მარტონი დავრჩიოთ, ჩემს მეგობრებს იმ შორეული მოებისკენ მიგუთითე და შევყვირე:

- აი, თურმე სად ყოფილა სოლომონ მეფის საბადო!

ამბოპამ, რომელიც სერ პენრისა და გუდის გვერდით იდგა, გაიგონა ჩემი სიტყვები და შემომხედა. ამ ბოლო ხანებში იგი მეტად ჩაფიქრებული ჩანდა, ძალზე უგულისყუროდ იქცეოდა და იშვიათად გველაპარაკებოდა.

- დიახ, მაგუმაზან, - ზულუსურ ენაზე მითხრა მან, - ალმასები სწორედ იქ არის და ისინი თქვენი იქნება, რადგან თქვენ, თეორ ადამიანებს, ფული და ბრჭყვიალა ქვები ძალიან გიზიდავთ.

- საიდან იცი, ალმასები რომ იმ მოებშია, ამბოპა? - მკაცრად ვკითხე.

არ მომწონდა მისი გულჩახვეულობა, არც ის, რომ არასოდეს სათქმელს ბოლომდე არ ამბობდა.

- ეს მე წუხელ სიზმარში ვნახე, თეორო ადამიანებო, - თქვა ამბოპამ, შებრუნდა და გაგვეცალა.

- რა უნდოდა ამით ეთქვა ჩვენ შავებიან მეგობარს, - რა განუზრახავს, ან გულში რა უდევს? - იკითხა სერ პენრიმ. - ცხადზე უცხადესია, რაღაც იცის, მაგრამ არჩევს, ჩუმად იყოს. სხვათა შორის, ქუოტერმენ... იქნებ მან ჩვენი გამყოლებისაგან გაიგო რამე ჩემს... ჩემს მმაზე?

- სამწუხაროდ, არაფერი. თუმცა ეკითხებოდა ყველას, ვისაც კი ამ ხნის განმავლობაში ოდნავ მაინც დაუმეგობრდა, მაგრამ ყველა პასუხობდა, ამ ქვეყანაში თეორკანიანი არასოდეს არავის უნახავსო.

- ნუთუ ფიქრობთ, რომ თქვენი მმა აქამდე მოაღწევდა? - პკითხა გუდმა, - განა ჩვენ თვითონ რაღაც სასწაულით არ მოვხვდით ამ ქვეყანაში? გარდა ამისა, როგორ გაიკვლევდა გზას, როცა რუკა არ ჰქონდა?

- არ ვიცი, - მიუგო სერ პენრიმ და სახე მოედრუბლა, - მაგრამ დარწმუნებული ვარ, ადრე თუ გვიან ჩემს მმას მაინც ვიპოვი.

ვიდრე ჩვენ ვლაპარაკობდით, მზე თანდათანობით მიეფარა მოებს და ხელადვე ჩამობნელდა. ამ განედებში ბინდბუნდი არ იცის და დღის სინათლე საოცრად სწრაფად ქრება. მზე ჩაესვენა თუ არა, არემარე ბელმა მოიცვა, მაგრამ მალე დასავლეთით სუსტად აციმციმდა შუქი, შემდეგ მას ვერცხლისფერი გადაეკრა, ბოლოს კი გამოჩნდა უზარმაზარი სავსე მოვარე, რომლის მოკაშპაშე სხივებმა გაანათა ველი და დედამიწას ნაზი შუქის შარავანდედი მოჰყინა.

ჩვენ მოჯადოებულივით შევყურებდით ამ საოცარ სურათს. ძალა არ შემწევს აღვწერო ის მომხიბვლელი სილამაზე, რომლის წინაშეც

ვარსკვლავებმა ფერი დაკარგეს, ჩვენი გულები კი თითქოს ცად ამაღლდა და მოკრძალებული სიხარულით აღივსო.

მთელი სიცოცხლე ზრუნვასა და სიღარიბეში გავატარე, მაგრამ ზოგი რამ რომ მომაგონდება, გული მადლობის გრძნობით მევსება, იმისათვის, რომ ამქვეყნად მეც ვცხოვრობდი. ერთი ასეთი მოგონებათაგანია ის დაუვიწყარი საღამო და სავსე მთვარე, კუპუანელთა მიწა-წყალს ნაზ სხივებს რომ აფრქვევდა.

ფიქრი ჩვენმა ზრდილობიანმა მეგობარმა ინფადუსმა შემაწყვეტინა.

— უკეთუ ჩემმა მბრძანებლებმა დაისვენეს, ჩვენ შეგვიძლია განვაგრძოთ გზა, ლუუში თქვენთვის ყველაფერი გამზადებულია. მთვარე კი გზას გაგვინათებს და სიარული არ გავიჭირდება, — გვითხრა მან.

ჩვენ თანხმობა განვუცხადეთ. ყველანი გზას გავუდექით და ერთი საათის შემდეგ უკვე ლუუს მისადგომებთან ვიყავით. ერთი თვალის გადავლებით ლუუ უსაზღვროდ დიდი გვეჩვენა. ირგვლივ მეომართა ათასობით კოცონი ენთო, ასე გეგონებოდათ, ქალაქისათვის ცეცხლოვანი რკალი შემოუვლიათო. მალე მივუახლოვდით თხრილს, რომელზედაც ასაწევი ხიდი იყო გადებული. შემოგვესმა იარაღის ჟდარუნი და დარაჯის შეძახილი. ინფადუსმა მათ პაროლი შეაგება, მაგრამ სიტყვა კარგად ვერ გავარჩიე. მცველებმა თავისი მეთაური იცნეს, მიესალმნენ და ჩვენ ქალაქში შევედით.

მთელი ნახევარი საათი მივაბიჯებდით მთავარ ქუჩაზე ბალახისაგან დაწნულ ურიცხვ ქოს შორის. ბოლოს ინფადუსი ქოხებთან შეხერდა. მათ შეაგულში დანაყილი კირქვით მოკირწყლული პატარა ეზო მოჩანდა.

ინფადუსი ეზოში შევიდა და გამოგვიცხადა, ეს უბადრუკი სადგომები დღეიდან თქვენს განპარგულებაშიაო. ყოველი ჩვენგანისათვის გაემზადებინათ თითო პატარა ქოხი. ეს ქოხები ბევრად სჯობდა იმ ქოსს, რომელშიც ამას წინათ ლამე გავათიერ. ყოველ ქოხში იყო სურნელოვანი ბალახისა და მოთელილი ტყავების საწოლი. იქვე იდგა წყლით სავსე თიხის დიდი ჭურჭელი. ვახშამი უკვე გაემზადებინათ. ხელ-პირის დაბანა ვერც კი მოვასწარით, რომ შემოვიდა რამდენიმე ახალგაზრდა ლამაზი ქალი. ისინი მდაბლად მოგვესალმნენ და ხის თევზებზე ქოხტად დაწყობილი შემწვარი ხორცი და სიმინდის კოკრები მოგვაროვეს.

ჩვენ მადიანად ვივახშემეტ და შემდეგ ვთხოვე, ჩვენი ლოგინები ერთ ქოხში გადაეტანათ. ამ სიფრთხილემ ლამაზ ქალებს დიმილი მოჰვარა. მგზავრობით დაღლილ-დაქანცულნი საწოლებზე მივეყარეთ და თავი ღრმა ძილს მივეცით.

როცა გავედგიძა, მზე კარგა მაღლა იყო წამოწეული. ფარეში ქალები უკვე ჩვენს ქოხში იყვნენ. მათ არ გააჩნდათ ყალბი სირცხვილის გრძნობა და უნდოდათ ტანსაცმლის ჩაცმაში დაგვხმარებოდნენ, როგორც ეს უფროსებისაგან ჰქონდათ ნაბრძანები. დღეს ხომ მევეს უნდა ვხლებოდით.

— პმ, — ბურტყუნებდა გუდი, — ფეხსაცმლისა და ფლანელის პერანგის ჩაცმას ნეტავი რა უნდა. მისმინეთ, ქუოტერმენ, ხოსტერ ამ ხალხს მომიტანონ შარვალი.

მე შევასრულე მისი თხოვნა, მაგრამ მიპასუხეს, ეს წმინდა ნიგოები წაიღეს მეფესთან, რომელიც ახლა თქვენს მოსვლასდა ელისო.

ახალგაზრდა ქალებს ვთხოვეთ გასულიყვნენ ქოხიდან, რამაც ისინი ალბათ ძალზე გააკვირვა და გაანაწყენა. მერე კი დიდის გულმოდგინებით შევუდექით ჩაცმას.

გუდმა, რასაკვირველია, ვერ მოითმინა, მარჯვენა ლოფა კვლავ გაიპარსა და დააპირა სამართებელი მარცხენაზეც დაესვა, რომ ჯაგარივით სქელი წვერი

ჩამოეცილებინა, მაგრამ ჩვენ დავარწმუნეთ, არავითარ შემთხვევაში ეს არ ჩაედინა. რაც შეგვეხება მე და სერ პენრის, ჩვენ კარგად დავიბან-დავისუფთავეთ და თმა დავივარცხეთ. სერ პენრის ოქროსფერი კულულები ძალზე წამოზრდოდა და მხრებზე ჟყარა, ახლა იგი უფრო მეტად წააგავდა ძველ დანიელს. მეც ჯაგარი თმა ზომაზე მეტად დამგრძელებოდა, მაგრამ ამას ჯერჯერობით არაფერი უშევლიდა. როცა კარგად დავნაყრდით და ჩიბუხებიც გავაბოლეთ, ინფადუსი თავად გვეახლა და მოგვახსენა, თუ თუალას ნახვას ინებებთ, დროა წავიდეთ, მეფე გველისო.

ჩვენ ვუპასუხეთ, გრძელმა გზამ ძალიან დაგვქანცა, ამიტომ ვამჯობინებთ, მეფესთან უფრო მოგვიანებით წავიდეთ. დალლილობის გარდა სხვა ბევრი მიზეზიც მოვიგონეთ. როცა საქმე ველურებთან გაქვთ, ყოველთვის ასე უნდა მოიქცეთ, არ შეიძლება დაუყოვნებლივ აასრულო მათი ნება-სურვილი, რადგან თქვენს ზრდილობას ისინი აუცილებლად სიმხდალეს და მონურ ქედმოხრას მიაწერენ. ამიტომაც წასვლა კიდევ მთელი საათით დაფაყოვნეთ, თუმცა მეცე თუალას ნახვა ძალიან გვაინტერესებდა. დრო რომ უფრო სწრაფად გასულიყო, მეფისა და მისი ახლობლებისათვის საჩუქრების გადარჩევას შევუდექით. ჩვენი ისედაც მცირე ნივთებიდან შევარჩიეთ საბრალო ვენტილაციის ვინჩესტერი და ცოტაოდენი მძივები. გადავწყვიტეთ, თოფი და ტყვიები მისი უდიდებულებობისათვის მიგვერთმია, მძივებს კი მის ცოლ-შვილსა და კარისკაცებს გავუნაწილებდით. საჩუქარმა ისინი აღტაცებაში მოიყვანა, მსგავსი რამ ხომ თავის სიცოცხლეში არ ენახათ.

ბოლოს და ბოლოს გამოვაცხადეთ, მზად ვართ მეფეს ვეახლოთო, და ქონიდან ინფადუსის და ამბოპას თანხლებით გამოვედით, ამბოპას ჩვენი საჩუქრები მოჰქონდა.

რამდენიმე ასეული იარდი გავიარეთ და აღმოვჩნდით ისეთსავე ღობეწულთან, როგორიც ჩვენს ქოხებს ერტყა გარს. მაგრამ იგი ორმოცდათჯერ უფრო გრძელი იქნებოდა, რადგან, სულ ცოტა, ექვს-შვიდ აკრ მიწას ღობავდა. ღობის შიგნით ჩამწკრივებულიყო ქოხები, აქ მეფის ცოლები ცხოვრობდნენ. ალაყაფის კარის პირდაპირ, უზარმაზარ მოედანზე განცალკევებით იდგა კარგა მოზრდილი ქოხი, ეს მისი უდიდებულებობის სამფლობელო გახლდათ. მოედანი ცარიელი იყო, უფრო სწორად რომ ვთქვათ, ცარიელი იქნებოდა, ამჟამად ზედ მეომართა მრავალრიცხოვანი რაზმები რომ არ მდგარიყო. სულ ცოტა, შეიძიო-რვა ათასი კაცი მაინც იქნებოდა თავშეერილი. გვერდით რომ ჩავუარეთ, ყველანი ქანდაკებებივით უძრავად იდგნენ. ვერ ავწერ, რა დიდებულ სანახაობას წარმოადგენდა ეს ჯარი, მათი აქეთ-იქით მოფრიალე ჯიღები, მზეზე მოლაპლაპე შებები და კამტის ტყავგადაკრული რკინის ფარები. მოედნის ერთ მხარეს, მეფის ქოხის წინ იდგა რამდენიმე სკამი. ინფადუსის მითითებით, სამი სკამი დავიკავეთ, ამბოპა ჩვენ უკან დადგა, თვით ინფადუსი კი მეფის ქოხის კართან დარჩა. მოედანზე სამარისებური სიჩუმე იდგა. ათ წუთზე მეტი ველოდებოდით მისი უდიდებულებობის გამოსვლას და მთელი ამ ხნის განმავლობაში რვა ათასი წყვილი თვალი უდიდესი ინტერესით გვათვალიერებდა. რა თქმა უნდა, თავს მეტად უხერხელად ვგრძნობდით, მაგრამ ისე ვიქცეოდით, თითქოს ჩვენ არაფერი გვეხებოდა. ბოლოს, როგორც იქნა, დიდი ქოხის კარი გაიღო და იქიდან ერთი ოქლაქი მამაკაცი გამოვიდა. მხრებზე ვეფხვის ტყავის საუცხოო მოსახსამი ესხა. მას ფეხდაფეხ მოჰყვებოდა უფლისწული სკრაგა და, როგორც ერთი შეხედვით გვეჩვენა, გამხმარ-გალეული, სახედადარული მაიმუნი, რომელიც ბეწვის მოსახსამში გახვეულიყო. ოქლაქი

სკამზე დაჯდა. სკრაგა ზურგს უპან ამოუდგა, მაიმუნი კი ოთხზე დადგა, გაფოფხდა და ქოხის ჩრდილს თავი შეაფარა.

მთელი ეს მიღეთის ხალხი ისევ დუმდა.

უეცრად ოქლაქმა მოსასხამი გადაიძრო, წამოდგა და მთელი ტანით გაიმართა. ჩვენ წინაშე საზარელი გარეგნობის მამაკაცი იდგა. უგვანოდ მსხვილი ტუჩები, ფართო, მიტყეპნილი ცხვირი და ერთადერთი შავი თვალი პქონდა. მეორე თვალის ადგილას შავი ღრმული მოჩანდა. ჩემს სიცოცხლეში არსად შემხვედრია ამაზე საზიზდარი და ბოროტი სახის მქონე კაცი. ოქლაქს თავზე სირაქლემას ფრთხის საუცხოო ჯიდა ედგა, მკერდს მბრწყინავი ჯაჭვის პერანგი უფარავდა. წელსა და მარჯვენა მუხლს ჩვეულებრივი სამკაული – კამეჩის თეთრი კუდები უმშვენებდა. ამ საზარელ კაცს ყელზე ოქროს უელსაბამი ეკიდა. მის შუბლზე კი მკრთალად ციმციმებდა უზარმაზარი გაურანდავი ალმასი. ხელთ მძიმე გრძელი შუბი ეპყრა. მაშინვე მიგხვდი, ეს საზარელი კაცი მეფე თუალა იყო.

სიჩუმე დიდხანს აღარ გაგრძელებულა, მეფემ თავისი შუბი მაღლა ასწია. პასუხად პაერში რვა ათასი შუბიანი ხელი ადიმართა და გაისმა მისალმება „პუშმ! კუშმ! კუშმ!“ – რვა ათასი კაცის შეძახილმა მიწა შეაზანზარა. ამ ღრიალს მხოლოდ გამაყრულებულ ჭექა-ჭუხილს თუ მიამსგავსებდა კაცი.

– მორჩილნი იყავით, პოი, ხალხნო, ეს თქვენი მეფე! – გაისმა უცებ გამყივანი წვრილი ხმა ლაფაროდან, სადაც სახედადარული მაიმუნი იჯდა.

– მეფე! – ეხოსავით იგრგვინა რვა ათასმა კაცმა, – მორჩილნი იყავით, ხალხნო, ეს მეფა!

მოედანზე კვლავ სამარისებური სიჩუმე გამეფდა.

უეცრად ერთ-ერთ მეომარს, რომელიც მარცხენა ფრთაზე იდგა, ფარი დაუვარდა. ფარი წკრიალით დაენარცხა კირქვით მოკირწყლულ მიწას.

თუალამ თავი აიღო და ცივად გაიხედა იქით, სადაც ის მეომარი იდგა.

– შენ, პეტ, აქეთ მოდექ! – მქუხარე ხმით დაუღრიალა სიჩუმის უნებლიერ დამრღვევს.

მეომართა რიგებს ლამაზი ჭაბუკი გამოეყო. იგი მეფეს ეახლა და მის წინ აისვება.

– მაშ, ეს შენ დაგივარდა ფარი, შე ქოფაკო, შენა? შენ შემარცხვინე ვარსკვლავეთიდან ჩამოსულ უცხოელებთან? როგორ გაბედე ეს?

საბრალო ჭაბუკს სახეზე მკვდრის ფერი დაედო.

– პოი, ხბოო შავი ძროხისავ, – დაიჩურჩულა მან, – გეფიცები, არ მინდოდა, უნებლიერ მომიხდა.

– პოდა, ეგ უნებლიერ საქციელი საგუთარი სიცოცხლით უნდა ზღო, მოემზადე სასიკვდილო!

– მე მხოლოდ და მხოლოდ ხარი ვარ მეფისა, – ხმადაბლა თქვა საბრალო მეომარმა.

– სკრაგა! – დაიღრიალა მეფემ, – მაჩვენე შენი მკლავის ძალა, მოჰკალ ეს ძაღლი.

სკრაგა აფისმომასწავებელი დიმილით წამოდგა წინ და შუბი აღმართა. მის საბრალო მსხვერპლს სახეზე ხელები აეფარებინა და გაუნძრევლად იდგა. ჩვენ თავზარი დაგვეცა. გაქვავებულებივით ვისხედით.

სკრაგამ ორჯერ მოიქნია შუბი და ჭაბუკს მკერდში აძგერა. დარტყმა იმდენად მძლავრი იყო, რომ შუბის წვერმა ზურგში გაატანა. საბრალო მეომარმა ხელები აიქნია და უსულოდ დაასკდა მიწას.

გამკიცხავი ბუტბუტი შორეული ქუხილივით გაჟყვა მეომართა მჭიდრო რიგებს და სადღაც, შორს, ჩაკვდა. ჩვენ ვერც კი მოვასწარით გაგვეგო, რა ხდებოდა, რომ სისხლში მოთხვრილი გვამი უკვე ჩვენს ფეხებთან ეგდო. სერ პენრი საშინელი წყევლა-კრულვით წამოიჭრა, მაგრამ საერთო სიჩუმით სულ შეხუთული მძიმედ დაეშვა თავის ადგილზე.

— მარჯვე დარტყმა იყო, — თქვა თუალამ, — გაათრიეთ ეს გვამი აქედან!

მეომართა რიგებს გამოეყო თოხი კაცი. მოკლული მეომრის გვამი გაიტანეს.

— დააყარეთ სისხლს მიწა, მიწა დააყარეთ! — დაიწრიპინა მაიმუნის მსგავსმა არსებამ. — მეფემ თავისი სიტყვა თქვა და განაჩენი აღსრულდა!

ქოხის გვერდით გამოჩნდა ქალწული. ხელში დაფხვნილი კირქვით სავსე ჭურჭელი ეჭირა. მოგვიახლოვდა და სისხლიან გუბეს სქლად მოაყარა კირი. სერ პენრი სიბრაზისაგან სულ ცოფებს ყრიდა და ძლივს იოკებდა გულისწყრობას. ჩვენ რის ვაი-ვაგლახით შევძელით მისი დაშოშმინება.

— ღვთის გულისთვის, დაწყნარდით, — წაგჩურჩულე მე, — გახსოვდეთ, ჩვენი სიცოცხლე ჩვენს საქციელზეა დამოკიდებული.

სერ პენრი მიხვდა ამას და, როგორც იქნა, თავს სძლია.

ვიდრე ქალწული სისხლიან მიწას კირქვას აყრიდა და ამ საზარელი ტრაგედიის კვალს შლიდა, თუალა უხმოდ იჯდა, მაგრამ როგორც კი ქალწული იქაურობას გაეცალა, მისი უდიდებულესობა ჩვენკენ შემობრუნდა:

— გამარჯობათ, თეორო ადამიანებო! — მოგვესალმა იგი.

— შენც გამარჯვებით გევლოს, კუკუანელთა მეფეო! — მივაგებეთ.

— თეორო ადამიანებო, საიდან მოსულხართ, რას ეძებთ ჩვენს ქვეყანაში?

— ჩვენ ვარსკვლავეთიდან დავეშვით, რომ გვენახა კუკუანელთა მიწა. ნუ გვკითხავ, როგორ და რა საშუალებით მოვახერხეთ ეს.

— განა ღირდა ამოდენა გზის გამოვლა მხოლოდ იმისთვის, რომ ეს ერთი ციცქა მიწა გენახათ? ანდა აი, ის კაციც ვარსკვლავეთიდან ჩამოვიდა? — თქვა და ამბოპაზე მიგვითოთა.

— პო, ისიც ჩვენ ჩამოგვყვა, — მივუგე, — ცაში შავკანიანებიც არიან, მაგრამ პოი, თუალავ, ნუ გვკითხავ იმას, რაც შენს გაგებას აღემატება და რასაც შენი აზრი და გონება ვერ ჩასწვდება.

— თქვენ, ვარსკვლავეთის შვილები, რატომდაც ძალიან გაბედულად მელაპარაკებით, — შემოგვიღრინა თუალამ და თვალი ბოროტად აუბრწყინდა. — ნუ გავიწყდებათ, ვარსკვლავები შორსაა, თქვენ კი აქ, ჩემს ქვეყანაში იმყოფებით. იქნებ გნებავთ, თქვენ იმ მეომრის დღე გაყაროთ, ეს-ესაა აქედან რომ გაიტანეს?

მე ხმამაღლა გადავიხარხარე, თუმცა სიცილის გუნებაზე სულაც არ გახლდით.

— პო, მევეო, — ვუთხარი, — ფრთხილად იყავი, ფეხები არ დაიწვა, როცა ცხელ ქიშაზე დადიხხარ, შუბი ტარით დაიჭირე, ხელები არ დაგესეროს. გამიფრთხილებიხარ, მე და ჩემს მეგობრებს ბეჭვიც კი რომ შეგვერხეს თავზე, სიკვდილისაგან გელარაფერი გიხსნის. განა შენმა ხალხმა — განვაგრძე და ინფადუსზე და საზიზდარ სკრაგაზე მივუთითე (სკრაგა ამ დროს შებს სისხლისაგან წმენდდა), — არ გითხრა, ვინცა ვართ? ესეც არ იყოს, გინახავს სადმე ასეთი კაცი? — ხელი გუდისკენ გავიწყდინე, სრულიად დარწმუნებულმა, რომ მსგავსს ვერსად ვერავის ნახავდა.

— მართალი ხარ, არახსოდეს მინახავს, — მიპასუხა თუალამ.

— არც ის უთქვამო შენთვის, რომ ჩვენ შეგვიძლია შორი მანძილიდან მოვკლათ ცოცხალი არსება?

— მითხოვს, მაგრამ მათი არა მჯერა. მაჩვენე, როგორ აღწევ ამას, მოკალი ერთ-ერთი მეომარი აგერ, აი, იქ, — მითხოა და ხელი კრაალის მოპირდაპირე მიმართულებით გაიწვდინა, — მოკალი და მაშინ ეჭვი ადარ შემეპარება.

— არა, უდანაშაულო სისხლს ვერ დავდორით, — ვუთხარი მე, — ჩვენ შეგვიძლია კაცი მხოლოდ მაშინ მოვკლათ, როცა რამეს დააშავებს და სასტიკ სასჯელს დაიმსახურებას. შენ კი, თუ გსურს ჩვენს ძლიერებაში დარწმუნდე, უბრძანე მსახურებს კრაალში ხარი მოდენონ, და ნახავ როგორ გავაგორებთ, ვიდრე ფეხის გადაღგმას მოასწრებდეს.

— არა, არა, — გაიცინა მეფემ, — თუ გსურს დავიჯერო, კაცი უნდა მოკლა.

— კარგი, მეფეო, იყოს ნება შენი, — მშვიდად წარმოვთქვი მე, — გაჟყევი ამ მოედანს ალაყაფის კარისქენ და ვიდრე იქამდე მიაღწევდე, უსულოდ დაეცემი ძირს. თუ შენ არ გინდა წასვლა, სკრაგა გაგზავნე (უნდა მოგახსენოთ, იმ გარეწარ სკრაგას დიდი სიამოვნებით დავახლიდი ტყვიას).

ამ სიტყვების გაგონებაზე სკრაგამ საზარლად შეკვირა და ქოხში შევარდა.

თუალამ ამაყად გადმომხედა და შებლი შეიკრა, აშკარა იყო, ჩემი წინადადება არ მოეწონა.

— მოდენეთ მოზეერი! — უბრძანა მსახურებს და ისინიც სწრაფად გაქანდნენ ბრძანების შესასრულებლად.

— ამჯერად თქვენ ისროლეთ, — ვუთხარი სერ პენრის, — უნდა დავუმტკიცოთ ამ გარეწარს, რომ ჩვენს შორის მარტო მე არა ვარ ჯადოქარი და მისანი.

— იმედი მაქს, არ ავაცდენ, — თქვა და მძიმედ ამოიოხრა.

— თუ ერთხელ ვერ მოარტყით, მეორედ ესროლეთ. ას ორმოცდაათ იარდზე რომ მოგვიახლოვდება, მაშინ ამოიღეთ მიზანში და დაიცადეთ, ვიდრე ჩვენკენ გვერდით არ შებრუნდება.

მოედანზე სიჩუმემ დაისაღგურა.

უეცრად ალაყაფის კარი გაიღო და გამოჩნდა ხარი. ეს ზღვა ხალხი რომ დაინახა, შეჩერდა, დაფეთხებული თვალები უაზროდ მოავლო იქაურობას, შემდეგ შებრუნდა და დაიბლავლა.

— ესროლეთ! — ვუჩურჩულე სერ პენრის.

— ბუმ! ბუმ! — გაისმა გამაყრუებელი გრიალი.

ხარი ზურგზე დაეცა და ფეხები ააფხარკალა. სასკდომი ტყვია შიგ ფერდში მოხვდა. ხალხი გაოცებული და თავზარდაცემული იდგა.

— პოი, მეფეო, ხომ ხედავ, ტყუილი არ მითქვამს შენთვის.

— არა, თეთრო ადამიანო, შენ მართალი იყავი, — კრძალვით და შიშით მომიგო თუალამ.

— მისმინე, თუალა, — განვაგრე მე, — შენთვის სრულიად საკმარისია, რაც ნახე, მაგრამ იცოდე, ჩვენ მშვიდობა გვიყვარს და აქ საომრად არ მოვსულვართ. შეხედე, — ვუთხარი და თოვფი მაღლა ავწიე, — აი ამ გულგამოცლილი ჯოხით შენც შეგეძლება სროლა, მაგრამ იცოდე, ჯოხი შელოცვილია და თუ ადამიანს უმიზნებ, მის ნაცვლად შენ მოკვდები. მოიცა! მოიცა! მინდა კიდევ რადაც გაჩვენო. ერთ-ერთმა შენმა მეომარმა აქედან ორმოც ნაბიჯზე ტარით ჩაასოს შუბი მიწაში, ისე რომ ბუნიკი ბრტყელი მხრით ჩვენებ იყოს მოქცეული.

ეს ბრძანება დაუყოვნებლივ იქნა შესრულებული.

— ახლა კი უცქირე, პოი, მეფეო, როგორ ვაქცევ ნამსხვრევებად იმ შებს.

თოფი გულდაგულ დავუმიზნე და ვისროლე. ტყვია ბუნიკს მოხვდა და ნამსხვევებად აქცია.

მოედანზე მძიმე ოხვრა გაისმა.

— ამა, თუალა, მიიღე ჩვენგან საჩუქრად ეს მოჯადოებული მიღი, შემდეგ მის ხმარებასაც გასწავლით, მაგრამ გაფრთხილებ, ადამიანის წინააღმდეგ არ გამოიყენო! — ვუთხარი და თოფი გავუწოდე.

მეფემ სიფრთხილით გამომართვა საჩუქარი და ფეხებთან დაიდო. სწორედ ამ დროს შევამჩნიე, რომ ის მაიმუნისმსგაცსი არსება თავისი ადგილიდან წამოდგა და ფორთხვით წამოვიდა ჩვენკენ. როცა მოგვიახლოვდა, ფეხზე წამოდგა და ბეჭვის მოსასხამი მოიხსნა, ჩვენს წინ არაჩვეულებრივი არსება იდგა. ეს იყო ძალზე მოხუცი ქალი, წელთა სიმრავლისაგან სახე საოცრად დაჭერობოდა და დაპატარავებოდა, თანაც ღრმა ყვითელი ნაოჭებით ჰქონდა დაფარული. ნაოჭებს შორის პატარა ხვრელივით მოუქანდა პირი. ამ არსებას ცხვირი სულაც არ ემჩნეოდა და, საერთოდ, ადამიანი კი არა, გამომშრალი მუმია გეგონებოდათ, რომ ნადვერდალივით ანთებული დიდი შავი თვალები არ ჰქონოდა. ეს თვალები ცოცხლად იმზირებოდნენ სრულიად გათეთრებულ წარბებს ქვემოდან, პერგამენტივით ყვითელი შუბლი და წვეტიანი წინ წამოწვდილი ნიკაპი ჰქონდა, თავზე კი თმის ღერიც არ მოეძებნებოდა. დანაოჭებული კანი კაპიშონივით მოძრაობდა თავის ქალაზე.

ამ საშინელი არსების დანახვაზე უნებლიერ შევკრთი. შიშმა ამიტანა. შემზარდა ქალი. იგი წუთით უძრავად იდგა, შემდეგ გაიწვდინა გაძვალტყავებული ხელი, რომელიც ფრინველის კლანჭს წააგადა, და წვრილი, მკივანა ხმით დაიწყო:

— ჰო, მეფეო, უური მომაპყარ! მისმინეთ თქვენც, მეომრებო, მთებო, ველებო, მდინარეებო, კუკუანელთა ქვეყანავ! მისმინეთ ქალებო და კაცებო, ჭაბუქონ და ქალწულნო, მისმინეთ ყრმანო, რომელნიც ჯერ არ შობილხართ! მისმინოს ყველამ და ყოველმა, რაც კი ცოცხლობს და რაც უნდა მოკვდეს. მისმინოს მანაც, რაც მოკვდა და აწ უნდა გაცოცხლდეს. გაცოცხლდეს და მერე ისევ მოკვდეს. ჩემში გაცხოველდა სიცოცხლის სული, ისმინეთ-მეთქი, ისმინეთ ჩემი წინასწარმეტყველება!

დედაბერმა ერთი შეჭყივლა და დადუმდა, ყველანი თავზარდაცემულებივით ვიდექით. ეს ქალი მართლაც საზარელი რამ იყო.

— სისხლი! სისხლი! სისხლი! სისხლის ზღვა დგას, ყველგან სისხლია, — კვლავ განაგრძო ამ ჯადობ. — ვხედავ მას, ვგრძნობ მის მღაშე გემოს, მცემს მისი სუნი.

— ჩუ! ნაბიჯი ნაბიჯს მიჟყვება! ეს თეთრი ადამიანის ფეხის ხმაა. იგი შორიდან მოდის, ნაბიჯები მიწას აზანზარებს. მიწა თრთის, ცახცახებს თავისი მბრძანებლის წინაშე.

რა საუცხოოა ეს სისხლი, ეს წითელი სისხლი, ნეტავ თუ რამე შეედრება თბილი სისხლის სუნს. ლომები ბრდლვინვით ხარბად ალოკავენ მას, მტაცებელი ფრინველები ფრთებს განიბანენ შიგ და სიხარულით ყაშაშ-ყრანტალს მოჰყვებიან.

მე მოხუცი ვარ, მოხუცი! ჩემს სიცოცხლეში სისხლის მდინარეები მინახავს, პა, პა, პა! მაგრამ სიკვდილამდე კიდევ უფრო მეტს ვნახავ და ჩემს სულს სიხარული დაუუფლება. როგორ ფიქრობთ, რა ხნის ვიქნები? თქვენი მამების, პაპებისა და პაპის პაპების მომსწრე ვარ. მე მინახავს თეთრი ადამიანი და ვიცი, რა სურს მას. მე დიდი ხნისა ვარ, მაგრამ ეს მთები ჩემზე უფრო დიდი ხნის წინათ გაჩნდენ. მითხარით, ვინ გაიყვანა დიდი გზა? ვინ გამოკვეთა ის

სურათები კლდეებზე? ვინ გამოაქანდაკა სამი დაყურსებული, მაღაროსთან მთებში რომ სხედან და ჩვენს ქვეყანას გადმოსცერიან? – თქვა და ხელი გაიწვდინა ჩამოფხავებული ციცაბო მთისკენ, რომელიც ჩვენ ჯერ კიდევ წინა დღით შევნიშნეთ. – თქვენ ვინ გეტყოდათ, მე კი ვიცი. დიდი, ძალიან დიდი ხნის წინათ, აქ იყვნენ თეთრკანიანები, ისინი კვლავაც მოვლენ ჩვენს მიწაზე, თქვენ კი აღარ იქნებით, არ იქნებით იმიტომ, რომ თეთრი ადამიანები ამოგვჰლებენ. დიახ! დიახ! ამოგვჰლებენ.

რისთვის მოდიოდნენ აქ თეთრკანიანები – ეს გონიერი, ძლიერი, ჯიუტი და მისნობაში გაწაფული ადამიანები?

პოი, მეფეო! ვინ მოგცა ეგ ბრჭყვიალა ქვა, შუბლს რომ გიმშვენებს? ვისმა ხელმა გაჭედა რკინის პერანგი, მკერდს რომ გიცავს? შენ არ იცი, არა, მე კი ვიცი. მე მოხუცი ვარ, ბრძენი ვარ, მე იზანუზი, დიადი მისანი ვარ!

შემდეგ მოტვლეპილი თავი ჩემკენ მოაბრუნა და დაიწივლა:

– რას ეძებო ჩვენთან, ვარსკვლავეთის შვილნო, რას ეძებო, თეთრკანიანებო?.. თუ დაკარგულ ადამიანს დაეძებო, მას აქ ვერ იპოვით. უკვე დიდი ხანია არც ერთ თერთკანიანს არ დაუდგამს ფეხი ჩვენს მიწა-წყალზე. დიახ, დიახ, გარდა ერთისა, მაგრამ იმანაც მალე დატოვა აქაურობა და სულთა ქვეყანაში გაემგზავრა. თქვენ ბრჭყვიალა ქვებისთვის მოხვედით. ვიცი, ნამდვილად ვიცი ეს. როცა სისხლის გუბეები დაშრება, თქვენ იპოვით ამ ქვებს. მაგრამ გაბრუნდებით თუ არა თქვენს ქვეყანაში? თუ ჩვენთან დარჩებით? ჰა! ჰა! ჰა!

– შენ კი, შენ, ამაყო შავკანიანო, – წაჭყალი დედაბერმა და გაძვალტყვებული ხელი ამბოპასაკენ გაიწვდინა. – ვინა ხარ, ან რას ეძებ აქ? ბრჭყვიალა ქვები და ყვითლად მოციმციმე რკინა შენ არ გაინტერესებს – შენ მათ ვარსკვლავეთის თეთრკანიან შვილებს დაუთმობ. მე მგონია, გიცნობ, ვინცა ხარ, მე მგონია, ვცნობ სისხლის სუნს შენს ძარღვებში. აბა ეგ წელსაკრავი შემოიხსენი...

მოულოდნელად ამ საზიზდარ არსებას სახე უფრო დაემანჭა, პირიდან დუქმა დაუწყო დენა და ბნედამორეული მიწაზე დაეცა. იგი იმწამსვე ქოხში შეიყვანეს.

მეფე წამოდგა. ეს ამოდენა კაცი თავით ფეხებამდე ცახცახებდა. ხელი აიქნია და მეომართა რაზმები ერთმანეთის მიყოლებით მწყობრად გაემართნენ გასასკლელისაკენ.

ათიოდე წუთის შემდეგ უზარმაზარი მოედანი დაცარიელდა.

ჩვენ მარტონი დავრჩით მეფესთან. მისი მცირერიცხოვანი ამალაც აქვე იდგა.

– თეთრო ადამიანებო, – თქვა მეფემ, – გაგულა რაღაც უცნაურად ლაპარაკობდა, მე მგონია, აჯობებს, რომ ყველანი აქვე დაგხოცოთ. რას იტყვით ამაზე?

– პოი, მეფეო, გაფრთხილდი, – გავიცინე მე, – ხომ დაინახე, რა დაემართა ხარს? ნუთუ გინდა შენც ის დღე დაგადგეს?

თუალამ შუბლი შეიჭმუნა.

– მეფეს არ ემუქრებიან, – კუშტად გამოსცრა მან.

– ეს მუქარა არ არის, სიმართლეს გეუბნებით. პოი, მეფეო, აბა აღმართე ჩვენზე ხელი და ხახავ, რა დღე დაგადგეს!

თქლაქმა ხელი შუბლზე მიიღო და წუთით დაფიქრდა.

— კარგი, წადით, — თქვა ბოლოს. — დღეს სადამოს მეჯლისს ვაწყობთ. ეს იქნება დიდი მეჯლისი, თქვენც უნდა დაესწროთ. ნუ გეშინიათ, არაფერს დაგიშავებთ, ხვალ კი გადავწევებთ, რა გიყოთ და როგორ მოგეძცეთ.

— კარგი, მეფეო! — გულგრილად ვუთხარი.

ყველანი წამოვდექით და ინფადუსის თანხლებით ჩვენი კარვებისაკენ გავემართეთ.

თ ა გ ი X I V

ნ ა დ ი რ თ ბ ა მ ი ს ნ ე ბ ზ ე

ქოს რომ მივუახლოვდით, ინფადუსს ვანიშნე, ჩემთან შემოდი-მეთქი.

— მისმინე, ინფადუს, — ვუთხარი, — ჩვენ გვინდა მოგელაპარაკოთ.

— გისმენი, მბრძანებელო!

— ჩვენი აზრით, ინფადუს, მეფე თუალა სასტიკი და ულმობელია.

— მართალი გახლავთ, ჩემო მბრძანებელო. ვაი, რომ ხალხი მძიმე უღელქვეშ გმინავს. თუმცა დღეს ყველაფერს საკუთარი თვალით ნახავთ. დამით მისნებზე ნადირობა მოეწყობა. მრავალი ადამიანი გამოესალმება სიცოცხლეს. გულდამშვიდებით ვერავინ იქნება. თუ მეფემ მოისურვა წაართვას თავის ქვეშვრდომს ჯოგი ან სიცოცხლე, მას ვეღარაფერი იხსნის. შემთხვევით ვინმეზე ეჭვი რომ მიიტანოს და არაკეთილსაიმედო კაცად შერაცხოს, მაშინ გაგულა ან მისი გაწვრთნილი რომელიმე ქალი მისნად გამოაცხადებს და მოაკვლევინებს მას. ამაღამ, ვიდრე მთვარე ფერს დაკარგავდეს, მრავალ ადამიანს მოესწრაფება სიცოცხლე. ასე ხდება მუდამ. რა ვიცი, ეგება მეც მემუქრება სიკვდილი. დღემდე ხელი არ უხლიათ, იმიტომ რომ სამხედრო საქმეში დიდი გამოცდილება მაქს, თანაც, მეომრებს ვუყვარვარ, მაგრამ არ ვიცი, დიდხანს შევინახავ ამგვარად თავს თუ არა. თუალას ხელში ქვეყანა იტანჯება და თანდათანობით სისხლისგან იწრიტება.

— მაშ, ხალხი რატომ იომენს მას, ინფადუს?

— ო, არა, მბრძანებელო, რაც უნდა იყოს, თუალა მეფეა, რომ მოვკლათ, მის ადგილს სქრაგა დაიჭერს. ის კი უფრო მძიმე უღელს დაგვადგამს ზურგზე, იმოტუ რომ ცოცხალი ყოფილიყო, ან მისი შვილი იგნოზი არ დაღუპულიყო, ყველაფერი სხვაგვარად წარიმართებოდა. მაგრამ, სამწუხაროდ, ისინი ამქვეყნად აღარ არიან.

— ვინ გითხრა, რომ იგნოზი მკვდარია? — გაისმა ხმა ჩვენს ზურგს უკან. ეს ამბობა იყო.

— რა გსურს ამით თქვა, ჭაბუქო! — შეეკითხა ინფადუსი, — და რატომ გაპადინიერდი ისე, რომ ხმის ამოღება გაბედევ?

— მისმინე, ინფადუს, — უთხრა ამბობამ, — მოისმინე რასაც გეტყვი. დიდი ხნის წინათ კუკუნანელთა ქვეყანაში მოკლეს მეფე. მისი ცოლი პატარა ვაჟთან ერთად, რომელსაც იგნოზი ერქვა, აქედან გაიქცა და თავს უშველა. მართალია ეს თუ არა?

— მართალია.

— ამბობენ, ქალი და ბავშვი შიმშილით დაიღუპნენო, ხომ ასეა?

— დიახ, ასეა.

— ძალიან კარგი, მაგრამ ყველაფერი სხვაგვარად შეტრიალდა, დედა-შვილი არ დაღუპულა. ისინი მოებზე გადავიდნენ, რომელიდაც მოხეტიალე ტომთან

ერთად გადალახეს უდაბნო, მთების გადაღმა რომ დახვდათ, და მიაღწიეს ადგილს, სადაც იყო წყალი და ხე და ბალახი ხარობდა.

— შენ ეს საიდან იცი?

— მისმინჯ. მისმინჯ. მათ შეუსვენებლივ იარეს მრავალი დღის განმავლობაში, ვიდრე ბოლოს და ბოლოს არ მიადგნენ ქვეყანას, სადაც კუპუანელთა მონათესავე ტომი ამაზულუ ცხოვრობს. დიდხანს ცხოვრობდნენ იქ. ბოლოს დედა მოკვდა. მაშინ მისმა შვილმა იგნოზიმ კვლავ მოხეტიალე ცხოვრებას მიჰყო ხელი, იგი გაემგზავრა საოცრებათა ქვეყანაში, სადაც თეთრკანიანები ცხოვრობენ და წლების განმავლობაში ეწაფებოდა მათ სიბრძნეს.

— საოცარ ამბავს ყვები, — უნდობლად თქვა ინფადუსმა.

— იგნოზიმ მრავალი წელი დაჲყო იქ. იყო მსახური, მეომარი, გულში კი სათუთად ინახავდა დედის ნაამბობს სამშობლოზე, ოცნებობდა დაბრუნებულიყო იქ, ენახა თავისი ხალხი, ენახა მამის კურა, ვიდრე სიკვდილი თვალს დაუხუჭავდა. მრავალი წელი ელოდა მარჯვე შემთხვევას. და აი, დადგა დრო და ბედმა იგი თეთრკანიანებს შეახვედრა. თეთრკანიანები მის სამშობლოში აპირებდნენ წამოსვლას და იგნოზიც მათ შეუერთდა. შეუჩერებლივ მოდიოდნენ. გადაიარეს ცხელი უდაბნო, თოვლით დაფარული მთები, კუპუანელთა ქვეყანაში მოვიდნენ და პირველ დღესვე შეგხვდნენ შენ, პოი, ინფადუს!

— შენ უთუოდ შეშლილი ხარ, თორემ ასე არ ილაპარაკებდი, — წამოიყვირა მოხუცმა მეომარმა, რომელიც გაოცებით შესცექეროდა ამბოპას.

— ტყეულად ფიქრობ ასე, აბა კარგად შემომხედვე, პოი, ბიძაჩემო, მამაჩემის მმაო, მე ვარ იგნოზი, კუპუანელთა კანონიერი მეფე!

ამ სიტყვებით მან თეძოებიდან ერთი ხელის მოსმით მოიძრო შემოსაკრავი და ჩვენ წინ დედიშობილა დადგა.

— აბა, კარგად დააკვირდი, იცი თუ არა, რა არის ეს? — თქვა და მიუთითა ლურჯი საღებავით ამოსვირინგებულ გველზე, ტანზე რომ შემოკლაპნოდა. გველს პირით მისივე კუდი ეჭირა.

ინფადუს გაოცებისაგან ლამის თვალები წამოსცვივდა. იგი ერთხანს გაშეშებული იდგა, შემდეგ კი მუხლებზე დაეცა.

— კუუმ! კუუმ! — წამოიძახა მან, — ეს ჩემი ძმისწულია, კუპუანელთა მეფეა!

— მეც სწორედ ეგ გითხარი, პოი, ბიძაჩემო. მხოლოდ ერთი კია, ჯერჯერობით მეფე არა ვარ, მაგრამ იმედი მაქვს, შენი ხელშეწყობითა და ჩემი მამაცი თეთრკანიანი მეგობრების დახმარებით უსათუოდ დავიბრუნებ ტახტს. გაგულამ მართალი თქვა, მიწა სისხლით მოირწყვებაო, იმ სისხლს გაგულას სისხლიც შეუერთდება, თუკი, რასაკირველია, იმ კუდიანს კიდევ უდგას ძარღვებში სისხლი, იმიტომ რომ მან თავისი ბილწი სიტყვით მოაკვლევინა მამაჩემი, დედა კი სამშობლოდან გააძევა. ინფადუს, ისურვებ თუ არა ხელი მომცე, გაიზიარო ყველა საფრთხე და საშიშროება, რომელიც მე მემუქრება, დამეხმარები თუ არა ტახტიდან ჩამოვაგდო მტარვალი და კაცისმკვლელი? აირჩიე-მეთქი, პასუხს ველი!

მოხუცმა შებლზე ხელი მიიღო და დაფიქრდა. შემდეგ წამოდგა, მიუახლოვდა იმ ადგილს, სადაც ამბოპა, უფრო სწორად რომ ვთქვათ, იგნოზი იდგა, მუხლი მოიყარა და იგნოზის ხელს შეეხო.

— იგნოზი, კუპუანელთა კანონიერო მეფევ, თანახმა ვარ ხელი მოგცე და სიკვდილამდე გემსახურო. როცა პატარა იყავი, ჩემს მუხლებზე გარწევდი და

გათამაშებდი, ახლა კი ამ დამჭკნარ-დანაოჭებულ ხელში ავიღებ იარაღს, რომ ვიბრძოლო შენთვის და თავისუფლებისათვის!

— ეს საუცხოოდ თქვი, ინფადუს! თუ გავიმარჯვე, პუპუანელთა ქვეყანაში მეფის შემდეგ პირველი კაცი შეიქნები, მაგრამ თუ დაგმარცხდი, მაშინ უეჭველი სიკვდილი გელის. სიკვდილი კი ყველა ჩვენგანის ხვედრია, ამასთან შენ არც ისე ახალგაზრდა ხარ. ადექ, მამახემის ძმაო. თეთრკანიანებო, თქვენ რაღას მეტყვით? დამეხმარებით? რა შემიძლია სანაცვლოდ შემოგთავაზოთ? თუ გავიმარჯვე და იმ ბრჭყივალა ქვების პოვნა შევძელი, თან გაგატანთ იმდენს, რამდენსაც ზიდავთ. საკმარისია ეს თქვენთვის!

მისი სიტყვები ჩემს თანამგზავრებს ვუთარგმნე.

— გადაეცით ამბოპას, — მითხრა სერ ჰენრიმ, — რომ ინგლისელებზე მცდარი წარმოდგენა ჰქონია. სიმდიდრე კარგი რამ არის და თუ იგი ცხოვრების გზაზე შეგვხდა, ზურგს არ შევაქცევთ. მაგრამ ჯენტლმენი სიმდიდრისთვის სულს არ გაყიდის. ჩემი სახელით კი აი, რა უთხარით: მე ყოველთვის მომწონდა ამბოპა და ამ ბრძოლაში მუდამ მის გვერდით ვიქნები. ესეც რომ არ იყოს, უდიდესი სიამოვნებით გავუსწორებ ანგარიშს იმ ქაჯსა და ეშმაკს — თუალას. თქვენ რაღას იტყვით, გუდ, რას იტყვით, ქუოტერმენ?!

— რა მეტქმის, — მიუგო კაპიტანმა, — ჰიპერბოლურად რომ ვთქვა, შეგიძლიათ გადასცეთ, რომ ბრძოლა ჭეშმარიტი ადამიანის გულს ახარებს. ამიტომ, რამდენადაც საქმე მე შემეხება, შეუძლია ჩემი იმედი იქონიოს, მხოლოდ ერთი პირობით, შარვალი უნდა დამიბრუნოს.

მე მისი პასუხიც გადავთარგმნე.

— გმადლობთ, მეგობრებო, — თქვა იგნოზიმ, — შენ რაღას იტყვი, მაკუმაზან? დარჩები ჩემთან, უბადლო მონადირევ, დაჭრილ კამეჩზე უბრძნესო?

მე კეფა მოვიქექ და დავუიქრდი.

— ამბოპა, ანუ იგნოზი, — ვუთხარი ბოლოს, — არ მიყვარს რევოლუცია, მე მშვიდობისმოყვარე და, ცოტა არ იყოს, მშიშარა კაცი ვარ (აქ იგნოზიმ გაიღიმა); მაგრამ მიუხედავადა ამისა, მუდამ ჩემი მეგობრების ერთგული ვიქნები. შენ ერთგულად გვემსახურებოდი და ნამდვილი ვაჟკაცობა გამოიჩინე, ამიტომ ამ ბრძოლაში არც მე მიგატოვებ, მაგრამ ნუ დაგავიწყდება, რომ ვაჭარი კაცი ვარ და ცხოვრება მაიძულებს ლუქმა-პური შრომით მოვიპოვო. ამიტომ უარს არ ვამბობ იმ ალმასებზე, რასაკვირველია, თუ მათ ადგილსამყოფელს მივაგნებთ. ამასთან, როგორც იცი, ჩენ აქ ინკუბუს დაკარგული ძმის საძებრად წამოვედით, პოდა, უნდა დაგვეხმარო და გვაპოვნინო იგი.

— შენს თხოვნას ავასრულებ, — მომიგო იგნოზიმ, — მისმინე, ინფადუს, — განაგრძო მან და მოხუც მეომარს მიუბრუნდა, — გაფიცებ გველის წმინდა გამოსახულებას, მართალი მითხარი, გხმებია ოდესმე, რომ თეთრკანიანს კუპუანელთა მიწაზე ფეხი დაედგას?

— არა, იგნოზი.

— აქ რომ სადმე თეთრკანიანი ენახათ, ან გაეგოთ რამე მასზე, შენ ხომ უსათუოდ შეიტყობდი?

— რა თქმა უნდა, შევიტყობდი.

— ხომ გესმის, ინკუბუ? — მიმართა იგნოზიმ სერ ჰენრის, — ცხადზე უცხადესია, შენი ძმა აქ არ ყოფილა.

— ვაი, რომ მესმის! — ოხვრით აღმოხდა სერ ჰენრის, — უეჭველია, აქამდე ვეღარ მოაღწია... საბრალო ჯორჯი, მაშ, ამდენმა ტანჯვა-წვალებამ ფუჭად ჩაგვიარა? იყავნ ნება დვოისა.

— აბა, ახლა კი საქმეზე გადავიდეთ, — სიტყვა ჩავურთე მე, რადგან მინდოდა შემეწყვიტა ეს სევდიანი საუბარი, — რასაკვირველია, თუ დმერთ შეეწია, მეფობაზე უარს არავინ იტყვის, იგნოზი, მაგრამ როგორ და რა გზით აპირებ გამეფებას?

— ეგ უკვე აღარ ვიცი, იქნებ ინფადუსმა რამე გეგმა შემოგვთავაზოს?

— იგნოზი, ძეო ელვისა, — დაიწყო ინფადუსმა, — ამაღამ გაიმართება დიდი ცეკვები, მერე კი მისნებზე ნადირობა დაიწყება, მრავალ ადამიანს დაუბნელდება მზე, უფრო მეტი კი დამწუხებული და გულდათუთქული დარჩება. ხალხი გულში თუალას წინააღმდეგ ამხედრდება. ცეკვა რომ დამთავრდება, ბელადებს მოველაპარაკები, ისინი კი თავის მხრივ მეომრებს მოეთათბირებიან. ბელადებთან, რასაკვირველია, საიდუმლო ბჭობას გავმართავ და თუ მათი გადმობირება შევძელი, ყველანი აქ მოვალო. თუ საქმე ისე წარიმართა, როგორც მე მინდა, ხვალ, ალიონზე შენს განკარგულებაში ოცი ათასი კაცი მაინც იქნება. ერთი სიტყვით, თუ ცოცხლები გადავრჩიო, აქ შევგროვდებით და ყველაფერზე ვიმსჯელებთ. მხოლოდ იცოდე, რაც არ უნდა მოხდეს, ბრძოლა მაინც არ აგვცდება.

საუბარი ხმამაღლა ლაპარაკმა და ხმაურმა შეგაწყვეტინა. მეფის მსახური იყვნენ. ჩვენ ქოხის კარს მივადექით და მცველებს მათი შემოშვება ვუბრძანეთ.

მაშინვე შემოვიდა სამი კაცი. ყოველ მათგანს ხელში ჯაჭვის პერანგი და საუცხოო საბრძოლო ხაჯახი ეჭირა.

— ეს ჩემმა მბრძანებელმა, მეფე თუალამ აახლა ვარსკვლავეთიდან ჩამოსულ ადამიანებს, — გამოგვიცხადა პეროლდმა, მათ რომ ახლდა.

— გაბრუნდით და ჩვენგან მადლობა გადაეცით მეფეს, — ვუთხარი. მსახური წავიდნენ და ჩვენ დიდი ინტერესით შევუდექით საჩუქრების დათვალიერებას. ასეთი საუცხოო ჯაჭვები არასოდეს გვენახა. ისეთი ფაქტი ნახელავი და ისე თხელი იყო, რომ ხელისგულზე ადვილად თავსდებოდა.

— რა უცხო ნაკეთობაა, ინფადუს, ნუთუ თქვენს ქვეყანაში მსგავს რამეს ამზადებენ?

— არა, ჩემო მბრძანებელო, — გვიპასუხა ინფადუსმა, — ეგ წინაპართაგან შემოგვრჩა, არ ვიცი, ვინ და როდის გაჭედა. ახლა ცოტადა დაგვრჩა და მხოლოდ მეფის ოჯახის წევრებს შეუძლიათ მათი ტარება. ეს მოჯადოებული რკინაა, შიგ შუბი ვერ ატანს და ბრძოლაში მათ პატრონს არავითარი საფრთხე არ ელის. მეფე ან ძალიან კმაყოფილია თქვენით, ან რაღაცას შეუშინებია, თორემ ამას აქ არ გაახლებდათ. კარგი იქნება, თუ საღამოს ამ ჯაჭვებს ჩაიცვამთ, ჩემო მბრძანებლებო!

ის დღე მშვიდად გავატარეთ, ვისვენებდით და ჩვენს ახლანდელ ყოფაზე ვმსჯელობდით. მდგომარეობა ძალზე დამაფიქრებელი იყო.

ბოლოს მზეც ჩავიდა. აბრიალდა ათასობით კოცონი. ბნელში მმიმე ნაბიჯების ხმა დაირხა, შუბების ჩხარუნიც შემოგვესმა. მეომრების უსასრულო რაზმები მოედნისაკენ მიემართებოდნენ, რომ ადგილები დაეჭირათ და დიდი ცეკვებისთვის მოზადებულიყვნენ.

ცაზე სხივნათელი ბადრი მთვარე ამოგორდა.

ინფადუსი რომ მოვიდა, ჩვენ ეზოში ვიდექით და მთვარიანი დამით ვტკბებოდით. ინფადუსს სამხედრო ტანსაცმელი ეცვა, თან ოცი კაცისაგან შემდგარი რაზმი ახლდა. რაზმს მოედნამდე უნდა მივეცილებინეთ. ინფადუსის რჩევით, ჯაჭვის პერანგი ჩავიცვით, ზემოდან კი ჩვენი ტანსაცმელი გადავიცვით. საკვირველი ის იყო, რომ ამ ჯავშანში თავს საოცრად მსუბუქად და თავისუფ-

ლად ვგრძნობდით. ეს ჯაჭვები, რომლებიც ოდესაც, ალბათ, გოლიათური აღნაგობის ადამიანებს ეკუთვნოდა, გუდსა და მე სრულად გვადგა, მაგრამ სერ პენრის მკერდზე პქონდა შემოსალტული.

ქამრებზე რევოლვერები დავიკიდეთ, მეფის ნაბოძვარი საბრძოლო ნაჯახები ავიდეთ და ჩვენს მასპინძლებს მოედნისაკენ გავყევით.

დიდი კრაალი, სადაც ამ დილიო მეფემ შეხვედრა მოგვიწყო, ერთიანად ხალხით იყო გაჭედილი. წრეში ოცი ათასამდე მეომარი იდგა, ყოველ პოლკს მისთვის განკუთვნილი ადგილი ეჭირა. პოლკები, თავის მხრივ, რაზმებად იყო დაყოფილი, რაზმებს შორის ვიწრო გასასვლელები დაეტოვებინათ, რომ მისნებზე მონადირე ქალებს თავისუფლად ემოძრავათ აქეთ-იქით.

მართლაც რომ დიდებულ სანახაობას წარმოადგენდა ერთად თავშეერილი იარადასხმული ეს ამოდენა ხალხი. მეომრები სრულ სიჩუმეში მწყობრად იდგნენ. მთვარე დაჭინაოდა მადლა შემართულ შუბების ტყეს, მოფრიალე ფრთებსა და სხვადასხვა ფერის ფარებს. საითაც არ უნდა მიგვეპყრო მზერა, უკელგან გაქვავებულ სახეებს და შუბების უსასრულო მწყრივებს ვხედავდით.

— დღეს ალბათ მთელი თქვენი ჯარი აქ არის თავმოყრილი, — ვუთხარი ინფადუსს.

— არა, მაკუმაზან, — მიპასუხა მან, — ამ მოედანზე ჩვენი ჯარის მხოლოდ ერთი მესამედი, ესე იგი ოცი ათასი კაცი დგას. მეორე მესამედი გარეთ, თხრილის ირგვლივ გვიყენია, მათ უნდა დაიცვან კრაალი, თუ ხოცვა-ჟლების დროს აყალ-მაყალი ატყდა. ათი ათასი კაცი ლუჟს დასაცავად საგუშაგოზე დგას, დანარჩენები კრაალებში არიან გაფანტულნი.

— რა საოცარი სიჩუმეა, — თქვა გუდმა.

მართლაცდა, გულშემზარავი იყო ეს დაბაბული სიჩუმე იმ დროს, როცა ამდენი ხალხი ერთად იყო თავშეერილი.

— რას ამბობს ბუგვანი? — მკითხა ინფადუსმა.

მე გადავუთარგმნე.

— კაცი უსიტყველი ხდება, როცა თავს სიკვდილის აჩრდილი დასტრიალებს.

— ამაღამ ბევრს დახოცავენ?

— ძალიან ბევრს.

— მე მგონია, ჩვენ დღეს გლადიატორების ბრძოლას დავესწრებით, — ვუთხარი ჩემს თანამგზავრებს, — და როგორც ვატყობ, მასპინძლებს მის მოსაწყობად არაფერი დაუშურებიათ.

სერ პენრის ტანში ურუანტელმა დაუარა. გუდმა კი განაცხადა, კარგი იქნებოდა, ახლა აქედან წასვლა რომ შეგვეძლოსო.

— მითხარი, საფრთხე ხომ არაფერი გველის? — ვკითხე ინფადუსს.

— დანამდვილებით ვერაფერს გეტყვი, ჩემო მბრძანებელო; მაგრამ ვფიქრობ, დღეს ცუდი არაფერი გვლით. ყოველ შემთხვევაში, შიში არ შეიმჩნიოთ, შეიძლება უკელაფერი კეთილად წარიმართოს: მეომრები მეფის უკმაყოფილონი არიან.

იმ ლაპარაკში ნელ-ნელა მიგიწევდით წინ და თანდათან მოედნის შეაგულს ვუახლოვდებოდით. იქ რამდენიმე სკამი დაედგათ. ის იყო, მივედით კიდეც, რომ მეფის კრაალიდან რამდენიმე კაცი გამოვიდა და ჩვენკენ გამოემართა.

— ეს მეფე თუალა, უფლისწული სკრაგა და მოხუცი გაგულაა, მათ ჯალათები მოჰყებიან, — გვითხარ ინფადუსმა და ხელი მეფის მხლებლებისაკენ გაიშვირა.

მხლებლების ჯგუფში ასე, თორმეტიოდე კაცი იქნებოდა, ყველანი ძლიერ მაღლები იყვნენ და საზარელი სახეები ჰქონდათ. ყოველ მათგანს ცალ ხელში შები ეჭირა, მეორეში კი „პესი“, ანუ მძიმე ხელკეტი.

მეფე სკამზე დაეშვა, გაგულა მის ფერხთით მოიკრუნჩხა, სკრაგა და ჯალათები კი მათ უკან მოთავსდნენ.

— სალამი მითქვამს, თეთრო მბრძანებელო! — შეჰყვირა თუალამ, როგორც კი მივუახლოვდით. — დასხედით, დასხედით, ძვირფას დროს ტყუილუბრალოდ ნუ დაკარგავთ, დამე ისედაც მოკლეა იმ საქმისათვის, რომელიც უნდა აღსრულდეს. თქვენ კარგ ფეხზე მოხვედით და ბრწყინვალე სანახაობა გელით. მიმოიხდეთ ირგვლივ, თეთრო მბრძანებელებო, მიმოიხდეთ! — აქ თუალამ თავისი ბოროტი თვალი აავლ-ჩავლო რაზმებს. — განა შეიძლება ვარსკვლავებზე მსგავსი რამ ნახოთ? დააკვირდით, რარიგ ძრწიან და კანკალებენ სულმდაბალნი, რომელთაც გული ბოროტებით აქვთ საგსე და ზეციური მართლმსაჯულებისა ეშინიათ!

— დაიწყეთ! დაიწყეთ! — წვრილი, მწივანა ხმით წამოიკნავლა გაგულამ, — აფთორები დამშეულია, ისინი ყმუიან და საჭმელს ითხოვენ. დაიწყეთ, დროა!

წამით სიჩუმე ჩამოვარდა, დაბაბული, შემზარავი სიჩუმე. ყველა რადაც საშინელების მოლოდინში იყო.

მეფემ შები აღმართა და უეცრად ოცი ათასმა მეომარმა, თითქოს ერთი კაციაო, ფეხი ასწია და შემდეგ მთელი ძალით მაგრად დაკკრა მიწას. ეს სამჯერ განმეორდა.

შემდეგ წრეში სადღაც, შორს გაისმა ხმა. ვიღაც მღეროდა, მაგრამ ეს მოთქმა უფრო იყო, ვიდრე სიმღერა. მას დაახლოებით ასეთი მისამღერი ჰქონდა:

- რა ელის ყოველ კაცს, დედაკაცისაგან შობილს?
- სიკვდილი! — ერთხმად იგრიალა პასუხმა.

რაზმებმა ერთიმეორის მიყოლებით თანდათან ააყოლეს ხმები იმ ეულ ხმას, ვიდრე ბოლოს მთელი ეს მიღეთის ხალხი არ ამღერდა და აგუგუნდა. მე გაჭირვებით ვიგებდი სიტყვებს, მაგრამ ვხვდებოდი, რომ აქ ლაპარაკი იყო ადამიანის ტანჯვა-წამებაზე, სევდასა და სიხარულზე, ეს ხან სატრფიალო სიმღერა გეგონებოდათ, ხან ძლევამოსილად მოგუგუნე საბრძოლო ჰიმნი, ხან კი გლოვა-გოდება. სიმღერა გულშემზარავი კივილით დამთავრდა. ხმა კიდით კიდემდე ზრიალით დაირხა და მისმა ეხომ ძარღვებში ლამის სისხლი გაგვიყინა. შემდეგ კვლავ სიჩუმე ჩამოვარდა, მაგრამ აი, მეფემ ხელი აღმართა და დუმილი კვლავ დაირღვა. გაისმა ფეხის ტყაპა-ტყუპი, მეომართა რიგებიდან უცნაური, საზიზდარი არსებები გამოცვივდნენ და პირდაპირ ჩვენები გამოემართნენ.

მოხუცი ქალები იყვნენ. თევზის ბუშტებით შემკული ჭაღარა ბულულები სწრაფი სირბილისაგან გასწევოდათ, სახე წითელ-ყვითელი ზოლებით შეეთითხნათ, მხრებზე გველის ტყავები მოეგდოთ, მათ ქამრებზე აცტულ ადამიანის ძვლებს კი რაკარუკი გაუდიოდათ. დამჭნკარ-დანაოჭებულ ხელში პატარა ორთავიანი კვერთხი ეჭირათ. სულ ათხი იყვნენ.

აი, მოგვიახლოვდნენ, შეჩერდნენ, ერთმა მათგანმა გაგულასაკენ კვერთხი გაიწვდინა და დაიყვირა:

- პო, დედაო, მოხუცო დედილო, მოვედით!
- კეთილი, კეთილი, კეთილი! — უპასუხა თუალას ფეხებთან მოკრუნჩელმა ბიწიერმა არსებამ. — თვალგამჭრიახნი ხართ თუ არა, იზანუზნო, ბნელის გამჭვრებრივო?
- თვალი სწრაფი გვაქვს, დედილო!

— კეთილი! კეთილი! კეთილი! უურმახვილნი ხართ თუ არა, იზანუზნო, სიტყვის უთქმელად გამგებნო!..

— სმენა კარგი გვაქვს, დედილო!

— კეთილი! კეთილი! კეთილი! ფხიზლობს თუ არა თქვენი გრძნობები, იზანუზნო, გცემთ თუ არა სისხლის სუნი, შეგიძლიათ თუ არა განწმინდოთ ქვეყანა დამნაშავეთაგან, რომელთაც მეფისა და თავის პეტილთა მიმართ ბოროტი უდევთ გულში? შეგწევთ თუ არა ძალა, აღასრულოთ სამართალი ზეცათა, ჩემ მიერ გაწვრთნილ-გაწაფულნო? აკი დიდი ხანია ეზიარეთ ჩემს სიბრძნეს და დაეწაფეთ ჯადოქრობის წყაროს!

— ჩვენ მზად ვართ, დედილო!

— მაშინ წადით, წადით, ნუდარ აყოვნებთ, სულის მგარვალნო! აი, ჯალათებიც, დე, გადლესონ თავიანთი შუბები, შორიდან მოსული თეთრი ადამიანები სახახაობას ელიან, წადით!

მისი ნების მორჩილი საზარელი არსებები დამსხვრული ნიუარის ნატეხებივით მიმოიფანგნენ აქეთ-იქით, ქამარზე დაკიდული ძვლების რაკარუკით მეომართა მჭიდრო რიგებში შეიჭრნენ და თვალს მიეფარნენ. მხოლოდ ერთი მათგანი იქვე, ჩვენ გვერდით დარჩა, იგი მეომრების წინ რამდენიმე ნაბიჯზე შეჩერდა და ცეკვა დაიწყო. წარმოუდგენელი სისწრაფით ტრიალებდა და თან გაჰკიოდა:

„მე ვგრძნობ, ვგრძნობ, რომ ის ბოროტგამზრახველი სადღაც აქ არის, აქ არის-მეთქი, მშობელი დედის მკვლელი!“ დედაბერი სულ უფრო და უფრო სწრაფიდ ტრიალებდა, ბოლოს თავი გიჟურ აღგზნებამდე მიიყვანა – კბილებს აღრჭიალებდა, დუქი ნაფლეთ-ნაფლეთ სცვიოდა დაბრეცილი პირიდან, თვალები გადმოცვენაზე ჰქონდა და მთელი ტანით კანკალებდა. უეცრად ადგილზე გაქვავდა, მეძებარი ძაღლივით დაიძაგრა. შემდეგ კვერთხი გაიწვდინა და ქურდულად წატუსტუსდა მეომრებისაკენ.

მოგვეჩვენა, რომ ამ კუდიანის მიახლოვებაზე მეომრების სიმტკიცე და თავდაპირილობა გატყდა და მათ ოდნავ, სულ ოდნავ უკან დაიხიეს. თავზარდაცემულები და გაქვავებულები თვალს არ ვაშორებდით ამ სურათს. იზანუზი ოთხზე დაეცა და მათკენ წახოხედა. აქ ნაბულზე დამდგარი ძაღლივით გაშეშდა, მაგრამ ცოტა ხნის მერე ორიოდე ნაბიჯით წაჩოჩდა წინ.

შემდეგ მოხდა მოულოდნელი რამ: იზანუზი ყვირილით წამოიჭრა და იქვე მდგომ მაღალ მეომარს ორკაპი კვერთხით შეეხო. იმავე წამს მარცხნივ და მარჯვნივ მდგომმა ორმა მეომარმა მკლავში ხელი წაავლო საბრალოს და მევეს მიპგვარეს.

მას წინააღმდეგობა არ გაუწევია, მაგრამ გხედავდით, დამბლადაცემულივით მიათრევდა ფეხებს. მერე შები დაუვარდა და ხელები უსიცოცხლოდ დაეკიდა ტანზე.

ჯალათებს თრი კაცი გამოეყო. იხინი ჩქარი ნაბიჯით წამოვიდნენ მსხვერპლისაკენ, გასწორდნენ და მეფისკენ შებრუნდნენ, თითქოს მის ბრძანებას ელიან.

— მოპკალით! — ბრძანა მეფემ.
— მოპკალით! — დაიწრიპინა გაგულამ.
— მოპკალით! — ექოსავით გაისმა სკრაგას ხმა და ავისმომასწავებელი სიცილი.

ხმები ჯერაც არ ჩამკვდარიყო, რომ საზარელი საქმე უკვე აღსრულდა, — ერთმა ჯალათმა შიგ გულში აძგერა შები, მეორემ კი უზარმაზარი ხელკეტით კეფა ჩაუმსხვირია.

— ერთი! — თითო მოხარა თუალიძე.

გვამი ჩვენ უკან რამდენიმე ნაბიჯზე გაათრიეს და იქ დააგდეს.

წამის შემდეგ, თითქოს დასაკლავი ხარიაო, მეფესთან მეორე უბედური მოათრიეს. ლეოპარდის წამოსასხამზე ეტყობოდა, წარჩინებული პირი უნდა ყოფილიყო. კვლავ გაისმა საზარელი სიტყვები და მსხვერპლი უსულოდ დაუცა ძირს.

— ორი! — ითვლიდა მეფე.

ეს სისხლიანი გართობა მანამ არ შეწყვეტილა, სანამ ჩვენ უკან დახოცილთა ათობით გვამი არ ჩაამწკრივეს.

ბევრი რამ მსმენია კეისრების დროის გლადიატორებზე, ან ესპანეთში ხარების ბრძოლაზე. მაგრამ კადნიერებად ნუ ჩამომართმევთ, თუ ვიტყვი, რომ ყველაფერი ეს სანახევროდაც არ იქნებოდა ისე შემზარავი, როგორც მისნებზე ნადირობა იყო. ყოველ შემთხვევაში, გლადიატორთა ბრძოლა და ხარების შერკინება ოდნავ მაინც ართობდა მაყურებელს, აქ კი გართობაზე ლაპარაკი ზედმეტი იყო. მწვავე განცდების თავდავიწყებული მოტრფიალეც კი შეეცდებოდა, თავი აერიდებინა სენსაციისათვის, თუ ეცოდინებოდა, რომ განგებამ სწორედ მას განუმზადა შემდგომ „ამბებზე“ უშუალო მონაწილეობა.

ერთხელ ვეღარ მოვითმინეთ, წამოვდექით და შევეცადეთ წინააღმდეგობა გაგეწია, მაგრამ თუალამ უქმებად შეგვაჩერა:

— მართლმასჯულება უნდა აღსრულდეს, თეორო ადამიანებო, ეს ძაღლები გულშავი, დამნაშავე მისნებია და მათი დახოცვა უსამართლობად არ მიმაჩნია, — იყო მისი პასუხი.

თერთმეტის ნახევრისთვის შესვენება გამოცხადდა. მისნებზე მონადირე ქალები ერთად დადგნენ, ეტყობოდათ, დაიღალნენ. გვეგონა, ეს სისხლიანი წარმოდგენა დასრულდათ, მაგრამ შევცდით. მოულოდნელად გაგულა წამოდგა თავისი ადგილიდან, სადაც აქამდე მოკრუნჩხული იჯდა, ჯოხს დაჟყრდნო და ჩვენკენ წამოხანხალდა.

უთვალავი წლების ტვირთქვეშ ორად მოხრილ-მოკაპული ფასკუნჯისთავიანი ეს ბებერი კუდიანი საზიზდარი სანახავი იყო. ნელ-ნელა მოიკრიბა ძალ-დონე და აქეთ-იქით მიაწყდა, წინ და უკან მირბოდ-მორბოდა, თან ცხვირში რაღაც ერთფეროვან სიმდერას დუდუნებდა. ბოლოს მოულოდნელად გაუსწორდა ერთ მაღალ მეომარს, პოლკის თავში რომ იდგა, და ხელი შეახო მას. ეს ალბათ პოლკის მეთაური იყო, რადგან მის მეომრებს გმინვისმაგვარი ხმა აღმოხდათ მკერდიდან. მაგრამ მიუხედავად ამისა, ორმა მეომარმა მაინც წაავლო კაცს ხელი და ჩვენკენ წამოიყვანა. შემდეგ შევიტყვეთ, რომ ის კაცი ძალზე მდიდარი იყო, თანაც თურმე დიდი გავლენით სარგებლობდა, როგორც მეფის მკიდრი ბიძაშვილი. ის, რასაკვირველია, მოკლეს. მეფემ ჯამი დაიანგარიშა, სულ ას სამი კაცი მოეკლათ. გაგულამ კვლავ დაიწყო აქეთ-იქით სირბილი და თანდათანობით მოგვიახლოვდა.

— გეფიცებით, ამ კუდიანს ჩვენზე უჭირავს თვალი! — შემკრთალი ხმით წამოიძახა გუდმა.

— სისულელეა, — უპასუხა სერ პენრიმ.

მე კი, როცა დავინახე, ის წყეული კუდიანი თავის ეშმაკისეულ ცეკვას არ წყვეტდა და სულ უფრო და უფრო გვიახლოვდებოდა, შიშით სული კინაღამ გამძვრა და კანკალმა ამიტანა.

გაგულა კიდევ უფრო მოგვიახლოვდა, თვალებში ჯოჯოხეთური აღი ენთო.

აჲა, სულ ახლოს მოვიდა, კიდევ, კიდევ, სულგანაბული ხალხი დამაბული მისქერებოდა მას. ბოლოს კუდიანი გაჩერდა და გაინაბა.

— ვიცოდე მაინც, ვინ აირჩია ჩვენ შორის, — თითქოს თავისთვის ჩაილაპარაკა სერ პენრიძე.

წამის შემდეგ უველაფერი გაირკვა. კუდიანი სწრაფი მოძრაობით შეეხო ამბობას, ანუ იგნოზის მხარზე.

— გული მიგრძნობს, ეს კაცი უნდა მოკვდეს, — იწიგლა მან, — მოკალით ბოროტებით საგვე უცხოელი, მოკალით, ვიდრე მოასწრებდეს სისხლით მორწყოს ჩვენი ქვეყანა! პო, მეფეო, მოპკალ ეს ჭაბუკი!

ჩამოვარდა სიჩუმე, რითაც იმწამსვე ვისარგებლე.

— ოჲ, მეფეო! — წამოვიძახე და ფეხზე წამოვიჭერი, — ეს კაცი შენი სტუმრების მსახურია, მათი ძაღლია. ვინც ჩვენი ძაღლის სისხლს დაღვრის, ჩვენი მოსისხლე შეიქნება. ნუ შებდალავ სტუმართმოყვარეობის წესებს, მასპინძელი ხარ და გთხოვ, დაიცვა ეს ადამიანი.

— გაგულას რაღაც ეჭვი აქვს, ეგ კაცი უნდა მოკვდეს, თეთრო ადამიანებო, — გაისმა მკვახე პასუხი.

— არა და არა, არ მოკვდება! — შევყვირე მე, — მოკვდება ის, ვინც მასზე ხელს შემართავს.

— წაიყვანეთ ეგ ძაღლი! — დასჭექა თუალამ სისხლში მოსვრილ ჯალათებს, ჩვენს ირგვლივ რომ იდგნენ.

მათ ნაბიჯი გადმოდგეს, მაგრამ ბოლო წუთს შეყოყმანდნენ. იგნოზიმ შები აღმართა, ეტყობოდა, აპირებდა ძვირად დაესვა ამ ხალხისათვის თავისი სიცოცხლე.

— იქით, ძაღლებო, — დავიყვირე მე, — უკან-მეოქი, თუ თავი არ მოგძეულებიათ! იცოდეთ, ამ კაცს თითო რომ დააკაროთ, თქვენს მეფეს უსულოდ გავაგორებ ძირს, — კოჭვი და თუალას რევოლვერი დავუმიზნე.

სერ პენრიმ და გულმაც ხელი წაატანეს რევოლვერებს. სერ პენრიმ დაინახა, რომ უფროსმა ჯალათმა განაჩენის სისრულეში მოსაყვანად ჩვენკენ გადმოდგა ნაბიჯი და რევოლვერი დაუმიზნა მას. გუდი კი გაგულას არ აშორებდა თვალს.

თუალა შეკრთა, მისკენ მიმართული ლულა რომ დაინახა.

— აბა, რას იტყვი, თუალა? — ვკითხე.

— მოაშორეთ ეგ მოჯადოებული ჯოხები, თქვენ სტუმარ-მასპინძლობის წესი ასესენეთ და სწორედ ამიტომაც დავინდობ ამ კაცს და არა იმის გამო, რომ თქვენი მეშინია.

— კარგი, — მშვიდად მივუბე მე, — ჩვენ დავიქანცეთ ამდენი სისხლის ცეკვით და გვინდა დავისვენოთ. ცეკვები დამთავრდა?

— დამთავრდა, — კუშტად მომახალა თუალამ, — ეს ძაღლის ლეშები აფთრებსა და მბაცებელ ფრინველებს გადაუყარეთ! — დასძინა მერე და გვამებისაკენ გაიწვდინა ხელი.

პოლკებმა სამარისებურ სიჩუმეში ერთიმეორის მიყოლებით დატოვეს კრალი, დარჩნენ მხოლოდ ის მეომრები, რომელთაც დაგალებული პქონდათ, გაეწმინდათ მოედანი გვამებისაგან.

ბოლოს ჩვენც წამოვდექით და მის უდიდებულესობას დავემშვიდობეთ. მან ძლიერ ინება ჩვენი მოსმენა.

ამ ცერემონიალის შემდეგ ჩვენ-ჩვენი კრაალისკენ გავეშურეთ.

ქოხში ორმ შევედით, პირველ ყოვლისა, ჭრაქი ავანთეთ. ამ ჭრაქის ფთილა პალმის მსგავსი ხის ბოჭკოსაგან იყო გაკეთებული, საწვავად კი პიპოპოტამის გაწმენდილი ქონი პქონდა.

— იციო, — თქვა სერ პენრიმ, როცა დავსხედით, — ძალიან მერევა გული.

— თუ ამდენ ხანს კიდევ ვეჭვობდი, დავხმარებოდი თუ არა ამბოპას იმ გაიძევერა თუალას წინააღმდეგ ბრძოლაში, ახლა ეს ეჭვი სავსებით გამეფანტა, — თქვა გუდმა. — იმ ხოცვა-ჟლეტის შემყურე, ძლივს ვიმაგრებდი თავს, ვცდილობდი თვალი დამეხუჭა, მაგრამ, თითქოს განგებ, ყველაზე საზარელ მომენტში ვახელდი. ნეტავ სად არის ახლა ინფადუსი? ამბოპა, ჩემო კარგო, ჩვენ უნდა გვიმადლოდე, თორებ კიდევ ცოტაც და, ტყავს გაგაძრობდნენ.

— მადლობელი ვარ, ბუგან, — მიუგო ამბოპამ, როცა გუდის სიტყვები ვუთარგმნე, — მადლობელი ვარ და ამაგს არასოდეს დაგივიწყებთ, ინფადუსი კი მალე მოვა, წუთი წუთზე უნდა ველოდოთ.

ამის მეტი აღარაფერი გვითქვამს, მხოლოდ ვისხედით და ინფადუსის მოლოდინში ჩიბუხებს ვაბოლებდით.

თ ა ვ ი X I

ჩ ვ ე ნ ს ა ს წ ა უ ლ ი მ თ ვ ა ხ დ ი ნ ე თ

თითქმის მთელი ორი საათი სრულ მდუმარებაში გავატარეთ; არც ერთი ჩვენგანი ხმას არ იღებდა, იმ საზარელი ამბის გახსენება სულს გვიხუთავდა. ბოლოს, გამოენისას, როცა უკვე დამინებას ვაპირებდით, გაისმა ფეხის ხმა და გუშაგის შეძახილი. ნაბიჯები სულ უფრო ახლოვდებოდა, ალბათ გუშაგს პასუხი გასცეს, მაგრამ ისე ხმადაბლა, რომ ჩვენ ვერ გავიგონეთ. შემდეგ კარი გაიღო და ინფადუსი შემოვიდა, უკან ექვსი ბელადი მოჰყვებოდა.

— ჩემო მბრძანებელო და იგნოზი, კუკუანელთა კანონიერო მეფევ, ჩემი სიტყვა ავასრულე, მოვედი და ეს ხალხი მოვიყვანე! — თქვა ინფადუსმა და ხელი ბელადებისკენ გაიწვდინა. ესენი ჩვენი ქვეყნის უბრწყინვალესი ადამიანებია, ყოველ მათგანს ემორჩილება სამ-სამი ათასი მეომარი, რომლებიც, მეფის ბრძანების თანახმად, უსიტყვოდ ასრულებენ მათ ბრძანებას. მე გავანდე ბელადებს ჩვენი საიდუმლო. გადავეცი, რაც აქ ვნახე და გავიგონე. პოდა, მათ მოისურვეს ენახათ წმიდა გველის გამოსახულება შენს ტანზე, სურთ აგრეთვე მოისმინონ შენი თავგადასავალი, რათა საბოლოოდ გადაწყვიტონ, გადაუდგნენ თუალას თუ არა.

პასუხის ნაცვლად იგნოზიმ წელზე მუხა მოიძრო და ყველამ დაინახა სამეფო ნიშანი — გველი, თემოებზე რომ პქონდა ამოსვირინგებული. ბელადები რიგ-რიგობით მიდიოდნენ იგნოზისთან და ჭრაქის მკრთალ შუქზე დაკვირვებით ათვალიერებდნენ ამ ნიშანს.

შემდეგ იგნოზიმ კვლავ აიფარა მუხა, მიუბრუნდა ბელადებს და თავისი თავგადასავალი მოუთხრო. ეს ამბავი ჩვენ უკვე დილით მოვისმინეთ.

— რას იტყვით, ბელადებო? — იკითხა ინფადუსმა, როცა იგნოზიმ თხრობა დაასრულა, — მიეხმარებით და დაუჭერთ მხარს, რომ მამის ტახტი დაიბრუნოს? ჩვენი ქვეყანა კიდით-კიდემდე მძიმე უდელქვეშ გმინავს, მიწა სისხლით ირწყვება. დღეს ეს ყველამ საკუთარი თვალით ნახეთ. იყო კიდევ ორი ბელადი, ვისთანაც ამ საკითხზე მოლაპარაკება მსურდა, მაგრამ სადღა არიან ისინი? მათ

გვამებს აფთრები დაჟყმუიან. თუ თუალას არ შეებრძოლებით, თქვენც მალე გაიზიარებთ მათ ბედს. მაშ აირჩიეთ, მქებო!

ამ სიტყვებზე წინ წამოდგა ჭაღარა, ჩასკვნილი მამაკაცი. იგი მოსულთა შორის ყველაზე უხნევი ჩანდა.

— შენ მართალი ხარ, ინფადუს, — თქვა მან, — თუალას ავგაცობით ქვეყანა შეწუხებულია. ხალხი კვნესის და დროვინავს. ამ საღმოს სხვებთან ერთად ჩემი ძმაც დაიღუპა. შენ დიდი საქმე განგიზრახავს, მაგრამ, რაც ახლა გვითხარი, ძნელი დასაჯერებელია. ვინ არის თავდები, რომ ვიდაც თაღლითის გულისხმის არ აღვმართავთ იარაღს? დიდი საქმე-მეთქი, გეუბნებით, მაგრამ არავინ იცის, რით დამთავრდება ყოველივე ეს. ვიდრე საწადელს ვეწეოდეთ, სისხლის ზღვა დადგება. ბოლოს და ბოლოს არც თუალას დატოვებენ მარტო ამ ბრძოლაში, მასაც მრავლად ეყოლება ერთგული ხალხი, რადგან ადამიანები თაყვანს სცემენ მზეს, ცაზე რომ ანათებს და არა იმას, რომელიც ჯერ არ ამოსულა. ვარსკვლავეთის თეთრი ადამიანები დიდი მისნები და ჯადოქრები არიან. ისინი მფარველობენ იგნოზის. თუ იგი მართლა ჩვენი ქვეყნის კანონიერი მეფეა, თეთრკანიანებმა მოახდინონ რაღაც სასწაული, ისეთი სასწაული, რომ ყველა ჩვენგანს შეეძლოს მისი დანახვა და ხალხი გულდაჯერებული გამოგვყვება უკან, დარწმუნებული, რომ თეთრების ჯადოქრობის წყალობით გავიმარჯვებო.

— კი მაგრამ, თქვენ აკი ნახეთ წმინდა გველის ნიშანი! — ჩავურთე სიტყვა.

— ეს საკმარისი არ არის, ჩემო მპრძანებელო, შეიძლება წმინდა გველის გამოსახულება დაბადებიდან კარგა ხნის შემდეგ დაუხატეს ტანზე. მოახდინეთ სასწაული, წინააღმდეგ შემთხვევაში თითს თითზე არ დავაკარებო.

დანარჩენმა ბეჭდადებმა იგივე, ან თითქმის იგივე გაიმურეს. მე საგონებელში ჩავვარდი. ბოლოს სერ ჰენრისა და გუდს მიკუბრუნდი და საქმის ვითარება ავუხესენი.

— ვიცი, ვიცი, როგორც უნდა მოვიქცეო! — წამოიძახა გუდმა და სახე სიხარულით გაუბრწყინდა, — მხოლოდ უთხარით, რამდენიმე წუთი მოგვცენ მოსაფიქრებლად.

მე გუდის სიტყვები მხედართმთავრებს გადავუთარგმნე და ისინი ქოხიდან გავიდნენ. გუდი კი მივარდა წამლების პატარა ყუთს, გახსნა და თავისი უბის წიგნაკი ამოიღო. წიგნაკის თავფურცლებზე კალენდარი იყო.

— მისმინეთ, მეგობრებო, — გვითხრა გუდმა, — ხვალ ოთხი ივნისია, არა? — ჩვენ, საერთოდ, ზუსტად ვანგარიშობდით დღეებს, — გრინვიჩის დროით, საღამოს რვა საათსა და თხუთმეტ წუთზე დაიწყება მთვარის სრული დაბნელება. იგი კარგად გამოჩნდება ტენერიფედან, სამხრეთ აფრიკაში... მერე სხვა ქვეყნებშიც, მაგრამ ეს ჩვენ არ გვაინტერესებს, ესეც თქვენი სასწაული ქურტემენ, უთხარით ბეჭდადებს, რომ ხვალ საღამოს მთვარეს ჩავაქრობთ.

ეს ბრწყინვალე აზრი იყო, მაგრამ ჩვენ მაინც ცოტათი უყოფმანობდით. ხომ შეიძლებოდა, გუდის კალენდარი მთლად ზუსტი არ გამომდგარიყო. წინასწარმეტყველება რომ არ ამხდარიყო, ჩვენი პრესტიჟი სამუდამოდ დაეცემოდა და იგნოზი მამის ტახტს უნდა გამოთხოვებოდა.

— იქნებ თქვენი კალენდარი სწორი არ არის? — ჰეითხა სერ ჰენრიმ გუდს, რომელსაც ამ დროს დიდი გულმოდგინებით გამოჟყავდა რაღაც ციფრები თავისი უბის წიგნაკის ფურცლებზე.

— არავითარი საფუძველი არა გვაქს, ასე ვიფიქროთ, — მიუგო გუდმა, — დაბნელება მუდამ ზუსტად ემთხვევა გამოთვლილ დროს. ამაში საკუთარმა გამოცდილებამ დამარწმუნა. იმ ცნობაში კი, წედან რომ წაგიკითხეთ, ხაზგასმითაა აღიმზული, დაბნელება სამხრეთ აფრიკიდან გამოჩნდებაო. ახლა

მე მხოლოდ მიახლოებით გამოვიანგარიშე, რადგან ჩვენი ადგილსამყოფელი ზუსტად არ ვიციო, მაგრამ ჩემი გამოთვლით, დაბნელება ხვალ დაახლოებით საღამოს ათი საათისთვის დაიწყება და პირველის ნახევრამდე გასტანს. ასე რომ, თითქმის საათნახევრის განმავლობაში აქ სრული სიბრძე იქნება.

— მეტი რა გზა გვაქვს, — თქვა სერ პენრიმ, — უნდა გავგედოთ და ეგ არის.

მე თავი დავუქნიე, თუმცა გულში ძალზე ვეჭვობდი, აქედან რამე გამოსულიყო. დაბნელებაზე იმედის დამყარება საკმაოდ სახიფათოდ მიმაჩნდა. ერთიც ვთქვათ, ცა ღრუბლებით იყოს დაფარული და მთვარე, საერთოდ, ცაზე არც კი გამოჩნდეს, მაშინ რადას ვაპირებთ-მეთქი, ვფიქრობდი.

ამ ფიქრით გულდამიმებულმა ამბობა ბელადების დასაძახებლად გავგზავნე. ისინი იმწამსვე შემოვიდნენ ქოხში.

— კუკუანელთა ქვეყნის ბელადნო და შენც, ინფადუს, მისმინეთ! — მივმართე მათ. — ჩვენ არ გვიყვარს ტრაბახი ჩვენს ძლიერებაზე, რადგან ეს ნიშნავს, დავარღვიოთ ბუნების კანონები და ქვეყანა განსაცდელისა და შემის წინაშე დავაყენოთ. მაგრამ რაკი დიდ საქმეს მოვკიდეთ ხელი, და რაკი გაგულამ ჩვენი მეგობრის, იგნოზის მოკვლა დააპირა და თუალამაც საზარელი ხოცვა-ულებით ჩვენი რისხეა დაიმსახურა, გადავწყვიტეთ, მოგახდინოთ სასწაული და მოგცეთ ხალხისთვის უტყუარი, თვალმოსახვედრი ნიშანი. აბა აქეთ მოდექით, — ვუთხარი ბელადებს, ქოხის კარი გამოვალე და ჩამავალი მთვარისკენ გავიწვდინე ხელი. — რას ხედავთ იქ?

— მომაკვდავ მთვარეს, — მიპასუხა ერთმა მათგანმა, რომელსაც, როგორც ეტყობოდა, დავალებული ჰქონდა ჩვენთან მოლაპარაკება გაემართა.

— მართალი ხარ. ახლა მითხარი, შეუძლია თუ არა ადამიანს ჩააქროს მთვარე, სანამ იგი თავისი ნებით ჩავიდოდეს, ჩააქროს და დედამიწას დამის შავი საბურველი გადააფაროს?

ბელადებმა ხმადაბლა გაიცინეს:

— არა, მბრძანებელო, ამას ძეხორციელი ვერ შეძლებს. მთვარე ადამიანზე ძლიერია. ადამიანს შეუძლია მხოლოდ უცქიროს მას, არავის ძალუმს დაარღვიოს დიდებული მნათობის ზეციური გზა და გეზი.

— შენ ასე ფიქრობ, მე კი გეუბნები, რომ ხვალ შუალამებდე ჩვენი ჯადოქრობის წყალობით, მთვარე ცის ტატნობიდან გაქრება და მიწას წყვდიადი მოიცავს. ამით მიგანიშნებთ, რომ იგნოზი კუკუანელთა ქვეყნის ნამდვილ მეფედ მიგაჩნია. ერწმუნებით ჩვენს ნიშანს?

— დიახ, ჩემო მბრძანებელო, — დიმილით მითხრა მოხუცმა ბელადმა, დანარჩენებმაც გაიღიმეს და დაგვიდასტურეს, ვერწმუნებითო.

— თუკი ასეა, ჩვენ სამნი: ინკუბუ, ბუგანი და მაგუმაზანი გიცხადებთ, რომ ხვალ საღამოს შუალამებდე ორი საათით ადრე მთვარეს ჩავაქრობთ, ხომ გესმის, ინფადუს?

— მექმის, ჩემო მბრძანებელო, შენ აპირებ ჩააქრო მთვარე, დედა ჩვენი ქვეყნისა და ისიც მაშინ, როცა გავხებულია და მის სხივებს კაშკაში გაუდის. მაგრამ რასაც ამბობ, საოცარზე საოცარია.

— მიუხედავად ამისა, ჩვენ მას ჩავაქრობთ, ინფადუს.

— კარგი, მბრძანებელო, დღეს მზის ჩასვლის შემდეგ თუალა გაახლებთ ხალხს და ქალწულების ცეკვაზე მოგიწვევთ. ის ასული, რომელსაც თუალა ლამაზთა შორის ულამაზესად მიიჩნევს, ცეკვის დაწყებიდან ერთი საათის შემდეგ უფლისწულმა სკრაგამ უნდა მოკლას. იგი მსხვერპლად უნდა შეეწიროს დაყურსებულებს, აგერ აი იმ მთებს რომ დარაჯობენ, — თქვა და ხელი სამი ჩამოფხავებული მთისაკენ გაიწვდინა. იქ, როგორც უკვე გვითხრეს, ხოლომონ

მეფის დიდი გზა მთავრდებოდა. — დიახ, ჩემმა მბრძანებლებმა ჩააქრონ მთვარე და გადაარჩინონ ის საბრალო ქალწული, მაშინ ჩვენი ხალხი იწამებს თქვენს ძალას.

— დიახ, — კვერი დაუკრა მოხუცმა ბელადმა, რომელიც ჯერ კიდევ იდიმებოდა, — მაშინ ხალხი თქვენს ძლიერებაში დარწმუნდება.

— ლუუდან ორიოდე მილის დაშორებით არის პატარა გორაკი, რომელიც მოყვანილობით ახალ მთვარეს წააგავს, — განაგრძო ინფადუსმა. — იქ გამაგრებულია ჩემი პოლკი და კიდევ სამი სხვა, რომელთაც ეს ბელადები მეთავრობენ. თუ მბრძანებლები მართლა ჩააქრობენ მთვარეს, მე პნელში ხელს ჩავიყიდებ მათ, ლუუდან გავიყვან და იმ გორაკამდე მივაცილებ. იქ გულმჶვიდად ვიქნებით და თუალასაც იქიდან შემოვუტევთ.

— ძალიან კარგი, — ვუპასუხე, — ახლა კი წადით, გვინდა ცოტა დავისვენოთ და მისხობისთვის ყველაფერი მოვამზადოთ.

ინფადუსი წამოდგა, დაგვემჶვიდობა და ბელადების თანხლებით ქოხიდან გავიდა.

— ჩემო მეგობრებო, — გვითხრა იგნოზიმ, როგორც კი ისინი კარს გასცდნენ. — ნუთუ მართლა შეგიძლიათ ჩააქროთ მთვარე, თუ ამ ხალხს ტყეული უთხარით?

— ჩვენ ვფიქრობთ, შეგვიძლია, ამბოპა, უკაცრავად, იგნოზი-მეთქი, უნდა მეთქა.

— საკვირველია, — თქვა ამბოპამ, — თქვენ რომ ინგლისელები არ იყოთ, ამას არ დავიჯერებდი, მაგრამ ინგლისელები ჯენტლმენები არიან და ზედმეტი ლაპარაკი არ უყვართ. თუ ამ ბრძოლებს გადავურჩით, თქვენს ამაგს არ დავიგიწყებ.

— იგნოზი, — უთხრა სერ პენრიმ, — ერთი რამ უნდა ამისრულო.

— მითხარი, რა გნებავს, ჩემო მეგობარო ინკუბუ, — შეაგება ჩვენმა ყოფილმა მსახურმა და გაიღიმა. — რა გინდოდა გეთხოვა?

— აი, რა, თუ მართლა კუპუანელთა მეფე გახდი, აკრძალე მისნების დევნა, ტყეულუბრალოდ ხალხს ნუ დასჯი.

მე ვუთარგმნე ეს სიტყვები იგნოზის. იგი წუთით დაფიქრდა და შემდეგ თქვა:

— შავკანიანების კანონ-სამართლი თეთრი ადამიანების კანონებისაგან განსხვავდება, ინკუბუ! ჩვენ მაინცდამაინც ძვირად არ გვიღირს სიცოცხლე. მაგრამ მიუხედავად ამისა, პირობას გაძლევ, თუ ძალა მევო და მისნებზე მონადირე ქალები დავიმორჩილე, მისნების დევნას მოვსპობ და გაუსამართლებლად არც ერთ ადამიანს არ მოვკლავ.

— მჯერა შენი სიტყვა, იგნოზი, ახლა კი, რაკი ეს საკითხი მოვაგვარეთ, მოდით, ცოტა დავისვენოთ, — თქვა სერ პენრიმ.

ჩვენ საშინლად დაქანცულები ვიყავით, მაშინვე მაგრად ჩაგვეძინა და დილის თორმეტ საათამდე ფეხი არ გაგვინძრევია. თორმეტ საათზე იგნოზიმ გაგვაღვიძა. წამოვდექით, ხელ-პირი დავიბანეთ, კარგად ვისაუზმეთ და სასეირნოდ წავედით. სეირნობისას ცნობისწადილით ვათვალიერებდით კუპუანელთა ნაგებობებს და დიდი ინტერესით ვაკვირდებოდით, როგორ ცხოვრობდნენ, ან რას აკეთებდნენ ქალები.

— იმედი მაქვს, მოვარის დაბნელება მაინც მოხდება, — თქვა სერ პენრიმ, როცა შინ ვბრუნდებოდით.

— ეგ რომ არ მოხდეს, განწირულები ვართ, — კუშტიად მიგუგე მე, — თავი მოჭერით, თუ ამ ბელადებში ვინმეგ მაინც არ მიუტანოს მეფეს ამბავი. თუალა ისეთ „დაბნელებას“ გვიჩვენებს, ჯერ რომ არ მოგვლანდებია.

შინ რომ დავტრუნდით, ვისადილეთ და საღამომდე დარჩენილი დრო სტუმრების მიღება-გასტუმრებას მოვანდომეთ. ზოგი ოფიციალურად მოდიოდა ჩვენ სანახავად, ზოგი კი ისე, უბრალოდ, ცნობისწადილის დასაკმაყოფილებლად.

ბოლოს მზე ჩავიდა. მარტონი დავრჩით და ორი საათი დასვენებას მოვანდომეთ, რამდენადაც ჩვენი შავი ფიქრები და ამდვრეული გუნება-განწყობილება ამის საშუალებას გვაძლევდა. ცხრის ნახევარზე თუალამ მაცნე გვაახლა და ყოველწლიურ ტრადიციულ დღესასწაულზე — ქალწულთა ცეკვაზე მიგვიწვია. ცეკვები მალე უნდა დაწყებულიყო.

ჩვენ აჩქარებით გადავიცვით მეფის ბოძებული ჯაჭვის პერანგები, წავიდეთ იარაღი და ტყვები იმ შემთხვევისათვის, თუ მართლა გაქცევა მოგვიხდებოდა და საქმაოდ მხნე ნაბიჯებით გავემართეთ მეფის კრაალისაკენ, თუმცა გულში შიშით ვცახცახებდით. მეფის ქოხის წინ მოედანი გადასხვაფერებული გვეჩვენა, მჭიდრო რაზმებად ჩამწკრივებული მეომრების ნაცვლად აქ ახლა ნორჩი ქალწულები დაგვხვდნენ. უნდა მოგახსენოთ, რომ ყველანი შიშველ-ტიტველნი იყვნენ, თაგზე ყოველ მათგანს ყვაილების გვირგვინი ედგა, ცალ ხელში პალმის ტოტი ჰქირათ, მეორეში კი — თეთრი შროშანი.

მოედნის შუაგულში მოვარით გაკაშგაშებულ გაშლილ ადგილას თვით მეფე თუალა წამოჭიმულიყო. ფერხთით გაგულა ეჯდა, მის უკან სკრაბა, ინფადუსი და თორმეტი მცველი. აქვე იყო ოციოდე ბელადი, რომელთა შორის ვიცანი ჩვენი მეგობრებიც, დამით ინფადუსმა ჩვენს ქოხში რომ მოიყვანა.

თუალა გულობილად მოგვესალმა, კაცს ეგონებოდა, ჩვენი მოსვლა ძალიან გაეხარდაო, მაგრამ შევამჩნიე, რომ ერთადერთი თვალი ავად მიაშტერა ამბოპას.

— სალამი, ვარსკვლავეთის შვილნო! — გვითხრა მან, — დღეს თქვენ სულ სხვა სანახაობა გელით. მეტად განსხვავებული იმისგან, რაც თქვენმა თვალებმა გუშინდელი მოვარის შუქზე იხილა. ქალწულების ჭვრეტა თვალს ატაბობს და რომ ესენი არა, — აქ თუალამ ირგვლივ მოატარა გაწვდილი ხელი, — დღეს არც ჩვენ ვიქნებოდით აქ. მაგრამ მამაკაცების ცქერა უფრო სასიამოვნოა. ტკბილია ქალის ხვევნა-ალერსი, მაგრამ შების წკრიალი და ადამიანის სისხლის სუნი უფრო დამატებობელია. ხომ არ გნებავთ, ჩვენი ქალები ცოლად შეირთოთ, თეთრო ადამიანებო? თუ ასეა, აირჩიუთ ყველაზე ლამაზები, აირჩიეთ, რამდენიც გნებავთ, უარს არავინ გაეტყვით.

თქვა და პასუხის მოლოდინში დადუმდა.

ეს წინადაღება, რასაკვირველია, სახარბიელო იქნებოდა გუდისათვის, რადგან მას, როგორც საერთოდ მეზღვაურთა უმრავლესობას, ძალიან უყვარს ქალები. მე კი, როგორც ხანდაზმული და გამოცდილი კაცი, წინასწარ ვგრძნობდი, რომ ყველაფერი ეს უამრავ გართულებას და უსიამოვნებას გამოიწვევდა, რაც, სამწუხაროდ, მუდამ დაკავშირებულია ქალებთან.

— მადლობელი გართ, პო, მეფეო, — სასწრაფოდ შეგაბეგ მე, — მაგრამ თეთრკანიანები მხოლოდ მათივე მსგავს თეთრკანიან ქალებს თხოულობენ. თქვენი ქალწულნი თუმცა თვალწარმტაცნი არიან, მაგრამ ჩვენთვის არ არიან გაჩენილნი.

მეფემ გაიცინა.

— ძალიან კარგი, — თქვა მან, — იყოს ნება თქვენი, თუმცა ჩვენს ქვეყანაში ამბობენ: რა ფერის კანიც არ უნდა ჰქონდეს ქალს, თვალები მუდამ ეშნით

უელაგსო. იმასაც იტყვიან ხოლმე, გიყვარდეს ის, ვინც გვერდით გყავს, რადგან ის, ვინც შორს არის, უეჭველად შენი ორგული და მოღალატე იქნებაო. მაგრამ შეიძლება თქვენთან, ვარსკვლავებზე, ეს ასე არ ხდება. იქ, სადაც ადამიანებს თეთრი კანი აქვთ, უვალაფერი მოსალოდნელია. იყოს-მეთქი ნება თქვენი, თეთრკანიანებო. ჩვენი ქალწულები ხვეწნა-მუდარას არ დაგიწყებენ, ცოლად გვითხოვთო. ერთხელ კიდევ მოგესალმებით ყველას და მათთან ერთად შენც, შავკანიანო. გაგულას გუშინ თავისი რომ გაეტანა, ახლა უკვე მკვდარი და გაშეშებული ეგდებოდი სადმე. ბედი შენი, რომ ვარსკვლავეთიდან ჩამოხვედი, ჰა, ჰა!

— პოი, მეფეო, შენ ჩემზე ადრე გაგაშეშებს სიკვდილი, მზეს დაგიბნელებზე, თუ იფიქრე, ჩემზე ხელი აღმართო.

თუალა შეკრთა.

— გაბედულად ლაპარაკობ, ჭაბუქო, — გაბრაზებით თქვა მან, — მიფრთხილდი-მეთქი, შორს ნუ შესტოპავ!

— მართლის მთქმელს შეუძლია გაბედული იყოს, სიმართლე და ჭეშმარიტება მჭრელი დაშნაა და იგი მიზანს არასოდეს ასცდება; ყურად იღე გარსკვლავეთის შეილთა გაფრთხილება, პოი, მეფეო!

თუალამ მრისხანედ შეჟყარა წარბები და ამბოპას გააფორებით გადახედა, მაგრამ თქმით არაფერი უთქვამს.

— დაიწყეთ ცეკვები! — ბრძანა მან.

მოედნის შუაგულში იმწამსვე გამოცეივდნენ ყვავილწნულებით მორთული მოცეკვავე ქალები. ისინი მელოდიურად მდეროდნენ და მოვარის სევდიან, ნაზ შექზე სხვა სამყაროდან ჩამოხულ უსისხლხორცო, პაეროვან არსებებს წააგავდნენ. ნარნარად არხევდნენ ტანს, ხან ნელა, ხან კი თავბრუდამხვევი სისწრაფით ტრიალებდნენ, წუთით გვიახლოვდებოდნენ, მერე გვშორდებოდნენ და სხვა მხარეს მიქროდნენ. ყოველი მათი მოძრაობა მაყურებელთა აღტაცებას იწვევდა. უეცრად ცეკვა შეწყდა, მოცეკვავეთა ჯგუფს გამოეყო ძალზე ლამაზი ახალგაზრდა ქალი. იგი ჩვენ წინ დადგა და მომხიბვლელად, ნარნარად დაიწყო ცეკვა. კარგა ხნის შემდეგ დადლილ-დაქანცული უკან გაბრუნდა, იგი მეორე მოცეკვავემ შეცვალა. ქალწულები რიგ-რიგობით გამოდიოდნენ საცეკვაოდ, მაგრამ ვერც ერთი მათგანი ვერ შეედრებოდა პირველ მოცეკვავეს ვერც სიტურფე-სინარნარით და ვერც ცეკვით.

როცა ლამაზმანებმა ცეკვა დაასრულეს, თუალამ ხელი ასწია და გვითხრა:

— რომელია ამ ქალწულთა შორის ულამაზესი, თეთრო ადამიანებო?

— რასაკვირველია, პირველი, — უნებლიერ აღმომხდა მე, მაგრამ მაშინვე ენაზე ვიკბინე, — გამახსენდა ინფადუსის ნათქვამი: ყველაზე ლამაზ ქალწულს დაყურსებულებს მსხვერპლად შესწირავენ.

— მართალი ხარ, შენი აზრი — ჩემი აზრია, ჩემი თვალები, შენი თვალებია, გეთანხმები, ის ყველაზე ლამაზია, მაგრამ, მიუხედავად ამისა, უნდა მოკვდეს.

— დიახ, უნდა მოკვდეს, — ეხოსავით ამოიქნავლა გაგულამ და ქორივით გადახედა საბრალო მსხვერპლს. ქალმა არ იცოდა, რა საშინელება ელოდა, ჩვენგან ათიოდე იარდის დაშორებით ტოლ-მეგობრებში ჩამდგარიყო და გვირგვინს ნერვულად აწყვეტდა ყვავილებს.

— რატომ, რატომ უნდა მოკვდეს, პოი, მეფეო? — წამოვიძახე მე, თან გულისწყრომას ძლიერ ვიოკებდი, — მაგ გოგონამ ისე მშვენივრად იცეკვა და იმდენი სიამოვნება მოგვანიჭა! შეხედე რა ლამაზია, რა დაგიშავა, რისთვის უნდა მოუსწრაფო სიცოცხლე ასე შეუბრალებლად?

თუალამ გაიცინა.

— ასეთია ჩვენი წესი. ქვის ქანდაკებებმა, იქ რომ სხედან, — თქვა და ხელი სამი მწვერვალისაკენ გაიწვდინა, — უნდა მიიღონ კუთვნილი. დღეს ყველაზე ლამაზი ქალწული რომ არ მოვკლა, მეც და მოვლ ჩემს საგვარეულოს უბედურება დაგვატყდება თავს. აი, რას ამბობს ხალხი: „ოჟ ცეკვებისთვის დათქმულ დღეს მეფე მსხვერპლად არ შესწირავს ულამაზეს ქალწულს სამ დაყურსებულს, მთებში გუშაგად რომ დგას, მაშინ ისიც მოკვდება და სამეფო სახლიც დაიშლება. მისმინეთ, რას გეტყვით, თეთრო ადამიანებო: ჩემი ძმა, რომელიც ჩემთვე ადრე მართავდა ქვეყანას, უარს ამბობდა მსხვერპლის შეწირვაზე, რადგან ქალის ცრემლს ვერ იტანდა. პოდა, თვითონ მოკვდა, მისი სამეფო სახლი დაეცა და, როგორც ხედავთ, ახლა ქვეყანას მის ნაცვლად მე განვაგებ. მაგრამ კმარა, — უცებ შეჭყვირა მან, — ეს ქალი უნდა მოკვდეს, მოიყვანეთ აქ! — უბრძანა მან მცველებს, — შენ კი, სკრაგა, შები მოამზადე!

ორი მამაკაცი წინ წამოდგა და ქალწულისკენ გაემართა. საბრალო მაშინდა მიხვდა, რაც ელოდა. ხმამაღლა შეჭყვირა, გაქცევა დააპირა, მაგრამ მცველებმა მაგრად ჩასჭიდეს ხელი და ჩვენთან მოიყვანეს, თუმცა იგი ტიროდა და უძალიანდებოდა.

— რა გეგია, ასულო? — დაიწრიპინა გაგულამ, — პასუხსაც არ იძლევი? თუ გნებავს, უფლისწულმა ახლავე მოგალას?

ამ სიტყვების გაგონებაზე სკრაგამ ბოროტად ჩაიცინა, ერთი ნაბიჯით წინ წაიწია და შები ადმართა. გუდმა უნებლიერ რევოლუციურზე გაივლო ხელი. თუმცა ქალწულს თვალები ცრემლებით პქონდა სავსე, მაინც არ გამოჰქარვია ფოლადის მკრთალი ციმციმი. ახლა იგი უკვე ადარ უძალიანდებოდა მცველებს, ერთ ადგილას გაშეშებულიყო და ციებიანივით ცახცახებდა.

— შეხედეთ, ამ პატარა სათამაშოს დანახვაზე როგორ აცახცახდა! — ადტაცებით შეჭყვირა სკრაგამ და შები ხელში შეათამაშა.

ამ დროს მომესმა გუდის ბუტბუტი:

— როგორც კი შემთხვევა მომეცემა, ასკეცად გაზღვევინებ ყველაფერს, შე არამზადავ, გარეწარო!

— პოდა, ახლა რაკი დამშვიდდი, შენი სახელიც გვითხარი, ჩემი კარგო, — მზაკრული დიმილით ეუბნებოდა გაგულა ქალწულს, — პო, თქვი, ნუ გეშინია.

— ოჟ, დედილო, — მოგუდული ხმით თქვა საბრალომ, — მე სუკოს სახლიდან ვარ. ფულატა მქვია. მითხარი, რისოვის უნდა მოკვდე, მე ხომ არაფერი დამიშვებია!

— დამშვიდდი, — ღვარძლიანი დიმილით განაგრძო დედაბერმა, — შენ უნდა მსხვერპლად შეეწირო დაყურსებულებს, იქ, მთებში რომ სხედან. დიახ, უნდა მოკვდე! დღედაღამ შრომასა და ოფლის ღვრას განა არ გიჯობს საუკუნო ძილით განისვენო? დამიჯერე, სიკვდილი სიცოცხლეზე სანატრელია. გარდა ამისა, შენ თვით მეფისწულის ხელით მოკვდები.

ფულატა ტიროდა და სასოწარკვეთილი ხელებს იმტკრევდა.

— ოჟ, შეუბრალებლებო, მე ხომ ასე ახალგაზრდა ვარ, რატომ უნდა მოკვდე? ნუთუ ვეღარასოდეს ვიხილავ, როგორ ფანტავს მზის სხივები წყვდიადს, ან როგორ ინთება ვარსკვლავები ცის ტატნობზე? ვეღარ მოვისმენ ნაკადულის ლიკლიკს. ვაი მე უბედურს, ვეღარ ვნახავ ჩვენს ქოხს, ვეღარ ვიგრძნობ დედის ალერსს, ვეღარ მოვუკლი ჩემს დაგარდნილ ბეკებას, ვაიმე და ვაგლას მე! სატრფო ვეღარ შემომხვევს წელზე ხელს, ვერ ჩამხედავს თვალებში. ვერასოდეს გავხდები დედა მეომრისა. ოჟ, ულმობელნო! შეუბრალებელნო!

ფულატა კვლავ მოჰყვა ხელების მტგრევას და ცრემლით დალტობილი სახე ცისკენ ადაპყრო.

ოპ, რა საოცრად ლამაზი მეჩვენა ეს საბრალო განწირული გოგონა. დარწმუნებული ვარ, ამ სამ დემონზე ოდნავ უფრო გულმოწყალე ადამიანი უსათუოდ შეიძრალებდა მას.

მე ვფიქრობ, პრინცი არტური ისევე გულმხურვალედ შესთხოვდა პატიებას არამზადებს, რომელთაც მისი დაბრმავება ეწადათ, როგორც ეს ველური გოგონა ავედრებდა თავის სიცოცხლეს ამ ჯალათებს.

მაგრამ საბრალო ქალის ხვეწნა-მუდარას არავითარი გავლენა არ მოუხდენია არც გაგულაზე და არც მის გულშავ ბატონზე, თუმცა სარდლებისა და მცველთა სახეებზე სიბრალულის მსგავსი რაღაც ამოვიკითხე. გუდი კბილებს აკრაჭუნებდა, ძლივს იოკებდა გულისწყრომას, ბოლოს ვედარ მოითმინა და წამოხტა. ფულატა ქალებისათვის ჩვეული გამჭრიახობით მიხვდა, რაც ხდებოდა ამ კაცის გულში, გუდის წინ მუხლებზე დაეცა და „მშვენიერ თეორ ფეხებზე“ მოეხვია.

— ოპ, შორეული ვარსკვლავეთიდან მოსულო თეორო ადამიანო, გადამაფარე შენი მფარველი კალთა, მიხსენი ამ მტარვალთაგან.

— კარგი, ჩემო ძვირფასო, შენს თავს არავის დავაჩაგვრინებ, ადექი, ადექი და დამშვიდდი, — აღელვებით უთხრა გუდმა ინგლისურად, თან დაიხარა და ხელში ხელი ჩაავლო.

თუალამ უკან მიიხედა, ამ ნიშანზე სკრაგა შუბშემართული წამოდგა წინ.

— რაღას უცდით, დროა დავიწყოთ, — ჩამჩურჩულა სერ პენრიმ.

— დაბნელებას ველოდები, — ვუპასუხე მე, — ნახევარი საათია თვალს არ ვაცილებ მთვარეს, ჩემს ცხოვრებაში არ მასხოვს, ასე ეკაშკაშოს.

— სულ ერთია, უნდა გავხედოთ, ახლავე, დაუყოვნებლივ, თორემ ამ გოგოს მოკლავენ, თუალას მოთმინება ეკარგება.

არ შემეძლო არ დავთანხმებოდი სერ პენრის, მაგრამ ვიდრე მოქმედებას დავიწყებდი, ერთხელ კიდევ ავხედე კაშკაშა მთვარეს, მერე წინ წავიწიე და მიწაზე განრთხმულ ქალსა და სკრაგას შემართულ შუბს შორის გამარჯვებული იერით ჩავდექი.

— მეფეო, — წარმოვთქვი, — ეს არ მოხდება, უფლებას არ მოგცემთ, ეს ქალწული მოკლა! გაათავისუფლე, დავ, წავიდეს თავისი გზით.

თუალა გააფორებული წამოხტა. სარდლებს შორის გაოცების ჩურჩული გაისმა. ჩურჩული გაჰყვა ქალწულთა მჭიდრო რიგებს, გაუბედავი მოკრძალებით რომ გეერტყმოდნენ გარს და ძრწოლვით ელოდნენ ამ საზარელი ტრაგედიის დასასრულს.

— ეს არ მოხდებაო! თეორკანიანო ძაღლო, როგორ ბედავ შეჰყეფო ლომს მის საგუთარ ბუნაგში? მაშ, არ მოხდება, პა? იქნებ შეიშალე? უფრთხილდი, შენც ამ ქალის ბედი არ გეწიოს, შენც და იმათაც, შენთან ერთად რომ მოეხეტნენ აქ. გგონია, ძალა შეგწევს გადაარჩინო ეგ ქალიცა და შენი ტყავიც? ვინა ბრძანდები, წინააღმდეგობას რომ მიბედავ? ჩამომეცალე გზიდან, ჩამომეცალე-მეთქი, გუბნები. სკრაგა, მოჰკალ შენი მსხვერპლი! პეი, მცველებო, შებოჭეთ ეს ხალხი!

ქოხის უკან მიმალული რამდენიმე მეომარი სწრაფად გამოქანდა ჩვენგნ, ეტყობოდა, ისინი წინასწარ მოეყვანათ აქ.

სერ პენრი, გუდი და ამბოპა გვერდში ამომიდგნენ და თოფები მოამზადეს.

— შეჩერდით, — მრისხანედ შევყვირე მე, თუმცა სიმართლე რომ ვთქა, შიშით სული აღარ მედგა. — შეჩერდით-მეთქი! ჩვენ, ვარსკვლავეთიდან მოსული ადამიანები, კიდევ ვიმეორებთ, რომ ეს არ მოხდება! ამიერიდან ამ ქალწულს ჩვენ ვუწევთ მფარველობას. იცოდეთ, ერთი ნაბიჯიც რომ წამოდგათ წინ,

მთვარეს ჩავაქრობთ და დედამიწას ბნელით შევმოსავთ. აბა, გაბედეთ ურჩობა, ნახავთ, თუ სანანებლად არ გაგიხდით საქმეს.

ჩემმა მუქარამ გასჭრა. მცველებმა უკან დაიხიეს, სკრაგა კი შუბშემართული გაშეშდა.

— ერთი უსმინეთ ამ ცრუპენტელას, სანოელივით უპირებს მთვარეს ჩაქრობას! — წამოიკავლა გაგულამ, — აბა ჩაქროს, ჩაქროს და მაშინ შეიძლება შევიწყალოთ ეგ ქალწული, დიახ, დიახ, ან ჩაქროს ან მოკვდეს, მოკვდეს მის მეგობრებთან ერთად.

სასოწარკვეთილმა მაღლა ავიხედე. პოი, ბედნიერებავ! უზარმაზარი კაშკაშა დისკოს კიდეზე მსუბუქი რამ ჩრდილი დავინახე, მთვარის ზედაპირიც ოდნავ მქრქალი მეჩვენა. მაშ გუდის კალენდარმა არ გვიმტყუნა. ჩემს სიხარულს საზღვარი არ ჰქონდა.

მე ერთი ყოფით აღვაპყარი ხელები ცისკენ და ინგოლძბის ლეგენდებიდან რამდენიმე სტროფი წარმოვთქვი. სერ პენრიმ და გუდმაც მომბაძეს. სერ პენრიმ ხმამაღლა და დამაჯერებლად თქა რამდენიმე სტროფი ძველი აღთქმიდან, გუდი კი დამის მეუფეს უსასრულო ლანძღვა-გინებით გაუმასპინძლდა.

მთვარის კაშკაშა ზედაპირს ნელ-ნელა გადაეფარა ჩრდილი. ხალხში გაოცებისა და შიშის შეძახილები გაისმა.

— შეხედე, პოი, მეფეო, — დავიყვირე მე, — უცქირე, გაგულა, უცქირეთ თქვენც, ბელადებო, მეომრებო, ქალწულებო, მითხარით, შეგასრულეთ თუ არა ჩვენი სიტყვა? მთვარე თვალდათვალ ქრება. მალე წყვდიადი ჩამოწვება, დიახ, წყვდიადი ჩამოწვება და მერე როდის? როცა ცაზე სავსე მთვარე კაშკაშებს. თქვენ სასწაულს მოითხოვდით, აკა, სასწაულიც! დაივსე და დანელდი, მთვარევ! ჩაქრე შენი შუქი ზეციერო მნათობო, ქედი მოახრევინე ამაყ კუპუანელებს, უძუნი მოპფინე ქვეყანას!

ხალხმა გულშემზარავად შეკლრიალა. ზოგი ზარდაცემული იქვე გაშეშდა, ზოგი ხმამაღლი მოთქმა-გოდებით დაეცა მიწაზე, თუალა შიშისაგან გაქვავდა, ენა ვედარ დაძრა, მიუხედავად მისი შავი კანისა, შევამჩნიე, რომ სახეზე მკვდრის ფერი დაედო. მხოლოდ გაგულა იყო მშვიდად.

— ჩრდილი გადაივლის! — გაჲკიოდა იგი, — ნუ გეშინიათ, ჩემს ცხოვრებაში ასეთი რამ ბევრჯერ მინახავს. ადამიანს არ ძალუბს მთვარის ჩაქრობა. არ შეშინდეთ, სულით ნუ დაეცემით, ეს გაივლის, გაივლის-მეთქი, გეუბნებით!

— ჯერ სადა ბრძანდებით, მოიცაო, კიდევ ბევრს ნახავთ, — გავყვიროდი პასუხად და აღელვებული ერთ ადგილზე ვხტოდი, — „ოკ, მთვარევ, მთვარევ, რამ გშობა ეგზომ ცივი და მერყევი“, — განვაგრძე ისევ, ეს შესანიშნავი, სწორედ შესაფერისი სიტყვები ვისესხე ერთი ძალზე პოპულარული რომანიდან, შემთხვევით სადღაც რომ ჩამივარდა ხელში. ახლა, როცა იმ დროს ვიგონებ, ვფიქრობ, ჩემი მხრივ ძალიან დიდი უმაღურობა იყო, ცის მეუფეს ისე რომ ვამცირებდი. იმ სადამოს მთვარემ დაგვიმტყიცა, რომ ჩვენი ერთგული მეგობარი იყო და, ბოლოს და ბოლოს, რაში მეკითხებოდა, როგორ მოიქცა რომანში ვიღაც შეუვარებულის მიმართ! ერთ- ხანს კიდევ გავყვიროდი ასე, მერე კაპიტანს მივუბრუნდი:

— აბა ახლა კი თქვენ უნდა განაგრძოთ, გუდ, მე აღარც ერთი ლექსი აღარ მახსოვრს, ისევ ლანძღვა-გინება უნდა მოიშველიოთ, მეგობარო!

გუდი დიდი სიამოვნებით დამეთანხმა. არასოდეს არ მეგონა, რომ საზღვაო ოფიცერს ასე ოსტატურად შეეძლო გინება, არც ის ვიცოდი აქამდე, რა უსაზღვრო იყო გუდის ნიჭი და უნარი ამ დარგში. მთელი ათი წუთის

განმავლობაში სულმოუთქმელად იგინებოდა, ამასთან, ნათქვამი ერთხელაც არ გაუმეორებია.

ამასობაში შავი ლაქა თანდათანობით გადაეფარა მოვარეს. ეს ამოდენა ხალხი სრულ მდუმარებაში მოჯადოებულივით გასცეკეროდა ცას. ვერც ერთს ვერ მოეცილებინა თვალი ამ უცნაური სანახაობისათვის. საზარელი ჩრდილები კი ნოქავდნენ მოვარის შუქს. ავისმომასწავებელი დუმილი გამეფდა, თითქოს ირგვლივ ყველაფერს სიკვდილის სუნთქვა შეხებოდეს. ამ სიჩუმეში, ამ საოცარ დუმილში დრო ნელა მიიზღაუნებოდა. ბნელი მედიდურად და შეუბრალებლად ავსებდა მოვარის კრატერებს. გეგონებოდათ, ეს უზარმაზარი მკრთალი ბურთი მიწას მიუახლოვდა და კიდევ უფრო გადიდდათ. მოვარეს სპილენძისფერი გადაეკრა. მერე მისი განათებული ნაწილიც განაცრისფრდა და ბოლოს, სრული დაბნელების წინ, დისკოს მეტამული ნისლი აცრიატდა. ნელ-ნელა მიცოცავდა წინ და წყვდიადი მატულობდა. ძლივსლა ვარჩევდით ჩვენ გვერდით გამძვინვარებულ სახეებს. ხალხი ხმას არ იღებდა. გუდმაც შეწყვიტა ლანძღვა-გინება.

— მოვარე კვდება, თეთრმა ჯადოქრებმა მოკლეს მოვარე, — უეცრად ხმამაღლა შეწყვირა სკრაგამ, — ყველანი დავიდუპებით ამ უკუნეოში!

ვერ გეტყვით, ბრაზი მოერია თუ შიშმა აიძულა; ან იქნებ, ერთიც იყო და მეორეც, სკრაგამ შუბი მოიქნია და სერ პენრის მთელი ძალით გვერდში აძგერა. საბედნიეროდ, სამივეს გვეცვა ჯაჭვის პერანგები, მეფემ რომ გვიბოძა, მაგრამ სკრაგას ეს საიდან უნდა სცოდნოდა!

შუბი ასხლტა ისე, რომ სერ პენრისთვის კანიც არ გაუკაწრავს. ვიდრე სკრაგა მეორედ აღმართავდა ხელს, კურტისმა შუბი წაგლიჯა და მკერდი შუაზე გაუპო. უფლისწული უსულოდ დაეცა ძირს.

ამის დანახვაზე ქალწულები, რომლებიც ისედაც გულგახეთქილები იყვნენ მით, რომ საზარელმა ჩრდილმა შთანთქა მოვარე და წყვდიადი გამეფდა, წივილ-კივილით გაცვივდნენ კრალის კარისკენ. მაგრამ მარტო ისინი როდი აიტანა შიშმა. მეფე თუალაც მცველებისა და რამდენიმე სარდლის თანხლებით ქოხებისკენ გაიქცა. გაგულაც არაჩეულებრივი სისწრაფით გახანხალდა მათ უკან.

წუთიც და, მოედანი დაცარიელდა. დავრჩით მხოლოდ ჩვენ სამნი, ინფადუსი, ფულატა და ბელადები, წუხელ ქოხში რომ გვესტუმრნენ. იქვე ეგდო თუალას მემკვიდრის, სკრაგას უსულო გვამიც.

— სარდლებო, — ხმამაღლა ვთქვი მე, — ჩვენ მოვახდინეთ სასწაული. თუ კმაყოფილები ხართ, დაუყოვნებლივ უნდა დაგტოვოთ ლუჟ და გავიქცეთ იმ გორაკისკენ, თქვენ რომ გვეუბნებოდით. ჩვენი ჯადო კიდევ საათსა და ნახევარს იმოქმედებს, მისი შეწყვეტა ახლა არაფრით შეგვიძლია, ვისარგებლოთ წყვდიადითა და გავიქცეთ.

— წავიდეთ, — შესხახა ინფადუსმა და კრალის კარისკენ გაემართა. მას მოკრძალებით მიჰყვნენ ბელადები და ფულატა, რომელიც გუდს ხელჩაკიდებული მოჰყავდა.

კართან მისვლაც ვერ მოგასწარით, რომ მოვარე საგსებით გაქრა. კუპრიგით ბნელ ცაზე ერთიმეორის მიყოლებით აინთო ვარსკვლავები. ჩვენ ერთმანეთს ხელი ჩავკიდეთ და ნელა, ბორძიკით მივყევით წყვდიადს.

ბ რ ძ თ ლ ი ს წ ი ნ

ჩვენდა საბედნიეროდ, ინფადუსი და სარდლები კარგად იცნობდნენ ყოველ ბილიკს. ამიტომ იყო, რომ მიუხედავად ლუსკუმი დამისა, შედარებით სწრაფიდ მივიწევდით წინ.

საათზე მეტი ვიარეთ ასე. ბოლოს მთვარის ის კიდე, რომელიც ყველაზე აღრე შთანთქა ბნელმა, ნელ-ნელა განათდა. უცებ ვერცხლისფერმა სხივმა გაკვეთა წყვდიადი და მასთან ერთად გამოჩნდა ალივით წითელი საოცარი ათინათი, რომელმაც უშუქარ ცაზე კაშკაშა ლამპარივით გაიციაგა. ეს რაღაც უჩვეულო და, ამასთან ერთად, ჭეშმარიტად დიდებული სურათი იყო. ხუთიოდე წუთის შემდეგ ვარსკვლავები გაფერმკრთალდა და იმდენად განათდა, რომ თვალი უკვე კარგად ხედავდა ყველაფერს. აღმოჩნდა, რომ ქალაქ ლუჟს გავცდენოდით და ვუახლოვდებოდით ბრტყელმწვერვალიან დიდ გორაკს. ეს გორაკი სამხრეთ აფრიკის ჩვეულებრივ წარმონაქმნეს წარმოადგენდა. მისი სიმაღლე ასე, ორასიოდე ფუტი, იქნებოდა, მაგრამ ქვა-ღორლით მოფენილი ფერდობები საკმაოდ დაქანებული ჰქონდა. გორაკი ნალისებური მოყვანილობისა იყო. ინფადუსმა ბალახით დაფარულ პლატოზე მიგვითითა და გვითხრა, აქ სამხედრო ბანაკებია განლაგებულიო. ჩვეულებრივ, თურმე იქ სამი ათასი კაცი უკენა, მაგრამ როცა ციცაბო ფერდობზე დიდი გაჭირვებით ავცოცდით, ახლად გამოჩენილ მთვარის შუქზე დავინახეთ, რომ პლატოზე რამდენიმე პოლკს მოეყარა თავი, ხალხისაგან ტევა აღარსად იყო. მეომრები შიშით ცახვახებდნენ. ბუნების უცნაურ მოვლენას ძილი გაეფრთხო მათვის, ახლა გროვა-გროვად იდგნენ და გულგახეთქილები მთვარეს შეჟურებდნენ.

უხმოდ გავიარეთ მათ შორის და მივუახლოვდით ქოხს, პლატოს ცენტრში რომ იდგა. როგორ გაგვიკვირდა, როცა დავინახეთ, რომ იქ გველოდა ორი კაცი, დატვირთული ჩვენი ბარგიბარსანით, რომელიც, რასაკვირველია, ბედის ანაბარა მივატოვეთ, როცა აქეთ გამოვრბოდით.

— თქვენი ნივთები მოვატანინე. ესეც თან წამოიდეს, — გვითხრა ინფადუსმა და გუდს დიდი ხნის წინათ დაკარგული შარვალი დაანახვა.

გუდი აღტაცებული გაქანდა მოხუცი მეომრისაკენ, შარვალი ჩამოართვა და ჩაცმას შეუდგა.

— ნუთუ ჩემს მბრძანებელს ნებავს, დაფაროს ჩვენს თვალთაგან თავისი მშვენიერი თეთრი ფეხები? — სინანულით წამოიძახა ინფადუსმა.

მაგრამ გუდი ჯიუტად განაგრძობდა ჩაცმას და „მისმა მშვენიერმა თეთრმა ფეხებმა“ უკანასკნელად გაიელვა კუკუნელების თვალთა წინაშე.

გუდი ძალზე თავმდაბალი ადამიანია. ამის შემდეგ კუკუნელები მხოლოდ მისი ცალი ბაქენბარდის, გამჭვირვალე თვალისა და მოძრავი კბილების ცქერით უნდა დაკმაყოფილებულიყვნენ.

ინფადუსი ერთხანს უსიტყვოდ შესცექეროდა გუდს, მისი მზერა ადასტურებდა, რომ ეს კაცი წარსულის ნეტარ მოგონებებში ჩაძირულიყო. მერე შარვალს თვალი მოსწყვიტა და გვითხრა, ბრძანება გავეცი, ინათებს თუ არა, პოლკები ერთად შეჟყარონ, რათა მეგობრებს შევატყობინოთ, რა მიზნით აწყობენ აჯანყებას ბელადები და ტახტის კანონიერი მემკვიდრე — იგნოზი წარვუდგინოთ.

როგორც კი მზე ამოვიდა, ოცი ათასამდე მეომარი — კუკუნელთა ჯარის საუკეთესო ნაწილი — ფართო პლატოზე შეიკრიბა და მჭიდრო რაზმებად

დაეწყო. დიდებული სანახაობა იყო. ჩვენ მათ წინ დავდექით, ირგვლივ მეთაურები და ბელადები გვერტყმოდნენ.

როცა სრული სიჩუმე ჩამოვარდა, ინფადუსმა სიტყვით მიმართა მეომრებს. როგორც ევალა წარჩინებული კუპუანელი, ბუნებით ისიც შესანიშნავი ორატორი იყო; მოქარგული ენით გააცნო შეკრებილთ იგნოზის მამის ამბავი, მოუყვა და გაახსენა ხალხს, რა მუხანათურად მოკლა იგი თუალამ, როგორ გააძევა და სასიკვდილოდ გასწირა მისი ცოლი და ვაჟიშვილი, მერე აწმეოს დაუბრუნდა; კუპუანელთა ქვეყანა თუალას უღელტეშ გმინავს და იტანჯებაო. მაგალითად დაასახელა წინა დამის შემთხვევა, როცა ხალხის საუკეთესო შვილებს დალატი დასწამეს და საზარელი სიკვდილით დახოცეს. თეორმა ადამიანებმა ვარსკვლავეთიდან დაინახეს, რა ყოფაში იყო ხალხი, გაწირეს თავი და გადაწყვიტეს, ჩვენი ხვედრი შეემსუბუქებინათ. მონახეს სამშობლოდან გადახვეწილი ტახტის კანონიერი მემკვიდრე – იგნოზი, ხელი ჩაჰკიდეს და მთები გადმოატარეს. აქ საკუთარი თვალით იხილეს, რას ჩადიოდა თუალა და, რომ დაერწმუნებინათ ორჭოფი და მერყევი ხალხი და გადაერჩინათ საბრალო ფულატა, თავისი ჯადოსნობით ჩააქრეს მთვარე და მეფისწული სკრაგა მოკლეს. თეორები კუპუანელების მეგობრები არიან და სურვილი აქვთ, დაეხმარონ ხალხს, ჩამოაგდონ თუალა და ტახტზე აიყვანონ კანონიერი მემკვიდრე იგნოზი, რომელიც სამშობლოდან მუხანათურად გააძევესო.

ინფადუსმა სიტყვა დაასრულა, ირგვლივ ჩურჩული გაისმა. სწორედ ამ დროს წინ წამოდგა იგნოზი. მანაც გაიმეორა ინფადუსის ნათქვამი და თავისი მჭექარე სიტყვა შემდეგნაირად დაასრულა:

– პოი, მეთაურებო, ბელადნო, პოი, ხალხნო! თქვენ მოისმინეთ ჩემი სიტყვები, ახლა არჩევანი თქვენზე – ან მე, ან ის კაცი, ჩემს ტახტზე რომ ზის. თუალამ მოკლა ღვიძლი ძმა და გააძევა ძმისწული, რომ იგი შიმშილით სადმე ჩამკვდარიყო. თქვენი მეთაურები და ბელადები გეტვიან, მართლა მეფე ვარ თუ არა, მათ ვაჩვენე სამეფო ნიშანი – წმიდა გველის გამოსახულება. მეფე რომ არ ვიყო, განა ეს თეორი ადამიანები, რომლებიც ჯადოსნობის ეველა საიდუმლოს ფლობენ, მე მომეხმარებოდნენ? ძრწოდეთ მეთაურნო, ძრწოდეთ ბელადნო და მეომრებო, ძრწოდეთ ხალხო! განა დაგავიწყდათ, როგორ მოპფინეს წყვდიადი დედამიწას თეორმა ადამიანებმა? განა ის ბელი ჯერაც თვალწინ არ გიდგათ?

– შენ მართალი ხარ! – იგრგვინეს მეომრებმა.

– მე თქვენი მეფე ვარ, გეუბნებით, მეფე ვარ-მეთქი თქვენი! – განაგრძო იგნოზიმ, წელში გაიმართა და ფართოპირიანი საბრძოლო ნაჯახი თავს ზემოთ ჰაერში დაატრიალა. – თუ არის თქვენს შორის ადამიანი, რომელსაც არ სჯერა ეს, დამენახოს, წინ წამოდგეს, რომ მზე დაგუბნელო. მის მიერ დანოხეული მეწამული სისხლი იყოს სამხილი იმისა, რომ სიმართლეს გეუბნებით; წინ წამოდგეს-მეთქი, გიმეორებთ! – იგნოზიმ ერთხელ კიდევ შეათამაშა თავისი უზარმაზარი ნაჯახი, რომელიც მზის სხივებზე ვერცხლისფრად ლაპლაპებდა.

რადგან ხალხში არ აღმოჩნდა მსურველი, გამოხმაურებოდა გმირულ ვარიანტს ცნობილი სიმდერისა „აბა გამო დილი, თუ გინდა სიკვდილი“, ჩვენმა ყოფილმა მსახურმა ისევ დილის ამბით განაგრძო თავისი სეფე სიტყვა!

– მე თქვენი ჭეშმარიტი მეფე ვარ, ჭეშმარიტი და ერთადერთი. თუ ჩემთან ერთად იბრძოლებთ, გამარჯვება და დიდება გელით; მე მოგცემთ ხარებს, მოგცემთ ცოლებს, თქვენ დაიკავებთ საპატიო ადგილს ჩემს ჯარში. თუ თქვენ ამ ბრძოლაში დაღუპვა გიწერიათ, მეც თქვენთან ერთად დავიღუპები. ფიცს ვდებ, რომ ჩემი ტახტზე ასვლის შემდეგ შეწყდება უსამართლო სისხლისფრა და მკვლელობა, მისხებზე მონადირე ქალები აღარ დაუწეუბენ ძებნას უდანაშაულო

ადამიანებს, რათა ისინი სრულიად უმიზეზოდ გამოასალმონ წუთისოფელს, არც ერთი კაცი არ მოკვდება გაუსამართლებლად, მოძალადური სიკვდილით, თუნდაც დამნაშავე იყოს. ადარავინ გამოგყრით თქვენი კრაალებიდან, ყველა თქვენგანი მშვიდად იცხოვრებს საკუთარ ქოხში, მშვიდად იძინებს, შიში ადარაფრისა ექნება. ჩვენს მიწაზე მართლმსაჯულება გამეფდება. როგორია თქვენი არჩევანი, ბელადებო, მეომრებო და ხალხო?

— დიახ, მეფეო!

— ძალიან კარგი, ახლა მიბრძანდით და დაინახეთ, როგორ მიიჩქარიან თუალას გზირები ქალაქიდან აღმოსავლეთით, ჩრდილოეთითა და სამხრეთით, რომ ჯარები შეჰყარონ და ცოცხლად დაგვფლითონ მეც, თქვენც და, ჩვენთან ერთად, ჩემი თეთრი მეგობრებიცა და დამცველებიც. ხვალ ან ზეგ თუალა მოვა აქ თავის ერთგულ ხალხთან ერთად, მაშინ შევძლებ გავარკვიო, ვინ არის თქვენს შორის ჩემი ერთგული, ვის არ ემინია, მოკვდეს სიმართლისათვის ბრძოლაში. სიტყვას გაძლიერ, არ დაგივიწყებო ამაგს, ნადავლის გაყოფის დრო რომ დაგვიდგება. მე ვთქვი სათქმელი, პო, მეთაურებო, ბელადებო, მეომრებო და ხალხნო, ახლა კი წადით და ბრძოლისათვის მოემზადეთ.

ჩამოვარდა სიჩუმე, მერე ერთ-ერთმა მეთაურმა ხელი ასწია და გაისმა სამეფო მისალმება „გუუმ! კუუმ! კუუმ!” ეს იყო ნიშანი იმისა, რომ მეომრებმა იგნორი თავის მეფეედ სცნეს.

ნახევარი საათის შემდეგ ჩვენ სამხედრო საბჭო მოვიწვიეთ, საბჭოს პოლკების ყველა მეთაური ესწრებოდა. ცხადზე უცხადესი იყო, რომ სულ მალე თუალას მრავალრიცხვანი ჯარი შემოგვიტევდა. მართლაც, აქედან ვხედავდით, როგორ უყრიდნენ თავს ჯარებს და როგორ გარბოდნენ მალემსრბოლები ლუუდან ყველა მიმართულებით, ალბათ იმიტომ, რომ მეფის დასახმარებლად რაც შეიძლება დიდი ჯარი შეეგროვებინათ. ჩვენ გვყავდა ოცი ათასი კაცი, რომელიც შეიდ პოლკს შეადგენდა. ინფადუსისა და მეთაურების გამოთვლით, თუალას ლუუში ეყოლებოდა ოცდაათი-ოცდაოთობმეტი ათასი მეომარი. გარდა ამისა, მათი ვარაუდით, თუალას მეორე დღეს შუადლემდე შეეძლო დამატებით შეეკრიბა არა ნაკლებ ხეთი ათასი კაცისა. შესაძლებელი იყო, ჯარის ნაწილს ედალატა მისოვის და ჩვენს მხარეზე გადმოსულიყო, მაგრამ, რასაკვირველია, ამაზე იმედს ვერავითარ შემთხვევაში ვერ დავამყარებდით. ჯერჯერობით გაურკვეველი იყო ერთი რამ: თუალა გულდაგულ ემზადებოდა შეტევისათვის. გორაკის ძირში უკვე გამოჩნდა მეომრების შეიარაღებული რაზმები. ცხადი იყო, მეფის ჯარი ბრძოლის დაწყებას ეპირებოდა.

მაგრამ ინფადუსი და სხვა მეთაურები ფიქრობდნენ, დამე მტერი შეტევაზე არ გადმოვიდოდა. გარდა ამისა, საჭირო იყო მეომრებს შორის გაექრაწყლებინათ მთვარის დაბნელებით გამოწვეული მძიმე შთაბეჭდილება, რასაც კუკუანელები ჩვენს ჯადოქრობას მიაწერდნენ. ბელადები და მეთაურები გვარწმუნებდნენ, შეტევა დილამდე არ დაიწყებათ. მართლაც, მათი ვარაუდი სავსებით გამართლდა.

ამასობაში ჩვენც საქმეს მოვკიდეთ ხელი, ვცდილობდით, რაც კი შეგვეძლო, გაგვემაგრებინა ჩვენი მისაგომები.

ყველა უკლებლივ გვეხმარებოდა. გვეგონა, დრო არ გვეყოფოდა, რომ ყველაფერი მოგვესწრო. მაგრამ მეომრებმა იმ დღეს სასწაული მოახდინეს. გორაკი, რომელზეც ჩვენ ვიმყოფებოდით, უფრო სანატორიუმი იყო, ვიდრე სიმაგრე, რადგან აქ, ჩვეულებრივ, აყენებდნენ ჯარის იმ ნაწილებს, რომელთაც ადრე მძიმე კლიმატურ პირობებში უხდებოდათ ყოფნა. ამიტომ ახლა საჭირო იყო ქვებით ამოგვეხრგა ყველა გზა, რომელიც გორაკის მწვერვალისაკენ

მიემართებოდა და ყველა მისახვლელი შეძლებისამებრ მიუღიოდელი გაგვეხადა. მეომრებმა სხვადასხვა ადგილას დააგროვეს ქვები, რომ მაღლიდან მტრისთვის დაეშინათ. ყოველ პოლქს გარკვეული ადგილი უნდა სჭეროდა. ერთი სიტყვით, თავდაცვისათვის ყოველი ღონე ვიხმარეთ.

მზის ჩახვლის წინ დავინახეთ მეომართა მცირერიცხვანი რაზმი, რომელიც ლუუდან ჩვენაენ მოემართებოდა. ერთ-ერთ მეომარს ხელში პალმის ტოტი ეჭირა, ნიშნად იმისა, რომ მოსალაპარაკებლად მოდიოდა.

იგნოზი, ინფადუსი, რამდენიმე სარდალი და ჩვენც მათ შესახვედრად გორაკიდან დავეშვით.

პალმისტოტიანი დაწინაურდა. ომახიანი ვაჟკაცი იყო. მხრებზე ლეოპარდის მოსასხამი მოეგდო.

— სალამი მითქვამს! — დაიყვირა მან მოახლოებისთანავე. — მეფე სალამს უძღვნის მათ, ვინც მის წინააღმდეგ ეს მკრეხელური ომი წამოიწყო. ლომი სალამს უძღვნის ტურქის, მის ფერხთით ბოროტად რომ დრენენ.

— თქვი, რა გინდა! — ვუთხარი მე.

— აი მეფის სიტყვა: დანებდით, ან არადა, ცუდი დღე გელით. შავ ხარს უკვე მხარი ამოსჭრეს, იგი სისხლისაგან იცლება და მეფე მთელ კრაალში დასდევს.

— მითხარი, რა სურს თუალას? — ცნობისწადილით შევეკითხე.

— მისი პირობა და სურვილი მადლმოსილი და კეთილმოწყალეა, როგორც ეს დიად მეფეს შეცვერის. აი, კუპუანელთა მბრძანებლის, ასი ცოლის ბრწყინვალე მეუღლის, ცალთვალა გოლიათის, დიდი გზის მცველის, დაყურსებულთა რჩეულის, შავი ძროხის ხბოის — თუალას სიტყვა. სიტყვა სპილოსი, რომლის ნაბიჯი მიწას აზანზარებს, ავაზაკთა ზარდამცემის, ფეხმარდი სირაქლემას, ბუმბერაზის, შავისა და ბრძენთაბრძენის მეფური სიტყვა:

„მე გულმოწყალე ვიქნები და არც თუ ბევრ სისხლს დავდვრი. ყოველ ათ კაცზე ერთ კაცს დაგუბნელებ მზეს, დანარჩენებს თავისუფლებას მივანიჭებ, მაგრამ თეთრი ადამიანი, სახელად ინკუბუ, უფლისწულ სკრაგაზე ხელი რომ აღმართა, მისი შავებიანი მსახური, ტახტს რომ მეცილება, და ინფადუსი, ჩემი ძმა, რომელიც ჩემს წინააღმდეგ ხალხს აჯანყებს, მოწამებრივი სიკვდილით უნდა დაიხოცონ. ისინი მსხვერპლად უნდა შეეწირონ დაყურსებულებს“ — ასეთია თუალას მოწყალე პირობა.

მე მოვეთათბირე ჩვენებს და ხმამაღლა, ისე, რომ ჩემი სიტყვები ყველას გაეგონა, კუპასუხე:

— ძაღლო, დაბრუნდი თუალასთან, დაბრუნდი მასთან, ვინც გამოგვზავნა და გადაეცი, რომ ჩვენ, ესე იგი, იგნოზი, კუპუანელების კანონიერი მეფე, ვარსკვლავეთიდან ჩამოსული თეთრი ბრძენი ჯადოქრები — ინკუბუ, ბუგვანი და მაკუმაზანი, რომელთაც შეუძლიათ მოვარის ჩაქრობა, აგრეთვე სამეფო სახლის შეილი ინფადუსი, ბელადები, მეთაურები და ყველა აქ შეკრებილი, პასუხად ვუთვლით, რომ არაფრად ვაგდებთ მის სიტყვას და ვიდრე მზე ორჯერ ჩასვლა-ამოსელას მოასწრებდეს, თქვენი მეფის გვამი გაშეშებული ეგდება მისივე კრაალის კართან, ტახტზე კი იგნოზი ავა. ახლა კი წადი, წადი, ვიდრე როზგით გვერდებს შეგისურებდეთ და გვიფრთხილდი, კვლავ არსად გადაგვეყარო!

მოგზავნილმა გულიანად გადაიხარხარა.

— ვაჟკაცს მუქარითა და ბრტყელ-ბრტყელი სიტყვებით ვერ შეაშინებთ, — თქვა მან, — ვნახოთ, ხვალაც ამ გულზე იქნებით თუ არა, მოვარის ჩამქრობო და დამბნელებელნო. იბრძოლეთ, გამოიჩინეთ მხნება და გულოვნება,

იმხიარულეთ და იხარეთ, ვიდრე ყვავ-ყორანი ისე არ დაკორტინის თქვენს ძვლებს, რომ ისინი თქვენს სახეზე მეტად გათეთრდნენ. მშვიდობით, ეგებ ბრძოლაში კვლავ შევხვდეთ ერთმანეთს. გთხოვთ, ჯერჯერობით ვარსკვლავებზე ნუ გაფრინდებით, დამელოდეთ, თეთრო ადამიანებო!

ამ დამცინავი სიტყვებით მოციქული გაგვშორდა. მისი წასვლისთანავე მზეც ჩაესვენა და მიწას ბრელი მოეფინა.

იმ დამით ბევრი სამუშაო გვქონდა. მიუხედავად იმისა, რომ ყველანი სასტიკად დაღლილ-დაქანცულები ვიყავით, მაინც განვაგრძობდით მზადებას ხვალინდელი ბრძოლისთვის, რამდენადაც კი მთვარის მკრთალი შუქი ამის საშუალებას გვაძლევდა. შიკრიკები გარბოლ-გამორბოლნენ, რომ მეომართათვის გადაეცათ ჩვენი ბრძანება და კვლავ ბრუნდებოლნენ კარავთან, სადაც ჩვენ ვძჭობდით. ბოლოს, დაახლოებით დამის პირველი საათისთვის მოვაგვარეთ ყველაფერი, რისი მოვგარებაც ჩვენს ხელთ იყო და მთელი ბანაკი ძილმა მოიცვა. საერთო სიჩუმეს დროდადრო მხოლოდ ყარაულების შეახილი არღვევდა. მე და სერ ჰენრი, იგნოზისა და ერთი მეთაურის თანხლებით, გორაკის ძირში ჩავედით და საგუშაგოები დავათვალიერეთ. სრულიად მოულიდნებლად ჩვენს თვალწინ ადიმართებოდა ხოლმე შუბი, რომელიც მთვარის სხივებზე ლაპლაპს იწყებდა, მაგრამ როგორც კი ვიტყოდით პაროლს, მაშინვე ქრებოდა. ცხადი იყო, გუშაგებს არ ეძინათ. საგუშაგოებს დავუარეთ და ისევ უკან გამოვბრუნდით, ფეხაკრეფით გავიარეთ ათასობით მძინარე მეომართა შორის, მრავალ მათგანს ხომ ამქვეყნად უკანასკნელად ეწერა ძილი.

მთვარის სხივი ლიცლიცებდა შუბებზე, სხლტოდა მეომართა სახეებზე და მათ მიცვალებულებს ამსგავსებდა. დამის ცივი ქარი ჯიდის ფრთებს აფრიალებდა. მეომრები უწესრიგოდ მიყრილიყვნენ აქეთ-იქით. მთვარის შუქზე მათი ვეება, ბრგე სხეულები როგორდაც უცნაური და აჩრდილისებრი ჩანდა.

— როგორ ფიქრობთ, ბევრი გადაუჩება ხვალინდელ დღეს? — იკითხა სერ ჰენრიმ.

პასუხად მხოლოდ თავი გავიქნიე და ისევ მძინარეთ დავაცქერდი. მიუხედავად დაღლილობისა, ძალზე აღგზნებული ვიყავი და მეჩვენებოდა, რომ სიკვდილის ყინულოვან ხელს უპვე გაეშეშებინა ეს ადამიანები. გულში ვიმახსოვრებდი მათ სახეებს, ზედ რომ სიკვდილის აჩრდილი დასთამაშებდათ. მეჩვენებოდა, თითქოს მხოლოდ ახლა ჩავწვდი სიკვდილ-სიცოცხლის დიდ საიდუმლოს. გული დრმა სევდით მექსებოდა, როცა ვფიქრობდი, რა ტრაგიკულად განწირული იყო ჩვენი სიცოცხლე. აი, ამ დამით ათასობით კაცს დრმა, ჯანსაღი ძილით სძინავს, ხვალ კი, შესაძლოა, ისინიც, ჩვენც და მრავალი სხვაც, ამქვეყნად აღარც კი ვიყოთ. სიკვდილის ცივი სუნთქვა შებოჭავს და გააშეშებს ყველას. ცოლები დაქვრივდებიან, შვილები დაობლდებიან, ქოხებს აღარასოდეს დაუბრუნდებათ პატრონი. მხოლოდ მთვარე განაგრძობს ცაზე უშფოთველად ციალს, დამის ნიავი კვლავინდებურად შეარსევს ბალასს და უკიდეგანო მიწა ნებივრად მიეცემა განცხრომას. ყველაფერი იარსებებს ისე, როგორც არსებობდა მანამდე, სანამ ეს ხალხი გაჩნდებოდა და იარსებებს შემდეგაც, როცა მათი სახელები დაგიწყებას მიეცემა. იარსებებს მარად, უკუნითი უკუნისამდე.

მაგრამ, ვიდრე სამყარო არსებობს, ადამიანი არ კვდება. მართალია, მისი სახელი დავიწყებას ეძლევა, მაგრამ ქარი, რითაც ის სუნთქავდა, ისევ არხევს ფიჭვთა კენწეროებს მთებში. მისი სიტყვების ექმ კვლავ და კვლავ განაგრძობს უდერას სივრცეში, მისი ნააზრევ-ნაფიქრალი დღეს ჩვენს საგუთრებად ითვლება; მისმა ვნებებმა სიცოცხლე მოგვანიჭა, მისი სიხარული, მისი სევდა ჩვენი სევდა

და სიხარულია; ხოლო საბედისწერო წუთს, ასეთი თრთოლვითა და შიშით რომ გაურბოდა, ვერც ჩვენ გავაქცევით სადმე.

სამყარო სავსეა აჩრდილებით, არა სასაფლაოს შესუდრული მოჩვენებებით, არამედ სიცოცხლის მარად უჭირობი, უკვდავი ნაწილაკებით, რომლებიც თუ ერთხელ წარმოიშვა, აღარასოდეს კვდებიან, თუმცა შეუმჩნევლად ერწყმიან ერთიმეორეს და იცვლებიან, იცვლებიან მარადიულად.

მსგავსი ფიქრები მიტრიალებდა თავში, ვიდრე ვიდექი და დავუურებდი ამ მუქ, ფანტასტიკურ სხეულებს. მეომრებს, მათივე თქმისა არ იყოს, „შუბებზე ეძინათ“.

სამწუხაროდ, ვამჩნევ, რომ რაც უფრო მეპარება სიბერე, მით უფრო მეტსა და მეტს ვმსჯელობ. რა საძაგელი ჩვეულება!

— კურტის, — ვუთხარი სერ ჰენრის, — ჩემდა სამარცხვინოდ, უნდა გამოგიტყდეთ, ძალიან მეშინია.

სერ ჰენრიმ გაიდიმა და ქერა წვერზე ხელი ჩამოისვა.

— მე არა ერთხელ მსმენია თქვენგან მსგავსი სიტყვები, ქუოტერმენ, — მითხრა მან.

— დიახ, მაგრამ ახლა სერიოზულად გვეუბნებით ამას. იციო, ვეჭვობ, ამ ბრძოლაში რომელიმე ჩვენგანი გადარჩეს. ჩვენ ძლიერ და მრავალრიცხოვან ჯართან გვექნება საქმე და იმედი არა მაქს, რომ პოზიციების გამაგრებას შევძლებთ.

— ყოველ შემთხვევაში, ამ პოზიციებს ადვილად როდი დავთმობთ! ძმათა შორის სისხლის ლვრა კაი საქმე არ არის და, მართალი გითხრათ, არც უნდა გავრცელიყავით ამაში, მაგრამ რაკიდა ასე მოხდა, უნდა ყოველი ლონე ვიხმაროთ და გავიმარჯვოთ. ჩემდათავად მოგახსენებთ: თუ სიკვდილი მიწერია, მიჯობს ბრძოლაში მოვკვდე. მით უმეტეს ახლა, როცა იმედი გადამიწყდა, რომ ვიპოვი ჩემს საბრალო ძმას. დიახ, დიახ, ჩემთვის ახლა უფრო ადვილია სიკვდილზე ფიქრი, მაგრამ იქნებ გავიმარჯვოთ? ნათქვამია, მამაცს ბედი არ უმტყუჩებსო. რა თქმა უნდა, საშინელი ხოცვა-ქლება იქნება, ჩვენ კი იქ უნდა ვიყოთ, სადაც ყველაზე ცხარე ბრძოლა იქნება, თუ გვინდა, სახელი და ლირსება შევინარჩუნოთ.

სერ ჰენრი ნაღვლიანად ლაპარაკობდა, მაგრამ მის თვალებში მოკიაფე ნაპერწკლები სულ სხვას ამბობდა. ჩემი აზრით, უხაროდა კიდეც, ეს ბრძოლა რომ მოგველოდა.

ამ საუბრის შემდეგ დაგწეულით და ერთ-ორ საათს ძილს მივეცით თავი.

მზის ამოსვლისას ინფადუსმა გაგვაღვიძა და გვითხრა, ლუუში დიდი გამოცოცხლება იგრძნობა, მეფის ჯარის მცირერიცხოვანი რაზმები ჩვენი მოწინავე ხაზისკენ მოემართებიან.

ჩვენ საბრძოლველად მოვემზადეთ, ჩავიცვით ჯაჭვის პერანგები, თან თუალას ამ საუცხოო საჩუქრისათვის გულში მაღლობას ვუძღვიდით. სერ ჰენრი გატაცებით შეუდგა საქმეს და მალე კუპუანელ მეომარს დაემსგავსა.

— როცა კუკუანელთა ქვეყანაში ხარ, კუკუანელივით უნდა მოიქცე, — თქვა და ფართო ბეჭებზე ჯაჭვის პერანგი ჩამოიცვა. მაგრამ ამაზე როდი შეჩერდა, ინფადუსმა მეომრის აღჭურვილობა მოუტანა, სერ ჰენრიმ ლეოპარდის მოსასხამი მოიცვა, თავზე კი სირაქლემას შავი ფრთების ჯილდა დაიდგა. ასეთ ჯიდას მხოლოდ ბელადები ატარებდნენ. წელზე კამეჩის თეთრი ტყავის საუცხოო მუხა შემოიკრა, ჩაიცვა სანდლები, ხელში დაიჭირა მძიმე საბრძოლო ნაჯახი, კამეჩის ტყავგადაკრული რკინის მრგვალი ფარი და რამდენიმე ტოლი, ესე იგი, ლითონის დანა. ყველაფერ ამას, ყოველი შემთხვევისათვის, თავისი

რევოლუციიც დაუმატა. ეს მორთულობა, რა თქმა უნდა, სერ პენრის გელურს ამსგავსებდა, მაგრამ უნდა გითხრათ, ამაზე უფრო მოსული და ძლიერი კაცი ჯერ არსად შემხვედრია. ჩაცმულობა კიდევ უფრო უსგამდა ხახს მის აღნაგობას. როდესაც იგნოზი და სერ პენრი ერთად დავინახე, გავიფიქრე, ჩემს სიცოცხლეში პირველად ვხედავ ამგვარ გოლიათებს-მეთქი. ვერ გეტყვით, რომ გუდს ჯაჭვის პერანგი ისე მორგებოდა ტანზე, როგორც სერ პენრის. საქმე ის არის, რომ კაპიტანს არ უნდოდა თავის შარვალს განშორებოდა. უნდა ვაღიარო, რომ ტანდაბალი, ჩაფსევნილი ჯენტლმენი, რომელსაც ცალ მხარეს პირწმინდად გაეპარსა სახე, მეორე მხარეს კარგა მოზრდილი წვერი მოეშვა, ჯაჭვის პერანგი კი გულდაგულ ჩაეტნია საქმაოდ შელანძულ ველვეტის შარვალში, მაინცდამაინც სასიამოვნო შთაბეჭდილებას ვერ ახდენდა. საქუთარ თავზე შემიძლია გითხრათ, რომ ჯაჭვის პერანგი ხალვათად მაღგა ტანზე, ამიტომ იგი ტანსაცმლის ზემოთ გადავიცვი, თუმცა მაინც ვერ ამოვავსე. გარდა ამისა, გადავწყვიტე, ფეხსაცმელი გამეხადა, რომ თუ უკანდახევა მოგვიწვდა, უფრო ადგილად შემძლებოდა გაქცევა. ამავე მიზეზით, შარვალიც გავიხადე და ველდესკუნის ამარა დავრჩი. შუბი და ფარი, რომლის ხმარებაც არ ვიცოდი, წყვილი დანა და, ბოლოს, მონადირის ქუდზე დამაგრებული უზარმაზარი ჯილა შეაღგენდა ჩემს სამხედრო მორთულობას. მინდოდა, რაც შეიძლება მეტად დაგმსგავსებოდი სისხლისმსმელს. გარდა ამისა, თან წავიღეთ თოფები, მაგრამ რადგან ტყვიები შემოგველია, ისინი ჩვენთვის ზედმეტი ტვირთი იყო. ამიტომ განკარგულება გავეცით, თოფები წამოედოთ მეომრებს, ჩვენ უკან რომ მოღიოდნენ.

საბრძოლოდ გამოვეწყვეთ, ნაჩქარევად ვისაუზმეთ და ქოხიდან გამოვედით, რომ საქმის ვითარება გაგმერებია.

პლატოს ერთ კუთხეში პატარა ყავისფერი კონცხი მოჩანდა, ეს იყო ჩვენი შტაბი და ამავე დროს საოვალოვალო პუნქტიც. აქ დაგვხვდა ინფადუსი, რუსების პოლკით გარშემორტყმული. ეს პოლკი კუკუანელთა არმიის საუკეთესო მეომრებისაგან შედგებოდა. ამჟამად პოლკში სამი ათას ხუთასი კაცი იყო. ეს პოლკი სათადარიგოდ უნდა დაგვეტოვებინა. მეომრები ჯგუფ-ჯგუფად იწვნენ მიწაზე და უცქეროდნენ, როგორ გამოდიოდნენ ლუუდან მწყობრი რაზმები, რომელთაც ბოლო არ უჩანდათ. სულ სამი პოლკი იყო, თითოეულში თერთმეტიდან თორმეტი ათასი კაცი იქნებოდა.

ქალაქს რომ გამოსცდნენ, პოლკები საბრძოლოდ დაწყვნენ. მერე ერთმა პოლკმა მარჯვნივ გაუხვია, მეორემ – მარცხნივ, მესამე კი ნელი ნაბიჯით პირდაპირ ჩვენები გამოემართა.

– აჯა, – თქვა ინფადუსმა, – ემზადებიან, რომ ერთდროულად სამი მხრიდან შემოგვიტონ!

ეს ახალი ამბავი ძალზე საყურადღებო იყო, რადგან ჩვენი ჯარის ნაწილები გორაკზე გაფანტულნი იდგნენ, საჭირო ხდებოდა მათი თავმოყრა. ხომ ვერ მივუთითებდით მოწინააღმდეგებს, როგორ მოეგანა ჩვენზე იერიში ისე, რომ გამარჯვება ჩვენ დაგვრჩენოდა? ყველაფერი უნდა გაგვეკეთებინა, რაც შეგვეძლო. გაფრინგეთ ბრძანება, რაზმები მზად ყოფილიყვნები მტერზე იერიშის მისატანად.

თ ა გ დ ა ს ხ მ ა

სამივე პოლკი ნება-ნება მოიწევდა წინ, მეომრებს სიჩქარე არ ეტყობოდათ. ხუთას იარდზე რომ მოგვიახლოვდნენ, შეა პოლკი შეჩერდა; იქ იწყებოდა მიწის წვრილი ზოლი, ჩვენს გორაკში რომ იჭრებოდა. გორაკს თითქმის ნალისებრი მოყვანილობა ჰქონდა და მისი ორივე დაქანებული კიდე ლუსკენ იყო მიმართული.

შეა პოლკს განზრახული ჰქონდა, ბრძოლაში ჩავეთრიეთ, ამასობაში ორი დანარჩენი გორაკს შემოუვლიდა და მერე ყველანი ერთდროულად დაგვესხმოდნენ თავს.

— ეჰ, ახლა ერთი გეტლინგი მოგვცა, — სინანულით თქვა გუდმა და ოხერით გადახედა გორაკის ძირში თავმოყრილ ჭიდრო რაზმებს. — ოციოდე წუთში მთელ დაბლობს მოვასუფთავებდით.

— მაგრამ რაკი გეტლინგი არა გვაქვს, არც ღირს ამაზე ოხვრა-კვნესა, — მიუგო სერ ჰენრიმ. — რა მოხდება, აქედან რომ ესროლოთ, ქუოტერმენ? მოხვდება თუ არა თქვენი ტყვია აგერ იმ აყლაყუდას, განზე რომ დგას და, ჩემი აზრით, რაზმს ხელმძღვანელობს? სანაძლეოდ გლებ სევერინს, რომელსაც უეჭველად გადავიხდი, თუკი, რასაკვირველია, ამ ბრძოლას გადავურჩით, რომ თქვენი ტყვია ხუთი იარდით მაინც ასცდება მიზანს.

მისი სიტყვები შიგ გულში მომხვდა, „ექსპრესი“ სასკდომი ტყვიით დაგტენე და დაველოდე, სანამ ის მეთაური თავის თანაშემწებობას ერთად ათიოდე იარდით მაინც არ გასცდა რაზმს, რათა უკეთ დაეთვალიერებინა ჩვენი პოზიციები. მერე მიწაზე გავწექი, თოვი კლდეზე გავდე და ჩემს მსხვერპლს ყელში ვუმიზნე იმ ვარაუდით, რომ ტყვია შიგ გულში უნდა მოხვედროდა, თუ მხედველობაში მივიღებდით მანძილს და იმ გარემოებასაც, რომ ჩემი თოვი მხოლოდ სამას ორმოცდათ იარდზე ისროდა. მეთაური მშვიდად იდგა, მაგრამ არ ვიცი, ვდელავდი, ქარმა წამოუბერა, თუ საერთოდ, მიზანი კარგა დიდ მანძილზე იყო ჩემგან დაცილებული, ასე იყო თუ ისე, ვარაუდი არ გამიმართლდა.

მსხვერპლი მიზანში ამოვიდე და ჩახმახს თითო გამოვცარი. როცა ბოლი გაიფანტა, დავინახე, რომ ის კაცი უგნებლად იდგა, მისი თანაშემწერ კი უსულოდ ეგდო ძირს. მეთაური სწრაფად შეტრიალდა და საშინლად შეშფოთებული თავისი რაზმისაკენ გაქანდა.

— ვაშა, ქუოტერმენ, — შეკვირა გუდმა, — რჯულზე კი შეაშინეთ, აი!

ამან ძალზე გამაბრაზა, საშინლად არ მიყვარს, როცა ვინმეს თანდასწრებით მიზანს ავაცდენ ხოლმე. ამიტომ შეძლებისძაგვარად ვცდილობ ასეთ შემთხვევებს თავი ავარიდო. გაცოფებული გულს ვეღარ მოვერიე და წინდაუხედავად მოვიქეცი: გაქცეულს სწრაფად დავუმიზნე თოვი და ტყვია ზურგში მივაყოლე. ამჯერად აღარ ამიცდენია, საბრალომ ხელები აიქნია და მოცელილივით დაეცა გულდაღმა. ამას ვწერ მხოლოდ იმისათვის, რომ დაგანახოთ, რა ცოტას ვფიქრობთ სხვებზე, როცა საქმე ჩვენს თავმოყვარეობას, ან რეპუტაციას ეხება.

ამის დანახვაზე ჩვენმა მეომრებმა აღტაცების ყიუინა დასცეს, ფიქრობდნენ, ყველაფერი ეს ჩვენი გამარჯვების საწინდარი იყო. გარდა ამისა, ერთხელ კიდევ დარწმუნდნენ, რომ ჩვენ უძლეველი ჯადოქრები ვიყავით. რაზმმა კი, რომელსაც მოკლული მეთაურობდა (მერე შევიტყვეთ, რომ ის საბრალო მართლაც რაზმის მეთაური იყო), უწესრიგოდ იწყო უკანდახევა. ამის დანახვაზე სერ ჰენრიმ და გუდმა თოვებს ხელი დავლეს და სროლა ატეხეს. გუდი თავს

არ იზოგავდა და თავისი ვინჩესტერიდან ტყვიას ტყვიაზე აყრიდა მეომართა მჭიდრო რიგებს. ჩვენ შევძელით შვიდი-რვა კაცის მოკვლა და დაჭრა, სანამ რაზმი სასროლ მანძილს გასცდებოდა.

როგორც კი სროლა შევწყვიტეთ, მარჯვნივ საშინელი ღრიალი გაისმა, მტერი მუქარით მოიწევდა ჩვენკენ. ეს ხმა და შეძახილები იმწამსვე აიტაცა მოწინააღმდეგებ მარცხენა ფრთაზე და ორივე პოლკი ერთდროულად გამოქანდა ჩვენკენ. მათ ღრიალზე ჩვენს პირდაპირ მდგარი პოლკის მჭიდრო რიგები შეირჩა, მეომრებმა რადაც ველური სიმღერა დასხახეს და აუჩქარებდლად წამოვიდნენ გორაკისაკენ, შემდეგ კი გამოჰყვნენ ვიწრო მწვანე ზოლს, მათ განშტოებას შორის რომ იყო ჩაჭედილი. ჩვენ სამმა კი (იგნოზი მხოლოდ ხანდახან გვეხმარებოდა) სეტყვასავით დავაყარეთ ტყვიები მტერს, მაგრამ მხოლოდ რამდენიმე კაცი მოვცალით.

ჩვენკენ მოიწევდა თავით-ფეხებამდე შეიარაღებული ათასობით ადამიანი და აბა მათთან ჩვენი თოფებით რას გავხდებოდით? ეს იგივე იყო, წვრილი კენჭები დაგვეშინა აბობოქრებული ტალღისათვის, ჩვენ ჩასანთქმელად რომ მოიწევდა.

მეომრები შუბებს ჰაერში იქნევდნენ, ყვირილ-ღრიალით მოიწევდნენ წინ და უკვე უახლოვდებოდნენ ჩვენს საგუშაგოებს გორაკის ძირში. ცოტა ხნის შემდეგ მტერმა ოდნავ შეანელა თავდასხმა. დიდი წინააღმდეგობა არ გაგვიწევია მათთვის, მაგრამ თავდამსხმელები აღმართზე ამოღიოდნენ და სიარული უჭირდათ. ჩვენი თავდაცვის პირველი ხაზი დაახლოებით შუა გორაკზე იყო, მეორე – მისგან ორმოცდათიოდე იარდის დაშორებით, მესამე კი – პლატოს კიდეზე.

მტერი სულ უფრო და უფრო გვიახლოვდებოდა, ისმოდა ხმამაღალი შეძახილები:

- თწალა, თწალა! ჩპიელე! ჩპიელე! (თუალა, თუალა, მიდი, დასცხე!)
- იგნოზი, იგნოზი! ჩპიელე! ჩპიელე! (იგნოზი, მისცხე, არავინ დაინდო!) – გაჟყვიროდნენ საპასუხოდ ჩვენი მეომრები.

ახლა მტერი სულ ახლოს იყო. ჰაერში წამისწამ ელავდა დანები. ბოლოს მოწინააღმდეგენი ველური ღრიალით ეკვეთნენ ერთმანეთს.

გაჩაღდა ხელჩართული ბრძოლა. მეომრები მოცელილივით ეცემოდნენ ძირს. მალე რიცხობრივად ჭარბმა მოწინააღმდეგებ უკუაგდო ჩვენი რაზმები. ჩვენი თავდაცვის პირველმა ხაზმა ნელ-ნელა დაიხია უკან და სულ მალე მეორე ხაზს შეუერთდა. ერთ ხანს აქ იბრძოდნენ, მაგრამ ჩვენი ჯარები მალე იძულებულნი გახდნენ უკან დაეხიათ, სულ რაღაც ოციოდე წუთში ბრძოლაში ჩვენი თავდაცვის მესამე ხაზის მეომრებიც ჩაებნენ, მაგრამ ამ დროისთვის მოიერიშებეს ძალ-დონე გამოელიათ და მესამე ხაზის გარღვევა ვეღარ შეძლეს. გარდა ამისა, ძალიან ბევრი დაჭრილ-დახოცილი ჰყავდათ. რამდენიმე წუთის განმავლობაში ბრძოლა ხან მდაფრდებოდა, ხან ისევ ნელდებოდა. გაშმაგებული ველურები წინ მოიწევდნენ, მეორე წუთს კი უკან იხევდნენ, ამიტომაც ძნელი იყო თქმა, ვინ გაიმარჯვებდა. სერ ჰენრი თვალნათლივ შეჟყურებდა მებრძოლებს. უეცრად უსიტყვოდ შეიჭრა მათ შორის, გუდიც ფეხდაფეხ მიჰყა. მე კი ვირჩიე, დავრჩენილიყავი იქ, სადაც ვიდექი.

ჩვენმა მეომრებმა დაინახეს, სერ ჰენრი ბრძოლაში ჩაებაო, და გაორეგიცებული ძალით ეკვეთნენ მტერს, თან კვიროდნენ:

- ანზია ინკუბი ანზია ნერნგუბლოვო (აბა დასცხეთ! სპილო ჩვენთან არის, ჩვენთან იბრძვის!) ჩპიელე! ჩპიელე!

ამ წუთიდან საეჭვო აღარაფერი იყო, რომ გამარჯვება ჩვენ დაგვრჩებოდა.

თუალას მეომრები სასტიკ წინააღმდეგობას გვიწევდნენ, მაგრამ ნაბიჯ-ნაბიჯ უკან იხევდნენ და გორაკს თანდაონ ქვემოთ მიუყვებოდნენ. შემდეგ საბოლოოდ აირ-დაირივნენ და თავის პოლქს შეუერთდნენ. იმავ წუთს მოვიდა მაცნე და შეგვატყობინა: მარცხენა ფრთიდან მტერი უკუგდებულია. მე უკვე ჩემს თავს ვულოცავდი, ბრძოლა რამდენიმე ხნით მაინც შეწყდება-მეთქი, მაგრამ უეცრად დავინახე, რომ ჩვენი მეომრები, რომელთაც მარჯვენა ფრთის დაცვა ევალებოდათ, პლატოზე გამორბოდნენ, უკან მტერი მოხდევდათ. ეტყობოდა, თუალას ჯარებმა იქ ჩვენი თავდაცვა გაარღვიეს.

იგნოზიმ, რომელიც ჩვენს გვერდით იდგა, წამსვე აუდო ალლო შექმნილ ვითარებას. მისი ბრძანებით, რუხების სათადარიგო პოლკი თვალისდახმამებაში დაეწყო და საბრძოლველად მოემზადა.

იგნოზიმ კვლავ გასცა განკარგულება. ისიც წამსვე აიტაცეს და ბელადებს გადასცეს. ამოსუნთქვაც ვერ მოვასწარი, რომ შეტევაზე გადასული მეომრების ძლიერმა ტალღამ გამიტაცა და ჩემდა უნებურად ჯარის შეაგულში მოვხვდი, რაც, რასაკვირველია, დიდად არ გამხარებია. ჩვენები გააფთრებით მიიწევდნენ მტრისკენ. მეტი რა ჯანი მქონდა, მეც მათთან ერთად უნდა გავქცეულიყავი. მაგრამ ვცდილობდი, რაც შეიძლება ახლოს ვყოფილიყავი იგნოზისთან. ორიოდე წუთის შემდეგ – მე კი მეგონა დრო საოცრად ნელა მიიზლაზნება-მეთქი – შევუერთდით მარჯვენა ფრთაზე მტრისაგან უკუქცეულ ჩვენი რაზმების ნაწილებს და ისინიც აქვთ, ჩვენს უკან დაეწყვნენ. მერე კი, მერე არ ვიცი, რა მოხდა, მასსოვს მხოლოდ, რომ ფარები გამაყრუებლად ეხეთქებოდა ერთმანეთს და საზარელი ჯახაჯუხი გაჰქონდა.

მაგონდება ისიც, რომ გამოჩნდა ვიდაც ახმახი, რომელსაც თვალები გადმოცენაზე ჰქონდა და სისხლში მოსვრილი შუბით ჩემქენ გამოქანდა. ეჭვი არ მეპარება, რომ მარტო ამ სურათის დანახვაზე ბევრი უგონოდ დაეცემოდა მირს, მაგრამ სიამაჟით უნდა მოგახსენოთ, არ დაგბნეულვარ, წამსვე მოვისაზრე, ასე ერთ ადგილზე თუ გავშემდი, კარგი დღე არ დამადგება-მეთქი და როგორც კი ის საზარელი მოჩვენება ჩემქენ გამოქანდა, მაშინვე ფეხევეშ შევუვარდი, თანაც, ისე მარჯვედ, რომ მან შეჩერებაც ვერ მოასწრო, წაქცეულს ფეხი წამომკრა და მიწას დაასკდა. ვიდრე განძრევას მოასწრებდა, წამოვხტი, რევოლვერი დავახალე და ანგარიში გავუსწორე.

ამის შემდეგ დიდ ხანს არ გაუვლია, რომ ვიდაცამ ხელი მკრა და უგონოდ დავეცი.

როცა გამოვფიზლდი, დავინახე, გუდი ჩემქენ გადმოხრილიყო, ხელში წყლით სავსე გოგრის ბოთლი ეჭირა, ისიც შევამჩნიე, რომ პლატოზე ვიყავით, ჩვენი საოვალოვალო პუნქტის გვერდით.

– როგორა ხართ, მეგობარო, – შეწუხებული ხმით მკითხა გუდმა.

მე წამოვდექი, ტანსაცმელი ჩამოვიბერტყე და მხოლოდ ამის შემდეგ გავეცი პასუხი:

– არა მიშაგს, გმადლობთ.

– მადლობა ღმერთს. რომ დავინახე, ხალხს აქეთ მოჰყავდით, მუხლო მომეკვთა, მეგონა, ცოცხალი აღარ იყავით.

– არა, მეგობარო, ამჯერად გადავრჩი, ვფიქრობ, დარტყმამ ტვინი შემინჯლრია. მაგრამ მითხარით, რით დამთავრდა ბრძოლა?

– ჯერჯერობით მტერი ყველგან უკუგდებულია, დანაკლისი დიდი გვაქს, ორი ათასი კაცი გვეყოლება დაჭრილი და მოკლული, თუალას კი ალბათ სამი ათასამდე მეომარი გამოაკლდებოდა; მაგრამ ერთი ამ სურათს შეხედეთ, – მითხრა და ჩვენქენ მომავალი ხალხის გრძელ მწკრივზე მიმითითა. მეომრები

ჯგუფ-ჯგუფად მოდიოდნენ და ტყავის საკაცები მოპქონდათ. საკაცებს კუთხეებში გაკეთებული ჰქონდა მარყუები, რომ უფრო იოლი საზიდი უოფილიყო (სხვათა შორის, ასეთი საკაცები ბლომად არის კუპუანელთა ჯარის უველ რაზმში). ამ ტყავებზე, ანუ საკაცებზე, იწვნენ დაჭრილები, რომელთაც მოყვანისთანავე სინჯავდნენ მკურნალები. თითოეულ პოლქს ათ-ათი მკურნალი ჰყავდა. თუ ჭრილობა მძიმე არ იყო, დაჭრილი მიჰყავდათ და რამდენადაც შეეძლოთ, გულდაგულ წამლობდნენ, მაგრამ თუ დაჭრილის მდგომარეობა უიმედო იყო, ერთ-ერთი ექიმი მჭრელი დანით გადაუჭრიდა არტერიას და საბრალო სწრაფად და უდრტვინველად კვდებოდა. რასაკირველია, ერთი შეხედვით გეგონებოდათ, თითქოს მკურნალები საშინელ ბოროტებას ჩადიოდნენ, მაგრამ განა ეს გულმოწყალება და ლმობიერება არ იყო?

საერთოდ, დაჭრილებს მაშინ კლავდნენ, როცა მათ ჭრილობა ტანზე ჰქონდათ მიუქნებული, რადგან კუპუანელთა შების უზარმაზარი წვეტით დაჭრილი ადამიანის განკურნება შეუძლებელი ხდებოდა ხოლმე. უმეტეს შემთხვევაში ასეთი დაჭრილები უგრძნობდლად იმყოფებოდნენ, იმათ კი, ვისაც გრძნობა არ ჰქონდა დაკარგული, ისე სწრაფად და უმტკივნეულოდ გადაუჭრიდნენ მარღვებს, რომ საბრალონი ამას ვერც კი გრძნობდნენ. მაგრამ ეს სურათი თავისთავად იმდენად შემზარვია, რომ მე და გული სწრაფად განვერიდეთ იქაურობას. ჩემს სიცოცხლეში ამაზე ამაზრზენი არაფერი მინახავს. მკურნალი გასისხლიანებული ხელებით ჭრიდა ძარღვს, რომ ამ საბრალო ადამიანისათვის უკანასკნელ წუთებში მაინც შეემსუბუქებინა ტანჯვა. დიახ, შეემსუბუქებინა, მაგრამ რა გზით?

ასეთივე თავზარდამცემი სურათი ვიხილე მხოლოდ ერთხელ, როცა სვაზის ტომის მეომრებმა ბრძოლის შემდეგ თავისი დაჭრილები ცოცხლად ჩაფლეს მიწაში.

ამ საშინელებისათვის რომ ადარ გვეცქირა, მოპირდაპირე მხარეს წავედით; აქ დავინახეთ სერ ჰენრი, რომელსაც საბრძოლო ნაჯახი ჯერაც ხელში ეჭირა. აქვე იყვნენ იგნოზი, ინფადუსი და ერთი-ორი მეთაურთაგანი. ისინი ძალიან სერიოზულად ბჭობდნენ.

— მადლობა დმერთს, რომ მოხვედით, ქუოტერმენ, მე კარგად ვერ გავიგო, რას აპირებს იგნოზი. თუმცა მტერი უკუვაგდეთ, მაგრამ მგონი თუალას დიდალი მაშველი ჯარი მოუვიდა, ახლა ისინი ალბათ ალყას შემოგვარტყამენ, რომ შიმშილით სული ამოგხადონ და დაგვაუძლურონ.

— მაშ ჩვენი საქმე ცუდად ყოფილა.

— ეგ საკითხავიც არაა, მით უფრო, რომ, ინფადუსი ამბობს, მალე სასმელი წყალი აღარ გვექნებაო.

— დიახ, დიახ, ჩემო მბრძანებელო, — კვერი დაუკრა მოხუცმა მეომარმა, — პატარა ნაკადული სად გაწვდება ამოდენა ხალხს. წყალი სწრაფად კლებულობს. ჯერ კიდევ დაღამებამდე წყურვილით დავიხოცებით. მისმინგ, მაკუმაზან, შენ ბრძენი ხარ და, რასაკვირველია, მრავალ ომში მიიღებდი მონაწილეობას იმ ქვეყანაში, საიდანაც მოხვედი, თუკი თეთრი ადამიანები საერთოდ იბრძიან გარსკვლავეთში. გვირჩიე, როგორ მოვიქცეთ! თუალამ ხელახლა შეჰყარა ჯარი, ისინი დაღუპულთა ადგილს დაიჭერენ, მაგრამ ასე თუ ისე, იმ მტარვალს ჭკუა ვასწავლეთ. მიმინოს როდი ეგონა, ყანჩა წინააღმდეგობას გაუწევდა. ჩვენ ნისკარტით დაუცვლითეთ გული და ახლა, ცოტა არ იყოს, შიში აქვს. ამიტომ ვედარ ბედავს ხელმეორედ დაგვესხას თავს, თუმცა უნდა ითქვას, ჩვენც საკმაოდ გაგწამდით. ახლა ალბათ ალყის

შემორტყმას გვიპირებუნ, რომ შიმშილით ამოგვხოცონ, ან ცოცხლად ჩაგვიგდონ ხელში.

— მესმის, — ვუთხარი მე.

— ასე რომ, მაკუმაზან, როგორც გითხარით, წყალი არ გვაქვს, საჭმელიც ძალიან ცოტა დაგვრჩა. ამიტომ სამში ერთი უნდა ავირჩიოთ: უნდა დავიტანჯოთ და დავსუსტდეთ, როგორც მშიერი ლომი თავის ბუნაგში, ან ვცადოთ გავარდვიოთ მტრის ალყა სამხრეთით, ან არადა, — აქ იგი წამოდგა და მტრის მჭიდროდ შექრული რიგებისკენ გაიწვდინა თითი, — ჯიქურ მივეჭრათ მათ და თუალას უელში ვტაცოთ ხელი. ინკუბუ დიდი მეომარია, დღეს იგი ბადეში მომწყვდეული კამეჩივით იბრძოდა და მისი ნაჯახი ისე ცელავდა თუალას მეომრებს, როგორც სეტყვა პურის თავთავს. ინკუბუ გვეუბნება, მტერს თავს დავესხათო, მაგრამ სპილოს მუდამ თავდასხმაზე უჭირავს თვალი. რას იტყვის მაკუმაზანი — ბებერი, ეშმაკი მელა, რომელსაც ცხოვრებაში ბევრი რამ უნახავს და ფარულად ზურგიდან უყვარს მტრის დაგეხვლა? გადამწყვეტი სიტყვა, რასაკვირველია, იგნოზის ეკუთვნის, რადგან ის მეფეა, მაგრამ მანამდე გვინდა მოვისმინოთ შენი ხმა, პოი მაკუმაზან, და აგრეთვე ხმა ადამიანისა, რომელსაც გამჭვირვალე თვალი აქვს.

— შენ რას იტყვოდი, იგნოზი? — ვკითხე მე.

— არა, ჩემო მამავ, — მითხრა ჩვენმა ყოფილმა მსახურმა, რომელიც ველურების საუცხოო იარაღით იყო შეჭრვილი და ჭეშმარიტად მეომარი მეფის შთაბეჭდილებას ახდენდა, — ილაპარაკე, მინდა შენი სიტყვები მოვისმინო, შენთან შედარებით მე უგუნური ბალდი ვარ.

ამ დაჯინებული თხოვნის შემდეგ სასწრაფოდ მოვეთათბირე სერ ჰენრისა და გუდს და ორიოდე სიტყვით გადავეცი, რასაც ვფიქრობდი: რაკიდა ალყაშემორტყმულები ვართ და წყალიც მალე შემოგვაკლდება, თავს უნდა დავესხათ თუალას და ეს რაც შეიძლება სწრაფად უნდა მოხდეს-მეორი, ვუთხარი. უნდა მოხდეს მანამ, სანამ ჭრილობები მოგვიშუშდება და ვიდრე მოწინააღმდეგის ჭარბი ძალების ცქერით ჩვენს მეომრებს გული ცვილივით არ გაულხვებათ. ასე რომ არ მოვიქცეთ, ზოგი სარდალი თუალას შეურიგდება, მის მხარეს გადავა და ჩვენზე გამოიბარება-შეორება-მეორი.

როგორც ეტყობოდა, ჩემი აზრი მოეწონათ. უნდა მოგახსენოთ, რომ ჩემს სიტყვას არც მანამდე, არც შემდეგ არსად ჰქონია ისეთი ფასი და წონა, როგორც კუპუნელთა ქვეყანაში. მაგრამ საბოლოო სიტყვა მაინც იგნოზის ეკუთვნოდა. იგნოზი, მას შემდეგ, რაც მეფედ იქნა აღიარებული, გადამწყვეტი ხმითა და უსაზღვრო უფლებებით სარგებლობდა. ამიტომაც ყველანი მას მივაჩერდით.

იგნოზი ერთ ხანს დუმდა, ეტყობოდა, საზღვრავდა შექმნილ მდგომარეობას, შემდეგ კი დაიწყო:

— ინკუბუ, მაკუმაზან და ბუგვან, გულადო თეთრო ადმიანებო და ჩემო მეგობრებო! შენც, ინფადუს, ჩემო მამის მმავ, და თქვენც მეთაურებო. მე გადავწყვიტე: დღეს თავს დავესხმი თუალას და ამაზე იქნება დამოკიდებული ჩემი ბედი და ჩემი სიცოცხლე. დიახ, დიახ, ჩემი და უგლა თქმებინის სიცოცხლე. მისმინეთ, რას გეტყვით, ხომ ხედავთ, ეს გორაკი ნახევარმთვარესავით არის მოხრილი, დაბლობი კი ენასავით იჭრება ზემოთკენ.

— პო, რასაკვირველია, — კვერი დაგუკარი მე.

— ახლა შუადღეა, — განაგრძო იგნოზიმ, — თქვენმა მეომრებმა მოიკლან წყურვილი და დაისევენონ მომქანცველი ბრძოლის შემდეგ. როცა მზე მცირე მანძილს გაივლის ცაზე და დასალიერს მიუახლოვდება, შენი და კიდევ ერთი

სხვა პოლკი, ინფადუს, ჩავიდეს დაბლა, იმ მწვანეზე. თუალა რომ ამას დაინახავს, თავის ჯარებს იქით მოაყრის, მაგრამ ეს ადგილი ვიწროა, მტრის პოლკები მხოლოდ თითო-თითოდ თუ გამოილაშქებენ ჩვენს წინააღმდეგ და შენი მეომრები ერთი-მეორის მიყოლებით გაანადგურებენ მათ. თუალას მოელი არმია თქვენსკენ იქნება თვალმოპყრობილი. ამ ბრძოლაში, ინფადუს, შენთან ჩემი მეგობარი ინკუბუ იბრძოლებს. თუალა რომ მას რუხებს შორის დაინახავს, ადელდება და სულიერად დაეცემა. მე კი წამოვუძღვები მეორე პოლკს, რომელიც თქვენს უკან განლაგდება. იმ შემთხვევაში, თუ რუხები დამარცხდნენ, რაც სულ ადგილად შეიძლება მოხდეს, გვერდით ეყოლებათ მეფე, რომლის გულისათვისაც მეომრები ბრძოლაში თავს არ დაზოგავენ. ჩემთან ერთად მაკუმაზანი წამოვა.

— მესმის, პოი, მეფეო, — მიუგო ინფადუსმა, იგი საოცრად გულგრილად შეხვდა იმ ამბავს, რომ მოკლე ხანში მისი პოლკი უნდა განადგურებულიყო.

მართალი მოგახსენოთ, ეს კუპუანულები საოცარი ხალხია. მათ არ აშინებთ სიკვდილი, როცა ამას მოვალეობა მოითხოვს.

— და ვიდრე თუალას მოელ არმიას ამ ბრძოლისკენ ექნება მიპყრობილი თვალი და უერი, — განაგრძო იგნოზიმ, — ჩვენი დარჩენილი ჯარის ერთი მესამედი, ესე იგი, ექვსი ათასამდე კაცი, ფოფხვით დაეშვება გორაკის მარჯვენა შტოლან და თავს დაესხმის მათ მარცხენა ფრთას. მეორე მესამედიც ასევე შეუმჩნევლად დაჟვევება მარცხენა შტოს და იერიშს მიიტანს მარჯვენა ფრთაზე. მაშინ მეც ჩემი მეომრებით პირდაპირ შევუტევ. თუ ბედი შეგვეწია, უსათუოდ გავიმარჯვებოთ და ვიდრე დამე თავისი შავი ხარებით მოებზე გადარბენას მოასწრებდეს, ჩვენ მშვიდად ვისხდებით ლუუში. ახლა კი, პატარა დავნაყრდეთ და ბრძოლისათვის მოვემზადოთ. შენ, ინფადუს, განკარგულება გაეცი, ჩემი ბრძანება ზუსტად იქნას შესრულებული. პო! ჩემი თეთრი მამა ბუგვანი მარჯვენა ფრთას გაჟვევება, რომ მისმა ბრწყინვალე თვალმა ჩვენს მეომრებს გული გაუმხნეოს.

ეს მოკლე განკარგულებები საოცარი სისწრაფით შესრულდა.

საათზე ცოტა მეტი დასჭირდათ, რომ ჩამოერიგებინათ მეომრებისათვის საჭმელი (რაც მათ თვალისდახასმამებაში გააქრებ), ჩამოეყალიბებინათ სამი რაზმი და განემარტოთ ბელადებისათვის თავდასხმის მიზანი. ჩვენ ახლა თვრამეტი ათასამდე მეომარი გვყავდა. გარდა მცველებისა, რომელთაც დაჭრილებთან ვტოვებდით, ყველანი საბრძოლოდ მოემზადნენ.

აյ რომ ასეთი მზადება იყო, მე და სერ პენრის გუდი მოგვიახლოვდა, ხელი ჩამოგვართვა და გვითხრა:

— გემშვიდობებით, მეგობრებო, ბრძანების თანახმად, მარჯვენა ფრთის მეომრებს მივჟვები და თქვენთან გამოსათხოვრად მოვედი, ეგებ ველარც კი ვნახოთ ერთმანეთი.

ჩვენ უხმოდ გავუწოდეთ ერთმანეთს ხელი და იმდენად ავღელდით, რამდენადაც ეს ტრადიციული ნორმების მიხედვით დასაშეგებია ყოველი ინგლისელისათვის.

— ჩვენი საქმე ძალზე სახიფათოა, — თქვა სერ პენრიმ ოდნავ შემკრთალი ხმით, — მართალი გითხრათ, დარწმუნებული არა ვარ, რომ ხვალ კიდევ ვიხილავ მზეს. რამდენადაც გავიგე, რუხები, რომელთაც მე უნდა გავჟვებიდოლებენ მანამდე, ვიდრე ერთიანად არ გაწყდებიან, რომ გვერდიდან თავდამსხმელებს შესაძლებლობა მისცენ შეუმჩნევლად ჩამოვიდნენ დაბლა, თავი დაუაროს თუალას ჯარებს და ზურგიდან მოულოდნელად დაეცნენ. რა ვუყოთ, დაე, ასე იყოს. ყოველ შემთხვევაში, ვაჟაცური სიკვდილით მოგვედები.

მშვიდობით, მეგობრებო, – მომიბრუნდა იგი მე, – დმერთი იყოს თქვენი შემწეობის მაქვს, თავს დავაღწევთ ყველაფერ ამას და ხელში ჩავიგდებო ალმასებს. მაგრამ ერთი რჩევა კი უნდა მოგცეთ, ქუოტერმენ, თუ ამ ბრძოლას სადსალამათად გადაურჩით, პლავ ნუდარასოდეს დაიჭერთ საქმეს ტახტის მაძიებლებთან.

გუდმა ერთხელ კიდევ მაგრად ჩამოგვართვა ხელი და გაგგშორდა. მისი წასვლის შემდეგ ინფადუსი მოვიდა და სერ ჰენრი რუბენის პოლკისკენ წაიყვანა. მე კი შავბნელი ფიქრებით შეპყრობილი იგნოზისკენ გავეშურე და ჩემი ადგილი დავიჭირე პოლკში, რომელიც რუბენის განადგურების შემდეგ შეტევაზე უნდა გადასულიყო.

თ ა ვ ი X I V

რ უ ხ თ ა უ კ ა ნ ა ს კ ნ ე ლ ი

რამდენიმე წუთის შემდეგ პოლკებმა, რომელთაც მიიღეს განკარგულება, ფრთებიდან დასხმოდნენ თავს მოწინააღმდეგას, სრულ სიჩუმეში დატოვეს იქაურობა. დიდი სიფრთხილით მიიწევდნენ დაბლა, ეფარებოდნენ ლოდებსა და ბუჩქებს, რომ მზვერავთა მახვილ თვალს დამალოდნენ.

ნახევარი საათის შემდეგ ფრთებზე განლაგდნენ. ამავე დროს რუბენი უძრავად იდგნენ ადგილზე. მათ ზურგს უმაგრებდა ერთ-ერთი უძლიერესი პოლკი. იგი კამეჩების პოლკის სახელით იყო ცნობილი. ეს იყო ჩვენი არმიის ძირითადი ბირთვი და მოწინააღმდეგის თავიდათავი დარტყმა მას უნდა მიეღო.

ორივე პოლკი თითქმის უკლისად იყო, ამასთანავე, არც დადლილები იყვნენ. დილით რუბენი თადარიგში იდგნენ, ხოლო როცა მოწინააღმდეგებმ ჩვენი თავდაცვის ხაზი გაარღვია (ეს მაშინ იყო, მე რომ თავში დარტყმით გამაბრუები), მათ ძალიან ცოტა მებრძოლი დაკარგეს. რაც შეეხება კამეჩებს, ისინი დილით მარცხენა ფრთაზე, თავდაცვის მესამე ხაზთან იდგნენ და რაკი ამ მიმართულებით თავდამსხმელებმა ვერ შეძლეს ხაზის გარღვევა, ბრძოლაში სულაც არ მიუღიათ მონაწილეობა.

ინფადუსი გამოცდილი ბელადი იყო, ძალიან კარგად იცოდა, რომ ასეთი ბრძოლის წინ უნდა გაემხნევებინა თავისი მებრძოლები და აემაღლებინა მათი სულიერი განწყობილება, ამიტომ თავის პოლკს სიტყვით მიმართა; ენამჭერულად განუმარტა მეომრებს, რა დიდი პატივი იყო მათთვის, მოწინავე ხაზზე საბრძოლველად რომ აგზავნიდნენ, თანაც ვარსკვლავეთიდან ჩამოსულ თეთრ მებრძოლებითან ერთად. იმ შემთხვევაში, თუ ჩვენი ჯარი გაიმარჯვებისო, – დააბოლოვა მან თავისი სიტყვა, – მევე იგნოზი ბრძოლაში გადარჩენილებს ჯოგებსა და სამხედრო სარბიელზე დაწინაურებას პკირდებათ.

მე თვალი გავაყოლე მეომრების გრძელ მწკრივებს, მკაცრ სახეებს, მოფრიალე შავ ჯილებს და მწარედ გავიფიქრე, რომ სულ რაღაც ერთი საათის შემდეგ ამ შესანიშნავი ვაჟკაცების უმრავლესობა მკვდარი, ან მომაკვდავი უყრება ბრძოლის ველზე-მეოქი. სხვაგარად არც შეიძლებოდა. მათ საჯუთარი უერთ მოისმინეს განაჩენი, რომელიც ბელადმა ასე გულგრილად აუწყა. ადამიანის სიცოცხლის ასეთი უგულებელყოფა ხშირად ხელს უწყობს მთავარსარდლებს, დაზოგონ თავისი ძალები და განახორციელონ დასახული

მიზანი, ერთი სიტყვით, ისინი ბრძოლის დროს სწირავენ ადამიანთა გარეშეულ რაოდენბას, რათა უზრუნველყონ მთელი არმიის გამარჯვება. რუხები წინასწარ იყვნენ სასიკვდილოდ განწირულნი და იცოდნენ კიდეც ეს. მათი მიზანი იყო ბრძოლა გაემართათ თუალას პოლკებისათვის, როცა ისინი ერთიმეორის მიყოლებით შემოვიდოდნენ ვიწრო, მწვანე ზოლზე, გორაკის შტოებს შორის რომ იყო მოქცეული. მათ უნდა ებრძოლათ მანამ, სანამ არ დაამარცხებდნენ მოწინააღმდეგებს, ან სანამ მარჯვენა და მარცხენა ფრთაზე განლაგებულ ჯარს შესაძლებლობა მიეცემოდა, გადასულიყო შეტევაზე. ყველაფერი ეს იცოდნენ რუხებმა, მაგრამ, მიუხედავად ამისა, წუთითაც კი არ დაუწყიათ ყოველანი. მათ სახეებზე იოტისოდენა შიშიც კი არ შემინიშნავს. დიახ, ჩემ წინ იდგნენ სასიკვდილოდ განწირული მეომრები, რომლებიც აგერაგერ სამუდამოდ უნდა განმორებოდნენ დდის კურთხეულ ნათელს, მაგრამ წარბშეუხრებად და უშიშრად ელოდნენ სულ-ხორცის გაყრის ჟამს. მიუხედავად იმისა, რომ ძალზე დაბატული წუთები იყო, არ შემეძლო უნებლივთ არ შემედარებინა მათი სულიერი მდგომარეობა ჩემი მდგომარეობისათვის. არა, მე არ შემეძლო მათსავით მშვიდად ვყოფილიყავი, — გავიფიქრე ეს და ჩემდაუნებურად ამოვიოხრე. ეს ოხვრა შეურით და აღტაცებით იყო გამოწვეული. დღემდე არსად შემხვედროდა ასე თავდადებული და თავისი მწარე ხვედრისადმი ეგზომ გულგრილად განწყობილი ადამიანები.

— აი, თქვენი მეფე, — დაასრულა სიტყვა ინფადუსმა და ხელი იგნოზისკენ გაიწვდინა, — წადით, იბრძოლეთ და დაიხოცენით მისთვის, ასეთია გმირთა ხეედრი. მარადეამს კრული და შერცხევილი იყოს მისი სახელი, ვინც შიშობს თავი გასწიროს მეფისათვის, ვინც ეცდება, თავი აარიდოს ბრძოლას და მტერს ზურგი უჩვენოს. აი, თქვენი მეფე, მეთაურებო, ბელადნო, მეომრებო. ახლა ფიცი დასდეთ გველის წმინდა გამოსახულების წინაშე და მერე უკან მოგვყევით. იჯუბუ და მე თუალას ჯარების შეაგულისკენ გავიკვლევთ გზას.

ჩამოვარდა ხანმოკლე სიჩუმე. შემდეგ მოულოდნელად მეომართა რიგებში გაისმა ხმაური, თითქოს სადღაც, შორიდან ზღვის ტალღების ყრუ ბუბუნი მოისმისო. ამ ხმას გამოსცემდა ექვსი ათასი ფარი, რომლებსაც მეომრები ნელნელა ურტყამდნენ შების ტარებს. ხმაური თანდათანობით გაძლიერდა, გაფართოვდა, გაღრმავდა და ბოლოს გამაყრუებელ გუგუნ-გრიალში გადაიზარდა. მთებმა ჭექა-ჭეხილივით აიტაცა ეს ხმა და მერე გრიალით უკუაქცია. ხმების მძლავრმა ტალღებმა ჰაერი დაამბიმა. შემდეგ გრიალი თანდათანობით მიწყდა და ბოლოს სულაც ჩაკვდა. ჩაკვდა და სიჩუმეში უეცრად იჭექა შეძახილმა... — კუუმ! კუუმ! კუუმ! — ხალხი მეფეს ესალმებოდა.

გულში გავიფიქრე, ალბათ რომის არც ერთ იმპერატორს არ მისალმებიან ასეთი აღტაცებით სასიკვდილოდ მიმავალი გლადიატორები და იგნოზის დღეს უფლება აქვს იამაყოს თავისი მდგომარეობით და თავისი ხალხით-მეთქი.

იგნოზიმ საბრძოლო ნაჯახი ჰაერში შეათამაშა და ამით გამოხატა თავისი მადლობა მეომრებისადმი. შემდეგ რუხები სამ რაზმად დაეწყვნენ. ყოველ რაზმში, მეთაურის ჩაუთვლებულად, ათასამდე მეომარი იყო. პოლკები თავისი პოზიციებისაკენ გაეშურნენ. როცა ბოლო რაზმი ორმოცდაათიოდე იარდით დაგვშორდა, იგნოზი სათავეში ჩაუდგა კამეჩებს, რომლებიც ასევე სამ რაზმად იყვნენ დაყოფილნი. მეფის ბრძანების თანახმად, ჩვენც დაბლა ვიწყეთ ჩასვლა. გულში მხურვალედ ვლოცულობდი, დმერთს შევთხოვდი, განსაცდელი ამაშორე და სიკვდილისგან მისხენი-მეთქი. ჩემს ცხოვრებაში მრავლის უმრავლესი ჭირი გამომივლია, მაგრამ ასეთი შავი დღე ჯერ არ გამოენებია, არასოდეს არ მქონია გადარჩენის ასე მცირე შესაძლებლობა.

როცა პლატოს კიდეს მივაღწიეთ, რუხები უკვე ფერდობის შეაგულში იყვნენ და გორაკის ძირში სოლიგით შემოჭრილი ამწვანებული ვაკისკენ მიიჩქაროდნენ.

თუალას ბანაკში დიდი მოძრაობა შეიმჩნეოდა. პოლკები სწრაფი ნაბიჯით, ან უკეთ რომ ვთქვათ, სირბილით მოდიოდნენ მაღლობისკენ, ცდილობდნენ, მანამდე მოსულიყვნენ გორაკის ძირში, ვიდრე ჩვენი მეომრები ლუს ველზე გაიშლებოდნენ.

გორაკში სოლიგით შეჭრილი მწვანე სამკუთხედის სიგანე სამასორმოცდათი ნაბიჯი თუ იქნებოდა, იგი წვეროსკენ კიდევ უფრო ვიწროვდებოდა და ორმოცდათიოდე ნაბიჯს აღწევდა. რუხები, სამკუთხედს რომ მიუახლოვდნენ, დანაწილდნენ და ვიწრო ადგილი ისე ჩაათავეს, მაგრამ როცა სამკუთხედი საკმაოდ გაფართოვდა, კვლავ სამ-სამ მწკრივად დადგნენ და ადგილზე გაშეშდნენ.

მაშინ ჩვენც, ესე იგი, კამეჩებიც, დავეშვით სამკუთხედის წვერზე და რუხების ბოლო მწკრივის უკან, დაახლოებით ასი იარდის დაშორებით, სათადარიგო ადგილი დავიკავეთ. ვიდექით და გადავყურებდით, როგორ მოეშურებოდა ჩვენ კენ თუალას ჯარი. ეტყობოდა, დილანდელი შეტაკების შემდეგ მაშველი რაზმები მოსვლოდათ და ახლა მათ რიგებში, მიუხედავად დიდი დანაკარგისა, ორმოცი ათასამდე კაცი იქნებოდა. თავდამსხმელები თანდათანობით მოუახლოვდნენ სამკუთხედის ფუძეს, შედგნენ და აშკარად შეყოყმანდნენ. არ იცოდნენ, როგორ მოქცეულიყვნენ, გორაკის შტოებისაგან წარმოქმნილ ხეობაში მხოლოდ და მხოლოდ ერთ პოლკს შეეძლო გავლა. გარდა ამისა, ხეობის შესახლელებიდან სამოცდათი იარდის დაშორებით იდგა რუხების სახელგანთქმული პოლკი – კუპუნელთა არმიის მშვენება და სიამაყე, რომლის მეომრებიც ყოველ წამს მზად იყვნენ მოქრათ მათვის გზა. ოდესდაც სამი რომაელი ასე იცავდა ხიდს ათასობით თავდამსხმელისაგან. რუხებზე თავდასხმა მხოლოდ წინა მხრიდან იყო შესაძლებელი, რადგან მათ ორივე ფრთიდან გორაკის კაჭრით მოფენილი ციცაბო ფერდობები იცავდა. როგორც მოგახსენეთ, თავდამსხმელები შეყოყმანდნენ და ერთ ხანს გაუნძრევლად იდგნენ ადგილზე. ეტყობოდა, არც თუ ისე ჩქარობდნენ შებმოდნენ რუხებს – ამ კუშტსა და მამაც მეომრებს, რომლებიც ბრძოლის დაწყებას ელოდნენ. უკცრად თავდამსხმელთა რიგებს გამოეყო ვიდაც მაღალ-მაღალი აცი. მას თავზე სირაქლემას ფრთების ჩვეულებრივი ჯიღა ედგა. უკან მეთაურებისა და შიკრიკების კარგა მოზრდილი ჯგუფი გამოჰყა. ეს თვით თუალა უნდა ყოფილიყო. თუალამ გასცა ბრძანება და პირველი პოლკი ლრიალით გადავიდა შეტევაზე. რუხები სრულ მდუმარებაში იდგნენ. არც კი შერხეულან, ვიდრე თავდამსხმელები ორმოცდათ იარდზე არ მიუახლოვდნენ და დანები სეტყვასავით არ დააყარეს.

მაშინ კი მეყვეულად მოსწყდნენ ადგილს, წინ გაქანდნენ და შებები შემართეს. ორივე პოლკი ერთმანეთში აირ-დაირია, დაიწყო სამკვდრო-სასიცოცხლო ბრძოლა. წამიც და ერთმანეთს შეჯახებული ფარების გრიალი ქუხილიგით მოსწყდა ჩვენს სმენას. დაბლობი თითქოს აინთო მზის სხივების ათინათით, რომელთაც მოქნეული შებები ირეკლავდნენ. ერთმანეთს შერკინებული ეს ზღვა ხალხი ტალღებივით ირწეოდა აქეთ-იქით. მაგრამ ასე დიდხანს არ გაგრძელებულა. მოკლე ხანში თავდამსხმელთა რიგები შესამჩნევად შეთხელდა. მოულოდნელად რუხები ზანტად, ზეირთივით თავზე გადაევლნენ მათ, ისე როგორც ზღვის ტალღა გადაურბებს ხოლმე თავზე კბოდოვან ბრაგებს. მიზანი მიღწეული იყო – თავდამსხმელთა პოლკი პირწმინდად განადგურდა,

მაგრამ რუს მეომართაგან მხოლოდ ორი მწკრივი გადარჩა. მეომართა ერთი მესამედი დაჭრილ-დახოცილი ეყარა მიწაზე.

რუსებმა კვლავ შეამჭიდროვეს რიგები, სრულ მდუმარებაში მხარდამხარ დადგნენ და ახალ შემოტევას ელოდნენ. წარმოიდგინეთ, როგორ გამიხარდებოდა, როცა მათ შორის სერ პენრის ქერა წვერს მოვკარი თვალი. სერ პენრი აქეთ-იქით მიღი-მოდიოდა და წესრიგს ამყარებდა. მაშ ასე, იგი ჯერ ცოცხალი იყო.

ამასობაში ჩვენც მივუახლოვდით ბრძოლის ადგილს, რომელიც დაჭრილ-დახოცილებითა და მომაკვდავებით იყო მოფენილი. ჩემი ვარაუდით, აქ ოთხი ათასი კაცი მაინც იქნებოდა. მიწაზე სისხლის გუბეები იღგა. იგნოზიმ გასცა ბრძანება, რომელიც სწრაფად გადაეცა რაზმებს. ბრძანების თანახმად, რუსებს ეკრძალებოდათ დაჭრილი მტრის მოკვლა. მეომრები მეფის სიტყვას უყოფმანოდ ასრულებდნენ, ასე რომ არ მომხდარიყო, გულშემზარავი სანახაობა გველოდა. თუმცა ამაზე ფიქრის თავი მაშინ ვის პქონდა!

აი, თანდათანობით მოახლოვდა თუალას მეორე პოლკიც. მეომრებს სხვებისაგან განსხვავებით ჯიღები, მოკლე ქვედატანი და ფარები მთლად თეთრი ფერისა პქონდათ. მტერი მოიწევდა წინ, რომ თავს დასხმოდა რუსებს, რომელთაც ახლა ორი ათას მეომარზე მეტი არ ჰყავდათ. რუსები ახლაც ავბედითად დუშმდნენ. დუშმდნენ და ელოდნენ, როდის მოუახლოვდებოდათ მოწინააღმდეგაც. როცა თუალას ჯარი ასე, ორმოც იარღზე მოახლოვდა, რუსები თავგანწირვით ეპვეთნენ მათ. კვლავ გაისმა ერთმანეთს შეხეთქებული ფარების გამაყრუებელი გრიალი და წელანდელი საზარელი ტრაგედია ზუსტად იმავე სახით განმეორდა. ვერ წარმომედგინა, რომ რუსები კვლავ შემდებდნენ გამარჯვებას. თუალას პოლკი, რომელშიც სულ ახალგაზრდა მეომრები იყვნენ, გააფთრებით იბრძოდა. თავდაპირველად მეგონა, რუსებმა უკან დაიხიეს-მეთქი. საზარელი ხოცა-ულეტა იყო. ასობით მებრძოლი ყოველ წუთს მკვდარი ან დაჭრილი ეცემოდა ძირს. მებრძოლთა ყვირილში, მომაკვდავთა კნესასა და გადაჯვარედინებული შუბების ელრიალში ისმოდა შეძახილები: შ'გე ს'გე! ამ სიტყვებს წამოიძახებდა ხოლმე გამარჯვებული, როცა მტერს შებს სასიკვდილოდ აძგერებდა და ძირს დასცემდა.

საუკეთესო წესრიგს, სიმტკიცესა და სიმამაცეს სასწაულების მოხდენა შეუძლია. გარდა ამისა, ერთი გამობრძმედილი მებრძოლი ორ ახალბედას უდრის. დიახ, ეს სულ მალე დადასტურდა. ის იყო, გავიფიქრე, რუსების აღსასრული მოვიდა-მეთქი და ბრძოლის ველზე გასასვლელად მოვემზადეთ, რომ ამ აურზაურში გარკვევით შემოგეხსმა სერ პენრის ხმა. წამით თვალი მოვკარი საბრძოლო ნაჯახსაც, რომელსაც იგი პაერში ატრიალებდა. შემდეგ რაღაც ცვლილება მოხდა. რუსები უკან-უკან აღარ იხევდნენ. კლდესავით იდგნენ და ამ კლდეს, ადამიანთა ამ გაუვალ ზღუდეს ელექტროდნენ შუბოსანთა გააფთრებული ტალღები. ელექტროდნენ მხოლოდ იმისათვის, რომ ისევ უკან დაქანებულიყვნენ. უეცრად რუსები კვლავ შეინძრნენ, ამჯერად წინ წაიწიქეს. კიდევ წუთი და თავდასხმა შესუსტდა.

— დიახ, ესენი ნამდვილი გმირები არიან, დახეთ, ერთხელ კიდევ გაიმარჯვეს! — წამოიყვირა იგნოზიმ, რომელიც ჩემ გვერდით იღგა და მდელვარებისაგან კბილებს აკრაჭუნებდა. — აპა, შეხედეთ, გამარჯვებაც სწორედ ამას პქვია!

უეცრად თავდამსხმელთა პოლკი ზარბაზნის ლულიდან გამოჭრილი ბოლივით დაიფანტ-დაიქსაქსა. მეომრები ჯგუფ-ჯგუფად გარბოდნენ უკან. ქარი კვალდაკვალ მიაფრიალებდა მათ თეთრ ჯიღებს. დიახ, რუსებმა გაიმარჯვეს,

მაგრამ ვაი, ამ გამარჯვებას! მათი პოლკი განადგურებული იყო. იგი აღარ არსებობდა. სამი ათასი მეომრის ნაცვლად, ამ ორმოციოდე წუთის წინათ სამ მწკრივად რომ იდგა, ახლა დიდი-დიდი ექვსასი კაცი ყოფილიყო ცოცხალი. ისინიც თავით ფეხებამდე სისხლში მოთხოვილნი იდგნენ, სხვები კი უსულოდ ეყარნენ ბრძოლის ველზე. გადარჩენილმა მეომრებმა შუბები პაერში შეათამაშეს და გამარჯვების ყიუინა დასცეს. ვფიქრობდით, ჩვენკან წამოვიდოდნენ, მაგრამ არა, წინ გაიჭრნენ და მტერს ფეხდაფეს მიჰყვნენ. ასიოდე იარდის შემდეგ ხელო იგდეს ერთი მომცრო გორაკი, კვლავ სამ მწკრივად დადგნენ და გორაკს სამმაგი ალყა შემოარტყეს. შემდეგ კი, პოი ბედნიერებავ! თვალი მოვკარი სერ პენრის, ინფალუსთან ერთად საღსაღამათი რომ იდგა გორაკზე. მაგრამ აი, თუალას პოლკებმა კვლავ შემოუტიეს ამ სასიკვდილოდ განწირულ, გმირ ადამიანებს და ბრძოლა განახლდა.

ამ წიგნის მკითხველი ალბათ დიდი ხანია მიხვდა, რომ ცოტა არ იყოს, მშობარა კაცი ვარ და ბრძოლისკენ სულაც არ მიმიწევს გული. მართალია, ხშირად ჩავარდნილვარ ხოლმე გაუსაძლის მდგომარეობაში, როცა იძულებული გავმხდარვარ, ადამიანის სისხლი დამეღვარა, მაგრამ ამას მუდამ ძალდატანებით და ზიზღით ჩავდიოდი. ის კი არადა, ზოგჯერ გაქცევასაც არ ვთაკილობდი, თუ გული მიკარნახებდა, რომ ეს აუცილებელი იყო. მაგრამ ახლა, ამ წუთებში ჩემს სიცოცხლეში პირველად აღვენთე ბრძოლის ჟინით. ინგოლძის ლეგანდის საბრძოლო სტრიქონები და ძველი აღთქმის მრისხანე სიტყვები ერთიმეორის მიყოლებით აღდგა ჩემს მეხსიერებაში. ამ საზარელი სანახაობით ნახევრად გაყინულმა სისხლმა მძაფრად იწყო ჩქეფა ძარღვებში და დამუცლა ველური სურვილი, ველური ჟინი, არავინ დამენდო, ამომექლიტა და მომესრნა ირგლივ ყველა და ყოველი. თავი მივაბრუნე და ჩემ უკან მეომართა მჭიდროდ შეკრულ რიგებს გავხედე. წამით დავინტერესდი, მეც ისეთი სახის გამომეტყველება მაქვს, როგორც მათ, თუ არა-მჟოქი. მეომრები მდუმარედ იდგნენ, ისრები დაძაბულად წაეწვდინათ, ბაგე ნახევრად გაპობოდათ, ხელის კუნთები უთროდათ, გააფთრებული სახეები ბრძოლის დაუოკებელი ჟინით ანთებოდათ. თვალჩაციებით იცირებოდნენ რუხებისაკენ. ასე უცქერის ხოლმე მექებარი თავის მსხვერპლს.

მხოლოდ იგნოზი იდგა უშფოთველად. მას ხომ თავშეკავების საოცარი უნარი აქვს და ახლაც ალბათ გული მშვიდად უცემდა მკერდქვეშ, თუმცა კბილებს განუწყვეტლივ აკრაჭუნებდა.

– ნუთუ, ვიდრე ფეხებს არ გავიდგამთ, ამ ადგილზე უნდა ვიდგეთ, ამბობა, ანუ იგნოზი, და ველოდოთ, როდის გაქლებს თუალა ჩვენს ძმებს იქ, გორაკონა!
– ვეღარ მოვითმინე მე.

– ოჲ, არა, მაკუმაზან, – მითხვა მან, – აი, ნახავ, როგორც კი ხელსაყრელი წუთი მოგვეცემა, მაშინვე ჩავერთვებით ბრძოლაში.

ამ დროს თუალას ახალმა პოლკმა ელვის უსწრაფესად დაუარა თავი რუხებს, მერე შემობრუნდა და ზურგიდან დააცხრა.

ახლა კი შემართა იგნოზიმ თავისი საბრძოლო ნაჯახი და კამეჩებს ნიშანი მისცა, შეტევაზე გადავიდეთო, მეომრებმა საომარი ყიუინა დასცეს და ზღვის შმაგი ტალღებივით გაქანდნენ მტრისაკენ.

არ ძალმის გადმოგცეთ, რა მოჰყვა ამას შემდეგ. მახსოვს მხოლოდ, რომ ჩვენები გააფთრებით ეკვეთნენ მტერს. მეომართა ფეხქვეშ მიწა ზანზარებდა, მტერმა უმაღ შეცვალა ფრონტის საზი და ხელახლა გადააწყო პოლკი, რომელსაც ჩვენ უტევდით. ამას მოჰყვა საშინელი დარტყმა, ხმების ყრუ გუბუნი

და შებების განუწყვეტელი ლაცლაცი, სისხლივით წითელ ნისლში რომ ილანდებოდა.

როცა გონება გამინათდა, დავინახე, რომ რუხების პოლკის გადარჩენილ ნაწილთან ერთად ბორცვის მწვერვალთან ვიდექი. მოპირდაპირე მხარეს სერ ჰენრის მოვგარი თვალი. ცხელ გულზე ვერც კი მოვისაზრე, როგორ მოვხვდი იქ. შემდეგ სერ ჰენრიმ მითხვა, კამეჩების გააფორებულმა შემოტევამ ზედ ჩემს ფეხებთან მოგაგდო. როცა კამეჩებმა უკან დაიხიეს, მე იქ დავრჩენილვარ. სერ ჰენრი რუხების რკალიდან გამოჭრილა და შიგ შევუთრევივარ.

ვის ძალუმს აღწეროს, რა მოხდა შემდეგ? თუალას მეომრები კვლავ და კვლავ ესხმოდნენ თავს რუხებს. მათი რკალი თანდათანობით მცირდებოდა, მაგრამ ჩვენ გმირულად ვიგერიებდით იერიშებს. მსგავსი ბრძოლა შესანიშნავად არის აღწერილი ერთ ლექსში:

ვხედავ შებოსანთა გაუვალ ტყეს,
და იმათ გმირობას ვუმდერი დღეს,
რამდენი ვაჟკაციც ბრძოლაში დაეცა,
იმდენი ვაჟკაცი მათ ნაცვლად დგას...

დიდებული სურათი იყო. თუალას რაზმები დროდადრო გადმოდიოდნენ შეტევაზე, რისთვისაც უხდებოდათ მათივე მეომრების ახორცილ-დახორცილი გვამები გადმოეთელათ. ეს კი არც ისე ადვილი იყო. ზოგჯერ, იერიშის დროს, მეომრები წინ იფარებდნენ მოკლულთა გვამებს, რათა ჩვენი შებებისაგან თავი დაეცვათ, მაგრამ ეს ვერავერს შეველოდათ. მე აღტაცებით შევყურებდი ინფადუსს. ეს გამობრძებული, უდრევი მებრძოლი ისე მშვიდად იძლეოდა ბრძანებებს, თითქოს აღლუმზე არისო. ზოგჯერ ხუმრობდა კიდეც, რომ გაემხიარულებინა თავისი მცირერიცხოვანი ჯარი. ხოლო როცა მტერი მორიგ შეტევაზე გადმოდიოდა, იგი მუდამ იქ განწყობოდა, სადაც ყველაზე ცხარე ბრძოლა იყო, რათა შემმუსვრელი ძალით დაემარცხებინა და უკუეგდო მტრის ჯარი; მაგრამ ინფადუსს სერ ჰენრი სჯობდა. სირაქლეების ფრთების ჯილა ვიღაცას შების დარტყმით გადაეჭრა მისთვის, გრძელ ქერა თმას ქარი უფრიალებდა და ახლა უფრო მეტად წააგავდა ძველ დანიელს. ამ მებრძოლ გოლიათს ხელები, ნაჯახი და ჯაჭვის პერანგი ერთიანად სისხლში ჰქონდა მოსვრილი. მის დარტყმას ვერავინ უძლებდა. შების ან ნაჯახის ერთი დაკვრით ძირს დასცემდა მტერს და ახლა სხვას დაერეოდა. „ო-ჰოი“, „ო-ჰოი“, იძახდა ხოლმე ასეთ წუთებში სწორედ ისე, როგორც ეს მის ბერკშირელ წინაპრებს სხვეოდათ. ლერდა ფარებს, ნაფორებად აქცევდა შებებს, მოწინააღმდეგებს თავის ქალებს უმსხვევევდა. ბოლოს და ბოლოს საქმე იქამდე მივიდა, რომ ვერავინ ბედავდა, მიახლოვებოდა ამ თეორ „უმტაგაზილ-ს“, ესე იგი, თეორ მისანს, ყველას მუსრს რომ ავლებდა, თვითონ კი უვნებელი რჩებოდა.

მაგრამ უეცრად მტრის მხარეზე ჩოჩქოლი ატყდა. „თუალა!“ „თუალა!“ გაისმა ხმა. მოწინააღმდეგებთა რიგებს გამოეყო ცალთვალა ბუმბერაზი და აუჩქარებლად წამოვიდა ჩვენგენ. ხელში საბრძოლო ნაჯახი ეჭირა, ტანზე ჯაჭვის პერანგი ეცვა.

ეს თვით მეფე თუალა გახლდათ.

— სადა ბრძანდები, ინკუბუ, თეორო ჯადოქარო, სკრაგას მკვლელო? აბა, გამობრძანდი! ვნახოთ, ვინ ვის დაამიწებს! — ამ სიტყვებით სერ ჰენრის დანა ესროლა. საბედნიეროდ, სერ ჰენრიმ თვალი შეასწრო მის მოძრაობას და დანას ელვისუმალ ფარი შეაგება. დანამ ფარი გახვრიტა და ზედვე დაერჭო.

თუალამ დაიღრიალა, გადმოხტა და სერ პენრის ფარს მძლავრად დაარტყა ნაჯახი.

სერ პენრი დიდი დონის პატრონი იყო, მაგრამ დარტყმის ძალამ მაინც მუხლებზე დასცა. ორთაბრძოლა ამით არ დამთავრებულა. სწორედ ამ დროს იმ მხრიდან, საიდანაც მტერი გვაწვებოდა, ზარდამცემი ყვირილი გაისმა. იქით გავიხედე და უმალ ყველაფერს მივხვდი.

მარჯვენა და მარცხენა ფრთიდან ჩვენი მეომრები გამორბოდნენ. უმჯობესი წუთის შერჩევა საამისოდ შეუძლებელი იყო. როგორც იგნოზი ვარაუდობდა, თუალას მთელი არმის სული და გული რუხებისა და კამეჩებისკენ იყო მიპყრობილი. ამ ორმა პოლკმა, ჩვენი არმის ძირითად ბირთვს რომ წარმოადგენდა, იმდენად მიიზიდა მტრის უურადდება, რომ იგი აღარც კი ფიქრობდა, შეიძლება მოწინააღმდეგე ფრთებიდან დაგვესხას თავსო. თუმცადა ფრთებზე განლაგებული პოლკები თითქმის შეუერთდა კიდეც ერთმანეთს და ახლა, ვიდრე თუალას ჯარი გონს მოეგებოდა, ისინი ორივე მხრიდან გრიგალივით დააცხრნენ თავს.

სულ რადაც ხუთიოდე წუთში ბრძოლის ბედი გადაწყვეტილი იყო. რუხებთან და კამეჩებთან სამკვდრო-სასიცოცხლო ბრძოლაში ისედაც გასავათებულმა პოლკებმა ვეღარ გაუძლეს ჩვენი ჯარების ორმხრივ შეტევას და თავზარდაცემულებმა პირი იბრუნეს. სულ მალე დაბლობი უკუქცეული მეომრებით აივსო.

ის რაზმები კი, ჩვენ და კამეჩების პოლკი ალყაში რომ მოგიმწყვდიეს, ისე შემოგვეცალნენ და გაიპარნენ, თითქოს რადაც ჯადოსნურ ძალას გაექროს.

იქაურობას მარტო ჩვენდა შემოვრჩით. შემოვრჩით ისე, როგორც სადი კლდე ზღვის უკუქცევის შემდეგ. რა ამაზრზენი სურათი გადაგეშალა თვალწინ! ჩვენ ირგვლივ გროვა-გროვად ეყარა მკვდრები და დაჭრილები. რუხებიდან მხოლოდ ორმოცდათხუთმეტი კაცი იყო ცოცხალი. მარტო ინფადუსის პოლკმა ორი ათას ცხრაასზე მეტი კაცი დაკარგა.

ინფადუსი ხელზე ჭრილობას იხვევდა და დროდადრო აავლ-ჩაავლებდა ხოლმე თვალს თავისი პოლკის გადარჩენილ მეომრებს.

— მეომრებო, — მშვიდად წარმოთქვა მან ბოლოს, — თქვენ დაიცავით თქვენი პოლკის ღირსება. დღევანდელი ბრძოლის ამბავი ზღაპრად მიუვა თქვენს შვილებსა და შვილიშვილებს. — შემდეგ შებრუნდა, სერ პენრის ხელი ჩამოართვა და უბრალოდ უთხრა: — შენ დიდი ადამიანი ხარ, ინტუბუ, მთელი ჩემი ცხოვრება ომსა და ბრძოლებში გავატარე, ბევრი გმირი მინახავს, შენებრი კი დღემდე არსად შემხვედრია.

სწორედ ამ დროს გვერდით ჩაგვიარეს კამეჩებმა, ლუუსკენ მიემართებოდნენ. მათ გადმოგვცეს იგნოზის თხოვნა, სერ პენრი, ინფადუსი და მაკუმაზანი მე შემომიერთდნენ. ჩვენ ვუბრძანეთ რუხებს, დაჭრილებისათვის მიეხედათ და კამეჩების პოლკისაკენ წავედით. იგნოზიმ გვაუწყა, ლუუში მივდივარ, რომ სრული გამარჯვება მოვიპოვო და, თუ შესაძლებელი იქნება, თუალა ტყვედ ვიგდოო. ჩვენც მას გავეევით.

ცოტა მანძილი რომ გავიარეთ, თვალი მოგაარით გუდს. იგი ასიოდე ნაბიჯზე ჭიანჭველების ბუდეზე დამჯდარიყო. მის გვერდით მკვდარი მებრძოლი ეგდო.

— ვაი თუ ჩვენი კაპიტანი დაჭრილია, — აღელვებით თქვა სერ პენრიმ. იმავე წამს უცნაური რამ მოხდა. ის „მკვდარი“ კუტუნელი, გუდის გვერდით რომ ეგდო, უეცრად ზე წამოიჭრა, გუდი ჭიანჭველების ბუდიდან გადმოაგდო და ზედიზედ აძგურა შუბი. კაპიტანი ყოველ დარტყმაზე შესაბრალისად

იქრუნჩხებოდა. ჩვენ თავზარდაცემულები გავექანეთ მისპერ. კუპუანელმა თვალი გვაიდა, ერთხელ კიდევ გააფორებით აძგერა შები, ესეც შენ, კუდიანოო, მიაძახა და გაიქცა. გუდი არ ინძრეოდა. ვიფიქრეთ, უკვე მოკვდაო, დამწუხერებულები მივუახლოვდით ჭიანჭველების ბუდეს და ძალზე გავვოცდით, როცა დავინახეთ, რომ გუდი უშფორველად იღიმებოდა, თუმცა ძალზე ფერმკრთალი და ღონებმიხდილი ჩანდა. წარმოიდგინეთ, მონოკლიც კი არ მოვარდნოდა თვალიდან.

— ეს ჯაჭვის პერანგი პირდაპირ საოცრებაა, — დაიჩურჩულა, როცა მისკენ დავიხარეთ. — რას იტყვით, ხომ მარჯვედ გავაცურე ებ კუპუანელი? — თქვა და გრძნობა დაკარგა.

ჩვენ დიდი სიფრთხილით გავუსინჯეთ მთელი სხეული. აღმოჩნდა, რომ უკანდახევისას სერიოზულად დაეჭრათ დანით, მაგრამ შებს მისთვის არავითარი ვნება არ მიეყნებინა. ამჯერად რადაც სასწაულით გადაურჩა სიკვდილს, მხოლოდ ეგ იყო, მთელი ტანი ჩალურჯებულ-ჩაშავებული ჰქონდა.

რაკიდა აქ ვერაფრით დავეხმარებოდით, წელის საკაცეზე დავაწვინეთ, რომ ლუუმდე მიგვეყვანა. საკაცე მეომრებს ჩვენ უკან მოპქონდათ.

ლუუს ალაყაფის კარს რომ მივადექით, ერთი ჩვენი პოლკი უკვე იქ დაგვხვდა. იგნოზის ბრძანებით ამ კარის დაცვა მას ევალებოდა. დანარჩენი პოლკები ქალაქის სხვა შესასვლელებს იცავდნენ. პოლკის უფროსი ეახლა იგნოზის და თაყვანი სცა, როგორც მეფესა და მბრძანებელს, შემდეგ მოახსენა, მოწინააღმდეგე ჯარებმა ქალაქს შეაფარეს თავი და თუალაც იქით გაიქცა, მაგრამ არმია დემორალიზებულია და მზად არის, იარაღი დაშვაროსო. იგნოზიმ უურადღებით მოუსმინა, მერე ჩვენ მოგვეთაბირა და შიკრიკები აფრინა ქალაქის ყველა კარისაკენ, სადაც მტრის ჯარი იყო განლაგებული. შიკრიკებს დავალებული ჰქონდათ, გადაეცათ ალფაშემორტემულთათვის ბრძანება, გაეხსნათ ქალაქის კარიბჭები, აგრეთვე გამოეცხადებინათ, მეფე შეწყალებასა და დანაშაულის მიტევებას პპირდება ყველას, ვინც იარაღს ნებაყოფლობით დაყრისო. ამან სასურველი შედეგი გამოიდო. იმავე წამს თხრილზე დაეჭვა ასაწევი ხიდი, ქალაქის კარი გაიღო. კამეჩებმა ყიუინა დასცეს და ჩვენ ქალაქი შევედით. თუმცა ვფრთხილობით კია, რომ მტერი საიდანმე მუხანათურად თავს არ დაგვხსხმოდა. გზების გასწვრივ სახემოქურუხებული მეომრები იდგნენ, თავი ჩაექინდრათ, ფარები და შებები კი ფერხთით დაეწყოთ. ისინი მდაბლად ესალმებოდნენ იგნოზის, როგორც მეფეს შეჰვერის. ჩვენ პირდაპირ თუალას კრაალისაკენ გავემართეთ. მოედანი, სადაც ამ ცოტა ხნის წინათ მეფემ ჯარების დათვალიერება, შემდეგ კი მისნებზე ნადირობა მოაწყო, ცარიელი იყო. თუმცა არა, მოშორებით, თავისი ქოხის წინ, იჯდა თუალა, მის გვერდით გაგულას გარდა არავინ ჩანდა.

ძალზე დამაღონებელი სურათი იყო. თუალას თავი მკერდზე ჩამოეგდო, საბრძოლო ნაჯახი და ფარი გვერდით ეწყო, თავის ერთგულ ქვეშევრდომთაგან ეს ბებერი კუდიანიდა შემორჩენოდა. ხომ დარწმუნებული ვიყავი, რომ ჩემ წინ ბოროტი და სისხლისმსმელი არსება იჯდა, მაგრამ წამით შემებრალა ეს დამარცხებული კერპი, რომელსაც თავისი მაღალი კვარცხლბეკიდან ძირს გადმოუძახეს. არც ერთი მეომარი, არც ერთი ჯარისკაცი არ დარჩენილა მასთან, რომ თანაეგრძნო და ნუგეში ეცა, არ იყო არავინ იმათგან, ვინც ადრე ეპირფერებოდა და ფეხქვეშ უგებოდა, არ ჩანდა არც ერთი ცოლი, რათა მისი მწუხარება გაეზიარებინა. საბრალო, საბრალო ველური! ეს გახლდათ ერთი იმათგანი, ვისაც ბედი მკაცრად აფრთხილებს: ადამიანები ერუ და ბრძანი არიან მათ მიმართ, ვისაც ცხოვრება სამარცხვინო დაღს დაამჩნევს, ყრუნი და ბრძანი

არიან დამცირებულთა და შეურაცხოფილთა, ცხოვრებისაგან გარიყელთა მიმართ. თუმცა, მართალი მოგახსენოთ, თუალა არ იყო შეწყნარების ღირსი.

პირდაპირ მისკენ გავემართეთ. ოცდაათიოდე იარდზე რომ მივუახლოვდით, პოლკი შევაჩერეთ და ყოფილი მეფის ქოხისაკენ მხოლოდ რამდენიმე მცველის თანხლებით წავედით. გაგულამ წყევლა-კრულვა მოგვაყარა. თუალამ ჯილი შემქული თავი ასწია და თვალჩაციებით დააცქერდა თავის ბედნიერ მეტოქეს – იგნოზის. მისი მზერა შეუოკებელ ბოლმასა და გულისწყრომას გამოხატავდა.

– სალამი შენდა, ჰოი მეფეო! – მწარე დაცინვით წამოიძახა მან. – შენ ჩემი სტუმარი იყავი. ჩემს პურს ჭამდი, მერე კი ჯადოქრობის წყალობით ჯარი ამირ-დამირიე და ამ გზით გაიმარჯვე. რას მიპირებ ახლა, რა გაქვს განზრახული?

– უნდა მოგკლა ისე, როგორც მოკალი მამაჩემი. დაგავიწყდა, მთელი ეს წლები ვისი ტახტი გეჭირა?

– ძალიან კარგი, მე დაგანახვებ, როგორ უნდა მოკვდეს ვაჟქაცი. გაისხენე ეს, როცა ჟამი მოგივა. შეხე დასალიერს! ცა სისხლითა მოსვრილი, – თქვა და თავისი ნაჯახი მეტამული ცისკენ გაიწვდინა, – კმაყოფილი ვარ, რომ ჩემი მზეც იმ მზესთან ერთად ჩაესვენება. მზადა ვარ მოკვდე, ჰოი, მეფეო: მაგრამ დამრთე ნება, მოკვდე ბრძოლაში. ეს უფლება ბოძებული აქვთ სამეფო გვარიშვილთ. ამაზე უარს ვერ მეტყვი, რადგან მაშინ ყბადასადები შეიქნები თვით იმ ლაპრებისთვისაც კი, რომლებიც დღეს ბრძოლის ველიდან თავლაფდასხმულები გარბოდნენ.

– მომიცია ეგ უფლება, აირჩიე ვისთან გსურს შერკინება. თვით მე ვერ შეგებრძოლები, რადგან მეფეს ბრძოლა მხოლოდ ომში მართებს.

თუალამ თავისი ბოროტი მზერა აავლ-ჩავლო ჩვენს მწკრივს. მომეწვენა, რომ თვალი ჩემზე შეაჩერა და შიშით ავცახცახდი, ჩემთან შებმას ხომ არ აპირებს-მეტქი. როგორ უნდა შევბმოდი ამ გააფთრებულ ველურს, ამ უზარმაზარ გოლიათს? მიჯობდა აქვე, ახლავე მომექლა თავი. შედეგი ერთი და იგივე იქნებოდა. გავიფიქრე ეს და გულში გადავწყვიტე, უარი მეოქვა ორთაბრძოლაზე, თუნდაც ამისთვის კუკუანელებს სამარცხვინოდ გავეძევებინე თავისი ქვეყნიდან. ჩემი აზრით, სჯობს დაგცინონ და გაგაძევონ, ვიდრე საბრძოლო ნაჯახით ნაჭერ-ნაჭერ აბაუწონ.

– რას იტყოდი შენ, ინჯუბუ? – მოულოდნელად თქვა თუალამ, – ხომ არ დავამთავროთ დღევანდელი ჩვენი ბრძოლა? თანახმა ხარ, თუ უფლება მეძლევა საბრძოლო მხდალი გიწოდო?

– არა, არა, – სიტყვა გააწყვეტინა მას იგნოზიმ, – შენ არ შეებრძოლები ინჯუბუ!

– თუ შიშობს, რასაკვირველია, არ შევებრძოლები, – მიუგო თუალამ.

სამწუხაროდ, სერ ჰენრი მიხვდა ამ სიტყვების მნიშვნელობას და სახეზე ალმერმა აკერა.

– ახლავე შევებრძოლები ამ ოქლაქს და მაშინ ნახავს, მშიშარა ვარ თუ არა! – წამოიძახა მან.

– ღვთის გულისათვის, – შევვედრე მე, – რატომ სწირავთ თავს, რა გესაქმებათ ამ თავზეხელადებულ ველურთან, განა დღეს ყველას არ დაუმტკიცეთ, რომ მხდალი არა ხართ?

– მაინც უნდა ვიბრძოლო, – მითხოდ სერ ჰენრიმ, – ვის რა უფლება აქვს, მხდალი მიწოდოს? მე მზად ვარ! – თქვა, ნაბიჯი წინ წადგა და ნაჯახი ჰაერში შეათამაშა.

სერ პენრის ასეთმა უაზრო, დონკიხოტურმა საქციელმა სასოწარკვეთილებაში ჩამაგდო, მაგრამ რაღას გავაწყობდი, ვიცოდი მისი ჯიუტი ხასიათის ამბავი, რაკი თქვა, აღარ გადათქვამდა!

— ნუ შეებრძოლები, ჩემო თეთრო ძმაო, — უთხრა იგნოზიმ და ხელი მხარზე მეგობრულად დაადო. — შენ დღეს ისედაც ბევრი რამ გადაიტანე, რამე რომ შეგემთხვეს, გული ორად უნდა გამეპოს.

— მე უნდა ვიბრძოლო, იგნოზი, — გაიმეორა სერ პენრიმ.

— რადა მეთქმის, ინკუბუ, რაკი აგრეა, იბრძოლე, ეს ნამდვილი ბრძოლა იქნება. მზადა ხარ, თუალა? სპილო გელის!

ყოფილმა მეფემ შმაგივით გადაიხარხარ, წინ წამოდგა და სერ პენრის პირდაპირ დაუდგა. წამით ორივე უძრავად იდგა. ჩამაგალმა მზემ გააშუქა მათი სახეები და ცეცხლის ჯავშნით შეუმოსა ტანი. დიახ, ეს ლირსეული წყვილი გახლდათ.

შემდეგ ორივემ ნაჯახები შემართა და წრე-წრე მაჟყნენ ერთმანეთს.

უეცრად სერ პენრი გადახტა და მოწინააღმდეგეს საშინელი ძალით მოუქნია ნაჯახი, თუალამ განზე გახტომა მოასწრო. პაერში მძლავრად მოქნეულმა ხელმა სერ პენრი ცოტას გაწყდა, თავად არ დასცა ძირს. თუალამ წამსვე ისარგებლა შექმნილი ვითარებით, თავისი მძიმე საბრძოლო ნაჯახი პაერში დაატრიიალა და ისეთი წარმოუდგენელი ძალით მოიქნია, რომ ში შით კინაღამ სული გამდერა. მეგონა, ყველაფერი დამთავრდა-მეთქი. მაგრამ არა, სერ პენრიმ მარცხენა ხელით ნაჯახს სწრაფად შეაგება ფარი და დარტყმა აიცდინა. ნაჯახმა ფარს კიდე ჩამოამტვრია და სერ პენრის მარცხენა მხარზე მოხვდა, მაგრამ ამით არა ევნო რა, რადგან ფარმა დარტყმის ძალა შეასუსტა. სერ პენრიმ უმალვე მოიქნია ნაჯახი, მაგრამ თუალამაც ფარი შეაგება. შემდეგ კი პაერში წამისწამ ელავდა ნაჯახები, მეტოქენი ან გვერდზე გახტებოდნენ, ან ფარს შეაგებებდნენ ხოლმე, მათ ირგვლივ ხალხი უფრო და უფრო დელავდა. პოლკს, რომელიც ამ ორთაბრძოლას შეჰურებდა, წესრიგის აღარაფერი ახსოვდა. მეომრები ახლოს მიიჭრნენ და ნაჯახის ყოველ მოქნევაზე სიხარულის შეძახილები ან სასოწარკვეთილი გმინვა ისმოდა. სწორედ ამ დროს გუდი, რომლის საკაცე მეომრებმა აქ მოსვლისას ჩემ გვერდით დადგეს, გონს მოვიდა, წამოჯდა და მებრძოლებს დააცქერდა. წუთის შემდეგ ფეხზე წამოიჭრა, ხელი წამავლო, ცალ ფეხზე აქეთ-იქით ხტოდა და მეც მიმათრევდა, თან სერ პენრის გამამხნევებლად უყვიროდა.

— მიდი, მისცხე-მეთქი! აი, ეს კი მესმის! ასე, ასე! ცენტრში უმიზნე გემს, ცენტრში!

სერ პენრიმ თუალას ნაჯახს ფარი შეაგება და თვითონაც საპასუხო დარტყმა აგება. ნაჯახმა ფარი და ფოლადის ჯავშნი გაპევთა და თუალას მხარზე ღრმა ჭრილობა მიაეცნა. ველურმა გააფორებით შეჰყვირა და მისმა ნაჯახმა სერ პენრის ნაჯახს ტარი გადაუმტვრია, მიუხედავად იმისა, რომ იგი მარტორქის ძელისაგან იყო გაკეთებული და სიმაგრისათვის ფოლადის რგოლები პქონდა დატანებული. მაგრამ ტარს ვინ დაეძებდა, იმ ოხერმა ნაჯახმა სერ პენრის ება შეაზე გაუხლითა.

სერ პენრის ნაჯახი მიწაზე დავარდა. კამეჩებმა სასოწარკვეთით დაიღრიალებს. თუალამ კი ხელახლა შემართა თავისი საზარელი იარაღი და ყვირილით გაქანდა მოწინააღმდეგისაკენ. სიმწრით თვალი დავხუჭე. როცა ხელახლა გამოვიხდე, სერ პენრის ფარი მიწაზე ეგდო. ჩვენს ფალავანს კი მძლავრი ხელები თუალასთვის ჩავლო და ხელდახელ უპირებდა შებმას. ისინი ირწეოდნენ და ერთმანეთს დათვურ მკლავებში კლვლემდნენ. ძალ-ღონებს

იქრებდნენ, თავგანწირვით იბრძოდნენ, რათა დაეცვათ სიცოცხლე, რომელიც ესოდენ ძვირფასია ყველასათვის, დაეცვათ სიცოცხლეზე უფრო მეტიც – ვაჟპაცის სახელი და პატიოსნება.

არაადამიანური ძალდატანებით თუალამ თავის მტერს წონასწორობა დააკარგვინა და ორივენი მიწაზე დაენარცხენ. აქაც განაგრძობდნენ ბრძოლას. აქეთ-იქით გორავდნენ კირქვით მოკირწყლულ გზაზე. თუალა ცდილობდა, სერ პენრისათვის თავში ნაჯახი დაეკრა, სერ პენრი კი ლამობდა დანით გაეჭრა ბუმბერაზის ჯაჭვის პერანგი.

საზარელი სანახავი იყო ამ ორი გოლიათის ბრძოლა, მათი სამკვდრო-სასიცოცხლო შერკინება.

– ნაჯახი, ნაჯახი წაართვი! – ღრიალებდა გუდი. შესაძლოა, სერ პენრიმ უერი მოკრა მის სიტყვებს, იმიტომ, რომ დანა გადააგდო და ჩაებდაუჭა ნაჯახს, რომელიც თუალას კამების ტყავის თასმით ჰქონდა ხელზე დამაგრებული. ისინი მიწაზე გორავდნენ, მძიმედ-მძიმედ სუნთქვდნენ და ველური კატებივით იბრძოდნენ ნაჯახისათვის. უეცრად ტყავის თასმა გაწყდა. არაადამიანური ძალდატანებით სერ პენრიმ თუალას მკლავების მარწუსს თავი დააღწია. ნაჯახი ხელში შერჩა. იმავე წამს ფეხზე წამოიჭრა, სახეზე მიყენებული ჭრილობიდან სისხლი მოთქრიალებდა, თუალაც ფეხზე წამოვარდა, ქამრიდან მძიმე დანა ამოიძრო და კურტისს მკერდში ძლიერად აძგერა, მაგრამ დანა ფოლადზე ასხლტა. თუალამ საზარლად დაიღრიალა, დანა მეორედ მოიქნია, მაგრამ იგი ამჯერადაც ასხლტა, თუმცა დარტყმის ძალამ სერ პენრი დაატორტმანა. თუალა კვლავ მიეტანა მოწინააღმდეგეს. ამასობაში ჩვენმა მამაცმა მებრძოლმა ძალ-დონე მოიკრიბა და მძლავრად მოიქნია ნაჯახი.

ხალხმა აღელვებით შეჭყვირა. დიახ, მოხდა უცნაური, წარმოუდგენელი რამ. თუალას თავი მხრებიდან ჩამოხტა, ხტუნვა ხტუნვით გაგორდა მიწაზე და ზედ იგნოზის ფეხებთან შეჩერდა. თუალა ისევ ფეხზე იდგა, მაგრამ მხოლოდ ერთი წამით. გადაჭრილი ძარღვებიდან შადრევანივით ამოხეთქა სისხლმა. შემდეგ უთავო სხეული მიწაზე დაენარცხა, ოქროს გვერგვი კისრიდან მოძრა და მიწაზე გაგორდა. სერ პენრიც თუალას გვამის გვერდით დაეცა.

წაქცეული თვალისდახამამებაში წამოაყენეს. ვიდაცის მზრუნველმა ხელმა სისხლიანი სახე ჩამობანა და სერ პენრიმ დიდი, ნაცრისფერი თვალები ნელ-ნელა გაახილა.

დიახ, ის ცოცხალი იყო.

ზედ ამ დოროს მზეც ჩაესვენა.

მიწაზე, მტკერში თუალას თავი ეგდო. მე იქითკენ წავედი. გაყინულ შებლზე დიდი ალმასი ავართვი და იგნოზის მიუუბანე.

– აიღე ეს ალმასი, კუკუუნელთა მეფეებ! – ვუთხარი.

იგნოზიმ ჯილით შებლი დაიმშვენა, შემდეგ თუალას გვამს მიუახლოვდა, ფართო მკერდზე ფეხი დაადგა და გამარჯვების სიმღერა შემოსძახა.

სიტყვები არ მყოფნის გადმოგცეთ, რა საუცხოოდ მდეროდა ეს ველური. ერთხელ ვიდაც ბერძნული ენის მცოდნე ხმამაღლა კითხულობდა ბერძენი პოეტის, პომეროსის ლექსს. იმ ნარნარ, რითმიულ სტრიქონებს რომ ვისმენდი, აღტაცებით ადგილზევე გავშეშდი. იგნოზის სიმღერამაც ზუსტად ისეთივე შთაბეჭდილება მოახდინა ჩემზე, მიუხედავად იმისა, რომ ძალზე დადლილ-დაქანცული ვიყავი. განა ამ რამდენიმე დღეში ცოტა რამ გადაგხდა თავს?!

„ბოლოს და ბოლოს ჩვენი ბრძოლა გამარჯვებით დაგვირგვინდა“, – მდეროდა იგნოზი.

ამ დილით ჩვენი მტრები წამოდგნენ, ძილი განიშორეს, სირაქლემას ფრთებით მოირთვნენ და საბრძოლოდ მოემზადნენ.

ისინი წამოდგნენ, მეომრებმა მეთაურებს მოუწოდეს: მოდით, წაგვიყვანეთო, უთხრეს. მეთაურებმა კი მეფე იხმეს, ბრძოლაში გვითავპაცეო.

ადსდგა ოცი ათასი მეომარი და კიდევ ოცი ათასი.

ფრთებმა, რომლითაც მეომრებს თავები ჰქონდათ შემკული, ერთიანად დაფარა მიწა. ასე ფარავს ჩიტი თავისი ფრთებით ბუდეს. ისინი იქნევდნენ შებებს და ყვიროდნენ, დიახ, დიახ, ისინი მაღლა ისროდნენ შებებს, რომლებიც მზის სხივებზე ელავდნენ, სწყუროდათ ბრძოლა და გულს სიხარული უვსებდათ.

ისინი ჩემ წინააღმდეგ წამოვიდნენ, ძლიერნი წინ-წინ მორბოდნენ, ჩემი მოკვლა ეწადათ. ყვიროდნენ, პა, პა, ეგ ხომ უკვე ცოცხლებში აღარ წერიაო.

მაშინ მე მათ სული შევუბერე, ეს შებერვა ქარიშხალზე ძლიერი იყო და ისინი დაიხოცენენ.

ჩემმა ელვამ განგმირა მტერი. მე გავაცამტვერე მათი ძალა, დავხოცე ისინი ჩემი შებების ელვით, მოვსრენ ჩემი მქუხარე ხმით.

მათი რიგები გაიპო, დაიფანტა, გაქრა დილის ნისლივით. ისინი ყვავებისა და მელიების ლუკმად იქცნენ, ბრძოლის გვლი მათი სისხლით მოირწყო.

სად არიან ეს ჯან-ღონით სავსე ადამიანები, დილით რომ წამოდგნენ? სად არიან ის დიდგულა მეომრები, ჩემზე რომ ამბობდნენ, ეგ უკვე ცოცხლებში აღარ წერიაო? სად არის ის ხალხი, თავები ჰაერში მოფრიალე ფრთებით რომ ჰქონდათ შემკული?

შეხეთ, თავებს ხრიან, მაგრამ იმიტომ კი არა, რომ ძილი მორევიათ. წვანან, თითქოს სბინავოო, მაგრამ არა, ეს ძილი არ არის.

მათი სახელები მალე ყველას დაავიწყდება, ისინი წყვდიადს შეუერთდნენ და კვლავ აღარასოდეს დაბრუნდებიან. მათ ცოლებს სხვები წაიყვანენ, შვილებსაც აღარ გაახსენდებათ.

გესმოდეს ყველას! მე შორს წავედი აქედან, როცა დამე პნელი იყო, მაგრამ დაგუბრუნდი მშობლიურ კერას იმ დროს, განთიადმა ქვეყანა რომ გააბრწყინა.

თავი შეაფარეთ ჩემი ფრთების ჩრდილს, ჰოი, ადამიანებო, მე დაგამშვიდებთ და შიში და სევდაც გაქრება.

დადგა ბედნიერი დრო, ყველას ელის ჯილდო და წარჩინება.

ველებში დამიდის ურიცხვი ჯოგები, ქალიშვილებიც კრაალებში ჩემი ნება-სურვილის ამსრულებლები არიან.

ზამთარმა პირი იბრუნა. დადგა ზაფხული, ახლა ბოროტება სახეზე რიდეს ჩამოიფარებს და ჩვენს ქვეყანაში სიკეთე და სიყვარული შროშანასავით გაიფურჩქნება.

იზეიმე და იხარე, ჩემო ხალხო! დაე, იზეიმოს მთელმა ქვეყანამ, იმიტომ, რომ მოისპო მტარვალი, იმიტომ, რომ მე მეფე ვარ!"

იგნოზი დადუმდა და საღამოს ბინდბუნდში ექოსავით იგრგვინა პასუხმა:

– შენ მეფე ხარ ჩვენი!

ამგვარად, ის სიტყვები, თუალას რომ ვუთხარი, წინასწარმეტყველური გამოდგა. ჯერ ორმოცდარგა საათსაც კი არ გაევლო და მისი უთავო გვამი გაშეშებული ეგდო კრაალის კართან.

გ უ დ ი ა გ ა დ მ ყ ო ფ თ ბ ს

ორთაბრძოლა დამთავრდა. სერ პენრი და გუდი თუალას ქოხში შეიყვანეს, მეც, რასაკვირველია, მათ მივყევი. ორივემ იმდენი სისხლი დაკარგა და ისე იყვნენ დაღლილ-დაქანცულები, რომ ძლივსდა ფეთქავდნენ. უკეთესად არც მე ვგრძნობდი თავს. თუმცა ბუნებით ჯანმრთელი კაცი გახლავართ, თანაც სხვაზე შეტად ამტანიც, რაღაც გამხდარი და კარგად გაწრობილ-გაკაუებული ვარ. მაგრამ იმ საღამოს მეც ძლივს ვიდექი ფეხზე. როცა ძალიან ვიღლები, ლომის ნაკუნი საშინლად მაწუხებს ხოლმე ფეხზე. ამას ისიც დაუმატეთ, რომ თავი ტკივილისაგან გახეთქვაზე მქონდა. გახსოვთ ალბათ, დილით რომ რაღაც ჩამარტყეს და დამარტიანეს, მერე გრძნობაც ხომ დავკარგე. პოდა, ყველაფერმა ახლა იჩინა თავი. ერთი სიტყვით, ძნელი წარმოსადგენია იმაზე უფრო საცოდავი და უბადრუეკი ადამიანები, იმ დაუკიტყარ საღამოს ჩვენ სამი რომ ვიყავით. თავს იმით ვინუგეშებდით, რომ ბედმა მთლად არ გაგვწირა და პირში სული ისევ გვედგა, მაშინ როცა ათასობით მამაცი მეომარი ბრძოლის ველზე ეყარა.

როგორც იქნა, მშვენიერი ფულატას დახმარებით გავიძვრეთ ჯაჭვის პერანგები, ორი ჩვენგანი უქვეგელი სიკვდილისაგან რომ ისნა. მას შემდეგ, რაც სიკვდილს გადავარჩინეთ, ფულატამ თავისი ნებით იკისრა მოახლეობა და გამორჩევით ზრუნავდა გუდზე. დიახ, გავიძვრეთ ჯაჭვის პერანგები და მხოლოდ მაშინ დავინახეთ, რაც გვჭირდა: თავით ფეხამდე ჩაბეჭილ-ჩალურჯებულები ვიყავით. ფოლადის ჯაჭვის პერანგში შების წვერი ვერ ატანდა, თორემ სხვაფრივ ჩვენი დაცვა არ შეეძლო. სერ პენრისა და გუდს მთელი ტანი სისხლნაჟღენთებით პქონდათ დაფარული, მეც საკმაოდ დალილავებული ვიყავი. ფულატამ დასრულებილი ფოლებისაგან რაღაც წამალი შეგვიმზადა და დაჟეჟილ ადგილებზე სალბუნივით დაგვადო. წამალს სამო სუნი პქონდა, ტკივილებიც საკმაოდ დაგვიამა. მაგრამ სისხლნაჟღენთებზე მეტად სერ პენრისა და გუდს იარები აწუხებდათ. კაპიტანი „მშვენიერ თეთრ“ წვივში იყო დაჭრილი და ბლომად სისხლიც დაეკარგა. სერ პენრის კი, სხვა იარებზე რომ აღარაფერი ვთქვა, თუალას წეალობით ყბა ღრმად პქონდა გაპობილი.

საბედნიეროდ, გუდი საკმაოდ კარგი ქირურგი იყო და როგორც კი წამლების უუთი მოუტანეს, მაშინვე საქმეს შეუდგა: გულდაგულ მობანა ორივე ჭრილობა და კუპუანელთა ჭრაქის მკრთალ შუქზე საკმაოდ გულმოდგინედ გაპერა, შემდეგ იარებს სქლად წასცხო რაღაც ანტისეპტიკური მალამო, რომელიც პატარა ქილით „აფთიაქში“ ედგა და ცხირსახოცის ნაფხრეწებით შეგვახვევინა. ამასობაში ფულატამ მაგარი ბელიონი მოგვიმზადა, რაღაც ისე ვიყავით დასუსტებულები, რომ საჭმელს პირს ვერ დავაკარებდით. როგორც იყო, დავხვრიპეთ წვინანი და მერე თუალას ფართო ქოხში კაროსებზე – ბეწვეულის საუცხოო ხალიჩებზე მივეყარეთ. ამ ხალიჩებით თითქმის მთელი იატაკი იყო მოფენილი. აი, ბედის მწარე დაცინგა: ყოფილი მეფის საწოლზე ეძინა მის მკვლელს – სერ პენრის. ვამბობ ეძინა-მეფის, მაგრამ იმდღევანდელი ამბების შემდეგ ვის დაეძინებოდა! ყოველი მხრიდან მოისმოდა ჭირისუფალთა შეკივლება და შესაბრალისი მოთქმა-გოდება. ქალები დასტიროდნენ დახოცილ ძმებს, შვილებს, ქმრებს. არც საკირველია, რომ ყველა ტიროდა და გლოვობდა, ამ საზარელ ბრძოლაში ხომ ოცი ათასზე მეტი მეომარი, ესე იგი, კუპუანელთა არმიის ერთი მესამედი დაიღუპა.

ტყავის საწოლზე წამოწოლილი ვისმენდი ამ კვნესა-გოდებას და გული მეფლითებოდა. მაშინ, მხოლოდ მაშინ შევიგრძენი ცხადად, რა საშინელი ტრაგედია დატრიალდა მხოლოდ იმისათვის, რომ ადამიანს თავისი პატივმოყვარეობა დაეკმაყოფილებინა.

ამასობაში შუაღამებაც მოატანა, მოთქმა-გოდება თანდათანობით მიწყდა. ჩამოვარდა სიჩუმე, რომელსაც დროდადრო გაბმული, გულისმომწყვლელი კივილი არღვევდა. მეზობელ ქოხში გაგულას უსულო გვამს დაჟემურდა.

ბოლოს ჩამებინა, მაგრამ ძილში ვკრთოდი და წამისწამ მეღვიძებოდა. მეგონა, ისევ ბრძოლის ველზე ვიყავი, ხან ვითომც ის მეომარი, ჩემი საკუთარი ხელით რომ მოვკალი, მიტევდა და თავს მესხმოდა, ხან რუხების პოლკის გმირი მეომრებით გარშემორტყმული ვიდექი, ხან კი თუალას გასისხლიანებული, ჯილით მორთული თავი კბილთა დრჭიალით მიგორავდა ჩემს ფერხთით, მისი ერთადერთი თვალი კი ბოროტად შემომცეროდა. მაგრამ ასე იყო თუ ისე, ის წამების დამეც ბოლოს და ბოლოს მიიღია. შეცისკრებულზე დავინახე, რომ ჩემს ამხანაგებს დამით ჩემზე უკეთ არ სძინებოდათ. გუდი ძლიერ ციებ-ცხელებას შეეპყრო და მალე ბოდვაც დააწყებინა, თან სისხლს ადგბინებდა, რამაც ძალზე შემაშინა. ალბათ ფილტგში სისხლი ჩაექცა, როცა ის კუკუანელი მეომარი ჯაჭვის პერანგზე შებს უხათქუნებდა. სამაგიეროდ, სერ პენრი ბევრად უკეთ გრძნობდა თავს, მიუხედავად იმისა, რომ მთელი სხეული ისე დაბეჭვოდა და სტკიოდა, განძრევაც კი არ შეეძლო. სახეზე მიყენებული ჭრილობის გამო კი ვერც ჭამდა და ვეღარც იცინოდა.

დილის რვა საათისათვის ჩვენ სანახავად ინფადუსი მოვიდა. გვითხრა, მთელი დამე თვალი არ მომისუჭავს და არც დავწოლილვარო. გუშინდელ დღეს მასზე არცოუ ისე გმოქმედნა, გამოცდილი, ბრძოლებში გამოწრთობილი მეომარი იყო და თავი უფრო მხნედ ეჭირა. მას გაეხარდა ჩვენი ნახვა, გულთბილად ჩამოგვართვა ხელი, მაგრამ გუდის ასეთმა მძიმე მდგომარეობამ კი, ცოტა არ იყოს, დააფიქრა. მე შევამჩნიე, რომ ინფადუსი განსაკუთრებული მოკრძალებით ეპყრობოდა სერ პენრის, თითქოს იგი ჩვეულებრივი ადამიანი არ ყოფილიყოს. მართლაც, შემდეგ შევიტყვეთ, რომ კუკუანელები სერ პენრის რაღაც ზეკაცად რაცხდნენ. მეომრები ამბობდნენ, ინკუბუს ბრძოლაში ბადალი არ ჰყავსო და უკვირდათ იმ სისხლიანი, მოქანცველი დღის შემდეგ როგორდა შეეძლო შერკინებოდა თუალას, მეფესა და უძლიერეს მეომარს, და ერთი დაკვრით ხარივით წაეგდებინებინა თავი.

ინფადუს გვაუწყა, თუალას პოლკები დამორჩილდნენ იგნოზის, ხოლო ბელადები ქვეყნის ყველა კუთხიდან უთვლიან, შენი მონა-მორჩილნი ვართო.

თუალას სიკვდილმა ბოლო მოუდო მღელვარებას. ყოფილ მეფეს სკრაგას გარდა შვილი არ ჰყოლია, იგნოზის აღარ ჰყავდა მეტოქე, რომელსაც შეეძლო ტახტზე თავისი უფლებები წამოეყენებინა.

როცა ინფადუსს ვუთხარი, იგნოზიმ ძალაუფლება სისხლით მოიპოვა-მეთქი, მან მხრები აიჩქანა.

— დიახ, ასეა, — მითხრა მოხუცმა მეომარმა, — კუკუანელები ვერ მოისვენებენ, თუ დროდადრო სისხლი არ დაიღვარა. მართალია, ხალხი დაიხოცა, მაგრამ ქალები ხომ დაგვრჩა? მალე ახალი მეომრები წამოიზრდებიან და მოკლულთა ადგილებს დაიკავებენ. ახლა ქვეყანა რამდენიმე ხნით მაიც დამშვიდდება.

ინფადუსის შემდეგ იგნოზიმაც გვინახულა. თავზე სამეფო ჯილა ედგა. ვუყურებდი, როგორ გვიახლოვდებოდა ზეიადად, მეფური ნაბიჯით, პირმოთნე მღიქველებით გარშემორტყმული, და უნებლიერ თვალწინ დამიდგა მაღალ-

მაღალი ზულუსი, რომელიც სულ რამდენიმე თვის წინათ მოვიდა ჩვენთან, დურბანში და გვთხოვა, მსახურად ამიყვანეთო. ვკ, – ვფიქრობდი, – რა უკუდმართია ბედისწერა და რა მოულოდნელად იცვლის გზას მისი ეტლი-მეთქი.

– სალამი, მეფე! – ვთქვი და წამოვდექი.

– დიახ, მაკუმაზან, როგორც იქნა, მეღირსა მეფობა და ამას თქვენ, ჩემს თეთრ მეგობრებს უნდა გიმადლოდეთ.

შემდეგ გვითხრა, საქმე კარგად მიდის, ორიოდე კვირის შემდეგ ვაპირებ დიდი ზეიმი გავმართო და ამ ზეიმზე ჩემს ხალხს ვეჩვენოო.

ვითხე, გაგულას რაღას უპირებ-მეთქი.

– გაგულა ჩვენი ქვეყნის ბოროტი სულია, – მიპასუხა იგნოზიმ, – მოვკლავ მას და მის მისნებზე მონადირე ქალებსაც ამოვხოცავ. ეგ ყველას ასეთი მიხრწნილი ახსოვს, ცას შეაბერდა და ეგ არის. გაგულამ ასწავლა მისნებზე მონადირეებს ჯადოქრობა. ცათა უწყიან, რომ სულაც მაგ კუდიანის გამო გამფიდა ჩვენში ასეთი სისახტიკე.

– მართალია, მაგრამ გაგულამ ბევრი რამ იცის, – ვუთხარი, – ცოდნის მოსპობა უფრო ადგილია, ვიდრე მისი შეძენა, იგნოზი!

– გეთანხმებით, – მითხრა იგნოზიმ და ჩაფიქრდა, – მის გარდა არავინ იცის სამი ჯადოქრის საიდუმლო, რომლებიც იმყოფებიან იქ, სადაც გადის დიდი გზა, სადაც დაკრძალულნი არიან ჩვენი მეფენი და დაყურსებულები სხედან.

– დიახ და, ისიც იცის, სად არის დაფლული ალმასები. გახსოვს შენი პირობა, იგნოზი? უნდა ჩაგვიყვანო იმ საბადოში, თუნდაც ამისათვის გაგულას დანდობა მოგიხდეს. ხომ იცი, რომ მაგ ჯადოქრის გარდა, იქ გზას ვერავინ გაიგნებს?

– მახსოვს, რასაც შეგპირდი, მაკუმაზან, ვიფიქრებ შენს სიტყვებზე.

იგნოზი რომ წავიდა, გუდის საწოლთან მივედი, რომ ავადმყოფისათვის დამეხედა. საბრალო კაპიტანს ჭრილობაზე ციებ-ცხელება აჟყვა და ახლა სიცხით იწვოდა, თან ბოდავდა. რაც დრო გადიოდა, მისი მდგომარეობა სულ უფრო და უფრო უარესდებოდა, თოხი-ხუთი დღე არ გამომჯობინებულა. დარწმუნებული ვარ, ვერც გადარჩებოდა, ფულატას თავი რომ არ გადაედო. ქალი ყველგან ქალია, კანის ფერს რა მნიშვნელობა აქვს.

გაოცებული ვადევნებდი თვალს, როგორ უვლიდა გუდს ეს შავკანიანი ტურფა ქალი, დღე და დამე წახრილი იყო მის საწოლთან და ისე აკეთებდა ყველაფერს, რაც ავადმყოფს სჭირდებოდა, თითქოს კაი მოწყალების დაი ყოფილიყოს. პირველ ორ დამეს ვცდილობდი, შევშელებოდი ფულატას. სერ პენრიც, თუმცა თვითონაც ძლივს იდგა ფეხზე, შეძლებისდაგვარად ეხმარებოდა, მაგრამ ქალს არ მოსწონდა ეს; მოსწონდა კი არა, ძლივძლივობით მიტანდა თავის გვერდით. ბოლოს და ბოლოს დაიჟინა: თქვენი აქ ყოფნით ავადმყოფი წუხებდა და ჯობია, მისი მოვლა მე მომანდოთ.

ვფიქრობ, ამ შემთხვევაში მართალი იყო, დღე და დამე ფხოზლობდა, ავადმყოფს უვლიდა, ბუზებს უგერიებდა, აძლევდა მხოლოდ ერთ თავ წამალს – ტულიპის ბოლქვებზე დაყენებულ რძეს. ეს ძალზე გამაგრილებელი სასმელიც იყო. თითქოს ახლაც თვალწინ მიღას ეს სურათი, ჭრაქის მერთალ შუქზე ყოველდამ რომ ვხედავდი: გუდი საწოლზე აქეთ-იქით აწყდებოდა, ფერმკრთალი და სახეჩამომხმარი იყო. თვალები ფართოდ გაეხილა და განუწყვეტლივ რაღაცას ბუტბუტებდა. მის გვერდით მიწაზე ფეხმორთხმული იჯდა კუპუანელი ტურფა ასული, ზურგით ქოხის ქედელს რომ მიყრდნობოდა. დადლიოლ-

დაქანცულ სახეზე და ხავერდივით შავ თვალებში უსაზღვრო სიბრალული ეხატებოდა. ან იქნებ ის შავი თვალები სიბრალულით კი არა, უფრო სხვაგვარი, თბილი გრძნობით იყო სავსე?

მთელი ორი დღის განმავლობაში ეჭვი არავის გვეპარებოდა, რომ გუდი სასიკვდილოდ იყო განწირული, დაღვრემილ-დადარდიანებულები დავეხეტებოდით კრაალში.

მსოლოდ ფულატა არ იზიარებდა ჩვენს ეჭვს და სულ ჩაგვჩიჩინებდა, არ მოკვდება, იცოცხლებსო.

თუალას ქოხის ირგვლივ მთელ სამას იარდზე და შეიძლება მეტედაც სამარისებური სიჩუმე იყო. მეფის ბრძანებით, სერ ჰენრისა და ჩემ გარდა ახლომახლო ქოხებიდან ყველა გაასახლეს, რომ ავადმყოფი ხმაურს არ შეეწუხებინა. ერთხელ, დამით, ვიდრე დავწვებოდი, ჩვეულებრივ, გუდის სანახავად წავედი. ეს სწორედ მისი ავადმყოფობის მეტეთე დღეს იყო.

ფეხაკრეფით შევედი ქოხში. იატაკზე დადგმული ჭრაქი მკრთალად ანათებდა იქაურობას, გუდი აღარ ბორგავდა, არც კვნესოდა, გაქვავებულ-გაშეშებული გაშენდართულიყო ტყავის საწოლზე.

მაშ, მოსახლენი მოხდა! გუდი შემეცუმშა და მკერდიდან მძიმე კვნესა აღმომხდა.

— შშშ! — მომქსმა ამ დროს. ხმაზე მივიხედე და გუდის თავთით რაღაც შავი აჩრდილი დავლანდე. ნელ-ნელა მივუახლოვდი საწოლს. არა, გუდი მკვდარი არ იყო, დრმა ძილით ეძინა, გამვალტყავებული თეთრი ხელი ფულატას თლილი თითებისათვის წაევლო. მაშ კრიზისმა განვლო, გუდი გადარჩა. გადარჩა და მთელი თვრამეტი საათი ფეხგაუნდრევლად ეძინა. მეშინია ვოქა, რადგან ვიცი, არავინ დამიჯერებს, მაგრამ მთელი ამ ხნის განმავლობაში ფულატა გაშეშებული იჯდა მის გვერდით; იმის შიშით, ვაითუ გაიღვიძოს, ვერც განძრევა გაეხედა და ვერც ხელის გათავისუფლება.

ვინ წარმოიდგენს, როგორ იტანჯებოდა ეს ქალი, ან როგორ ტეხდა სანგრძლივი ჯდომით გაშეშებული ხელ-ფეხი.

იმ დღიდან გუდი სწრაფად გამობრუნდა და მალე ფეხზეც წამოდგა. როცა სერ ჰენრიმ უამბო, როგორ უვლიდა ფულატა და როგორ იჯდა მთელი თვრამეტი საათი გაუნდრევლად მის თავთით, ამ სპეციალური ადამიანს თვალი ცრემლით აევსო. მერე შებრუნდა და გაემართა ქოხისაკენ, სადაც ფულატა საუზმეს გვიმზადებდა. თარჯიმნად მე წამიყვანა, მაგრამ ეს სულ ზედმეტი იყო, ფულატას საუცხოოდ ესმოდა მისი, მიუხედავად იმისა, რომ გუდმა სულ რაღაც ორიოდე სიტყვა იცოდა ზულუსურად.

— გადაეცით, — მითხრა გუდმა, — რომ მის სიკეთეს და ამაგს სიკვდილამდე არ დავივიწყებ.

მე გუთარგმნე ფულატას გუდის ნათქვამი და დავინახე, როგორ მოედო სახეზე ალი.

იგი სწრაფი მოძრაობით შებრუნდა გუდისაკენ, ისე მოხდენილად, თითქოს ჩიტმა შეიფრთხიალაო, დიდი შავი თვალები შეანათა კაპიტანს და მშვიდად უთხრა:

— ჩემს ბატონს დაავიწყდა, რაც მოხდა. განა მან არ მიხსნა სიკვდილის კლანჭებიდან და განა მე მისი მხევალი არა ვარ?

როგორც ჩანდა, ამ ახალგაზრდა ლედის სულაც აღარ ახსოვდა, რომ მის გადარჩენაში მე და სერ ჰენრიც ვიდებდით მონაწილეობას. მაგრამ ქალები, საერთოდ, ასეთი არიან. მახსოვს, ჩემი ძვირფასი მეუღლეც სწორედ ასე მომექცა. უნდა მოგახსენოთ, რომ ამ საუბრის შემდეგ ქოხში გულდამძიმებული

დაგბრუნდი. არ მომეწონა, მისს ფულატა ასე ნაზად რომ შესციცინებდა გუდს, რადგან კარგად ვიცოდი, რა ადვილად მოედებათ ხოლმე მეზღვაურებს სიყვარულის აღი.

ჩემი დაკვირვებით, ამქვეყნად ორი რამ არის შეუძლებელი და გარდუვალი: წარმოუდგენელია, ზულუსი არ ჩხუბობდეს, ხოლო მეზღვაური ვინმეს არ ეტრფოდეს.

რამდენიმე დღის შემდეგ იგნოზიმ მოიწვია დიდი საბჭო, რასაც კუპუანელთა ქვეყანაში „ინდიბას“ უწოდებენ. ამ საბჭოზე „ინდუნებმა“, ანუ უხუცესებმა, ოფიციალურად ცნეს იგი მეფედ.

ამ ცერემონიალმა, ისევე როგორც ჯარების დათვალიერებამ, ხალხზე დიდი შთაბეჭდილება მოახდინა. ჯარების დათვალიერების დღეს აღლუმზე რუსების პოლკის გადარჩენილი ნაწილიც მონაწილეობდა, მათ მთელი არმიის წინაშე გამოცხადათ მადლობა განსაკუთრებული მამაცობისა და თუალას წინააღმდეგ გმირული ბრძოლისათვის. ყოველი რუხი მეომარი მეფემ დიდძალი საჩუქრით დაჯილდოვა. ამასთან, ყოველ მათგანს უბოძა უფროსობა რუსების ახალ პოლკში, რომელიც ის-ის იყო, უნდა შეედგინათ. გარდა ამისა, საყოველთაოდ გამოცხადდა, რომ ჩვენ სამს – სერ პეტრის, გუდსა და მე, ვიდრე მათ ქვეყანას ჩვენი აქ ყოვნით ლირსვეოფლით – მოგვსალმებოდნენ ისე, როგორც ეს მეფეს შეეფერებოდა და პატივიც მეფის საკადრისი ეცათ. გამოცხადეს აგრეთვე, რომ ჩვენ უფლებამოსილნი ვიყავით ადამიანთა სიკვდილ-სიცოცხლეზე, ხოლო იგნოზიმ ხალხის წინაშე ერთხელ კიდევ გაიმეორა თავისი დაპირება, რომ ტყუილუბრალოდ, განუსჯელად არ დაღვრიდა ადამიანთა სისხლს და მისნებზე ნადირობას საბოლოოდ აღკვეთდა.

ნადიმის შემდეგ იგნოზის საკუთარ ქოხში ვეწვიეთ. როცა ყველა წავიდ-წამოვიდა და მარტონი დავრჩით, ვუთხარი: ძალიან გვინდა გავიგოთ იმ საბადოს საიდუმლო, დიდი გზის ბოლოში რომ არის და ამის თაობაზე ხომ არაფერი შეგიტყვიათ-მეტი.

– აი, რა გავიგე ამ საკითხზე, ჩემო მეგობრებო, – თქვა იგნოზიმ, – მითხრეს, რომ იქ ზის სამი უზარმაზარი ქანდაკება, ჩვენი ხალხი მათ დაყურსებულებს ეძახის. თუალას სწორედ მათვის უნდოდა ფულატა მსხვერ-პლად შეეწირა. იქ, მთებში, უზარმაზარ მდვიმეში კრძალავენ ჩვენს მეფეებს, თუალას გვამიც იქ შეგიძლიათ ნახოთ. კუპუანელთა ყოფილი მეფე ზის მათოან ერთად, ვინც ეს ქვეყანა მასზე აღრე დატოვა. იქვეა უღრმესი ჭა. იგი დიდი ხნის წინათ გათხარეს ადამიანებმა, რომ ამოედოთ ისეთი ქვები, თქვენ რომ დაეძებთ. ნატალში მეუძნებოდნენ ხოლმე, ბრძყვიალა ქვები კიმბერლიშიც არისო. იმ ჭასთან არის სიკვდილის საგანე, მის გვერდით კი – საგანძური, რომლის აღილსამყოფელი მხოლოდ თუალამ და გაგულამ იცოდნენ. მაგრამ თუალა ახლა მკვდარია, მე კი არც ის საგანძური ვიცი, სად არის და არც ის, რა არის შიგ ჩაფლული. ხალხში დადის ხმა, დიდი ხნის წინათ ერთ თეთრკანიანს ჩვენი მთები გადმოულახავსო. იგი ვიდაც ქალს წაუყვანია და განძეული უჩვენებია, მაგრამ ვიდრე უცხოელი განძის წადებას მოასწრებდა, ქალს მოუხერხებია მისი დაბეზდება და მეფეს დაუყოვნებლივ გაუძვევებია იგი კუპუანელთა ქვებიდან. იმ დღიდან მოყოლებული, იქ ძეხორციელს ფეხი არ შეუდგამსო.

– ეს ალბათ მართალია, იგნოზი, აკი იმ მთაზე თეთრკანიანი ვნახეთ.
– დიახ, ვნახეთ. ახლა კი, რაკი სიტყვა მოგეცით, თუ იმ საგანძურს ვიპოვით და თუ იქ მართლა აღმოჩნდა ძვირფასი ქვები...

– ქვები რომ არის, ამას ამტკიცებს ეგ ალმასი, შებლზე რომ გიპეთია, – ვუთხარი და მივუთითე ძვირფას თვალზე, თუალას შებლზე რომ ავაგლიჯე.

– შესაძლოა, თქვენ მართალი იყოთ, – მითხოდა იგნოზიმ, – და თუ ასეა, წაიღებოთ იმდენს, რამდენსაც ზიდავთ, თუკი მართლა მოისურვებოთ ჩემს დატოვებას, ძმანო ჩემნო!

– პირველ ყოვლისა, უნდა ის საგანძური მოვიძიოთ, – ვთქვი მე.

– ეგ კი მხოლოდ გაგულას დახმარებით შეგვიძლია.

– მერქ, უარი რომ თქვას?

– უარს თუ იტყვის, მოკვდება, – მკაცრად მომიგო იგნოზიმ, – განა მხოლოდ იმიტომ არ დავინდე მისი სიცოცხლე? მოითმინეთ, თვითონ გადაწყვიტოს, იცოცხლებს თუ მოკვდება.

იგნოზიმ მსახურს უხმო და გაგულას მოყვანა ბრძანა.

რამდენიმე წუთის შემდეგ კუდიანი ბებრუხანა წყევლა-კრულვით შემოვიდა ქოხში. უკან ორი მცველი მოსდევდა.

– დატოვეთ! – უბრძანა მათ იგნოზიმ.

როგორც კი მცველები გავიდნენ, ეს საზიზდარი ჩვრების ფუთა იატაგზე მიეფინა, – გაგულა მართლაც წააგავდა ძელი ჩვრების ფუთას. ამ ფუთაზე ორი, გველის თვალებივით ავბოროტი, თვალი ენთო.

– რას მიპირებ, რა გაქვს განზრახული, იგნოზიმ? – დაიწრიპინა გაგულამ, – შენ რა ნება გაქვს, ხელი შემახო. იცოდე, თითო რომ დამაკარო, ადგილზევე გაგაქრობ, უფრთხილდი ჩემს ჯადოს.

– შენმა ჯადომ თუადა სიკვდილისაგან ვერ იხსნა, ბებერო ძუქნავ, ამიტომ მეც ვერაფერს დამაკლებს, – მიუგო იგნოზიმ. – მისმინე, აი, რა მსურს შენგან, უნდა წაგვიძლვე საგანძურში, სადაც ის ბრჭყვიალა ქვებია დაფლული.

– ჰა, ჰა, ჰა! – გადაიხარხარა კუდიანმა, – იმ საგანძურს ჩემ გარდა ვერავინ მიაგნებს, მე კი კრინტს არ დაგძრავ. თეთრი ჯადოქრები ცარიელ-ტარიელნი გაბრუნდებიან აქედან.

– ყველაფერს ახლავე მეტყვი, გაიძულებ, თქვა!

– რა გზით მაიძულებ, ჰო, მეფეო? შენ ყოვლისშემძლე ხარ, მაგრამ განა შეგწევს ძალა სიმართლე ამოგლიჯო ქალის ბაგებ?

– ეს ძნელია, მაგრამ მაინც შევძლებ.

– ხომ არ გამანდობ, რა გზით, მეფეო?

– არ იტყვი და, ნელი სიკვდილით ამოგხდი სულს.

– სულს ამომხდი? – დაიწრიპინა კუდიანმა, მაგრამ, ეტყობოდა, შიშით თავზარი დაუცა. – ვერ გაბედავ ხელი მახლო, – დაუმატა გააფორებით. – ადამიანო, შენ არ იცი, ვინა ვარ. როგორ გგონია, რამდენი წლის ვიქნები? მე მახსოვს თქვენი მამები და თქვენი მამის მამები. მე აქ ვიყავი, როცა ეს ქვეყანა ჯერ ნორჩი იყო, და აქვე ვიქნები, როცა იგი დროს მოიჭამს. კიდევ დიდხანს ვიქნები. მე არ მოვკვდები. შეიძლება, შემთხვევით მოქლან, დიას, შემთხვევით, მაგრამ ამას ვერ გაბედავენ.

– მიუხედავად ამისა, მაინც მოკვდები. მისმინე, გაგულა, ბოროტების დედავ, შენ ისეთი მიხრწილი ხარ, რომ სიცოცხლე ადარც კი გეევარება. რის მაქნისია შენთვის სიცოცხლე? რად უნდა სიცოცხლე შენისთანა ბებერ ეშმაკს, რომელსაც აღარც ადამიანის სახე აქვს, არც თბა, არც კბილები – ერთი სიტყვით, არ გააჩნია არაფერი, გარდა სიძულვილისა და ბოროტი თვალებისა? ჩემი მხრივ დიდი სიკეთე იქნება, თუ მოგძლავ, გაგულა!

– სულელი ხარ! – კვლავ იწივლა დედაბერმა, – წყეულო, უგუნურო არსებავ! შენა გგონია, მარტო ახალგაზრდებს უყვართ სიცოცხლე? მაშ, გულისა არაფერი გცოდნია. ახალგაზრდები ზოგჯერ ჩქარობენ სიკვდილს, რადგან გრძნობებს ემონებიან. მათ უყვართ, იტანჯებიან, დარდობენ, როცა მათი

რჩეულნი აჩრდილთა სამყაროში მიღიან, მოხუცებს კი გრძნობები არ გააჩნიათ, მათ არ ტანჯავთ სიყვარული და – პა-პა-პა! – იცინიან, როცა სხვებს წყვდიადი ნთქავს. პა-პა! უხარიათ, როცა დედამიწაზე ბოროტებას ხედავენ. მათ უყვართ მხოლოდ სიცოცხლე, თბილი, ძალიან თბილი მზე და ტკბილი, ძალიან ტკბილი პაერი. მათ ეშინიათ სიცივის, სიცივისა და ბნელის. პა-პა-პა!

ბებერი კუდიანი მიწაზე ხოხავდა, შეშლილივით ხარხარებდა და იკლაკნებოდა.

– შეწყვიტე ეგ ბოროტი სისინი და მიპასუხე! – რისხვით უთხრა იგნოზიმ. – მიმიყვან იმ საგანძურთან, სადაც ბრჭყვიალა ქვები ინახება, თუ არა? თუ არ მიმიყვან, მოკვდები, აი აქვე, ამწამსვე გაგათავებ! – იგნოზიმ შუბს ხელი დაატანა და გაგულას თავზე აღმართა.

– არა-მეთქი, არ მიგიყვან. შენ ჩემი მოკვლის უფლება არა გაქვს, ჩემი მკვლელი უკუნიოთ უკუნისამდე დაწყევლილი იქნება.

იგნოზიმ ნელ-ნელა დასწია შუბი ძირს, წვერით შეეხო ამ ჩვრების გროვას.

გაგულა გიჟური ყვირილით წამოიჭრა ზეზე, მერე დაეცა და იატაგზე ხოხას მოჰყვა.

– ოჲ, არ მომკლა, მიგიძლვებით იმ საგანძურთან, მხოლოდ მაცოცხლე! ნება დამრთე, მზეზე გავთბე და დდეში თითო ლუკმა ხორცი მქონდეს, ნუ მომისპობ ამას და ყველაფერზე თანახმა ვიქნები.

– კარგი, ვიცოდი, რა გზითაც მოგიყვანდი ჭკუაზე. ხვალე წაიყვან იქ ინფადუსსა და ჩემს თეთრ ძმებს. მიფრთხილდი, თუ მომატყუე, ნელი სიკვდილით მოგალავ.

– არ მოგატყუებ, იგნოზი, მე ჩემი სიტყვის პატრონი ვარ. პა-პა-პა! ერთხელ, ძალიან დიდი ხნის წინათ, ერთმა ქალმა იმ საგანძურში თეთრკანიანი შეიყვანა. მერე რა? იმ თეთრკანიანს ჭირის დღე დაადგა, – იმ ქალსაც გაგულა ერქვა, იქნებ... იქნებ მე ვიყავი ის ქალი?

– შენ ცრუობ, – ვუთხარი მე, – მას შემდეგ აგერ მეათე თაობა მოდის.

– შესაძლოა, შესაძლოა, როცა ამდენ ხანს ცხოვრობ, ყველაფერი გავიწყდება. ეგებ ჩემი დედის დედამ მომიყვა ეს ამბავი, მაგრამ იმ ქალს კი ნამდვილად გაგულა ერქვა. დაიხსომეთ, – გვითხრა მერე და ჩვენ მოგვიბრუნდა,

– საგანძურში, სადაც ბრჭყვიალა ქვები ინახება, ავსებულ ტყავის გუდას ნახავთ. ის გუდა თეთრმა ადამიანმა აავსო, მაგრამ ვეღარ წაიღო. უბედურება დაატყდა თავს, გეუბნებით, უბედურება დაატყდა-მეთქი. ეგებ ჩემი დედის დედამ მიამბო ეს ყველაფერი!.. გზას მხიარულად გავლევთ, ვნახავთ მათ გვამებს, ვინც ბრძოლაში დაეცა. ალბათ ყვავებმა უკვე ამოკორტნეს თვალები, ძვლები კი მხეცებმა დახრეს. პა-პა-პა!

თ ა გ ი X V I

ს ი გ გ დ ი ლ ი ს ს ი გ ა ნ ე

ზემოთ აღწერილი შემთხვევის შემდეგ ორმა დღემ განვლო. მესამე დღეს, სადამოს უკვე ბნელოდა, როცა „სამი ჯადოქრის“ მთის ძირს მივაღწიეთ. აქ იდგა რამდენიმე ქოხი, სადაც დამის გათევას ვაპირებდით.

„სამ ჯადოქარს“ ეძახდნენ სამკუთხედივით აღმართულ სამ მთას, ამ მთებში წყდებოდა ხოლომონ მეფის დიდი გზა. ჩვენ თან გვახლდა ფულატა – იგი,

რასაკვირველია, გუდის გამო წამოგვევა, – ინფადუსი, გაგულა და მსახურთა და მცელთა რაზმი. გაგულა საკაციო მოჰყავდათ. მთელი გზა მხოლოდ მისი ბუზღუნი და წყევლა-კრულვა ისმოდა.

მთები, ან უფრო ზუსტად რომ ვთქვათ, სამი მწვერვალი, რომლებიც, როგორც ეტყობოდა, ერთი და იგივე გეოლოგიური დაწევით იყო წარმოქმნილი, სამკუთხედის მსგავსად იყო განლაგებული. ფუძე საერთო პქონდათ, ერთი მწვერვალი მარჯვნივ იდგა, მეორე – მარცხნივ, მესამე კი ზედ ჩვენ პირდაპირ იყო აღმართული.

რომ იცოდეთ, რა დიდებული სურათი წარმოგვიდგა თვალშინ მეორე დღეს დილით; ჩვენ წინ ცად აზიდულიყო თოვლის თეთრი გვირგვინებით შემკობილი სამი მწვერვალი, რომელთაც დილის მზის სხივები ელაციცებოდა. ქვემოთ, იქ, სადაც თოვლის ფაფანაკი მთავრდებოდა, მანანას სშირი ბუჩქნარისაგან მთები წითლად იყო შეღებილი. ასეთივე ფერით იყო გადაქარგული ტორფის ჭაობები, რომლებიც დაბლობიდან მთის ფერდობებს მიუყვებოდნენ. ჩვენ წინ კი თეთრი ზოლივით გადაჭიმულიყო სოლომონ მეფის დიდი გზა. იგი ასდევდა შუა მწვერვალს, ჩვენგან ხუთიოდე მილით რომ იყო დაშორებული, და მის თხემზე წყდებოდა.

ნელია იმის აღწერა, როგორ ვდელავდით იმ დილით. მკითხველი თვითონ წარმოიდგენს, რა ყოფაში ვიქებოდით. აპა, როგორც იყო, მივუახლოვდით იმ საოცარ საბადოს. განა მის გამო არ დაიღუპა სამასი წლის წინათ მოხუცი პორტუგალიელი, მისი ბედკრული შთამომავალი ჩემი მეგობარი ხოზე სილვესტრი და სერ პენრის ძმა ჯორჯ პურტისი?

ჩვენ რადა გველოდა? ამდენი ტანჯვისა და განსაცდელის შემდეგ, რას გვიმზადებდა ბედი? და სილვესტრას, როგორც ამ კუდიანმა გაგულამ გვითხრა, დიდი ტანჯვა-წვალების გადატანა მოუხდა. ნუთუ ჩვენც იგივე გვეწერა? ასე იყო თუ ისე, გზა თანდათანობით მიიღია. მე კი ვერა და ვერ გავართვი თავი შიშს, თუმცა, მგონი, სერ პენრი და გუდიც ვერ იყვნენ გულმაგრად.

ნახევარი საათი მაინც ვიარეთ გზაზე. გზას აქეთ-იქით მანანას ბუჩქები მიუყვებოდა. მდელვარებისაგან ისე სწრაფად მივაბიჯებდით, რომ მსახურები, რომელთაც გაგულას საკაცე მოჰქონდათ, ძლივმლივობით გვეწეოდნენ.

გაგულას ფარდებიდან გამოეყო დანაოჭებული სახე, თვალებანთებული გვიყურებდა და მოგვეიოდა:

– სად მიგეჩარებათ, თეთრო ადამიანებო? ასე რატომ ესწრაფვით სიკვდილს, განძის მაძიებლები? – თქვა და ისე საზარლად გადაიხარხარა, რომ ტანში ცივმა ურუანტელმა დამიარა. ამ სიცილმა ცოტათი გამოგვაფხიზლა და გზნება გაგვინელა, თუმცა მაინც ჯიუტად განვაგრძობდით გზას.

ბოლოს, სწორედ ჩვენ წინ გამოჩნდა დიდი, მრგვალი ხარო, დამრეცი კალთებით. იგი ნახევარ მილზე მაინც იყო გაჭიმული, სიღრმე კი სამას ფუტამდე ექნებოდა.

– თქვენ ალბათ მიხვდით, რაც უნდა იყოს ეს, – ვუთხარი სერ პენრის და გუდს, რომლებიც გაოცებულნი ჩაჟურებდნენ ამ უზარმაზარ ძაბრისებურ ღრმულს.

მათ უარის ნიშნად თავი გააქნიეს.

– რაკი ასეა, ჩემთვის ცხადია, რომ თქვენ არასოდეს გინახავთ კიმბერლის ალმასის საბადოები. დაბეჯითებით შემიძლია ვთქვა, რომ სწორედ ეს არის სოლომონ მეფის ალმასის საბადო. აბა, აქეთ მოიხედეთ, – ვუთხარი და მყარ ცისფერ შლამზე მივუთითე, ბალახსა და ბუჩქნარს შორის აქ-იქ რომ მოჩანდა. – ეჭვი არ მეპარება, ამ მაღაროში რომ ჩავსულიყვავით, კიმბერლიგის მაგმით ან

ალმასის შემცველი ბრექჩიით ავსილ ალმასის მიღაკებს აღმოგაჩენდით. ახლა კი ამას დააკვირდით, – ვთქვი მე და მაღაროს დამრეც ფერდობზე, ძველისძველი წყალსაღინარის ქვემოთ, კლდის ჯიშების გამოფიტული ბრტყელი ფილების გროვისაკენ გავიწვდინე ხელი. – კაცი არ ვიყო, თუ ოდესლაც ამ ფილებს ქანების გამოსარცხად არ იყენებდნენ.

დიახ, ეს ხარო გახლდათ მოხუცი პორტუგალიელის რუკაზე აღნიშნული საბადო, მის კიდესთან დიდი გზა ორად იყოფოდა და საბადოს ირგვლივ უკლიდი. ბევრგან ეს გზა უზარმაზარი ქვებით იყო მოკირწყლული, ალბათ, იმიტომ, რომ გაემაგრებინათ მაღაროს კედელი და დაეცვათ ჩამოქცევისაგან ფუჭი ფიქალი, რომელიც ალმასის შემცველ ბრექჩიებს ერტყმოდა გარს. ფეხს ავუჩქარეთ, გვინდოდა, რაც შეიძლება მალე გვენახა, რას წარმოადგენდა ის სამი ქანდაკება, ხაროს მოპირდაპირე მხარეს რომ მოჩანდა. როცა მივუახლოვდით, აღმოჩნდა, რომ ეს იყო სამი უზარმაზარი კოლოსი – სწორედ ის სამი დაყურსებული, კუკუანელები ისეთი მოკრძალებითა და შიშით რომ ისხენიებდნენ.

შავი კლდის უზარმაზარ კვარცხლბეკზე, რომელზედაც გაურკვეველი იეროგლიფები იყო ამოკვეთილი, ერთმანეთისაგან ოც-ოცი ნაბიჯის დაშორებით იდგა სამი ვეება ქანდაკება – ორი მამაკაცისა, ერთი კი – ქალის. ისინი ლუუსკენ მიმავალ გზას გასცემოდნენ. თითოეული მათგანი სიმაღლით თვრამეტ ფუტს აღწევდა.

შეშველი ქალის ქანდაკება საოცარი სილამაზით გამოირჩეოდა, თუმცა, ცოტა არ იყოს, მაცრი იერი დაჟკრავდა. სამწუხაროდ, სახის ნაკვთები ძალიან დაზიანებული პქონდა. საუკუნეთა განმავლობაში ამინდის ცვალებადობას თავისი დაღი დაესვა. ქალს თავს უმშვენებდა ორთავ მხარეს აღმართული ნამგალა მთვარის რქები. მამაკაცთა ქანდაკებები კი, ქალისაგან განსხვავებით, მოსასხამებში იყო გახვეული. ორივეს საზარელი სახე პქონდა. მაგრამ მარჯვნივ მჯდომი ნამდვილი დემონის განსახიერება იყო, მეორეს კი უფრო მშვიდი, უშფორველი სახე პქონდა. თუმცა ეს სიმშვიდე გზარავდათ. გზარავდათ არადამიანური სიმკაცრითა და ულმობლობით. ამგვარ სიმკაცრეს, სერ პენრის აზრით, ძველი დროის ადამიანის ფანტაზია უძლიერეს პიროვნებებს ანიჭებდა. ამ პიროვნებას იქნებ სიკეთის ჩადენაც შეეძლო, მაგრამ მიუხედავად ამისა, თუ ადამიანის ტანჯვა-წამების ცქრა სიამოვნებას არ პგვრიდა, ყოველ შემთხვევაში, არც დიდ სატანჯველს მიაეკებდა. სამი განმარტოებული ქანდაკება, საუკუნეების მანძილზე რომ გადმოსცემოდა დაბლა გაშლილ ტაფობს, მართლაც მოკრძალებისა და შიშის გრძნობას იწვევდა. შეცემოდით დაყურსებულებს, როგორც მათ კუკუანელები უწოდებდნენ, და ძალიან გვეწადა გაბვეგო, ვისმა ხელებმა გამოკვეთა ბუმბერაზები, ვინ გაიყვანა გზა და ამოთხარა ეს უზარმაზარი ხარო. გაოცებული ვუყურებდი ამ ქანდაკებებს და უეცრად გამასხენდა თქმულება ძველი აღთქმიდან (ძველი აღთქმა ხომ კარგად ვიცოდი): სოლომონი გადაუდგა თავის სარწმუნოებას და თაყვანს სცემდა უცხო ქვეყნის ღმერთებს. გამასხენდა იმ სამი ღმერთის სახელებიც: აშტორები – სიდონელთა ღმერთი, ჩემოში – მოაბიტების ღმერთი და მილკომი – ამონას შვილთა ღმერთი. თანამგზავრებს ჩემი მოსაზრება გავუზიარე: იქნებ სამი ქანდაკება სწორედ ის სამი ცრუ ღმერთი არის-მეთქ.

– შეიძლება, თქვენ მართალი იყოთ, – დაფიქრებით მითხრა სერ პენრიმ. იგი ძალიან განათლებული კაცი იყო. ჯერ კიდევ კოლეჯში შეესწავლა კლასიკოსები. – ძველბერძნული აშტორები ხომ ფინიკიელთა შორის ასტარტას სახელით არის ცნობილი, – განაგრძო მან. – ფინიკიელები კი სოლომონის

დროს გამოჩენილი ვაჭრები იყვნენ. ასტარტას, რომელსაც მოგვიანებით ბერძნებმა აფროდიტას სახელი უწოდეს, ასახავდნენ ნამგალა მთვარის მსგავსი რქებით. ამ ქანდაკების თავზე კი ნათლად მოჩანს ასეთი რქები. ვინ იცის, შეიძლება ეს ბუმბერაზები გამოკვეთეს რომელიმე ფინიკიელი „დიდი კაცის“ ბრძანებით, რომელიც ამ მაღაროების მუშაობას ხელმძღვანელობდა.

ჩვენ ჯერ კიდევ თვალი ვერ მოგვეწყვიტა უძველესი ხანის ამ უტყვი მოწმეებისათვის, რომ ინფადუსი მოგვიახლოვდა. მან შუბი აღმართა და დაყურსებულებს სალამი მისცა. შემდეგ მოგვიბრუნდა და გვითხრა, ისურვებო სიკვდილის სავანეში ჩასვლას, თუ დაიცდით და ნაშუადღევს წახვალო. თუ წასვლას ინებებთ, გაგულა მზად არის წამოგვეთო. ჯერ თერომეტი საათიც არ იქნებოდა, მაშასადამე, შუადღემდე კარგა დიდი დრო იყო. ცნობისწადილი გვკლავდა, ამიტომ გადავწყვიტეთ, შუადღეს არ დავლოდებოდით და ინფადუსს გამოვუცხადეთ, რომ მაშინვე გვინდოდა მაღაროში ჩაშება. მე, ყოველი შემთხვევისათვის, ვთქვი, ვინ იცის, როდემდე დავყოვნდებით დაბლა და ცოტა რამ საჭმელი წავიღოთ-მეთქი. მოიტანეს საკაცე, რომელზედაც გაგულა იჯდა. პატივცემული ლედი ცნობისმოვგარეობით ადგვნებდა თვალს ჩვენს სამზადისს. ამასობაში ფულატამ, ჩემი თხოვნით, ლერწმის კალათში ცოტაოდენი ბილტონგი ჩადო და პირთამდე წყლით ავსებული გოგრის წყვილი ბოთლი ბოთლი ჩადგა.

ზედ ჩვენ წინ, ბუმბერაზებიდან ორმოცდათოოდე ნაბიჯზე, იწყებოდა ქვის ციცაბო კედელი, რომლის სიმაღლე რვას ფუტზე ნაკლები არ იქნებოდა. ზევით ეს კედელი თანდათანობით ვიწროვდებოდა და წარმოქმნიდა თოვლით დაფარული დიდი მწვერვალის ძირს. მწვერვალი სამასი ფუტის სიმაღლეზე იქნებოდა აზიდული. გაგულა საკაციდან ჩამოვიდა, ჩვენკენ გამოიხედა, ერთი ბოროტად ჩაიცინა, შემდეგ ჯოხს დაეყრდნო და სწორედ იმ ციცაბო კლდისკენ წატუსტუსდა. ჩვენც, რასაკვირველია, უკან მივყევით. მალე მივუახლოვდით ვიწრო თაღოვან კარიბჭეს, რომელიც შახტში ჩასახვლელ ტალანს წაიგავდა.

გაგულა აქ გველოდა. სახეზე ჯერ კიდევ არ ჩამოცლოდა ბოროტი დიმილი.

– მაშ, ვარსკვლავეთიდან ჩამოსულო თეთრო ადამიანებო, სახელოვანო მებრძოლებო: ინკუბუ, ბუგან და მაკუმაზან, მზადა ხართ თუ არა? მე აქ მოვედი, რომ აღვასრულო მეფის, ჩემი ბატონის ბრძანება, გიჩვენოთ ბრჭყვიალა ქვების საგანძურო.

– ჩვენ მზადა ვართ, – ვუთხარი.

– კარგი, კარგი, მაშ გაიკაუეთ გული, რომ გაუძლოთ, რასაც აქ ნახავთ. შენც მოდიხარ თუ არა, ჰოი, ინფადუს, მეფის მოღალატევ და გამყიდველო?

ინფადუსმა წარბი შეიკრა.

– არა, არ მოვდივარ, ჩემი იქ ჩამოსვლა არ შეიძლება. შენ კი, გაგულა, გირჩევ ენა დაიმოკლო! ამ ხალხს გაბარებ, უფრთხილდი, ცუდს არაფერს გადაეჭარონ. იცოდე, თავზე ბეწვიც რომ დააკლდეთ, სიცოცხლეს გამოგასალმებ. ვერ გადამირჩები, თუნდაც ათას ქაჯად და ეშმაკად იქცე. ხომ გეგურება, რას გეუბნები?

– მეუერება, ინფადუს, მეუერება, მაგრამ ისიც ვიცი, რომ ტრაბახი გიყვარს. მახსოვს, პატარა რომ იყავი, დედას ემუქრებოდი ხოლმე. ეს კი სულ ახლახან იყო. ჰო, ნუ გეშინია-მეთქი, მე მხოლოდ იმისათვის ვცოცხლობ, რომ მეფის ბრძანება აღვასრულო. ჩემს სიცოცხლეში მრავალ მეფეთა ნება-სურვილი შემისრულებია, ინფადუს, მაგრამ ბოლოს და ბოლოს ყველას ჩემს ნებაზე ვათამაშებდი. ჰა! ჰა! მივდივარ იქ, რათა ერთხელ კიდევ დაგინახო მათი სახეები, თუალაც იქ დამხვდება. წამოდით-მეთქი! აი, ჭრაქი, – გაგულად

თავისი ბეჭვის მოსასხამიდან დიდი გულამოცლილი გოგრა ამოიღო. გოგრა ზეთით იყო ავსებული, პატრუქად კი ლერწმის ბოჭკო ჰქონდა.

— განა შენ კი არ წამოგვყები, ფულატა? — პეითხა გუდმა, საშინლად დამტვრეულ კუკუანურ ენაზე. ჩვენი კაპიტანი ჯიუტად სწავლობდა კუკუანურს ამ ახალგაზრდა ლედის ხელმძღვანელობით.

— მეშინია, ჩემო მბრძანებელო, — მოკრძალებით მიუგო ფულატამ.

— მაშინ ეგ კალათი მომეცი, მე წავიდებ.

— არა, ჩემო მბრძანებელო, სადაც შენ წახვალ, მეც იქ ვიქნები.

„რადა ოქმა უნდა, წამოხვალ, ეშმაკმა დალახვროს შენი თავი, — გავიფიქრე მე. — ეს კარგა გვარიანად გაართულებს საქმეს, თუ ოდესმე აქედან წასვლას დაგაპირებოთ".

ამასობაში გაგულა ჩაძვრა ბნელ გასასვლელში, რომელშიაც თავისუფლად გაეტეოდა ორი გეერდი-გეერდ მიმავალი ადამიანი. ჩაძვრა და მოგვაქნავლა, უკან მომყევითო. ჩვენც, ცოტა არ იყოს, შემკრთალები მივყევით უკან მის ხმას. ფრთების ფართხუნით გადაგვიქროლეს თავზე რადაც არსებებმა, რომელთაც ჩვენი მოსვლით მყუდროება დავურდვიეთ. ამ გარემოებას, თქმა არ უნდა, ჩვენი შიში არ გაუქარწყლებია.

— კვეი, ეს რაღა? — წამოიძახა გუდმა, — ვიღაცა სახეში მიტყლაშუნებს.

— დამურებია, — გამოვებმაურე მე, — იარეთ, ნუ გეშინიათ.

ორმოციოდე ნაბიჯის შემდეგ შევამჩნიეთ, რომ გასასვლელი ოდნავ განათღა. კიდევ წუთი და საოცარ მდგიმეში აღმოვჩნდით.

წარმოიდგინე, მკითხველო, უდიდესი ტაძარი, რომელშიც კი ოდესმე ყოფილხარ, და მაშინ ნაწილობრივ მაინც მიხვდები, რამოდენა იქნებოდა ეს უზარმაზარი მდვიმე. დიდი არქიტექტორის, ბუნების, მიერ შექმნილი ეს ტაძარი ადამიანის ხელით აგებულ ყველა ტაძარზე უფრო მაღალი და ფართო იყო. ფანჯრები არსად ჩანდა, მაგრამ საიდანდაც ზემოდან ჩამოდიოდა მკრთალი შუქი. ალბათ თაღს, ჩვენგან რამდენიმე ფუტის სიმაღლეზე რომ აზიდულიყო, დატანებული ჰქონდა შახებები, რომლებშიც გარედან ჰაერი და სინათლე ატანდა. მდვიმეს მთელ სიგრძეზე მიუყვებოდა უზარმაზარი სვეტები, ისინი ყინულისაგან ჩამოსხმული გეგონებოდათ. ეს იყო უზარმაზარი სტალაქტიტები. გაგვაოცა ამ თეთრი სვეტების საოცარმა მოხაზულობამ და სინატიფე. ზოგიერთის დიამეტრი ფუძესთან ოც ფუტზე მეტიც კი იქნებოდა. ზოგი მაღლა, პირდაპირ შორეული თაღისკენ მიიწვედა, ზოგი კი ახლა იქმნებოდა და, სერ ჰქონის თქმისა არ იყოს, ძველი ბერძნული ტაძრის სვეტების ნანგრევებს მოგაგონებდათ. მაღლა, თაღზე ბუნდოვნად იღანდებოდა უზარმაზარი ლოლუების წვეტები.

გაოცებულები უხმოდ შევყურებდით ამ სურათს. დროდადრო გვესმოდა წვეთების ოდნავ გასაგონი წკაპუნი — შორეულ ლოლუებს წყდებოდა წყლის წვეთი და სწორედ ქვის იატაქზე აღმართულ თეთრ სვეტებს ეცემოდა. ზოგ სვეტს წვეთები ყოველ ორ-სამ წუთში ერთხელ ეცემოდა. საინტერესო იქნებოდა გამოგვეთვალა, ამ სიჩქარით რამდენი ხანი დასჭირდებოდა ოთხმოცი ფუტი სიმაღლისა და ათი ფუტი დიამეტრის მქონე სვეტის წარმოქმნას. თუ რა საოცად ნელა მიმდინარეობდა ეს პროცესი, ამაზე ის მეტყველებდა, რომ ერთ-ერთ სვეტზე ამოკვეთილი იყო მუმიის მსგავსი რადაც უხეში ნახატი. მუმიას თავთით დმერთი უჯდა. დმერთი აშკარად ეგვიპტური იყო. იგი სვეტზე ამოკვეთა ადამიანმა, რომელიც შორეულ წარსულში ამ საბადოში მუშაობდა. უცნობ მხატვარს „ხელოვნების ეს ნიმუში“ ნორმალური ადამიანის სიმაღლეზე, ესე იგი, იატაკიდან დახლოებით ხუთ ფუტზე ამოეკვეთა. ალბათ, ყველა დროს ჰყავს თავისი უსაქმურები — უძველეს დროში მცხოვრები ფინიკიელი მუშა თუ

თანამედროვე ეპოქის ინგლისელი ბიჭი, რომელთაც სურთ, რადაც უნდა დაუჯდეთ, უკვდავჰყონ თავიანთი სახელები ბუნების მიერ შექმნილი შედევრების ხარჯზე.

მას შემდეგ, რაც ეგვიპტელმა ის გამოსახულება ამოჭრა, თითქმის სამი ათასმა წელმა განვლო. სვეტის სიმაღლე კი ახლა, როცა მას ვათვალიერებდით, რვა ფუტი თუ იქნებოდა და მისი შექმნის პროცესი ჯერ კიდევ არ იყო დასრულებული. გამომდინარე აქედან, უნდა გვიფიქრა, რომ სვეტი ყოველ ათას წელიწადში ერთი ფუტით, ან საუკუნეში ერთი დუმით იზრდებოდა. ჩვენ ეს დავიანგარიშეთ, როცა ამ სვეტთან ვიდექით და წვეთების თანაბარ წკაპუნს უურს ვუგდებდით.

მდვიმეში ზოგჯერ უცნაური ფორმის სტალაქტიტებიც გვხვდებოდა. ეს განსაკუთრებით შეიმჩნეოდა იქ, სადაც წვეთები დაცემისას ერთსა და იმავე ადგილზე არ ხვდებოდა. ასე, მაგალითად, ერთი უზარმაზარი ლოდი, რომლის წონა ასიოდე ტონა მაინც იქნებოდა, საყდრის კათედრას წააგავდა და გარედან ლამაზი, მაქმანების მსგავსი ნაყშებით იყო მორთული. სხვები ზღაპრულ ურჩხულებს მოგვაგონებდნენ. მდვიმის კედლები კი მოხატული იყო მარაოსებრი ჩუქურთმებით, რომლებიც მიწაზე ამოქარგულ ყინვის ნაყშებს ჰგავდა.

ამ უზარმაზარი დარბაზიდან მრავალი ტალანი გადიოდა უფრო პატარა მდვიმებში. სერ ჰენრიმ თქვა – ეს ტალანები დიდი ტაძრიდან პატარ-პატარა ეკვდერებში გასასვლელებს მაგონებსო. ზოგიერთი ტალანი ძალიან ფართო იყო, მაგრამ ერთი-ორი ძალზე ვიწრო აღმოჩნდა. ეს იყო განსაცვიფრებელი მაგალითი იმისა, თუ როგორ ირჯება ბუნება და როგორ ხელმძღვანელობს იმავე უცვლელი კანონებით, ამ სამუშაოების მასშტაბებისაგან დამოუკიდებლად. მაგალითად, ერთი პატაწკინტელა მდვიმე სათამაშო სახლისოდენა თუ იქნებოდა. მიუხედავად ამისა, იგი შესანიშნავად გამოდგებოდა უზარმაზარი დარბაზის არქიტექტურულ მოდელად. ამ მდვიმეშიც ისევე წკაპუნობდა წყლის წვეთები, ისევე ეკიდა თაღზე ერთი ბეწო ლოლუები და ისევე აღმართულიყო მაღაროს თეორი სვეტები.

სამწუხაროდ, დრო არ გვქონდა იმისათვის, რომ უფრო მეტი ყურადღებით დაგვეთვალიერებინა ეს ლამაზი ქვაბული. გაგულას არაფრად აინტერესებდა სტალაქტიტები და, როგორც ეტყობოდა, ცდილობდა, რაც შეიძლება ჩქარა მოემთავრებინა საქმე. ამან ძალიან გამაბრაზა, განსაკუთრებით იმიტომ, რომ გულით მეწადა, გამეგო, საიდან შემოდიოდა მდვიმეში სინათლე, ვინ შექმნა იგი – ბუნებამ თუ ადამიანის ხელმა, იყენებდნენ თუ არა მას რაიმე მიზნით შორეულ წარსულში, რაც, რასაკვირველია, სრულიად შესაძლებელი იყო.

გულდაწყვეტილები მივყვებოდით ჩვენს ბოროტ წინამდღოლს; გადაწყვეტილი გვქონდა, აქეთობას ყველაფერი კარგად დაგვეთვალიერებინა და თავს ამით ვინუგეშებდით.

გაგულა სულ წინ და წინ მიიწევდა, ახლა რომელიდაც უზარმაზარი მდუმარე მდვიმის შორეული კედლისკენ მივყვავდით. ამ მდვიმეს არ ჰქონდა თაღი, კვადრატული იყო და ეგვიპტური ტაძრის შესასვლელს წააგავდა.

– მზად ხართ თუ არა სიკვდილის საგანეში შესასვლელად? – გვპიოთხა გაგულამ. ეტყობოდა, უნდოდა ამ კითხვით ჩვენზე მეტი შთაბეჭდილება მოეხდინა.

– გაგვიძეს, მაკდუფ! – ერთი ყოფით უთხრა გუდმა, თან ცდილობდა შიში არ დამჩნეოდა.

ფულატას გარდა ყველას მშვიდად გვჭირა თავი. ფულატამ გუდს ხელზე ხელი წაავლო, თითქოს დაცვას სთხოვსო.

— ცოტა არ იყოს, შიში შეეპარება ადამიანს, — თქვა სერ პენრიძ. — გაგვიძეს წინ, ქუოტერმენ, სენიორეს პნიორეს, ნუ ვალოდინებო პატივცემულ ლედის, — და მან ზრდილობიანად დამითმო გზა, რისთვისაც გულის სიღრმეში სულაც არ ვუმადლოდი.

— კატ-კუ! — მიკაგუნობდა იატაკზე გაგულას ყავარჯენი. ეს კუდიანი არსება ბოროტი სიცილით მიგვიძლოდა ბნელ ტალანტი. უსიამო წინათვრმნობით შეპყრობილი ნელ-ნელა ჩამოვრჩი უკან.

— წადით, წადით, მეგობარო, — მითხრა გუდმა. — ვიაროთ, თორემ ჩვენს მშვენიერ მეგზურს ჩამოვრჩებით.

ამ სიტყვების შემდეგ ფეხს ავუჩქარე. მალე ერთ ბნელ მღვიმეში შევედით. მღვიმის სიგრძე ასე, ორმოცი ფუტი იქნებოდა, სიმაღლე და სიგანე კი — ოცდათ-ოცდაათი ფუტი. ეტყობოდა, ადამიანის ხელით იყო გამოკვეთილი.

აქ, იმ პირველ, სტალაქტიტებიან მღვიმესთან შედარებით, ნაკლები სინათლე იყო. ბინდში დავლანდე ქვის დიდი მაგიდა, რომელიც მღვიმის მთელ სიგრძეზე იდგა. მაგიდის თავში იჯდა უზარმაზარი თეთრი გამოსახულება, ირგვლივ კი ისეთივე თეთრი, მაგრამ ჩვეულებრივი სიდიდის გამოსახულებები ჩანდა. მაგიდის შუაგულში რაღაც ყავისფერი საგანი დავინახე. ამასობაში ბნელს თვალი შევაჩვიე და როდესაც გავარჩიე, ანგარიშმიუცემლად, რაც ძალი და ღონე მქონდა, უკან მოვკურცხლე. უნდა მოგახსენოთ, რომ არც ნერვიული ვარ და არც ცრუმორწმუნე, მაგრამ აქ ნანახმა სურათმა საშინლად შემაძრწუნა. სერ პენრის საყელოში რომ არ წავლო ჩემთვის ხელი და არ შევეჩრებინა, ხუთის შემდეგ მღვიმეში აღარ ვიქნებოდი და, კიმბერლის მთელი აღმასები რომ შემოეძლიათ, უკან მაინც არ დავბრუნდებოდი. მაგრამ სერ პენრის მაგრად ვყავდი ჩაბდუჯული და, რა გაეწყობოდა, ბედს უნდა დავმორჩილებოდი. წუთის შემდეგ სერ პენრიმაც შეაჩვია თვალი ბნელს. იმწამსვე მიშვა ხელი და შუბლიდან ცივი თფლი მოიწმინდა. გუდი ხმადაბლა იგინებოდა. ფულატა ყვირილით ჩამოეკიდა კისერზე. გაგულა კი ხმადლა და შეუჩერებლად ხარხარებდა.

სურათი მართლაც შემაძრწუნებელი იყო: ქვის გრძელი მაგიდის თავში ადამიანის ჩონჩხის სახით იჯდა თვით სიკვდილი. სიმაღლით თხუთმეტ ფუტზე მეტი იქნებოდა. გაძვალტყავებულ თითებში უზარმაზარი შუბი ეჭირა. შუბი თავზემოთ ისე აღემართა, თითქოს ვიდაცას უნდა უგმიროსო. მეორე ხელით მაგიდას იმგვარად დაყრდნობოდა, გეგონებოდათ, წამოდგომას ლამობსო. ჩონჩხი წინ იყო წამოხრილი, ასე რომ მისი კისრის მალებსა და მოლაპლაპე თავის ქალას გარკვევით ვხედავდით. თვალის ცარიელი ფოსოები ჩვენკენ პქონდა მოქცეული, ყბები კი ოდნავ გაეხსნა. ღმერთმანი, არ გაგვიკვირდებოდა, ახლა რომ რამე ეთქვა.

— ციურნო ძალნო! — დავიჩურჩულე ბოლოს, — რა არის ეს?

— ესენი ვინდა არიან? — იკითხა გუდმა და მაგიდის ირგვლივ მსხდარ საზოგადოებაზე მიგვითოთა.

— ან იქ რა არის, დალახვროს ეშმაკმა! — თქვა თავის მხრივ სერ პენრიძ და ხელი მაგიდის შუაგულისკენ გაიწვდინა. — რა არის-მეთქი ის ყავისფერი საგანი?

— პი-პი-პი! — იცინოდა გაგულა, — ვათ მათ, ვინც სიკვდილის სავანეში ფეხს შემოდგამს, პი-პი-პი! აქეთ მობრძანდი, ინკუბუ, ბრძოლაში სახელგანთქმულო, მოდი და ნახე ის, ვინც საკუთარი ხელით მოჰკალი. —

დედაბერმა სერ პენრის გაძვალტყავებული თითები სახელოში ჩასჭიდა და თავისკენ მიიზიდა.

ჩვენ უკან მივყევით.

უკრად გაგულა შეჩერდა და მაგიდის შეაგულში იმ ყავისფერ საგანზე მიგვითოთა. სერ პენრიმ მის თითს მზერა გააყოლა და ყვირილით გადმოხტა უკან. არც არის გასაკვირი, ასე რომ აღელდა – იქ, მაგიდაზე დავინახეთ ვეება გვამი. ეს გახლდათ თუალა, კუკუანელთა უკანასკნელი მეფე. სულ შიშველი იყო, მუხლებზე კი ედო თავი, სერ პენრიმ ნაჯახით რომ წააგდებინა. მთელი გვამი თხელი, მინისებრი აფსკით იყო დაფარული, რის გამოც კიდევ უფრო საზარელი ჩანდა. თავდაპირველად ვერაფრით მიგხვდით, საიდან გაჩნდა, ან რა იყო ეს აფსკა, მაგრამ უკრად შევამჩნიეთ, რომ მღვიმის ჭერიდან პირდაპირ გვამის კისერზე ჟამდაუამ ეცემოდა წყლის წვეთები, – ტკაპ! ტკაპ! კისრიდან წყლის წვეთები ნელ-ნელა უკლიდა მთელ სხეულს და ბოლოს მაგიდაში დატანებული პატაწინა ხვრელით კლდეში გადიოდა. ახლა კი ყველაფერი ცხადი გახდა ჩემთვის – თუალას გვამი თანდათანობით სტალაქტიტად უნდა ქვეულიყო.

ჩემი მოსაზრების სისწორეს ამტკიცებდა თეთრი გამოსახულებები, მაგიდას ირგვლივ რომ შემოსხდომოდნენ. ეჭვარეშეა, ეს იყო ადამიანთა სხეულები, ან უკეთ რომ ვთქვათ, ის, რაც ოდესებაც ადამიანთა სხეულებს წარმოადგნდა, ახლა კი სტალაქტიტებად ქცეულიყო. კუკუანელები უხსოვარი დროიდან ინახავდნენ ამგვარად თავიანთ მეფეთა გვამებს.

საბოლოოდ მაინც ვერ გავიგე, რაში მდგომარეობდა პეტრიფიკაციის, ანუ გაქვავების მთელი მეთოდი, თუკი იგი საერთოდ არსებობდა, გარდა იმისა, რომ მიცვალებულებს ათავსებდნენ მაგიდაზე ისეთ ადგილას, სადაც წვეთ-წვეთად ჩამოდიოდა წყალი და მათ ყინულისებრი აფსკით ფარავდა. აფსკს წარმოქმნიდა სილიციუმის ხსნარი, რომელიც გვამებს უკუნითი უკუნისამდე შეინახავდა.

საზარელ სურათს წარმოადგენდნენ შპატის თეთრ სუდარებში გახვეული მეფეები. აფსკის ქვეშ ბუნდად ილანდებოდა მათი სახის ნაკვთები. სულ ოცდაშვიდი მეფე დავთვალე. უკანასკნელი იგნოზის მამა იყო. უსხედნენ მეფენი ამაზრზენ მაგიდას, რომელზედაც თვით სიკვდილი მბრძანებლობდა. მათი რიცხვის მიხედვით შეიძლებოდა დაგვედგინა, რომ გვამების შენახვის ეს წესი შემოდებული იქნა ოთხი საუკუნის წინა.

არ იქნებოდა მართალი, თუ ვიტყოდით, რომ აქ იყო კუკუანელთა ყველა მეფე, რადგან ზოგი მათგანი, ცხადია, სადმე, ბრძოლაში დაიღუპებოდა. თუ ჩავთვლით, რომ ყოველი მეფე საშუალოდ თხეოთმეტი წელიწადი იჯდა ტახტზე, დაახლოებით ოთხას ოცდახუთ წელიწადს მივიღებთ, მაგრამ სიკვდილის უზარმაზარი ჩონჩხი კიდევ უფრო ადრე უნდა ყოფილიყო მდვიმეში შემოტანილი და თუ არ ვცდები, იმავე ადამიანის ხელით იყო შექმნილი, ვინც კლდეში ის დაყურსებულები გამოქვეთა. ჩონჩხი გამოქანდაკებული იყო სტალაქტიტისაგან და განსაკუთრებული ოსტატით იყო შესრულებული.

გვდი ზედმიწებნით ერკვეოდა ანატომიაში და განაცხადა: ანატომიის თვალსაზრისით, ჩონჩხი სრულყოფილი არისო.

ჩემი აზრით, ეს საზარელი ჩონჩხი რომელიმე უძველესი მოქანდაკის გაუკულმართებული ფანტაზიის ნაყოფი იყო და კუკუანელებს უფრო მოგვიანებით დაებადათ აზრი, თავისი გარდაცვლილი მეფეები დაესვათ მაგიდაზე სიკვდილის საშინელი აჩრდილის გვერდით. შესაძლოა, თავის დროზე ჩონჩხი აქ იმიტომაც შემოიტანეს, რომ დაეფრთხოთ მძარცველები, თუ

ვინიცობაა ისინი განძსაცავში შესვლას დააპირებდნენ. არ ვიცი, ნამდვილად ასეა თუ არა, დაე, ჩემი ნაამბობიდან მკითხველმა თვითონ გამოიტანოს საპუთარი დასკვნები.

უოველ შემთხვევაში, ასეთი იყო სიკვდილის თეთრი აჩრდილი და ასეთნი იყვნენ თეთრი მიცვალებულები.

თ ა ვ ი X V I I

ს ო ლ ო მ ო ნ მ ე ფ ო ს ს ო გ ၊ ნ ძ უ რ ო

ვიდრე გაოცებულები სიკვდილის სავანეს ვათვალირებდით და კცდილობდით, შიში დაგვეთრებუნა, გაგულა სულ სხვა საქმით იყო გართული. იგი რადაც მანქანებით სწრაფად აძვრა უზარმაზარ მაგიდაზე (როცა სჭირდებოდა, მალაზე მარდი ბრძანდებოდა) და გაემართა იქთ, სადაც ჩვენი განსვენებული მეგობარი თუალა იჯდა. გუდმა თქვა, უნდა ნახოს, როგორ „მუჟუდება“ მისი საყვარელი მეფეო. მართლა ასე იყო, თუ სხვა რამ ფარული მიზანი ამოძრავებდა, ეს გაგულას გარდა არავინ უწყოდა. შემდეგ ბებერი კუდიანი ისევ უკან გამოძრუნდა. დროდადრო შეჩერდებოდა, რათა ხან ერთი და ხან მეორე შესუდრული გვამისთვის მიემართა ჩემთვის გაუგებარი სიტყვებით. ამასთან, ისეთი სახე პქონდა, როგორიც მექნებოდა მე, ან თქვენ, მკითხველო, ჩვენს კეთილ მეგობრებს რომ შეხვედროდით. ეს საიდუმლო და საზარელი რიტუალი რომ დაამთავრა, პირდაპირ სიკვდილის ჩონჩხის წინ ჩაჯდა და, რამდენადაც მიგხვდი, ლოცვა-ვედრებას მოჰყვა. ცხადი იყო, ეს ბოროტი კუდიანი ღვარძლს ანთხვედა კაცობრიობის უბოროტესი მტრის წინაშე. მისი სახე, მთელი მისი გარეგნობა იმდენად ამაზრზენი იყო, რომ შევეცადეთ, რაც შეიძლება სწრაფად გავცლოდით იქაურობას.

— აბა, გაგულა, — თითქმის ჩურჩულით ვუთხარი მე, რადგან ასეთ ადგილას ხმამაღლა ლაპარაკი ვერ გამეტედა. — ახლა კი გაგვიძეს საგანგურისკენ.

დედაბერი მარდად ჩამოცოცდა მაგიდიდან.

— ჩემს მბრძანებლებს არ ეშინიათ? — მკითხა და ალმაცერად გადმომხედა.

— გაგვიძებ-მეთქი, წინ!

— ძალიან კარგი, მბრძანებლებო, — თქვა გაგულამ, — თან კოჭლობით შემოუარა მაგიდას და სიკვდილის ქანდაკების უკან მღვიმის კედელთან შეჩერდა, — აი, აქ არის საგანგურის კარი, ჩემმა მბრძანებლებმა ჭრაქი აანთონ და შევიდნენ, — თქვა, ზეთით სავსე გოგრა იატაგზე დადგა, თვითონ კი მდვიმის კედელს მიეყრდნო.

მე ასანთი ავიდე (ყუთში კიდევ რამდენიმე ცალი ეწყო), ლერწმის ფთილას მოვუკიდე, თვალებით შესასვლელს ძებნა დავუწყე, მაგრამ მთლიანი კედლის მეტი გერაფერი დავინახე.

— შესასვლელი აქ არის, მბრძანებლებო, ჲა! ჲა! ჲა!

— ნუ ხუმრობ, — მკაცრად ვუთხარი.

— რა დროს ხუმრობაა, მბრძანებლებო, აბა, აქეთ მოიხედეთ! — თქვა და კედელზე მიგვითითა.

ჭრაქი მაღლა ავწიე და დავინახე, რომ ქვის უზარმაზარი ლოდი ნელ-ნელა მიიწევდა ზემოთ, სადაც მისთვის, ეჭვსგარეშეა, საგანგებო ხვრელი იყო

დატანებული. ლოდის სიმაღლე, ასე, ცხრა ფუტი იქნებოდა, სისქე ხუთი ფუტი, სიფართე კი დიდი კასრისოდენა ჰქონდა და, ალბათ, სულ ცოტა, ოცდათ ტონას მაინც იწონიდა. რასაკვირველია, უბრალოდ შეწონასწორებული საპირწონის პრინციპით მოძრაობდა. როგორ ამოძრავდა ეს მოწყობილობა, არც ერთ ჩევენგანს არ დაუნახავს, გაგულამ ყველაფერი უჩუმრად მოიმოქმედა, მაგრამ ეჭვი არ მეპარება, რომ სადღაც იყო უმარტივესი ბერკეტი, რომელსაც საიდუმლო წერტილში ოდნავ დააჭერდი თითს და საპირწონეს მეოხებით ლოდი მაღლა ავიდოდა.

ლოდი ნელა, მსუბუქად მიიწევდა მაღლა, ბოლოს სულაც გაქრა და მის ნაცვლად ჩვენ წინ ბენელი ხვრელი გამოჩნდა.

ქნელი წარმოსადგენია, როგორ ვდელავდით... სოლომონ მევის საგანძურში შესასვლელი თავისუფალი იყო! მე თავით ფეხებამდე ვცახცახებდი და ტანში ცივი ურუანტელი მივლიდა. „იქნებ ყველაფერი ეს ტყუილია, მისტიფიკაციაა, – ვფიქრობდი, – ან, პირიქით, შეიძლება, რასაც მოხუცი და სილვესტრა წერდა, ყველაფერი მართალი გამოდგეს. იქნებ ამ ბენე ჯურდმულში მართლაც არის დაფლული განძი, რომელსაც შეუძლია ამქვეყნად უმდიდრეს ადამიანებად გვაქციოს?“ დიახ, ერთი-ორი წუთის შემდეგ საიდუმლოს ფარდა უნდა ახდოდა.

– შემობრძანდით, ვარსკვლავეთიდან ჩამოსულო თეთრო ადამიანებო, – გვითხრა ჩვენმა ავბედითმა მეგზურმა და ზღურბლზე გადააღავა, – შემოდით, მაგრამ მოუსმინეთ მონასა თქვენსა გაგულას. ბრჭყვიალა ქვები, რომელთაც ახლა იხილავთ, ოდესდაც ამოიღეს ჭიდან, სადაც დაყურსებულები სხედან და აქ შეინახეს, მაგრამ ვინ ამოთხარა, ან ვინ შეინახა, ამაზე არაფერი ვიცი. ადამიანებმა, ვინც ეს მოიმოქმედა, სასწრაფოდ დატოვეს აქაურობა, ისე რომ, თან არაფერი წაუღიათ. საუკუნიდან საუკუნეში გადადიოდა ხალხში ხმა ბრჭყვიალა ქვებზე, თუმცა არავინ იცოდა, სად იყო დაფლული განძი, არც ამ კარის საიდუმლო უწყოდა ვინმე. მაგრამ ერთხელ მთების გადაღმიდან მოვიდა ერთი თეთრკანიანი, ვინ იცის, იქნებ ისიც თქვენსავით ვარსკვლავეთიდან ჩამოსული იყო! მეფემ გულთბილად მიიღო უცხო სტუმარი. აი, სწორედ იმან, იქ რომ ზის, – გვითხრა და მაგიდაზე ჩამწკრივებულ გვამებს შორის მეხუთეზე მიგვითოთა. – ჰოდა, მოხდა ისე, რომ ის თეთრკანიანი და ვიღაც კუკუნელი ქალი მოვიდნენ სიკვდილის სავანეში. იმ ქალმა შემთხვევით გაიგო კარის საიდუმლო, თუმცა თქვენ ათასი წელიც რომ ექებოთ, მაინც ვერაფერს ნახავთ. დიახ, თეთრკანიანი ქალთან ერთად საგანძურში შევიდა და აავსო ქვებით გუდა, რომლითაც ქალმა საჭმელი მოიტანა. როცა კაცი საგანძურიდან გამოდიოდა, ერთი დიდი ბრჭყვიალა ქვა, ძალიან დიდი ქვა აიღო და ხელში დაიჭირა, – აქ გაგულა დადუმდა.

– მერე, მერე? – ვკითხე მე. თან აღელვებისაგან სუნთქვა მეკვროდა; კაპიტანი და სერ ჰენრიც ჩემს დღეში იყვნენ, – განაგრძე, თქვი, რა შეემთხვა და სილვესტრას?

ამ სიტყვების გაგონებაზე დედაბერი შექრთა.

– საიდან იცი კაცის სახელი, რომელიც დიდი ხნის წინათ გარდაიცვალა? – უპტებად მკითხა მან, თუმცა პასუხს არ დაელოდა და განაგრძო: – არავინ იცის, რა შეემთხვა იმ კაცს, მაგრამ, ეტეობა, თეთრკანიანი რაღაცამ შეაშინა, გუდა მიწაზე დააგდო და გაიქცა. ხელში მხოლოდ ის დიდი, ბრჭყვიალა ქვა შერჩა. ისიც მეფემ წაართვა. სწორედ ის იყო, შენ რომ თუალას შებლზე ააგლიჯე, მაკუმაზან!

— და მას შემდეგ აქ არავინ ყოფილა? — ვკითხე და ბნელი ხვრელისკენ გავაპარე მზერა.

— არავინ ყოფილა, მბრძანებელო, მაგრამ კარის ამბავს საიდუმლოდ ინახავდნენ. მეფეები ადებდნენ ამ კარს, საგანძურში კი არ შედიოდნენ, რადგან ხალხში ხმა დადის, ვინც აქ ფეხს შემოადგამს, ერთი თვის შემდეგ მოკვდებაო. მოკვდება იმ თეთრკანიანივით, თქვენ რომ მთებში, მღვიმეში, იპოვეთ, მაკუმაზან. აი, რატომ არ შემოდიან აქ ჩვენი მეფეები. ჰა! ჰა! მე მუდამ სიმართლეს ვამბობ.

ამ დროს ჩვენი თვალები ერთმანეთს შეხვდა და მე ძარღვებში სისხლი გამეყინა.

— შემოდით, ჩემო მბრძანებლებო, თუ მართალი გითხარით, ქვებით ავსებული გუდა აქვე, იატაკზე დაგხვდებათ. აქ შემოსულ კაცს სიკვდილი ემუქრება თუ არა, ამას შემდეგ გაიგებთ. ჰა! ჰა! ჰა! — მან ჭრაქს ხელი დაავლო და წინ გაგვიძლვა.

მართალი გითხრათ, ვყოფანობდი, — შევიდეთ თუ არ შევიდეთ-მეთქი.

— წყეულიმც იყოს! — დაიყვირა ამ დროს გუდმა. — წამოდით! ეგ ბებერი კუდიანი ვერ შემაშინებს! — თქვა და გაგულას ბნელში აედგენა. გუდს ფულატა მიჰყვა. საბრალოს ეშინოდა, მთელი ტანით თრთოდა, მე და სერ ჰენრიც მივყევით.

გაგულამ რამდენიმე იარდი გაიარა და კლდეში გაჭრილ ვიწრო ტალანთან შეჩერდა. ჩვენ გველოდა.

— ხომ ხედავთ, ჩემო მბრძანებლებო, — თქვა და ჭრაქი წინ გაიწვდინა, — ვველავერზე ეტყობა, განძის მფლობელმა სასწრაფოდ მიატოვა აქაურობა. ეშინოდა, ამ კარის საიდუმლო ვინმეს არ გაეგო, და რომ საგანძურში შესასვლელი დაეცვათ, აქ კედლის ამოყვანა გადაუწყვეტიათ, მაგრამ, ცხადია, ღრო ადარ ეყოთ.

და მიგვითოთა ორპირად ამოშენებულ ქვის კვადრატულ ფართო კედლის საძირკველზე, გასასვლელს რომ ხერგავდა. ეს კედლი სიმაღლით ორი ფუტი და სამი დუიმი იქნებოდა. გასასვლელში ეყარა აგრეთვე დათლილი ქვები და, რაც ძალიან საგულისხმოა, კირის ხსნარი და წყვილი ბარი, — დიახ, ბარი, სწორედ ისეთი, მუშები დდესაც რომ ხმარობენ.

უეცრად ფულატამ, შიშისა და აღელვებისაგან თავით ფეხამდე რომ კანკალებდა, თავი ცუდად იგრძნო და გვითხრა, თქვენ წადით, მე კი აქ დაგელოდებით, რადგან სიარული აღარ შემიძლიაო. ჩვენ ის დაუმთავრებელ კედელთან დავსვით, გვერდით სანოვაგიანი კალათი მივუდგით და მარტო დავტოვეთ, რომ ცოტა დამშვიდებულიყო.

ბენელ ტალანში კიდევ თხუთმეტიოდე ნაბიჯი გავიარეთ და საგულდაბულოდ შედებილი ხის კარის წინ აღმოვჩნდით. კარი ფართოდ იყო მოფრიალებული. იმას, ვინც აქ უკანასკნელად იყო, ან დავიწყნოდა მისი დახურვა, ან დრო ადარ ჰყოფნოდა საამისოდ.

ამ კარის ზღურბლზე ეგდო გუდა, რომელიც, როგორც ეტყობოდა, ძვირფასი ქვებით უნდა ყოფილიყო აგსილი.

— ჰა! ჰა! თეთრო ადამიანებო, — ჩაიხითხითა გაგულამ, როცა ჭრაქის შუქი გუდას მოხვდა, — მე გითხარით, თეთრკანიანი აქედან შეშინებული გაიქცა-მეთქი. გაიქცა და დააგდო ეს გუდა, რომელიც ქალს უკუთვნოდა. შეხეთ, შეხეთ, მანდ არის!

გუდი დაიხარა და გუდა აიღო. გუდა მძიმე იყო, შიგნით კი რაღაც ჩხარუნობდა.

— ღმერთს გეფიცებით, ეს გუდა ალმასებით არის სავსე, — კრძალვით დაიჩურჩულა მან.

საგმარისი იყო იმის გაფიქრებაც კი, რომ ეს პატარა გუდა ალმასებით იყო სავსე, რომ რაღაცნაირი მოკრძალება გვეგრძნო.

— წავიდეთ, — მოუთმენლად თქვა სერ პეტრიმ, — აბა, პატიცემულო ლედი, მომეცით აქ ჭრაქი, — თქვა. გაგულას ჭრაქი ჩამოართვა, მაღლა ასწია და ზღურბლზე გადაბიჯა.

ჩვენც, რასაკვირველია, უკან მივუვით. ღროებით დავივიწყეთ ალმასებით სავსე გუდა და სოლომონ მეფის საგანძურში შევედით.

ჭრაქის მერთალ შუქზე დაგლანდეთ კლდეში გამოკვეთილი პატარა ოთახი, ზომით არა უმტკეს ათი კვადრატული ფუტისა, შემდეგ თვალში მოგვხვდა ზედ თაღამდე ერთმანეთზე დაწყობილი სპილოს საუცხოო ეშვები. მნელი სათქმელია, რამდენი ეშვი იყო, რადგან ვერ ვხედავდით, რა ადგილი ეჭირათ კედლამდე. მაგრამ თოხას-ხუთას ეშვზე ნაკლები მაინც არ იქნებოდა. მარტო ეს ეშვები ქმაროდა იმისთვის, რომ ადამიანს მთელი სიცოცხლე უზრუნველად ეცხოვრა.

შესაძლოა, სოლომონმა თავისი „ტახტისთვის“, რომლის მსგავსი არც ერთ მეფეს არ ჰქონია, სწორედ აქედან წაიღო სპილოს ეშვები-მეთქი, — გავიფიქრე მე.

საგანძურის მეორე კედელთან იდგა ოციოდე ყუთი, რომლებიც მარტინ-ჰენრის ფირმის ტყვიის ყუთებს წაგავდა, მხოლოდ მათზე ცოტა მოზრდილი ჩანდა და წითლად იყო შეღებილი.

— აქ ალმასებია, ალმასები, — წამოვიძახე მე, — აქეთ მოანათეთ ჭრაქი!

სერ პეტრი მომიახლოვდა და შექი ზედ ყუთს მიანათა. ყუთის სახურავი, მიუხედავად იმისა, რომ აქ სიმრალე იყო, ღროთა ვითარებაში დამპალიყო და ერთ ადგილას ჩატეხილიც იყო. ალბათ და სილვესტრამ თუ ჩატეხა. მე აჩქარებით ჩავუვი ყუთში ხელი და მთელი მუჭა მოვბდუჯე. მაგრამ ეს ალმასები კი არა, მალიან უცნაური ფორმის ოქროს ფული გამოდგა. ჩვენ ამგვარი ფული არასოდეს გვენახა და მოგვეჩვენა კიდეც, რომ ზედ ძველებრაულ ენაზე რაღაც ეწერა.

— ყოველი შემთხვევისათვის, აქედან ხელცარიელები არ გავბრუნდებით, — ვთქვი და ფული უკან ჩავაბრუნე, — თითოეულ ყუთში ორი ათასი ოქრო მაინც იქნება, აქ კი თვრამეტი ყუთი დგას. ეს ოქრო ალბათ მუშებისა და ვაჭრების გასასტუმრებლად იყო მოტანილი.

— მე კი გვიქრობ, სწორედ ეს უნდა იყოს განძი, ალმასებს რაღაც ვერსად ვხედავ. ან იქნებ პორტუგალიელმა ყველა იმ გუდაში ჩაყარა? — შეესიტყვა გუდი.

— ჩემმა მბრძანებლებმა ის კუთხე მოსინჯონ, იქნებ ქვები იქ იპოვნონ, — შეგვესიტყვა გაგულა. იგი, ალბათ, ჩვენი სახის გამომეტყველებაზე მიხვდა, რაზეც ვლაპარაკობდით. — იქ ჩემი მბრძანებლები ნახავენ ღრმულს, რომელშიც სამი ქვის ყუთი დგას. ორი დაბეჭდილია, ერთი კი დია.

ვიდრე მის სიტყვებს სერ პეტრის ვუთარგმნიდი და ვეტყოდი, ჭრაქი იმ ბნელი კუთხისკენ წაედო, ვერ მოვითმინე და გაგულას ვკითხე, საიდან იცი ყველაფერი ეს, თუკი იმ თეთრკანიანის შემდეგ აქ ფეხი არავის შემოუდგამს-მეთქი.

— პოი, მაკუმაზან, და თქვენც ვარსკვლავეთის შვილნო, განა არ უწყით, ზოგ ადამიანს აქვს თვალი, რომელიც კლდეშიც ატანს? ჰა! ჰა! ჰა!

— ნახეთ იქ, კურტის, — ვუთხარი სერ პეტრის და გაგულას მიერ მინიშნებული კუთხისკენ მივუთიოთ.

— გვეი, მეგობრებო, — შეტყვირა სერ პენრიმ, — აქ ნიშაა. ციურნო ძალნო! ჩქარა, აქეთ, აქეთ მოდით!

მისკენ გავექანეთ. ღრმულში, რომელიც ნახევრად მრგვალ ფანჯარას წააგავდა, ქვის სამი ყუთი იდგა. თითოეული მათგანის სიგრძე ორი ფუტი იქნებოდა. ორს ქვის სახურავი ეფარა, მესამე დია იყო, სახურავი კი იქვე იყო მიყუდებული.

— შეხედეთ, — თქვა სერ პენრიმ ადელვებისაგან მოგუდული ხმით და ჭრაქი ყუთს დაანათა.

თავდაპირველად ვერაფერი გავარჩიეთ, რადგან ვერცხლისფერმა მბზინვარებამ კინადამ თვალი მოგვჭრა. როცა მზერა შუქს შევაჩვიეთ, დავინახეთ, რომ ყუთი სამ მეოთხედზე მოყრილი იყო ალმასებით, ამათგან უმეტესობა კარგა მომსხო ჩანდა. მე ყუთში ხელი ჩავყავი და რამდენიმე ამოვიდე. დიახ, ეს ნამდვილი ალმასები იყო, ახლა ამაში გვი ადარ მეპარებოდა. ხელის შეხებით ალმასის გამოცნობა ძნელი არ არის, რადგან იგი როგორდაც თავისებურად სრიალებს.

ალმასები კვლავ ყუთში ჩავყარე. მდელვარებისაგან სულს ძლივს ვითქვამდი.

— ჩვენ უმდიდრესი ადამიანები ვართ ამქვეყნად, — შევძახე უცებ, — მონტგრისტო ჩვენთან შედარებით დატაკია.

— მთელ ბაზარს ალმასებით ავავსებთ, — წამოიძახა გუდმა.

— ჯერ მივიტანოთ ბაზრამდე და მერე ვილაპარაკოთ, — მშვიდად მიუგო სერ პენრიმ.

ადელვებისაგან ფერმიხდილნი და თვალებდაჭყებილნი მივჩერებოდით ერთმანეთს. ჭრაქი მერთალ შუქს აფრქვევდა ბრჭყვიალა ქვებს. ვიდექით შეოქმულებივით, რომელთაც ბოროტი საქმე განუზრახავთ. ჩვენი შემხედვარე არავინ იფიქრებდა, რომ ამ წუთებში დედამიწის ზურგზე უბედნიერები ადამიანები ვიყავით, ყოველ შემთხვევაში, თავი ასე მიგვაჩნდა.

— ჰი! ჰი! ჰი! — ბოროტად ხითხითებდა გაგულა ჩვენ ზურგს უკან და უხმაუროდ, უზარმაზარ დამურასავით დაფარფატებდა საგანძურში.

— აკა, ის ბრჭყვიალა ქვები, თქვენ რომ ასე გიყვართ, თეთრო ადამიანებო! აქ ბევრი ქვაა, წაიღეთ, რამდენიც გსურდეთ, დატბით მათი ცქერით, ხელი ალივლივეთ შიგ! ჭამეთ და სვით! ჰი! ჰი! ჰი! სვით და ჭამეთ! ჰა! ჰა!

გაგულას ბოლო სიტყვები იმდენად სულელური მეჩვენა, რომ გიუივით ხარხარს მოვყევი, სერ პენრიც და გუდიც ანგარიშმიუცემლად ამყვნენ. ვიდექით და სიცილით ვიფხრიშებოდით. ვხარხარებდით, ვხარხარებდით! დიახ, ეს ალმასები ჩვენი იყო. მორჩილმა მუშებმა ჩვენთვის ამოიღეს უზარმაზარი ჭიდან და ხოლომონ მეფის რომელიმე სანდო ხელქვეითმა ამ ყუთებში სწორედ ჩვენთვის ჩაყარა. იმ პირვენების სახელი იქნებ იეროგლიფებით იყო ამოკვეთილი ცვილის ნარჩენებზე, ყუთების თავზე აქა-იქ ჯერ კიდევ რომ მოჩანდა. ეს ალმასები არ ეკუთვნოდა არც ხოლომონს, არც დავითს, არც და სილვესტრას, არა! ამქვეყნად ჩვენ გარდა არავის ეკუთვნოდა. ჩვენ წინ ბრჭყვიალებდა ქვები და ეს ქვები მილიონობით გირვანქა სტერლინგი ლირდა, გროვა-გროვა ეყარა ათასობით და ათიათასობით გირვანქა სტერლინგი, ოქრო და სპილოს ძვალი.

დიახ, ყველაფერი აქ, ამ საგანძურში იყო თავმოყრილი და იმასდა ელოდა, წაგველო.

უეცრად ისტერიის შეტევამ გაგვიარა და ხარხარი შევწყვიტეთ.

- თავი ახადეთ სხვა ყუთებს, თეთრო ადამიანებო, - დაგმანებლა გაგულამ.
- ქვები იქ უფრო მეტია, წაიღეთ, მბრძანებლებო, ჰა! ჰა! რაც შეიძლება, ბლომად წაიღეთ!

მის ჩხავილში ორ დაბეჭდილ ყუთს სახურავები ავაგლიჯეთ, მაგრამ გულის სიღრმეში ვგრძნობდით, რომ ყუთებზე ბეჭდების აცლა ვიდაც სხვა ადამიანის უფლებების შებლალვას, სხვისი საკუთრების ხელყოფას უდრიდა.

გაშა! ეს ყუთებიც სავსე იყო, პირთამდე სავსე! ყოველ შემთხვევაში, მეორე ყუთი მაინც - საბრალო და სილვესტრას თავის გუდაში აქედან ქაც კი არ ჩაეგდო. მესამე ყუთი ერთ მეოთხედზე იყო აღმასებით მოყრილი. მაგრამ ქვები აქ არჩეული იყო და ყოველი მათგანი წონით ოც კარატზე ნაკლები არ იქნებოდა, ზოგი კი მტრედის კვერცხისოდენა იყო; მაგრამ როცა შუქზე დავლანდეთ, ვნახეთ, რომ მომსხო აღმასებს ყვითელი ფერი დაკრავდა, ესე იგი, როგორც კიმბერლიში ამბობდნენ, „შეფეროვნებულები“ იყვნენ.

ამასობაში გაგულამ, დვარძლიანად, ბოროტად აგვავლ-ჩაგვავლო თვალი, გველივით ნელ-ნელა გაცურდა განძსაცავიდან და კლდეში დატანებული საიდუმლო კარისკენ წატუსტუსდა.

ჩუ! ეს რა არის? რადაცა ხმები ისმის. იქ, ტალანში, საიდუმლო კართან ვიღაც ყვირის, ფულატას ხმაა. რა დამართნია?

- ო, ბუგან, ჩქარა, მიშველეთ! ქა ვარდება!
- გამიშვი-მეთქი, გველის წიწილო, თორემ...
- მიშველეთ, მიშველეთ! დანა დამცა!

ჩვენ ტალანში გავრბივართ და ჭრაქის შუქზე აი რას ვხედავთ: ქვის კარი ნელ-ნელა ეშვება, სულ რაღაც სამიოდე ფუტით თუდაა იატაკიდან დაცილებული, ფულატა და გაგულა ზედ კართან ერთმანეთს ჩაბდაუჭებიან. ფულატა ერთიანად სისხლით არის მოთხვრილი, მიუხედავად ამისა, მაგრად უჭირავს მოხუცი კუდიანი, გარეულ კატასვით რომ იცავს თავს. ოჟ! ოჟ! ხელიდან დაუსხლტა, ფულატა დავარდა, გაგულა კი პირქვე დაეცა, გველივით დაიკლაკნა და ლოდქვეშ გაძრომას ლამობს. აქა, უკვე ლოდქვეშ არის. ღმერთო, ღმერთო, გვიანდა! უზარმაზარმა ლოდმა მიწას მიასრისა, არაადამიანური ტკივილისაგან იგი საზარლად კივის, ლოდი კი სულ უფრო და უფრო იწევს ძირს და მთელი სიმძიმით აწვება მახინჯ კუდიანს. უკანასკნელად გაისმის შემზარავი კივილი, ისეთი, როგორიც აქამდე არასოდეს გამიგონია. შემდეგ გვესმის ძვლების ლაწუნი, ამ ხმამ ძარღვებში სისხლი გაგვიყინა, გავრბივართ, გავრბივართ, სამივენი ზედ ვაწყდებით ქვის კარს, მაგრამ იგი სამუდამოდ იხურება.

ყველაფერი ეს რამდენიმე წამში მოხდა.

ახლა ფულატასაკენ გავექანეთ, წყეული კუდიანის დანას მისთვის გული გაეპო, იმწამსვე მივხვდი, სიცოცხლე აღარ ეწერა.

- ოჟ, ბუგან, კვვდები! - დაიჩურჩულა ფულატამ, თან სული ეგუბებოდა, - გაგულა გაცოცდა... არ დამინახავს... ცუდად ვიყავი... მერე ქვა ნელ-ნელა დაეშვა დაბლა. გაგულა გაბრუნდა და ტალანში დაიწყო ცქერა, მერე დავინახე, როგორ შემოძვრა კარგვეშ, თანდათანობით რომ ეშვებოდა, მაშინ ხელი წაგავლე და დავაკავე. მაგრამ... დანა დამცა... ბუგან, კვვდები.

- საბრალო, საბრალო ფულატა! - წამოიძახა გუდმა და უეცრად თითქოს მეტი ვეღარაფერი მოიფიქრაო, მივარდა და კოცნა დაუწყო.

- ბუგან, - თქა ფულატამ ცოტა ხნის სიჩუმის შემდეგ, - მაკუმაზმანი აქ არის თუ არა? თვალთ დამიბნელდა, ვეღარაფერს ვხედავ.

- აქა ვარ, ფულატა.

– მაკუმაზმან, მათხოვე შენი ენა, ბუგვანს არ ესმის ჩემი ლაპარაკი, მინდა, რამდენიმე სიტყვა ვუთხრა, ვიდრე წყვდიადი ჩამნოქავს.

– ილაპარაკე, ფულატა, ყველაფერს გადავუთარგმნი.

– გადაეცი ბუგვანს, ჩემს ბატონს, რომ... მიყვარს და მიხარია, რომ გვდები, რადგან ბუგვანს, ვიცი, არ შეუძლია თავისი ცხოვრება ჩემსას დაუკავშიროს, ისევე, როგორც მზეს არ შეუძლია ბნელეთს შეეუდლოს. უთხარი, ზოგჯერ ასე მეგონა, ჩემს გულში ჩიტი ფრთხიალებდა. ჩიტი გულიდან ამოფრენა და სიმდერა სურდა. აჯა, ტვინი მეყინება და ხელს ვეღარ ვანძრევ, მაგრამ ახლაც კი, ახლაც არ ვგრძნობ, თუ ეს გული უნდა მოკვდეს. იგი ისეა სიყვარულით სავსე, ათას წელსაც არ დაბერდებოდა, არ დაბერდებოდა, რომ მეცოცხლა. უთხარი, თუ კიდევ დამიბრუნდა სიცოცხლე... იქნებ ვარსკვლავეთში შევხვდე... გადაეცი, ვარსკვლავეთში ყველგან დავძებინი, თუმცა შეიძლება იქაც შავკანიანი ვიყო, უთხარი. არა, მაკუმაზან, ნურაფერს ეტყვი, ნურაფერს ეტყვი იმის გარდა, რომ მიყვარს... ოჯ, მიმიკარ მკერდზე, ბუგვან, ვეღარა ვგრძნობ შენს მკლავებს... ოჯ, ბუგვან, ბუგ...

– მოკვდა! მოკვდა! – დაიყვირა გულმა და წამოდგა, სახეზე ცრემლები ჩამოსდიოდა.

– ნუ გლოვობთ ასე ძლიერ, მეგობარო, – უთხრა სერ ჰენრიმ.

– რა გიდათ ამით თქვათ?

– მხოლოდ ის, რომ მალე გაიზიარებთ ფულატას ბეჭს. განა ვერ ხედავთ, რომ ცოცხლად დავიმარხეთ?

ჩვენ იმდენად თავზარდაცემულები ვიყავით ფულატას სიკვდილით, რომ ამ წუთამდე არც გვიფიქრია, რა მოხდა, რა საშინელება დაგვატყდა თავს. ახლა უცებ ყველაფერს მივხვდით. უზარმაზარი ლოდი დაეშვა, დაეშვა სამუდამოდ, რადგან ერთადერთი ადამიანი, რომელმაც იცოდა კარის საიდუმლო, ახლა გაძეჭყილი იწვა ლოდქვეშ. უაზრობა იყო იმაზე ფიქრიც კი, რომ როგორმე გაგვეტეხა ეს კარი; ამას მხოლოდ დინამიტით თუ შევძლებდით.

ჩვენ მიწის ქვეშ გამომწყვდეულები აღმოვჩნდით. რამდენიმე წუთს გაშეშებულები ვიდექით ფულატას გვამთან, თავზარდაცემულები ვფიქრობდით, რომ ნელი წამებით სიკვდილი გველოდა; შიმშილით, უწყლობით ამოგვხდებოდა სული. მხეობამ გვიმტყუნა. ახლა ჩვენთვის ყველაფერი ცხადზე უცხადესი შეიქნა. იმ ეშმაკეულმა გაგულამ წინასწარ გაგვიწყო ხაფანგი. ეს იყო მისი მორიგი „ხუმრობა“. მხოლოდ მის ლვარძლიან ტვინში შეიძლებოდა მომწიფებულიყო ასეთი ბოროტი აზრი. ამ კუდიანს ეწადა, დაედუპა სამი თეთრკანიანი, რატომდაც იმთავითვე რომ ამოიძულა. დაელუპა ნელი სიკვდილით განძეულს შორის, რომელსაც ასე ხარბად დაეძებდნენ. ახლაღა მივხვდი, რისი თქმა უნდოდა, როცა დამურასავით დაფარფატებდა საგანძურში და გვთავაზობდა გვეჭამა და გვესვა ალმასები. ალბათ საბრალო და სილვესტრასაც ასე „გაეხუმრა“ ვიდაც. იმიტომ თუ მიაგდო და მიატოვა ზღურბლზე ქვებით სავსე გუდა.

– მეტი სიმხევე გვმართებს, – თქვა სერ ჰენრიმ აღელვებისაგან ჩახლებილი ხმით, – ჭრაქი მალე ჩაქრება. ვიდრე ანათებს, ვეძებოთ, იქნებ მივაგნოთ ზამბარას, ამ ლოდს რომ ამოძრავებს.

სასოწარკვეთილებამ ძალა გაგვიორკეცა და გასასვლელისაკენ გავექანეთ. წებოვან სისხლში მდგარნი ვათვალიერებდით კედელს, მაგრამ ბერკეტის ან ზამბარის მსგავსი არაფერი ჩანდა.

– მერწმუნეთ, ამ მხრიდან კარის გაღება არ შეიძლება, – ვთქვი მე. – აქედან რომ იღებოდეს, გაგულა თავს არ გასწირავდა და ლოდქვეშ არ

გაძვრებოდა. იცოდა, რაც იყო და ამიტომ ცდილობდა გაქცეულიყო. წყეულიმც იყოს მისი სახელი.

— ყოველ შემთხვევაში, — თქვა სერ ჰენრიმ და ნერვიულად გაიცინა, — მისაგებელი მალე მიეგო! გაგულა საზარელი სიკვდილით მოკვდა, მაგრამ არც ჩვენ დაგვადგება კარგი დღე. კარს არაფერი ეშველება. გავბრუნდეთ ისევ საგანძურთან.

სამივენი საგანძურისაკენ წავედით. რამდენიმე ნაბიჯი რომ გავიარეთ, დაუმთავრებელ კედელთან თვალი მოგვარი სანოვაგიან კალათას, საბრალო ფულატას რომ მოპონდა. ავიდე და განძეულით სავსე ოთახში შევიტანე. ეს ოთახი სულ მალე ჩვენს სამარედ უნდა ქცეულიყო.

შემდეგ ისევ გამოვბრუნდით. მოკრძალებით გადავიტანეთ ფულატას გვამი, ოქროთი ავსილი ყუთების გვერდით დავასვენეთ, თავად მიწაზე დავსხედით და ყუთებს ზურგით მივეყრდენით.

— მოდით, გავანაწილოთ საჭმელ-სასმელი, რომ რაც შეიძლება დიდხანს გვეყოს, — თქვა სერ ჰენრიმ.

იმწამსვე გავინაწილეთ ყველაფერი, რაც კალათაში იყო. ყოველ ჩვენგანს ერგო ოთხი-ხუთი ძალზე მცირე უდუფა. უფრო სწორად რომ ვთქვათ, ეს საჭმელი ორი დღე თუ გაგვატანინებდა თავს. ბილტონგის გარდა, კალათში იდგა წყლით სავსე ორი ბოთლი; თითო ბოთლი თითო კვარტ წყალს იტევდა.

— ახლა კი, — ნაღვლიანად თქვა სერ ჰენრიმ, — შეგვამოთ ცოტა რამ და წყალი დავლიოთ, თუმცა სულ ერთია, სიკვდილს მაინც ვერსად გავექცევით.

შევჭამეთ თითო ნაჭერი ხორცი და თითო ყლუბი წყალი დაგაყოლეთ; რასაკვირველია, მადა სრულებით არ გვქონდა, მაგრამ ქუჭი მაინც თავისას ითხოვდა. ცოტა დავნაყრდით, თავი უკეთ ვიგრძენით, წამოვდექით და გულმოღვინეთ შევუდექით საგანძურის დათვალიერებას. ვხინჯავდით ჩვენი ციხის კედლებს, ვაკაკუნებდით ზედ, თან ოდნავი, სულ ოდნავი იმედი გვქონდა, რომ სადმე ვიპოვიდით გასასვლელს. მაგრამ, ვაი რომ, ყველაფერი ამაო იყო.

თუმცა ვინ დატოვებდა გასასვლელს ან ხვრელს იქ, სადაც ასეთი განძეული ინახებოდა? ჭრაქის შუქი მიმკრთალდა. ზეთი თითქმის ამოიწვა.

— ქუოტერმენ, — მითხვა სერ ჰენრიმ, — მუშაობს თუ არა თქვენი საათი, რა დროა?

საათი ჯიბიდან ამოვიდე და დავხედე. ნაშაუდდევის ექვსი საათი იყო. მდგიმეში კი დილის თერთმეტ საათზე შემოვედით.

— ალბათ ინფადუსი მოიფიქრებს რამეს, კურტის, — ვთქვი მე. — ამ სადამოს რომ არ მივალთ, დილიდან ძებნას შეუდგებიან.

— ამაოდ დაგვიწყებს ძებნას, რადგან არ იცის არც კარის საიდუმლო და არც ის, სად არის იგი დატანებული. აქამდე ეს გაგულას გარდა ძეხორციელმა არ უწყოდა, ახლა კი, საერთოდ, არავინ იცის. ინფადუსმა კარი კიდეც რომ იპოვოს, ვერ შემოამტკრევს. ქუქუანელთა მთელი არმიაც რომ მოადგეს, ხუთი ფუტის სისქის კედელს ვერაფერს დააკლებს. მეგობრებო, ჩვენ აღარაფერი დაგვრჩენია გარდა იმისა, რომ დავემორჩილოთ ბედს და დვთის განგებას მივენდოთ. განძეულის ძიებამ ძალიან ბეგრი მიიყვანა სიკვდილის კარამდგრვენც მათ რიცხვს მივემატებით. ეს არის და ეს.

ჭრაქი ძლივსდა ბჟუტავდა. უეცრად იფეთქა და გაანათა მთელი საგანძური: თეთრი ეშვები, ოქროთი სავსე ყუთები, მათ წინ განრთხმული ფულატას ცხედარი, მოციმციმე ალმასები, ზღურბლზე მიგდებული სავსე გუდა და შეშლილი, გაწამებული სახეები სამი თეთრკანიანისა, სიკვდილის მოლოდინში იატაკზე რომ ისხდენენ.

ალი უქანასკნელად აციმციმდა და ჩაქრა.

თ ა ვ ი X V I I I

ს ა ს ო წ ა რ პ ვ თ ი ლ ნ ი

არ ძალმიძს ადგწერო ის საზარელი დამე. მხოლოდ გულმოწყალე ძილმა, ღროდადრო თავს რომ წაგვართმევდა ხოლმე, გადაგვატანინა წარმოუდგენელი ტანჯვა-წამება. მართალია, დაღლილობამ თავისი ქნა, მაგრამ დიდხანს ძილი მაინც არ შეგვეძლო. წუთითაც არ მშორდებოდა ფიქრი იმაზე, რომ უეჭველად უნდა დაგდუპულიყავით. ეს ფიქრი ამქვეყნად ყველაზე მხნე და გაბედულ ადამიანსაც კი შეაძრწუნებდა, თორებ მე რა ვიყავი! გარდა ამისა, თვით სიჩუმე ისეთი უსასრულო და იმდენად დამთრგუნველი იყო, რომ ძილი წამისწამ მიფრთხებოდა.

მკითხველო! ეგბბ შენც გაგიტარებია უძილო დამე, შენც შეუწუხებიხარ მტანჯველ სიჩუმეს, მაგრამ დარწმუნებული ვარ, არავითარი წარმოდგენა არა გაქვს იმაზე, რა საზარელი და თითქმის ხელშესახებიც კი შეიძლება იყოს სრული სიჩუმე. ზემოთ, დედამიწის ზედაპირზე, მუდამ რაღაც მოძრაობს, მუდამ გაისმის ხმები. შეიძლება ეს ხმები ვერც კი მისწვდეს კაცის სმენას, მაგრამ ისინი მაინც ადუნებენ სრულ სიჩუმეს. აქ კი, ამ მღვიმეში ხმა არსაიდან ადწევდა. ჩვენ დამარხულები ვიყავით უზარმაზარი მთის ქვეშ, რომლის მწვერვალიც თოვლს დაეფარა. იქ, ზემოთ, ათასი ფუტის სიმაღლეზე ცივი ქარი თეთრი თოვლის ფანტელებს ხვეტდა, მაგრამ მისი ზუზუნი ჩვენს ყურამდე არ ადწევდა. გრძელი ტალანი და ხუთი ფუტის სისქის კედელი გვაშორებდა თვით იმ საზარელი სიკვდილის სავანესაც კი. მაგრამ მკვდრებს ხომ სიჩუმე უყვართ. ცისა და მიწის არტილერიისათვის რომ მოეყარათ ერთად თავი, მისი გრიალიც კი არ მოაღწევდა აქამდე. დიახ, ცოცხლად ვიყავით დამარხულები და ჩვენი სამარე მთელ სამყაროს მოწყვეტილი იყო.

უეცრად საოცარი სიმწვავით შევიგრძენი, რა სასტიკად, რა უწყალოდ დაგვცინა ბედმა. ირგვლივ ეწყო განძეულობა, რითაც შეგვეძლო გაბეჭუმრებინა ქვექნის ნაციონალური ვალი, ან აგვეგო ჯავშნოსანთა მთელი ფლოტილია, მაგრამ ჩვენ სიხარულით შეველეოდით ამ სიმდიდრეს, ოდონდ კი აქედან გასვლის მცირეოდენი იმედი მაინც გვქონდა. სულ მაღე ალბათ სიხარულით გავცვლიდით ამ ალმასებს ერთ ლუკმა პურზე ან ჭიქა წყალზე, მერე კი იმაზეც, რომ ჩვენს ტანჯვას რაც შეიძლებოდა ქარა მოღებოდა ბოლო. მართლაც, სიმდიდრე, რომლის დასაგროვებლადაც ადამიანები სიცოცხლეს არ იშურებენ, სულის ამოხდის ჟამს კარგავს თავის ფასს.

დრო ზანგად მიიზლაზნებოდა.

— გუდ, — უეცრად წამოიძახა სერ პენრიმ და მისი ხმა დაძაბულ სიჩუმეში შემზარავად გაისმა. — ასანთის რამდენი ღერი დაგვრჩა?

— რვა, კურტის.

— აანთეთ ერთი, ნახეთ, რა დროა.

გუდმა ასანთი აანთო, მისმა ალმა ამ უკუნი სიბნელის შემდეგ პირდაპირ თვალი მოგვჭრა.

ჩემი საათის ისარი დილის ხუთს უჩვენებდა. ახლა ჩვენს ზემოთ ამომავალი მზის სხივები ალბათ ვარდისფრად აელვარებენ მთის მწვერვალებს, გრილი ქარი კი დამის ნისლს ხეობისგენ ერეპება.

— უთუოდ უნდა გადავყლაპოთ თითო ლუკმა საჭმელი, რომ ძალა შევინარჩუნოთ, — ვთქვი მე,

— რისთვის? — მომიგო გუდმა. — რაც უფრო ადრე დავიხოცებით, მით უგოოესი იქნება.

— ვიდრე ადამიანი ცოცხლობს, იმედი არ უნდა გადაიწყვიტოს, — ჩაურთო სერ პენრიმ.

ჩვენ ნაჩქარევად გადავყლაპეთ ორიოდე ლუკმა ბილტონგი და თითო ყლუპი წყალი დავაყოლეთ. გამოხდა მცირე ხანი. სერ პენრიმ წინადადება მოგვცა, კართან მივსულიყავით და რაც ძალა და ღონე შეგვწევდა, გვეყვირა, რადგან გულის სიღრმეში მაინც გვიღვივოდა იმედი, იქნებ ჩვენი ხმა ზემოთ ვინმებ გაიგონოსო. გუდი ხელის ცეცხლით მიადგა კარს და ქაჯიფით მოჰყვა ყვირილს. ამგვარი ხმა ჩემს სიცოცხლეში არსად გამეგონა, მაგრამ მერე რა, გინდ მას ეყვირა და გინდ კოდოს ებზუვლა სადმე!

გუდმა ყვირილი შეწყვიტა და ჩვენკან წამოვიდა. ყელი გაშრობოდა და ისე საშინლად სწყუროდა, შეუძლებელი იყო, წყალი არ დაელია. ამის შემდეგ გადავწყვიტეთ, აღარ გვეყვირა, რადგან ეს შეამცირებდა ჩვენს ისედაც მცირე წყლის მარაგს.

კვლავ დავხედით და ზურგით ალმასებით სავსე ყუთებს მივეყრდენით. პმ, ვისთვის რა საჭირო იყო ახლა ეს ალმასები? დიდხანს ვისხედით ასე უმოქმედოდ, გაუნძრევლად, რაც ჩვენს მდგომარეობაში ნამდვილად აუტანელი იყო. სასოწარკვეთილებამ შემიპყრო. სერ პენრის ფართო მხარზე მივეყრდენი და ავქვითინდი. დარწმუნებული ვარ, გუდიც ძლივს იკავებდა ცრემლს და ხმაჩახლებილი ლანძღავდა თავს სისუსტისათვის. მაგრამ რომ იცოდეთ, რარიგ კეთილი და ამავე დროს მტკიცე ხასიათის ადამიანი იყო სერ პენრი! მე და გუდი პატარა ბალდები რომ ვყოფილიყავით და ვინმეს შევეშინებინეთ, მაშინაც კი ვერ გამოიჩენდა ამდენ სინაზეს ჩვენდამი. კურტისს სრულიად გადავიწყდა საქუთარი ტანჯვა და ყველაფერი მოიმოქმედა იმისათვის, რომ ოდნავ მაინც დაემშვიდებინა ეს ორი სასომიხდილი ადამიანი. მან გაიხსენა მრავალი შემთხვევა, როცა ჩვენსავით სასიკვდილოდ განწირულმა ადამიანებმა რადაც საოცარი შემთხვევის წყალობით ბოლოს მაინც თავი დააღწიეს სიკვდილს. მერე მიხვდა, რომ მსგავსი ამბებით გუდს ვერ გაგვიმხევებდა, ვერც დაგვამშვიდებდა და თქვა, ჩვენი მდგომარეობა მხოლოდ წინა საფეხურია იმ გარდუვალი დასასრულისა, რომელიც ყველას ელის. ჩვენი ტანჯვა მალე დამთავრდება და ყველაზე მშვიდი სიკვდილით მოვკვდებითო (რაც, რასაკვირველია, წმინდა წყლის სიცრუე იყო).

შემდეგ ოდნავ შემკრთალმა წინადადება მოგვცა, განგებასა და ბედისწერას მივნდობოდით. ჭკუაში დამიჯდა მისი რჩევა. საოცარი ხასიათი აქვს სერ პენრის, ძალიან მშვიდი და ძლიერი კაცია.

ასე დამესავით გაიწელა დღეც, თუკი, საერთოდ, შეიძლებოდა ამ უპუნი წყვდიადისათვის დღე გვეწოდებინა. ასანთი ავანთე და კვლავ დავხედე საათს. ისარი შვიდს უჩვენებდა.

კვლავ შეგვამეთ თითო ლუკმა საჭმელი და წყალი დავაყოლეთ. ამ დროს უეცრად ერთმა აზრმა გამიელვა.

— როგორ მოხდა, ამდენ ხანს უჰაერობით რომ არ ამოვიხსჩვით? — ვიკითხე, — აქ ცხელა, მაგრამ პაერი ადრინდელივით სუფთაა.

— ღმერთო ჩემო, — წამოიძახა გუდმა და ზე წამოიჭრა, — აქამდე როგორ ვერ მოვისაზრე? პაერი ქვის კარში ვერ შემოვა, რადგან იგი ჰერმეტულადაა დახული. აქ რომ საიდანმე პაერის ნაკადი არ შემოდიოდეს, დიდი ხანია, სულს გავაცხებდით. მოდით, ვეძებოთ!

ამ სიტყვებმა გულში იმედი გაგვიდვიძა და ერთიანად გარდაგვქმნა. წამის შემდეგ სამივენი იატაპზე დავფორთხავდით. დავდიოდით, ვამოწმებდით კედლებს, რომ გვეპოვა პაერის თუნდაც სულ უმნიშვნელო დინება. უეცრად ხელი რაღაც ცივ საგანს მომიხვდა, — ეს საბრალო ფულუტას სახე იყო. ჩემი აღტყინება მყისვე ჩაქრა.

ერთ საათზე მეტს დავლასლასებდით აქეთ-იქით, მაგრამ უშედეგოდ. ბოლოს მე და სერ პენრის ყოველგვარი იმედი გადაგვეწურა და ძებნა შევწყვიტეთ. ერთიანად დაშავებულ-დალილავებულები ვიყავით, რადგან ბნელში წამისწამ ვაწყდებოდით სპილოს ეშვებს, ყუთებს, კედლებს. გუდს ჯერ კიდევ არ გადაეწყვიტა იმედი, გულდაგულ განაგრძობდა ძებნას, თან ამბობდა, უმოქმედობას ისევ ფუჭი ძებნა სჯობიაო.

— მომისმინეო, მეგობრებო, — თქვა მან ბოლოს უცნაურად მოგუდული ხმით, — აბა, ერთი აქეთ მოდით!

თქმა არ უნდა, მაშინვე მისკენ გავექანეთ, ბნელში გბორძიკობდით და ერთმანეთს ვაწყდებოდით.

— ქუოტერმენ, აბა დაადეთ ხელი აქ, გრძნობთ რამეს?

— მე მგონია, აქ პაერი უნდა გადიოდეს.

— აბა, ყური დაუგდეთ! — თქვა გუდმა და იატაპზე ფეხი დაჰკრა.

ხმა ბუგა იყო. ამან გულში კვლავ იმედის ნაპერწყალი გაგვიდვივა.

აცახცახებული ხელით ავანთე ასანთი და დავინახეთ, რომ ერთ-ერთ კუთხეში ვიდექით. ჩვენ ქვეშ უდავოდ სიცარიელე იყო. სწრაფად მოვათვალიერეთ იატაპი და ზედ რაღაც ბზარი შევამნიეთ. მაგრამ ეს რა არის? დმერთო ძლიერო, იატაპში ქვის რგოლია დატანებული! აღელვებისაგან ენას ვერ ვაბრუნებდით, გული ისე ძალუმად გვიცემდა, ლაპარაკი აღარ შეგვეძლო.

გუდს თან პატარა, კაუჭიანი დანა ჰქონდა. ამ კაუჭით ცხენს ფლოქვებში გაპვეტებულ კენჭებს აცლიან ხოლმე. კაპიტანმა დანა გახსნა და შეეცადა, კაუჭი რგოლისოვის მოედო. ნელ-ნელა შეაცერა ქვეშ და ფრთხილად მოსწია, რადგან ეშინოდა, ქვის სიმძიმეს არ გაეტეხა. მალე რგოლი შეინძრა. მიუხედავად იმისა, რომ მრავალი საუკუნის განმავლობაში გაუნძრევლად იდო, მისი ამოძრავება შესაძლებელი გახდა. ეს იმიტომ, რომ ქვისაგან იყო გაპეტებული. რკინის რგოლს ასე ადგილად როდი აამოძრავებდა კაცი. მალე რგოლი ვერტიკალურად წამოიზნიქა, მაშინ გუდმა ხელი გაუყარა და მთელი ძალით დაეჯაჯგურა, მაგრამ ამაოდ. ქვა არ ნებდებოდა.

— მოდით, ახლა მე ვცდი, — მოუთმენლად ვუთხარი. ქვა იმგვარად იყო კუთხეში ჩაჭედილი, რომ ორი კაცი ერთდროულად ვერ მიუდგებოდა. ამიტომ გუდმა თავისი ადგილი დამითმო. მე რგოლს ხელი წავალე და, რაც კი შემეძლო, გამოვქაჩე. არა, მეც ვერაფერს გავხდი.

მაშინ სერ პენრიმ შემცვალა, თუმცა ისიც ტყუილად დაშვრა.

გუდმა ხელახლა აიღო კაუჭი და ამოწმინდა ბზარი, საიდანაც საგანძურში პაერი შემოდიოდა.

— ახლა კი საქმეს შევუდგეთ, კურტის, — თქვა მან, — კაი მაგარი სამუშაო გელით. მაგრამ არა უშავს, ორი კაცის დონე მაინც გექნებათ. ერთი წუთით მომითმინეო! — გუდმა მოიხსნა თავისი შავი ყელსახვევი, რომელსაც არასოდეს იცილებდა და რგოლს გამოდო. ყელსახვევი მაგარი აბრეშუმის ძაფისაგან იყო

ნაქსოვი და ასე იოლად არ გაწყდებოდა, – ქუოტერმენ, კურტის, მაგრად ჩასჭიდეთ ხელი და როგორც კი გეტჰეით, აბა, გასწიეთ-მეთქი, მთელი ძალით გამოქაჩეთ.

სერ პენრიმ მთელი თავისი გოლიათური ძალა მოიკრიბა, მე და გუდმაც შეძლებისდაგვარად წავაშველეთ ხელი.

– მიდიოთ, მიდიოთ, დაიძრა! – დაიყვირა სერ პენრიმ, თან სული ეგუბებოდა. მესმოდა მისი ძლიერი კუნთების ტკაცუნი.

უეცრად გაისმა რაღაც ხმა და ქვის ფილა ნელ-ნელა გადმოიწია.

ხვრელში პაერის ნაკადი შემოიჭრა. ჩვენ ყველანი გულადმა ვეყარეთ, ზემოდან კი უზარმაზარი ქვის ფილა გვედო. მხოლოდ სერ პენრის გოლიათურმა ძალამ გვიხსნა.

– აანთეთ ასანთი, ქუოტერმენ, – მითხვა სერ პენრიმ, როგორც კი წამოვდექით და ცოტა სული მოვითქმით. – ფრთხილად! ფრთხილად! აი, ახლა კი გაჰქარით!

ასანთის შუქზე თვალი მოვკარი ქვის კიბის პირველ საფეხურს. ოჸ, დიდება შენდა, უფალო!

– როგორ მოვიქცეთ ახლა? – იკითხა გუდმა.

– ეგ რა საკითხავია. ჩავყვეთ ამ კიბეს და განგებას მივენდოთ.

– მოითმინეთ, – თქვა სერ პენრიმ, – ქუოტერმენ, წამოიღეთ ბილტონგი და წყალი, ჩემთვის არც ერთი ზედმეტი არ იქნება.

მე ხელის ცეცხლით გავბრუნდი იმ ადგილისკენ, სადაც ამ ცოტა ხნის წინათ უუთებზე ზურგმიყრდნობილები ვისხედით. უეცრად თავში მოულოდნელმა აზრმა გამიელვა. ამ ბოლო დროს ალმასები აღარც კი მოგვერნებია. მათზე ფიქრიც კი აუტანელი იყო. რადგან დაღუპვის პირად სწორედ ამ ქვებმა მიგვიყვანა. ეს ხომ ასე იყო, მაგრამ მაინც ვიფიქრე, არაფერი დაშავდება, რამდენიმე ცალი ალმასი თან რომ წავიდო, იქნებ ამ საზარელ ხვრელს სასწაულით თავი დაგაღწიოთ, მაშინ ხომ გამოგადგება-მეთქი. ხელი ჩავყავი პირველ უჟოში და ჩემი სანადირო ქურთუკის ჯიბეები ალმასებით ავავსე. ბოლოს მესამე უჟოდანაც ამოვიდე ორიოდე მუჭა მსხვილი ალმასი და იმ ალმასებს ზემოდან დავაყარე.

– მისმინეთ, მეგობრებო, – დავიყვირე, – ხომ არ წამოიღებთ ალმასებს? მე ჯიბეებში ადგილი აღარ დამრჩა.

– ოჸ, ეშმაქმა დასწევლოს ეგ ქვები, – მიპასუხა სერ პენრიმ, – იმედი მაქვს, ჩემს სიცოცხლეში მათ თვალით აღარ დავინახავ!

გუდმა კი სულაც არ გამცა ხმა. ვფიქრობ, იგი საბრალო ფულატას ნეშტს ეწმებობებოდა. საწყალი ფულატა, რა ძლიერ უყვარდა ჩვენი კაპიტანი! შენ, ჩემო მკითხველო, მშვიდად ზისარ შინ და ალბათ ფიქრობ, როგორ მიატოვეს ასე გულგრილად ეს აურაცხელი ქონებაო. შეიძლება ჩვენი ასეთი გულგრილობა უცნაურიც კი გეჩვენოს. მაგრამ უქმელ-უსმელს ჩვენსავით მიწისქეშ რომ გაგეტარებინა მთელი ოცდარვა საათი, ცხადია, არც შენ მოისურვებდი ალმასების თრევით თავი დაგემძიმებინა. ისიც მაშინ, როცა სადღაც, ქვესკელში უნდა ჩაჰყოლოდი კიბეს, რომ როგორმე თავი გეხსნა. მე რომ მთელი სიცოცხლის მანძილზე სისხლში არ მქონოდა გამჯდარი ჩვეულება, არ გადამეუარა ის, რისი გამოყენებაც ასე თუ ისე, შეიძლებოდა, რასაკვირველია, არც კი ვიფიქრებდი, ალმასებით ჯიბეები ამეუსო.

– წამოდით, ქუოტერმენ, – მითხვა სერ პენრიმ, იგი უკვე კიბის საფეხურზე იდგა. – მშვიდად, მშვიდად! მე წინ ვივლი.

– ფრთხილად იყავით, დაბლა შეიძლება უფსკრული იყოს!

— ჩემი აზრით, უფსკრული კი არა, მდვიმე იქნება, — თქვა სერ პენრიმ, თან ნელ-ნელა ეშვებოდა დაბლა და საფეხურებს ითვლიდა.

თხუთმეტი საფეხური რომ ჩაითვალა, შედგა.

— კიბე აქ წყდება, — თქვა მან. — მგონი, აქ ტალანი უნდა იყოს. ჩამოდით!

სერ პენრის კაპიტანი მიპყვებოდა, სულ უკან კი მე მივდიოდი. კიბის ბოლო საფეხურს რომ მივაღწიე, ასანთი ავანთე. ახლა ყუთში ერთი ლერი ასანთიდა დაგვრჩა. ასანთის შექჩე დავინახეთ, რომ ვიწრო გვირაბში ვიმყოფებოდით. გვირაბის ერთი შტო მარცხნივ მიემართებოდა, მეორე — მარჯვნივ. მეტი ვერაფერი დავლანდეთ. ნამწვმა თითები დამიწვა და ასანთიც ჩაქრა. ახლა საკითხავი ის იყო, საით წავსულიყავით, მარჯვნივ გავყოლოდით გვირაბს, თუ მარცხნივ გაგვეხვია? ვიდექით ბნელში და ვერაფერი მოგვესაზრებინა. ცხადია, არ ვიცოდით, რას წარმოადგენდა ან საით მიდიოდა ეს გვირაბები. მიუხედავად ამისა, ერთ-ერთ მათგანს შეიძლება გადავერჩინეთ, მეორეს კი დავეღუპეთ. ვერ გადაგვეწყვიტა, როგორ მოვქცეულიყავით, ვიდრე გუდმა უკცრად არ გაიხსენა, რომ ჰაერის დინებამ ასანთის ალი მარცხნივ გადახარა.

— წავიდეთ იქით, საიდანაც პაჟრის ნაკადი მოდის, — თქვა მან. — პაჟრი აქედან კი არ გადის, გარედან შემოდის.

დავთანხმდით. კედელ-კედელ მივდიოდით და, ვიდრე ნაბიჯს გადავდგამდით, მიწას ფრთხილად ვსინჯავდით ფეხით. ასე დავადექით საზარელ გზას და თანდათანობით დავშორდით იმ წყულ საგანძურს. თუ ვინმეს უწერია, იქ ოდესმე ფეხი შედგას, რაც ვფიქრობ, არასოდეს მოხდება, საბუთად იმისა, რომ ჩვენ, სამივენი მართლაც იქ ვიყავით, ნახავთ ძვირფასი თვლებით სავსე დია ჭუთებს, ცარიელ ჭრაქს და საბრალო ფულატას გამოხრულ თეთრ ძლებს.

თხუთმეტიოდე წუთი ხელის ცეცებით მივყვებოდით გვირაბს, მაგრამ აი, მან მკვეთრად მოუხვია, უეჭველია, იმ ადგილს მივაღწიეთ, სადაც ამ გვირაბს მეორე კვეთდა. გავყევით მას და მცირე ხნის შემდეგ მესამე გვირაბში მოვხვდით. რამდენიმე საათი ამგარად დავეხეტებოდით. ასე გვეგონა, ქვის ლაპირინთში მოგხვდით და მას თავს ვედარასოდეს დავაღწევდით. რასაკვირველია, არც ერთმა ჩვენგანმა არ იცოდა, რას წარმოადგენდა ეს გვირაბები, ვფიქრობდით, რომ ეს იყო სხვადასხვა მიმართულებით გაყვანილი საბადოს უძველესი გასასვლელები. ალბათ, ყველა გვირაბი საბადოს ძარღვს გასდევდა.

ბოლოს სრულიად ილაჯგაწყვეტილები შევჩერდით. სხნის იმედი ადარ იყო. დარდით გული გვეწურებოდა. მაინც შევჭამეთ თითო ნაჭერი ბილტონგი და უკანასკნელი ყლუპი წყალი დავაყოლეთ, რადგან ყელი საშინლად გვქონდა გამშრალი. სწორედ რომ ბედის დაცინვა იყო: საგანძურში სიკვდილს თითქოს იმისთვის დავაღწიეთ თავი, რომ აქ, ამ ერთმანეთში ახლართულ-დახლართულ გვირაბებში დაგველია სული.

ვიდექით ასე დადგრემილ-დაფიქრებულნი, ადარ ვიცოდით, რა გვეღონა ან რა გზას დავდგომოდით.

უცებ თითქოს რადაც ხმა შემომესმა. ვიფიქრე, მომეჩვენა-მეთქი და ჩემს თანამგზავრებს ვთხოვე, ყური მიეგდოთ. დიას, ეს ნამდვილად ხმა იყო, მაგრამ ძალზე სუსტი და შორეული, თითქოს საღლაც წყალი მირაკრაკბსო. ვერ აგიწერო, რა ნეტარებამ შეგვიპყრო სამივენი, როცა ამდენი ხნის შემდგბ, თითქმის ცოცხლად დამარხულებმა ძლივს გავიგონეთ რაღაც ხმის მსგავსი.

— ვფიცაჟ, აქ სადღაც წყალი უნდა მირაკრაკებდეს, — წამოიძახა გუდმა. — წავიდეთ, რაღას ველით!

ისევ კედელ-კედელ მივყევით ტალანს. რაც უფრო წინ მივიწევდით, მით უფრო გარკვევით გვესმოდა წყლის ჩხრიალი და ბოლოს ამ სამარისებულ

სიჩუმეში კარგა ძლიერადაც დაირხა ეს ხმა. წინ! წინ! ახლა საგჭვო აღარა იყო რა, გარკვევით გვესმოდა წყლის ძლიერი ჩქერის ხმა. საოცარია, რა უნდოდა წყალს აქ, მიწის სიღრმეში!

ახლა სულ ახლოს ვიყავით მისგან. გუდი გვეფიცებოდა, წყლის სუნი მცემსო.

— ფრთხილად იყავით, — უთხრა სერ პენრიმ, — მგონი წყალი აქ ახლოს უნდა იყოს.

ამის თქმა-და მოასწორო, რომ შემოგვესმა წყლის შხაპუნი და გუდის ყვირილი, დიახ, დიახ, ჩვენი კაპიტანი წყალში ჩავარდა.

— გუდ! გუდ! სადა ხართ? — ვყვიროდით დაფეობულები. რომ იცოდეთ, რა სიხარული ვიგრძენით, როცა შორიდან მოგვესმა მოგუდული ხმა.

— საშიში არაფერია, კლდეს ჩავეჭიდე, აანთეთ ასანთი, რომ დავინახო, საით გამოვცურდე!

მე საჩქაროდ ავანთე ასანთის უქანასკნელი დერი, მის სუსტ ალზე, ზედ ჩვენს ფეხებთან გამოჩნდა ჩაშავებული წყალი. თქმა არ უნდა, ამგვარ შუქჩე მდინარის მეორე ნაპირს ვერ დავინახავდით, მაგრამ ჩვენგან მოშორებით თვალი მოგარით გუდს, იგი კლდის ქიმს ჩაბდაუჭებული ეპიდა.

— სხვა გზა არ არის, უნდა გამოვცურო, — დაგვიყვირა გუდმა, — მზად იყავით, რომ წყლიდან ამოსვლისას ხელი შემაშველოთ.

შემდეგ ისევ შემოგვესმა წყლის შხაპუნი. გუდი მოცურავდა და თავგანწირვით ებრძოდა ტალდებს. კიდევ წუთი და იგი უკვე ჩვენ გვერდით იდგა. სერ პენრიმ ხელი გაუწოდა და, როგორც იქნა, წყლიდან ამოვათრიეთ.

— დმერთმანი, — თქვა კაპიტანმა, თან პირით ხარბად იქერდა პაერს, — იმ კლდეს რომ არ მოგჭიდებოდი, ან ცურვა არ მცოდნოდა, ცუდად წავიდოდა ჩემი საქმე. ჩქერი წარმოუდგენლად სწრაფია, ფსკერს კი ვერაფრით ფეხი ვერ ჩავუწვდინე.

ცხადი იყო, წინ ფეხსაც ვერ წავდგამდით.

გუდმა ცოტა დაისვენა და სული მოითქვა, ჩვენც ბლომად დავლიეთ მიწისქვეშა წყალი და საკმაოდ გემრიელიც გვეჩვენა. ხელ-პირი დავიბანეთ, რამდენადაც კი შეგვეძლო ჩამოვირეცხეთ ჭუჭყი. შემდეგ კი დავტოვეთ აფრიკული სტიქსის ნაპირი და იმავე გვირაბს უკან გავჟვით. გუდის სველი ტანსაცმლიდან ტკაპატუპით მოწვეთავდა წყალი, მაგრამ კაპიტანი ახლაც წინ მიგვიძლოდა. ბოლოს მივაღწიეთ გზაგასაყარს, აქედან მარჯვნივ მეორე გვირაბი გადიოდა.

— რა გაეწყობა, უნდა ვცადოთ, — მოქანცული ხმით თქვა სერ პენრიმ, — აქ ყველა გზა ერთნაირია, ვიაროთ, სანამ არ დავეცემით.

დიდხანს, ძალიან დიდხანს მივლასლასებდით გვირაბში. ამჯერად წინ სერ პენრი მიგვიძლოდა.

უეცრად იგი შეჩერდა და დაიჩურჩულა:

— შეხედეთ! რა არის ეს, ჭკუაზე ვიშლები, თუ მართლა შუქია?

ჩვენ თვალჩაციებით დავაცერდით ბნელს. წინ, სადღაც შორს, სარკმლისოდენად მართლაც მოჩანდა რაღაც მქრქალი შუქი. ეს შუქი იმდენად სუსტი იყო, რომ მხოლოდ ჩვენს ბნელს შეჩვეულ თვალებს შეეძლო მისი გარჩევა.

აღელვებისაგან სული შეგვეხუთა. იმედმა კვლავ გაგვინათა გული, მხნედ მივაბიჯებდით წინ. ხუთი წუთის შემდეგ ეჭვი გაგვიქარწყლდა, — დიახ, ეს ნამდვილად შუქი იყო. კიდევ წამი და უკვე სად, სუფთა პაერს ვისუნთქავდით. დაღლილ-დაქანცულები სულ წინ და წინ მივიწვდით. უეცრად გვირაბი ისე

დაგიწროვდა და დადაბლდა, რომ სერ პენრის თოხზე სიარული უწევდა. შემდეგ კი, შემდეგ, მელის სოროსოდენა რაღაც ხვრელში მივძვრებოდით, მაგრამ ეს სორო მიწაში გადიოდა. ქვის ტალანი უკან მოვიტოვეთ.

კიდევ ერთხელ დავატანეთ თავს ძალა და აჲა, სერ პენრი უკვე გაცოცდა ხვრელიდან, მას მე და გუდი მივყევით. ოჲ, დმერთო! მაღლით კურთხეული ვარსკვლავები დაგვნათოდნენ, ხარბად ვისუნთქავდით სუფთა, კრიალა ჰაერს. მაგრამ მოულოდნელად მიწა ფეხქვეშ ჩაგვემზღვლა და კისრისტებით დავქანდით ძირს. მივთელავდით მწვანე ბალას, ვლეწავდით რბილ, ნოტიო მიწაზე ფეხმოკიდებულ ბუჩქებს.

როგორც იყო, ფეხს წავაგლე ხელი, შევჩერდი, მერე ნელ-ნელა წამოვჯექი და, რაც ძალი და ღონე მქონდა, დავიყვირე. დაბლიდან სერ პენრი გამომეხმაურა, იგი ოდნავ წამოწეულ ადგილას გაჩერილიყო. ძლივძლივობით მივცოცდი მასთან. ეს ამოდენა კაცი სულს ძლივს იბრუნებდა, თუმცა დაშავებით არა დაშავებოდა რა. შემდეგ თრივენი გუდის ძებნას შევუდექით. ისიც იქვე ახლოს ვნახეთ, ფართოდ გაშლილ თრპაპა ფესვში გაჭედილიყო. ძალიან იყო დაჟეჟილი, მაგრამ მაღლე მოვიდა გონს. სამივენი ბალაზე დაგსხედით. ნანას-განცდილმა ისე იმოქმედა ჩვენზე, რომ ბედნიერებისაგან, მგონი, ავტირდით კიდეც. ხუმრობა ხომ არ იყო, თავი დაგაღწიეთ საზარელ საპურობილეს, რომელიც, ცოტას გაწყდა, სამარედ არ გადაგვექცა. ალბათ რაღაც მოწყალე ძალამ წარმართა ჩვენი ნაბიჯი იმ მხარეს, სადაც მთავრდებოდა გვირაბი და მელის სორო იწყებოდა, – დიახ, დიახ, ნამდვილად სოროში მოვფორთხავდით.

აი, ცამ პირი გახსნა და მთის მწვერვალზე ათრთოლდა განთიადის მაუწყებელი მოწითალო-მოვარდისფრო შუქი, მერე რუხი აისი დაუკვა მთის ფერდობებს, დილის რიურაუმა ფრთა გაშალა და დავინახეთ, რომ უზარმაზარი საბადოს ფსკერზე ვიმუოფებოდით. იქვე მოჩანდა მღვიმეში შესასვლელიც. ჩვენ წინ კი სამი ბუმბერაზი იჯდა. ეჭვი არ მეპარება, რომ ის საზარელი გვირაბები, რომელშიც მთელი დამის განმავლობაში დავდიოდით, ოდეხლაც ამ ალმასის საბადოს უერთდებოდა. რაც შეეხება მიწისქვეშა მდინარეს, მხოლოდ ერთმა ღმერთმა უწყის, საიდან მოდიოდა ან საით მიედინებოდა. პირადად მე არავითარი სურვილი არა მაქვს, ვიკვლიო მისი გზა და კვალი.

მიწას თანდათანობით მოეფინა ნათელი. ახლა უკვე კარგად ვხედავდით ერთმანეთს და, უნდა გამოგიტყეთ, საშინელი სანახავები ვიყავით. ლოუები და თვალები სამივეს ღრმად ჩაგვცვენოდა, თავით ფეხებამდე ჭუჭყსა და მტვერში ამოგანგლულები ვიყავით. სხეული და ხელ-ფეხი ერთიანად დაბეჟილ-დაჩენებილი გვქონდა. სახეზე კი ღრმად აღგვბეჭდვოდა შიში, შიში სიკვდილის წინაშე, რომელსაც ამდენი ხანი ვებრძოდით. ერთი სიტყვით, ჩვენი შემხედვარე, თვით მზის სხივიც კი დაფრთხებოდა. ხომ ასე იყო, მაგრამ გუდს მონოკლი ისევ თვალზე ჰქონდა. არა მგონია, რომ ამ ხნის განმავლობაში ერთი წუთით მაინც მოეცილებინოს. ვერც წყვილიადში ხეტიალმა, ვერც მიწისქვეშა მდინარეში ჭყუმპალაობამ, ვერც ამ ფერდობზე კისრისტებით კოტრიალმა ვერ გაჟყარა ჩვენი კაპიტანი თავის მონოკლს.

ცოტა დავისვენეთ და წამოვდექით. გვეშინოდა, დაღლილ-დაქანცულებს დიდხანს ჯდომით ფეხები არ დაგვტუშებოდა. წამოვდექით და ნელ-ნელა შეაუდექით ამ უზარმაზარი ძაბრის ფერდობს. მთელი სხეული გვტეხდა და გვტკიოდა, ამიტომ ყოველ ნაბიჯზე ვჩერდებოდით.

საათზე მეტი ჯიუტად მივყვებოდით აღმართს. ფრთხილად მივაბიჯებდით ცისფერ მოლიპულ თიხაზე და ბალასა და ფეხებს ვებდაუჭებოდით.

აპა, როგორც იქნა, დასრულდა ჩვენი მოგზაურობა, უკვე დიდ გზაზე ვიდექით, ჩვენ პირდაპირ კი სამი ბუმბერაზი მოჩანდა.

ასიოდე იარდზე, ქოხების წინ, კოცონი ენთო. ირგვლივ ხალხი უსხვდა, ჩვენც იქითკენ წავედით, ერთმანეთს ვეშველებოდით და წამისწამ ვჩერდებოდით, რომ ცოტა სული მოგვეთქვა. უეცრად ვიდაც კაცი ფეხზე წამოდგა, დაგვინახა თუ არა, მიწაზე დაეცა და შეშინებული აყვირდა.

— ინფადუს, ინფადუს, ეს ჩვენა ვართ, შენი მეგობრები!

ინფადუსი იმწამსვე წამოხტა და ჩვენკენ გამოქანდა. შიშისაგან გაფართოებული თვალებით გვათვალიერებდა და ერთიანად კანკალებდა.

— ოკ, ჩემო მბრძანებლებო, ჩემო მბრძანებლებო, თქვენ ნამდვილად მკვდართა ქვეყნიდან, მკვდართა სამყაროდან დაბრუნდით.

მოხუცი მეომარი ჩვენ წინაშე პირქვე დაემხო, სერ პენრის მუხლებზე ხელები შემოაჭდო და სიხარულისაგან ხმამაღლა აქვითინდა.

თ ა ვ ი X I X

მ ჟ ვ ი დ თ ბ ი თ , ი გ ნ თ ზ ი !

ათიოდე დღემ განვლო მას შემდეგ, რაც მიწისქვეშა საპყრობილეს თავი დავაღწიეთ. ახლა კვლავ ლუუში, ჩვენს ქოხში ვიყავით. უცნაურია, მაგრამ ჩვენი საზარელი თავგადასავლის შემდეგ მოვიკეთეთ კიდეც, მხოლოდ ჩემი ჯაგარა თმა ერთიანად გამითეთრდა. გუდი კი ფულატას სიკვდილის შემდეგ ძალიან გამოიცვალა. მე, როგორც ხანში შესული კაცი, ბევრს ვფიქრობდი იმაზე, რაც თავს გადაგვხდა და მივედი დასკვნამდე, რომ ყველაფერი კარგად დასრულდა. ფულატა რომ არ დაღუპულიყო, გამოუვალი მდგომარეობა შეიქნებოდა. საცოდავი უბრალო ქალს როდი პგავდა, საოცრად ლამაზი, მედიდური და საემაოდ გონებაგახსნილი იყო. მიუხედავად ამისა, მაინც არ იქნებოდა სასურველი, გუდს თავისი ბედი მისთვის დაეკავშირებინა. საბრალომ აკი თავად თქვა: როგორც მზეს არ შეუძლია წყვდიადთან შეერთება, ისე თეთრკანიანს შავგანიანთან შეუღლებაო.

თქმა არ უნდა, სოლომონ მეფის საგანძურში შესვლა აღარ გვიცდია. როცა გონს მოვედით ყველა იმ საშინელების შემდეგ, რისი გადატანაც ამ ორმოცდარვა საათში მოგვიხდა, კვლავ ჩავეშვით საბადოში იმ იმედით, რომ ვნახავდით სოროს, რომლის მეოხებით ტყვეობას თავი დავაღწიეთ, მაგრამ ამაოდ დავეძებდით მას. ჯერ ერთი, გაავდრდა და წვიმამ ჩვენი კვალი გადარეცხა. გარდა ამისა, საბადოს ფერდობები მთლიად დასერილი იყო ჭიანჭველაჭამიასა და სხვა ცხოველების სოროებით, ამიტომ შეუძლებელი იყო გარკვევა, რომელი იყო მათში ჩვენი მხსნელი. ვიდრე ლუუში გავბრუნდებოდით, ერთხელ კიდევ დავათვალიიერეთ სტალაქტიტებიანი მდვიმის საკვირველებანი, რაღაც უცნაური მღელვარებით შეპყრობილებმა ერთხელ კიდევ მოვინახულეთ მკვდართა საგანგ, თეთრი სიკვდილის შემართული შუბის ქვეშ გავძვერით და დიდხანს შევურებდით ქვის კედელს, რომელმაც იმ დღეს გზა ჩაგვიკეტა და გადარჩენის იმედი მოგვისპო. შევცქეროდით გრძნობით, რომლის გადმოცემაც ჩემთვის ძნელია. ამ წუთებში სამივენი ვფიქრობდით აურაცხელ სიმდიდრეზე, უცნაურ ბებერ კუდიანზე და მშვენიერ ფულატაზე, ვისი აკლდამის კარიც სამუდამოდ იყო დახშული ყველასთვის.

მე მოგახსენეთ, კედელს შვცექოდით-მეთქი. იმიტომ რომ, თუმცა ბევრი ვეძებეთ, ასაწევი კარის ნიშანწყალიც კი ვერსად ვნახეთ და, რასაკვირველია, ვერ გავიგეთ იმ მექანიზმის საიდუმლოც, რომელიც ამ კარს ამოძრავებდა. ასე რომ, ის კარი ყველასთვის სამუდამოდ დაკარგულია. ბოლოს და ბოლოს გაბრაზებულებმა შევწყვიტეთ ძებნა. ეს უზარმაზარი ქვა ჩვენ თვალწინ მართლა რომ აწეულიყო, გამბედაობა არც კი გვეყოფოდა, გადაგვებიჯ ებინა გაგულას დასახიჩრებული გვამისათვის და საგანძურში შევსულიყავით. არა, არა, რომ კიდეც დავერწმუნებინეთ ვინმეს, იმ ალმასებს ხელში ჩაიგდებოთ, მაინც ვერ გადავდგამდით ამ ნაბიჯს. მიუხედავად ამისა, ჯავრით ლამის ავტირდი, როცა გავიფიქრე, რა უთვალავი სიმდირე რჩებოდა ამ კედელს იქით. ეს იყო ალბათ უდიდესი განძი, რომელიც კი ადამიანის ხელს ოდესმე დაეგროვებინა, მაგრამ რა უნდა გვეღონა? მხოლოდ დინამიტს შეეძლო ჩვენთვის გზა გაეკაფა ხუთი ფუტის სისქის კლდეში. ასე რომ, დავტოვეთ ეს საზარელი ადგილი. იქნებ შორეულ მომავალში, სხვა, უკეთეს საუკუნეში, ჩვენზე უფრო ბედნიერმა მკლევარმა შემთხვევით მიაგნოს კარის საიდუმლოს, წარმოთქვას ჯადო სიტყვა „სეზამ, გაიდე!“ და მსოფლიოს ბაზრები ძვირფასი ქვებით ააგსოს. მაგრამ მაინც მგრინია, რომ ხის სამ ყუთში ჩაყრილი ის ძვირფასი თვლები ვერასოდეს შეამკობენ ულამაზეს ასულთა და მანდილოსანთა თეთრ ყელს და, ვიდრე სამყარო ირსებებს, ის განძიც ისევე ხელუხლებლად იდება ბნელ დარაბული ფულატას ძვლებთან ერთად.

გაწბილებულებმა დავტოვეთ იქაურობა და მეორე დღეს ლუჟსკენ მიმავალ გზას დავადექით. უნდა ვთქვა, ჩვენი მხრივ უმადურობა იყო, ასე გულდაწყვეტილები რომ მივდიოდით. ალბათ გახსოვს, მკითხველო, ვიდრე საპყრობილეს სამუდამოდ მივატოვებდით, მე უოველი შემთხვევისათვის ქურთუკის ჯიბეები ალმასებით ავივსე. ბევრი ძვირფასი ქვა დაკარგულიყო, როცა ფერდობზე დავგორდი, მათ შორის ის მსხვილი ალმასებიც, ზემოდან რომ დავაყრე, მაგრამ, მიუხედავად ამისა, მაინც ბლომად დამრჩა: თვრამეტი მსხვილი ქვის ჩათვლით, რომელთაგან თითოეული ოცდაათიდან ას კარატამდე იწონიდა. დიახ, ჩემი ძველი ქურთუკის ჯიბეებში კიდევ იმდენი ძვირფასეულობა იყო, რომ ჩვენ ყველანი მილიონერები თუ არა, ძალზე მდიდარი ადამიანები მაინც ვიყავით. ამასთან, მთელს ევროპაში ალმასების ასეთი კოლექცია არავის ექნებოდა. ასე რომ, საწუწუნო და ბედის სამდურავი არაფერი გვქონდა

ლუჟში რომ მივედით, იგნოზი სიხარულით შემოგვებდა. მშვენივრად გამოიყერებოდა, თუმცა საქმე თავსაყრელი პქონდა. ტახტი უნდა განემტკიცებინა და გარდაექმნა პოლკები, რომელთაც თუალასთან ბრძოლაში ძალზე დიდი დანაკლისი განიცადეს.

მეფემ დიდი ყურადღებით მოისმინა ჩვენი თავგადასავალი. გაგულას საზარელი სიკვდილი რომ გაიგო, დაფიქრდა.

— მოდი აქ! — იხმო მან მოხუცი ინდუნუ (უხუცესი) დაახლოებულ პირთა რიცხვიდან, რომლებიც მოშორებით ისხდნენ და ჩვენი საუბარი არ ესმოდათ.

მოხუცი წამოდგა. მეფეს ეახლა, მოწიწებით დაუკრა თავი და დაჯდა.

— შენ კარგა დიდი ხნის კაცი იქნები, — უთხრა იგნოზიმ.

— დიახ, ჩემო მბრძანებელო, შენი მამის მამა და მე ერთ დღესა ვართ დაბადებულნი.

— მითხარი, ბავშვობაში იცნობდი გაგულას?

— დიახ, ჩემო მბრძანებელო.

— იმ დროს გაგულაც ბავშვი იქნებოდა, არა?

– არა, ჩემო ბატონო, ახლა რომ არის, ზუსტად ასეთი იყო, ის კი არა, პაპაჩემის ყმაწვილკაცობაშიც სწორედ ასეთივე სახედაღარული, მახინჯი, მიხრწნილი და ბოროტებით სავსე ყოფილა.

– გაგულა აღარ არის, გაგულა მოკვდა.
– მესმის, პო მეფეო. თუ ასეა, ოდინდელი წყევლა მოეხსნება ჩვენს ქვეყანას.

– კარგი, წადი!
– მივდივარ, შავო ლეკვო, ბებერი ძალის მკვლელო.
– ხომ ხედავთ, ძმებო, – გვითხრა იგნოზიმ, – გაგულა ძალიან უცნაური ქალი იყო და მე კმაყოფილი ვარ, რომ მოკვდა. იმ ბელ მღვიმეში თქვენი ცოცხლად დამარხვა ეწადა, შემდეგ იქნებ რამე ხერხი ეღონა და მეც მოვეკალი, როგორც ერთ დროს მოკლა მამაჩემი და ტახტზე თუალა აიყვანა. თუალა ხომ ძალიან უყვარდა. ახლა კი გთხოვთ, განაგრძოთ თქვენი თავგადასავალი, რომლის მსგავსი ჯერ არავის გადახდენია.

მე ვუამბე იგნოზის ჩვენი გადარჩენის ამბავი, ამასთან, ვისარგებლე შემთხვევით და ვუთხარი, თქვენი ქვეყნიდან უნდა წავიდეთ-მეთქი. მე, სერ ჰენრიმ და გუდმა ამაზე წინასწარ მოვითათბირეთ.

– ახლა კი, იგნოზი, ჩვენი გამოთხოვების ჟამი დადგა. ჩვენ კვლავ უნდა გავუყვეთ გრძელ გზას სამშობლოსაკენ. მისმინჯ, იგნოზი, შენ ჩვენთან ერთად მოხვედი აქ დარიბ-ლატაკი და უთვისტომო, ჩვენი მსახური იყავი, ახლა კი ძლევამოსილი მეფე ხარ. თუ ჩვენდამი მადლობის გრძნობა გიღვივის გულ ში, ნუ დაივიწყებ, რაც გვითხარი, მოიქეცი ისე, როგორც ამას გვპირდებოდი; მართე ქვეყანა სამართლიანად, პატივი დახდე კანონს, ნურავის მოკლავ უმიზეზოდ, იცოდე, მხოლოდ მაშინ იქნები ბედნიერი, თუ შეასრულებ, რაც გითხარი. ხვალ გარიერაჟზე კი გამოგვაყოლე მეომრები, რომ მოებზე გადასვლაში დაგვეხმარონ. რად დაფონდი, მეფეო, უარის თქმას ხომ არ აპირებ?

იგნოზიმ თვალებზე ხელები აიფარა და ერთხანს ხმა არ გაუღია.

– გული მეტკინა, – თქვა ბოლოს, – თქვენმა სიტყვებმა გული ორად გამიპო. რა დაგიშავეთ, ინკუბუ, მაკუმაზან და ბუგვან, რატომ გინდათ მომაყენოთ ასეთი მწუხარება, რად უნდა დამტოვოთ?! თქვენ ხომ ბრძოლაში გვერდით მედექით, ნუთუ დამტოვებთ გამარჯვების ჟამს, როცა ირგვლივ სრული სიმშვიდეა? რა გნებავთ? ცოლები? აირჩიეთ, ვინც კი მოგეწონებათ; საცხოვრებელი ადგილი? მოელი ქვეყანა თქვენს განკარგულებაშია; ისეთი სახლები გნებავთ, თეორკანიანები რომ ცხოვრობენ? ასწავლეთ ჩვენს ხალხს, როგორ ააგონ და სახლებიც გექნებათ; საქონელი გინდათ, რეჯ ან ხორცი? – ყოველი ჩემი დაოჯახებული მამაკაცი მოგგვრით ხარს ან ძროხას. ნადირობას მოიწადინებთ? განა ირმები ჩემს ტყებში არ დაეხეტებიან ან ბკემოტებს ლელიანებში არ სძინავთ? იქნებ გულ ში ბრძოლის ჟინი გიღვივით? ჩემი ჯარები თქვენს განკარგულებას ელიან. თუ გარდა იმისა, რაც ახლა ჩამოვთვალე, რამის ბოძება, ან რაიმე თხოვნის შესრულება კიდევ შემიძლიან, მითხარით და არც იმას დავიშურებ.

– არა, იგნოზი, – ვუთხარი. – ჩვენ არაფერი გვინდა, გარდა იმისა, რომ სამშობლოში დავბრუნდეთ და საკუთარი კერა მოვიძიოთ.

– მაშ ასე, – მწარედ თქვა იგნოზიმ და თვალებში ნაპერწკლებმა გაუელვა.
– თქვენ ეგ ბრჭყვიალა ქვები ჩემზე, თქვენს ძველ მეგობარზე მეტად გიყვართ. ახლა ქვები ხელთ იგდეთ, ნატალ ში დაბრუნდებით, გადასერავთ შავ მღვრიე წყალს, რომ გაყიდოთ ისინი და მდიდრები შეიქნათ. ეს არის ყოველი თეთრი ადამიანის სურვილი და მისწრაფება. წყეულიმც იყოს ეგ ქვები, წყეულიმც

იყოს, ვინც მათ ეძებს, სიკვდილი იმას, ვინც ფეხს შეადგამს მკვდართა სავანები სიმდიდრის საძებნელად. მე ვთქვი! შეგიძლიათ წაბრძანდეთ, თეთრკანიანებო!

— იგნოზი, — ვუთხარი და ხელი ხელზე შევახე. — მიპასუხე, შენ რომ ზულუსების ქვეყანაში მოგზაურობდი, მერე კი ნატალში თეთრკანიანებს ემსახურებოდი, განა გული არ გეწეოდა ქვეყნისაკენ, რომელზედაც დედაშენი იმდენ რამეს გიამბობდა? განა არ გენატრებოდა მშობლიური მხარე, სადაც პირველად აგეხილა თვალი, სადაც თამაშობდი; განა გული სამშობლოსკენ არ მიგიწევდა?

— დიახ, მაკუმაზან.

— აი, ასევე გენატრება ჩვენც ჩვენი სამშობლო.

ჩამოვარდა სიჩუმე.

— მესმის, რასაც ნიშნავს ეგ სიტყვები, მაკუმაზან, — დაარღვია დუმილი იგნოზიმ; ხმაშეცვლილი ლაპარაკობდა. — როგორც ყოველთვის, ახლაც ბრძნულად მსჯელობ. ფრენას შეჩვეულს მიწაზე ფორთხვა არ ძალუს. თეთრკანიანებს არ შეუძლია ზანგივით იცხოვროს. დიახ, თქვენ უნდა წახვიდეთ, მაგრამ ჩემი გული სევდით არის სავსე, იმიტომ რომ იქიდან, სადაც თქვენ იქნებით, თქვენს ამბავს ვერავინ მომაწვდის. მაგრამ, მისმინეთ. და, დაე, ჩემი სიტყვა გაიგოს ყველამ! დღეიდან გზა იმ მთებზე ყველა თეთრკანიანისათვის დაკეტილია, მაშინაც კი, თუ ვინმე შეძლებს აქამდე მოადწიოს. მე ჩემს ქვეყანაში არ შემოუშვებ თოფებითა და რომით მოვაჭრების, ჩემი თანამემამულენი მომავალშიც მხოლოდ შებებით იბრძოლებენ და წყურვილსაც, მსგავსად მათი წინაპრებისა, მხოლოდ და მხოლოდ წყლით მოიკლავენ. მე არ დაგუშვებ, რომ მისიონერებმა ჩემს ხალხს სიკვდილის შიში ჩაუნერგონ გულში, რომ უფრო ადვილად აამხედრონ მეფის წინააღმდეგ და ამით გზა გაუკაფონ თეთრკანიანების, მათ მუდამ უკან რომ მიყვებიან. თუ რომელიმე თეთრკანიანი მოადგება ჩემს ქვეყანას, მე მას უკანვე გავაბრუნებ. ასი თეთრკანიანი რომ მოვიდეს, უკან დავახევინებ. თუ ჯარი მომადგება, მეც ჩემს ჯარს შევაგებებ და უცხოელებს გამარჯვება არ ედირსებათ. ვერც ერთი ადამიანი ფეხს ვეღარ შემოდგამს აქ ბრჭყვიალა ქვებისთვის. ადამიანი კი არა, ჯარიც ვერ შემოადწევს! მაგრამ, თუ ვინიცობაა, მოვიდნენ, გავგზავნი ჩემს მეომრებს, რომ ქვებით ამოავსონ მადარო, დაამსხვრიონ თეთრი სევეტები და მილეწ-მოლეწონ იქაურობა ისე, რომ იმ კართან მიახლოვებაც ვერავინ შეძლოს. თქვენ სამისათვის კი — ინკუბუ, მაკუმაზან და ბუგან — ჩემი ქვეყნის კარი მუდამ დია იქნება, იმიტომ, რომ მოკვდავთა შორის ჩემს გულს თქვენზე ძირფასი და მახლობელი არავინ ჰყავს. ახლა კი ნებას გაძლევთ წახვიდეთ აქედან. ინფადუსი, ჩემი მამის ძმა ხელს ჩაგიდებოთ და ისე გაგიყვანთ აქედან. მცველად მისი პოლკი წამოგვებათ. მე შევიტყვე, რომ იმ მთებში სხვა გზაც გადის, ჩემი მეომრები სწორედ იმ გზით წაგიყვანენ. ახლა კი მშვიდობით, ძმებო, მამაცო თეთრო ადამიანებო. ჩემთან შეხვედრას ამის მეტად ნუდარ ეცდებით, იმიტომ, რომ გული მეტს ვედარ აიგანს. მომისმინეთ, მე გამოვცემ ბრძანებას, რომელსაც ერთი მთიდან მეორეზე გადაძახილით შეატყობინებენ მთელს ქვეყანას. დღეიდან ჩემი ქვეყნის ხალხი თქვენს სახელებს მოიხსენიებს ისეთივე პატივით, როგორც თავის გარდაცვლილ მეფეთა სახელებს და სიკვდილი არ ასცდება მას, ვისი ბაგეც მათ წარმოოქვამს. ამგვარად, თქვენი ხსოვნა მუდამ იცოცხებს ჩვენს ხალხში. წადით-მეთქი, წადით, ვიდრე ჩემს თვალებს, მსგავსად ქალისა, ცრემლი არ დაუფრქვევია. ოდესმე, როცა მოხუცდებით და გასათბობად ცეცხლის პირას დასხდებით, რადგან მაშინ მზის სიობო უკვე საქმარისი აღარ იქნება თქვენთვის, გაიხსენეთ, როგორ ვიდექით მხარდამხარ

დიდ ბრძოლაში, რომლის დასასრული შენმა ბრძნულმა სიტყვებმა იმთავითვე გადაწყვიტა, მაკუმაზან. გაიხსენეთ, ბუგვანი წვეტიანი რქის მსგავსად რომ შეიჭრა მტრის ჯარში, ინკუბუ კი იდგა, რუხებით გარშემორტყმული, და მისი ნაჯახით მოცელილი ადამიანები ისე ეცემოდნენ, როგორც თავთავი თიბვისას. მოიგონეთ, როგორ შემუსრა ინკუბუმ გარეული კამეჩის, თუალას, ძლიერება, და როგორ გაასწორა მიწასთან მისი სიამაყე. მშვიდობით, მშვიდობით, სამუდამოდ, ინკუბუ, მაკუმაზან და ბუგვან, ჩემო ძვირფასო მეგობრებო და მბრძანებლებო!

ამ სიტყვებით იგნოზი წამოდგა, რამდენიმე წუთს მდუმარედ, ღრმად ჩაფიქრებული გვიცექოდა, შემდეგ მოსასხამის კალთა თავზე გადაიფარა, თითქოს იმისთვის, რომ მისი სახე აღარ დაგვენახა.

ჩვენ ხმამოუდებლივ გავედით ქოხიდან.

მეორე დღეს რიერაჟე დავტოვეთ ლუ. თან მოგვყებოდა კამეჩების პოლკი და ჩვენი მეგობარი ინფადუსი, რომელიც ძალიან ნადვლობდა ჩვენთან განშორებას. ამ დილადრიან ქალაქის მთავარი ქუჩა ხალხით იყო გაჭედილი. როცა პოლკის თანხლებით გვერდზე ჩავუარეთ, ისინი მოგვესალმნენ შეძახილებით – „კუუმ! კუუმ!“ ქალები კი ყვავილებს გვესროდნენ და გვლოცავდნენ იმისათვის, რომ მათი ქვეყანა თუალას ბატონობისაგან გავათავისუფლეთ. ყველაფერი ეს ძალზე ამაღელვებელი იყო და სულაც არ პგავდა გელურებთან გამოთხვების სურათს.

მაგრამ ძალიან სასაცილო ინცინდენტის გარეშე საქმე მაინც არ დამთავრებულა.

ის იყო, ქალაქის საზღვარს უნდა გავცდენოდით, რომ ხალხის ჯგუფიდან გამოქანდა ლამაზი ახალგაზრდა ქალი; ხელში რამდენიმე შროშანი ეჭირა. ყვავილები გუდს გაუწოდა (რატომდაც გუდს ქალთა შორის დიდი წარმატება პქონდა, ვფიქრობ, მონოკლი და ცალი ბაკენბარდი ამ ნაზი არსებების თვალში მას რადაც განსაკუთრებულ რომანტიკულ ელფერს ანიჭებდა) და უთხრა, შენთან დიდი სათხოვარი მაქვსო.

– თქვი!

– ჩემმა მბრძანებელმა უჩვენოს მის მონასა და მხევალს თავისი მშვენიერი თეთრი ფეხები, რომ შემეძლოს ერთხელ კიდევ მოვკრა მათ თვალი და მერე ჩემს შვილებს ვუამბო ყველაფერი. თქვენი მონა ოთხი დღე მოდიოდა, რათა ენახა ისინი.

– ეშმაკმა წამიღოს, თუ ასე მოვიქცე! – ადელვებით წამოიძახა გუდმა.

– კმარა, კმარა, ძვირფასო, – დაამშვიდა სერ პენრიმ. – როგორ შეიძლება ლედი გააწილოთ და თხოვნაზე უარი უთხრათ?

– არა, არა, – ჯიუტად გაიმეორა გუდმა, – ეს საშინელი უზრდელობა იქნებოდა. – მაგრამ ბოლოს და ბოლოს მაინც დათანხმდა, აეკარწახებინა შარვალი და თეთრი წვივები გამოეჩინა.

გაისმა აღფრთოვანებული შეძახილები. ყველაზე აღტაცებული ის ახალგაზრდა ლედი ჩანდა.

გუდი ასე შარვალაკაპიწებული მოდიოდა, ვიდრე ქალაქის კარიბჭეს არ გაცდით. გშიშობ, ჩვენი კაპიტნის ფეხები აწ არასოდეს იქნება ქსოდენი აღტაცების საგანი. მისი მოძრავი კბილები და, ასე გასინჯვთ, გამჭვირვალე თვალიც კი, საკმაოდ მობეზრდათ კუკუნელებს. „მშვენიერ თეთრ ფეხებზე“ კი მსგავსს ვერაფერს ვიტყვით.

გზაში ინფადუსმა გვითხრა, იმ ქედის ჩრდილოეთით, რომლის გაგრძელებას სოლომონ მეფის დიდი გზა წარმოადგენს, სხვა გადასასვლელიც არსებობს, ან უკეთ რომ ვთქვათ, არის ადგილი, საიდანაც შეიძლება კლდოვან

ქედს დაბლა დაჲყვეო. ეს ქედი კუპუანელთა ქვეყანას დიდი უდაბნოსაგან ჰყოფს, მის ზემოთ კი აღმართულია დედოფალ საბიას ორი მთა. ამ ორიოდე წლის წინათ კუპუანელი მეომრები სირაქლემებს გასდევნებიან და იმ გზით უდაბნოში ჩასულან. სირაქლემას ფრთებს ამ ქვეყანაში ხომ დიდი გასავალი აქვთ. მათ მეომართა ჯიდებისათვის იყენებენ. მონადირები, ცოტა არ იყოს, შორს შექრილან უდაბნოში და ძალზე მოსწყურებიათ. შორს რაღაც ხეების მსგავსი დაულანდავთ, იქითკენ წასულან და ამწვანებულ, წყალუხვ თაზის კი წადგომიან. ოაზისი რამდენიმე მილზე ყოფილა გადაჭიმული. ინფადუსის თქმით, ჩვენ სწორედ იქითკენ უნდა წაგსულიყავით.

მოხუცი მეომრის რჩევა ჰქუაში დაგვიჯდა, რადგან ეს გზა აგვაშორებდა მთების მნელადსავალ ბილიკებს. გარდა ამისა, ოაზისამდე მიგვაცილებდა რამდენიმე მონადირე, რომელთაც იგი აღმოაჩინეს. მონადირები ამტკიცებდნენ, უდაბნოში სხვა ოაზისიც დავინახეთო. ჩვენ აუჩქარებლად მივიწევდით წინ და მეოთხე დღეს, საღამო ხანს, კვლავ კლდოვან ქედზე აღმოვჩნდით. უდაბნო დედოფალ საბიას მთების ჩრდილოეთით, დაახლოებით ოცდახუთ მილზე, იქნებოდა გადაშლილი. მისი ქვიშის ტალღები ზედ ჩვენ ფერხთით ადინადიოდა.

მეხუთე დღეს, განთიადზე ჩვენმა გამყოლებმა მიგვიყვანეს იმ აღგილამდე, სადაც იწყებოდა ციცაბო დაღმართი უდაბნოსაკენ. ჩვენ ახლა ორი ათას ხუთასი ფუტის სიმაღლეზე მაინც ვიმყოფებოდით.

აქ გამოვთხოვთ ჩვენს გულითად მეგობარს, ძველ მეომარს ინფადუს. მან წარმატება და ბედნიერი მგზავრობა გვისურვა. თან მწუხარებისაგან ცრემლს ძლივს იმაგრებდა.

— ჩემი თვალები ვედარასოდეს იხილავს თქვენისთანა ადამიანებს, ჩემო მბრძანებლებო. როგორ ცელავდა ინკუბუ ბრძოლაში მტერს! რა სანახავი იყო, ერთი დარტყმით თუალას თავი რომ მოჰკვეთა!.. ასეთ დარტყმას ჩემს სიცოცხლეში ვეღარ ვიხილავ, რასაკვირველია, თუ ძილში არ მესიზმრა.

ჩვენ ძალიან ვეძნელებოდა ინფადუსთან განშორება. გუდს ისე აუჩუყდა გული, რომ მოხუც მეომარს თავისი მონოკლიც კი აჩუქა (შემდეგ აღმოვაჩინეთ, რომ ერთი მონოკლი კიდევ ჰქონოდა შემონახული).

ინფადუსი აღტაცებული იყო. წინასწარ იცოდა, რომ ამ ნივთის პატრონი საოცრად ამაღლდებოდა ხალხის თვალში. ცოტაოდენი წვალების შემდეგ მან მაინც შეძლო მონოკლი თვალზე მიედგა. მართალი რომ მოგახსენოთ, ეს სულაც არ ეხამებოდა ძველი მეომრის ლეოპარდის წამოსასხამს და სირაქლემას ფრთების ჯიღას.

როცა დავრწმუნდით, რომ ჩვენს გამცილებლებს თან საკმარისი წყალი და სახოვავე წამოვედოთ და როცა გრგვინგასავით გაისმა კამეჩების გამოსათხოვარი სიტყვები, სამივემ მაგრად ჩამოვართვით ხელი ინფადუსს და ქედიდან დაბლა დავეშვით. ეს არც თუ ისე აღვილი იყო, მაგრამ ავად თუ კარგად, იმავე დღეს, საღამოს, მშვიდობიანად მივაღწიეთ დაბლობს.

— იციო, — თქვა სერ ჰენრიმ, როცა დამით კოცონს გუსხედით და ჩვენს თავზე წამოყედებულ ფრიალო კლდეებს შევსცექეროდით, — ვფიქრობ, დედამიწის ზურგზე მრავლის უმრავლესი ქვეყანაა კუპუანელთა მხარეზე უარესი. იყო დრო, როცა თავს გაცილებით უარესად ვგრძნობდი, ვიდრე ამ უკანასკნელი ორი თვის განმავლობაში, თუმცა უნდა გითხრათ, რომ ასეთი საოცრი ამბები თავს არასოდეს გადამხდენია. თქვენ რას იტყვით, მეგობრებო?

— მე მგონი, თითქმის ვნანობ კიდევ, რომ იმ ქვეყნიდან წამოვედით, — ოხვრით მიუგო გუდმა.

მე კი გულში გავიფიქრო, ყველაფერი კარგია, რაც კარგად მთავრდება-მეთქი. ჩემი ცხოვრების მანძილზე, რომელიც, როგორც მოგეხსენებათ, სავსე იყო ფათერაკებით, არასოდეს ვეოფილვარ ისე ახლოს სიკვდილთან, როგორც ამ უკანასკნელ ხანებში ვიყავი. მარტო ბრძოლა რომ მომაგონდებოდა ხოლმე, თავით ფეხებამდე ურუანტელი დამივლიდა, რომ აღარაფერი ვთქვა იმაზე, რაც იმ დაწყევლილ განძსაცავში გადავიტანეთ.

მეორე დღეს დავადექით უდაბნოს ძნელად სავალ გზას. ჩვენს ხუთ გამყოლს ბლომად მოპქონდა წყალი. დამე ცის ქვეშ გავათიეთ, მეორე დღეს, რიურაჟზე კი ისევ განვაგრძეთ გზა. მესამე დღეს, შეადლისას დავინახეთ ხეები, — ჩვენ წინ ოაზისი იყო. მზის ჩასვლისას კი უკვე მაღალ ბალახში დავაბიჯებდით და წყლის რაკრაქს ყურს ვუგდებდით.

თ ა ვ ი X X

ვ ი პ ი ვ ე თ !

ახლა კი გადავდივარ ყველაზე საოცარ შემთხვევაზე ჩვენს უჩვეულო თავგადასავალში; აქედან შეგიძლიათ დაასკვნათ, რა არაჩვეულებრივი ამბები ხდება ცხოვრებაში.

მე ოდნავ გავუსწარი ჩვენს თანამგზავრებს და მშვიდად მივდიოდი ნაკადულის პირას, ოაზისიდან რომ მოედინებოდა და უდაბნოს გავარვარებულ ქვიშაში იკარგებოდა. მაგრამ უეცრად ერთ ადგილას გავშემდი, თვალს არ გუჯერებდი. ოციოდე იარდის დაშორებით, თვალწარმტაც ადგილას, ჩრდილში, იდგა პატარა, კოხტა ქოხი. იგი პირდაპირ ნაკადულს გადასცექეროდა. კაფრების ქოხების ყაიდაზე იყო აგებული ტირიფის დაწნული ტოტებისა და ბალახისგან, მაგრამ დატანებული პეტარდა ჩვეულებრივი კარი და არა ვიწრო საძრომი.

„ეს რაღა ჯანდაბა! — ვთქვი ჩემთვის — აქ ქოხს ნეტა რა უნდა!“ ვერც კი მოვასწარი ამის გაფიქრება, რომ კარი გაიდო და ქოხიდან კოჭლობით გამოვიდა კაცი, მას ტყავის ტანსაცმელი ეცვა. ალბათ მზემ თუ დამკრა და ჭკუა ამირ-დამირია-მეთქი, გადავწყვიტე. ვიცოდი, რომ არც ერთ მონადირეს აქ ფეხი არასოდეს დაედგა და, რასაკვირველია, ცხოვრებითაც ვერავინ იცხოვრებდა. გაოცებისაგან თვალებდაჭყეტილი შევურებდი ამ „მოჩვენებას“. ის კაციც ნაკლებ გაკვირვებული როდი მომჩერებოდა. ამ დროს, საბედნიეროდ, სერ პეტრი და გუდიც მოგვიახლოვდნენ.

— მომისმინეთ, მეგობრებო, — მივმართე მათ, — გონს გადავცდი, თუ ეს მართლა თეთრკანიანია?

სერ პეტრი და გუდიც შეაჩერდნენ უცნობს, რომელმაც იმავე წამს დაიყვირა და ჩვენკენ გამოიქცა, მაგრამ რამდენიმე ნაბიჯზე შედგა და უგრძნობლად დაენარცხა მიწაზე.

სერ პეტრი ერთი ნახტომით მის გვერდით გაჩნდა.

— დმერთო ჩემო, — წამოიყვირა მან, — ეს ხომ ჯორჯია!

სმაურზე ქოხიდან მეორე კაცმაც გამოიხედა, მასაც ტყავის ტანსაცმელი ეცვა, ხელში თოფი უჭირა. ისიც ჩვენსკენ გამოიქცა. დამინახა თუ არა, ხმამაღლა შეჰყვირა:

— მაკუმაზან, ვეღარა მცნობ? მე ხომ მონადირე ჯიმი ვარ. შენ რომ ბასს წერილი მისწერე, ის დამეკარგა და უკვე ორი წელია აქ ვცხოვრობთ.

იგი ჩემ ფერსთით დაეცა, მიწაზე გორავდა და სიხარულით ტიროდა.

— აი, შე დოკულაპია, შენა, მაგისათვის ერთი კარგად უნდა აგიჭრელოს ქაცმა გვერდები, — ვუთხარი მე.

ამასობაში ის შაგწვერა გრძნობაზე მოვიდა და წამოდგა. ისა და სერ ჰენრი დიდხანს უხმოდ ართმევდნენ ერთმანეთს ხელს, რადგან აღელვებისაგან სიტყვას ვერ ძრავდნენ. ვფიქრობ, წარსულში მათ ვინმე ლედის გულისთვის მოუხდათ უსიამოვნება (თუმცა სერ ჰენრისთვის ამის თაობაზე არაფერი მიკითხავს), მაგრამ რა ნიადაგზეც არ უნდა მოსვლოდათ უკმაყოფილება, ახლა აღარაფერი ახსოვდათ.

— ჩემო ძვირფასო, — აღმოხდა ბოლოს სერ ჰენრის, — მეგონა, ცოცხალი აღარ იყავი. მე ხომ სულეიმანის მთების იქით გეძებდი და უცებ თაზისში კი შეგხვდი; ზღაპრული ასვოგელი -ვით აგიგია ბუდე.

— ორი წლის წინათ მეც ვცადე გადამელახა სულეიმანის მთები, — თქვა შავწვერამ. ისე გაუბედავად ლაპარაკობდა, თითქოს მშობლიურ ენაზე საუბარს გადაეწიაო, — მაგრამ აქ რომ მოვედით, ფეხზე დიდი ლოდი დამეცა და ძვალი გადამიმტკრია. სიარული აღარ შემეძლო, ვერც მთებისაკენ წავედი და ვერც კრაალ სიტანდაში დავბრუნდი.

ამასობაში მეც მივუახლოვდი მათ.

— გამარჯობათ, მისტერ ნევილ, აღარ გახსოვართ?

— დმერთო ჩემო, — წამოიძახა მან, — ქუოტერმენ, ნუთუ ეს თქვენა ხართ? როგორ, გუდიც აქ არის? ხელი მომკიდეთ, თავბრუ მესხმის, რა უცნაურია უკელაფერი ეს, რა მოულოდნელად დამესხით თავს... თანაც სწორედ მაშინ, როცა საბოლოოდ გადამიწყდა იმედი. რა ბედნიერებაა!

* * *

იმ საღამოს გვიანობამდე შემოვრჩით კოცონს, ჯორჯ კურტისი თავის თავგადასავლს გვიყვებოდა; მასაც ბევრი რამ გამოველო და გადაეტანა.

ორი წლის წინათ გამოვიდა კრაალ სიტანდადან იმ განზრახვით, რომ სულეიმანის მთებამდე მიეღწია. ჩემი წერილი ჯიმს დაუკარგავს და ჯორჯმა მასზე დღემდე არაფერი იცოდა. მაგრამ ზანგებმა მიასწავლეს და გაემართა არა დედოფალ საბიას მთებისკენ, არამედ ციცაბო ქედისკენ, ჩვენ რომ ახლახან გამოვიარეთ. ეს, რასაკვირველია, გაცილებით უფრო იოლი გზა იყო, იმასთან შედარებით, მოხუცი და სილვესტრას რუკაზე რომ იყო აღნიშნული. უდაბნოში მას და ჯორჯს დიდი გაჭირვება გამოველოთ, მაგრამ ბოლოს და ბოლოს მოსდგომოდნენ ამ თაზისს. აქ კი ჯორჯ კურტისს მოსვლისთანავე თავს დასტყვლომოდა უბედურება. ჯორჯი ნაკადულის პირას ჩამომჯდარიყო, ჯიმი კი მაღალ ციცაბო ნაპირზე აცოცებულიყო და ნაპრალიდან გარეული ფუტკრის თაფლს იღებდა. ამ ფუტკრებს ნესტარი არა აქვთ, ამიტომ ჯიმი უშიურად მოქმედებდა. კლდეზე რომ მიცოცავდა, უნებლიერ დიდი ლოდი შეუნდრევია. ლოდი დაგორებულა და ჯორჯ კურტისისათვის მარჯვენა ფეხი გადაუმტკრევია. მას შემდეგ თურმე ძლიერ კოჭლობდა და რაკი სიარული უჭირდა, გადაუწყვეტია, თაზისში

დარჩენილიყო და შეხვედროდა სიკვდილს, რადგან, რომ წასულიყო, სულ ერთია, მაინც დაიღუპებოდა.

საჭმელი არ მოჰქლებიათ. ტყვია-წამალი ბლომად ჰქონდათ, ოაზისში კი წყლისთვის უამრავი ნადირი მოდიოდა. განსაკუთრებით დამით მოაწყდებოდნენ ხოლმე აქაურობას.

ჩვენი მონადირეებიც მახეს უგებდნენ ან თოფით ხოცავდნენ ნადირს. ხორცს საჭმელად იყენებდნენ, ტყავს კი – ჩასაცმელად, რადგან ტანსაცმელი სულ შემოაცვდათ.

– ამრიგად, – თქვა დასასრულს ჯორჯმა, – თითქმის ორი წელიწადი რობინზონ კრუზოსა და პარასკევასავით ვცხოვრობდით ამ ოაზისში; იმედს მაინც არ კვარგავდით, ვფიქრობდით, რამე შემთხვევის წყლობით ზანგი მონადირეები მოვიდოდნენ და აქედან გაგვიყვანდნენ, მაგრამ არავინ ჩანდა. ბოლოს, სწორედ გუშინ სადამოს, გადავწყვიტეთ, მე აქ დავრჩენილიყავ, ჯიმი კი კრაალ სიტანდაში დაბრუნებულიყო და მაშველად ვინმე წამოევვანა. თუმცა, მართალი უნდა გითხრათ, ძალიან ცოტა იმედი მქონდა, რომ ჯიმი აქ ისევ მომაკითხავდა. და აი, შენ, სწორედ შენ, ვისი ნახევის იმედიც სრულიად ადარ მქონდა, – მიუბრუნდა იგი სერ პენრის, – უეცრად მომევლინე. მე კი დარწმუნებული ვიყავი, რომ შენ მშვიდად ცხოვრობდი ინგლისში და დიდი ხანია დაგავიწყდა კიდეც ჩემი არსებობა. ეს მეტად გასაოცარი ამბავია და უბედნიერესი ადამიანი ვარ, ყველაფერი ასე კარგად რომ დასრულდა.

თავის მხრივ სერ პენრიმაც უამბო ქმას ჩვენი თავგადასავალი.

საუბარში კარგა ძალმა დამეტ გაიარა.

– მადლობა უფალს, – თქვა ჯორჯ კურტისმა, – რომ ჩემნაირი გამოუსედაგარი არსების გარდა, კიდევ იპოვეთ რაღაც, რაც გადატანილ ტანჯვა-წამებასა და გაჭირვებას აგინაზდაურებთ.

სერ პენრიმ გაიცინა.

– ეგ ალმასები ქუოტერმენსა და გუდს ეპუთვნის. ჩვენ პირობა დავდეთ, რომ ორივენი გაიყოფდნენ მთელს ნადავლსა და ალაფს, რასაც კი გზაში გადავეყრებოდით, ან ვიშოვიდით.

ამ შენიშვნამ, ცოტა არ იყოს, ჩამაფიქრა. გუდს მოველაპარაკე და სერ პენრის ორივეს სახელით ვთხოვე აედო ალმასების მესამედი. თუ უარს იტყვით, თქვენს წილს ჯორჯ კურტისს მივცემთ, რადგან ჯორჯი ამ ქვების გამო ყველა ჩვენგანზე მეტად დაზარალდა და დაიტანჯა-მეთქი, – ვუთხრო. დიდი გაჭირვებით დავითანხმეთ ამ წინადადებაზე. ჯორჯ კურტისმა კი ჩვენი გადაწყვეტილება უფრო გვიან გაიგო.

* * *

ვფიქრობ, აქ უნდა შეეწყვიტო თხრობა. ჩვენი გზა კრაალ სიტანდამდე ძალზე ძნელი იყო, განსაკუთრებით იმიტომ, რომ უნდა დავხმარებოდით ჯორჯ კურტისს. ჯორჯს მარჯვენა ფეხი ძალზე ცუდ მდგომარეობაში ჰქონდა, დროდადრო დამსხვრეული ძვლის პატარა ნატეხებიც კი გამოდიოდა. მაგრამ, ასე იყო თუ ისე, უდაბნო მაინც გადავლახეთ. დაწვრილებით რომ აგიწეროთ ჩვენი მოგზაურობა, იძულებული ვიქნები გავიმურო ყველაფერი, რაც იქმობას გადაგვხდა თავს.

სიტანდაში ჩვენი თოფები და სხვა ნივთები ხელუხლებული დაგვხვდა, თუმცა იმ ბებერ არამზადას, რომელსაც წასვლისას ყველაფერი ჩავაბარეთ,

ძალიან ეწყინა, ცოცხლები და კარგად მყოფნი რომ დაგვინახა. ექვსი თვის შემდეგ ყველანი დურბანში, ჩემს პატარა სახლში შევიკრიბეთ, სადაც ახლა ამ სტრიქონებს ვწერ. აქედან ვემშვიდობები ყველას, ვინც თან მახლდა ამ არაჩვეულებრივ მოგზაურობაში.

.შ. ვერც კი მოვასწარი უკანასკნელი სიტყვის დაწერა, რომ ჩემი ფორთოხლის ხეივანში დავინახე კაფრი. მას ორად გახლებილ ჯოხში წერილი გაეჩხირა. წერილს სერ ჰენრი მწერდა. რაკიდა ამ პატარა ბარათს ჩემს ნა-ამბობთან უშუალო კაგშირი აქვს, მომყავს სიტყვა-სიტყვით.

ბ რ ე ი ლ ი - ჰ თ ლ ი , ი თ რ პ ჟ ი რ ი

ბ ვ ი რ ფ ა ს თ ქ უ თ ტ ე რ მ ე ნ

უკანასხნელი ფოსტით სულ რამდენიმე სტრიქონით მოგწერეთ, რათა მეცნობებინა თქვენთვის, რომ სამივენი – ჯორჯი, გუდი და მე – მშვიდობით ჩამოვედით ინგლისში. გადმოვედით საუტემპტონში, აქედან კი დაუყოვნებლივ გავეშურეთ ლონდონს. უნდა გენახათ, როგორ მოირთო გუდი მეორე დღესვა-გულდაგულ გაიპარსა. ჩაიცვა შესანიშნავი ფრაკი, რომელიც ხელთაომანივით მოადგა ტანზე. შეიძინა ახალი მონოკლი და ასე შემდეგ და ასე ამგვარად. ერთხელ პარკში დავსეირნობდით. იქ ერთი-ორი საერთო ნაცნობიც შეგვხვდა. ვისარგებლე შემთხვევით და გუდის „მშვიდიერი თეთრი ფეხების“ ამბავი მოვუყევი.

გუდი გაცოფდა.... განსაკუთრებით იწყინა, რომ ვიღაც გესლიანმა ქურნალისტმა ყველაფერი ეს უცვლელად დაბჭდა ფეშენებელურ გაზეთში.

ახლა კი პირდაპირ საქმეზე გადავდივარ! რომ გაგვეგო ალმასების ღირებულება, მე და გუდმა სტრიტერის საიუველირო ფირმას მივმართეთ. პირდაპირ მეშინია გითხრათ, რამდენად შეაფასეს ისინი. საარაკო თანხა დაგვისახელეს. თანაც ეს შეფასება მიახლოებითა. გვითხრეს, არ გვახსოვს, ოდესმე ბაზარზე ასეთი შესანიშნავი და ამდენი ალმასი ყოფილიყოსო. აღმოჩნდა, რომ გარდა ერთი-ორი განსაკუთრებით მსხვილი ქვისა, ყველა წმინდა წყლის არის და არაფრით ჩამოუვარდება ბრაზილიის საუკეთესო ბრილიანტებს. შევთავაზე, ხომ არ იყიდით-მეთქი, მაგრამ მიპასუხეს, ვერ აუგალთო, და გვირჩიეს, ნაწილ-ნაწილ გაყიდეთ, რომ ბაზარი ალმასებით არ აივსოსო. მიუხედავად მისა, მაინც შემოგვაძლიეს ას ოთხმოცი ათასი გირვანქა სტერლინგი სულ მცირე ნაწილში.

თქვენ ინგლისში უნდა ჩამოხვიდეთ, ქუოტერმენ, და თავად მიხედოთ ამ საქმეს. მით უმეტეს, რომ ძალას მატანთ, ჩემმა მმამ აიღოს ეს ძვირფასი საჩუქარი – მთელი მესამედი ალმასებისა, რომლებიც მე არ მეკუთვნის.

რაც შეეხება გუდს, იგი სულ გაგიჟდა, მოელ დროს სახის პარსვას და ამაო მორთვა-მოკაზმვას ანდომებს. მაგრამ ვფიქრობ, ფულატა ჯერ კიდევ ვერ დაივიწყა. ამას წინათ გამომიტყდა, რაც ინგლისში ჩამოვედი, ფულატასთანა თვალწარმტაცი და ტანადი ქალი არსად შემხვედრიაო.

ჩემო ძვირფასო მეგობარო, მინდა სამშობლოში ჩამოხვიდეთ და სადმე, ჩემ მახლობლები დასახლდეთ. თქვენ საკმაოდ იშრომეთ მოელი სიცოცხლის მანძილზე და ახლა ძალიან მდიდარი კაცი ხართ. ჩემს მეზობლები იყიდება მამული, რომელიც უკველად მოგეწონებათ. მაშ, რაც უფრო მაღე ჩამოხვალთ, მით უკეთესი იქნება. წიგნი კი შეიძლება გემზეც დაამთავროთ. ჩვენ არავის მვუამბობთ, რაც თავს გადაგხდა, ვიდრე თქვენ წერას არ დაამთავრებთ, რადგან ვშიშობთ, მაინც არ დაგვიჯერებენ. თუ ჩემს რჩევას დაჲყებით და საშობაოდ

ჩამოხვალთ, ძალიან გთხოვთ, პირდაპირ ჩემთან მოხვიდეთ. იმ დროისთვის ჩემს მამულში იქნებიან გუდი, ჯორჯი და თქვენი ვაჟიც (ეს იმიტომ, რომ თქვენ შეგაცდინოთ და ჩამოგიყვანოთ). პარი ერთხელ უკვე იყო ჩემთან, ძალიან კარგი შთაბეჭდილება მოახდინა. თქვენი ვაჟი ძალიან მშვიდი ახალგაზრდა. ნადირობისას მთელი გასროლა საფანტი დამახალა ფეხზე, მერე სათითაოდ ამომაცალა საფანტები ხორციდან და მითხრა, რა ბედნიერი დამთხვევაა, მონადირეთა შორის ექიმი-სტუდენტიც რომ ურევიაო.

მშვიდობით, ჩემო მეგობარო, მეტს აღარაფერს გეტყით, მაგრამ ვიცი, უეჭველად ჩამოხვალთ, იმისათვის მაინც, რომ პატივი დასდოთ თქვენს გულწრფელ მეგობარს.

პენრი პურტისი

.შ. უზარმაზარი სპილოს ეშვები, იმ სპილოსი, საბრალო ხივა რომ დაფლითა, პოლში კამების რქების თავზე მიკიდია. ის რქები ხომ თქვენ მაჩუქეთ! ნაჯახი კი, რომლითაც თუალას თავი მოვეკეთე, ჩემს საწერ მაგიდასთან დავკიდე. რა სამწუხაროა, ჯაჭვის პერანგები თან რომ არ წამოვიდეთ!

პ. ბ.

დღეს სამშაბათია. პარასკევს კი გემი გადის. ვფიქრობ, უნდა ვისარგებლო კურტისის მიწვევით და ვესტუმრო ინგლისს თუნდაც იმისთვის, რომ ვინახულო ჩემი პარი და, ამასთან, წიგნის დაბეჭდვაზეც ვიზრუნო, რადგან არ მინდა, ეს საქმე სხვა ვინმეს მივანდო.

ალან ქუოტერმენი

ც ო ტ ა რ ა მ ა ვ ტ ო რ ზ ე

1867 წელს სამხრეთ აფრიკაში, ქალაქ კიმბერლის მახლობლად, აღმოაჩინეს აღმასის ქვიშრობი.

ამ აღმოჩენას უდიდესი ისტორიული მნიშვნელობა ჰქონდა ქვეყნისათვის. მეჯოგები ბურებისა და ჩამორჩენილი ზანგი ტომების პატრიარქალურ მხარეს ჩანჩქერივით მოასკდა ავანტიურისტი სპეცულანტებისა და სწრაფი გამდიდრების მოსურნე საეჭვო პირების ნაკადი, ისინი ზღაპრული სისწრაფით იძენდნენ ქონებას. გუშინდედი მაწანწალა დღეს უკვე მილიონერი ხდებოდა.

ინგლისს, რომელმაც ჯერ კიდევ მეცხრამეტე საუკუნის დასაწყისში კარგა მაგრად მოიკიდა ფეხი აფრიკის სამხრეთით – კაპის კოლონიასა და ნატალში, აღმასის ქვიშრობის აღმოჩენის შემდეგ უდიდესი ინტერესი აღეძრა ამ მატერიკისადმი. მას არ შეეძლო დაეშვა, რომ ეს უშრეტი სიმდიდრე სხვა ვინმეს ეგდო ხელთ.

ქვიშრობი ერთ-ერთი ადგილობრივი ზანგი ტომის მიწაზე იმყოფებოდა. ამ ტერიტორიაზე თავის უფლებებს აცხადებდა აგრეთვე ბურების ორანჟის რესპუბლიკაც. ინგლისის იმპერიალიზმს მდგომარეობიდან გამოსავალი მდიდარმა კოლონიალურმა გამოცდილებამ უკარნახა. საკითხი სულ უბრალოდ გადაწყდა: 1871 წელს ინგლისის მთავრობამ უბრძანა კაპის გუბერნატორს, დაეკავებინა აღმასის ქვიშრობის ტერიტორია.

ხუთი წლის შემდეგ ინგლისის მთავრობამ ამ ტერიტორიისათვის სულ უმნიშვნელო თანხა – 90 ათასი გირვანქა სტერლინგი გადაუხადა ორანჟის რესპუბლიკას.

დაიწყო სამხრეთ აფრიკის ინგლისის კოლონიად გადაქცევის ეპოქა. იგი აღსავსე იყო პროვოკაციებით, მკვლელობებით, მშვიდობიან მოსახლეობაზე შეიარაღებული თავდასხმებით, ერთი ტომის მეორეზე გადაკიდებით და სხვა.

ამ კოლონიური ეპოპეის, ყოველ შემთხვევაში, მისი პირველი ეტაპების მოწმე და მონაწილე გახლდათ მომავალი მწერალი – პენტი რაიდერ ჰაგარდი (1856-1925 წელი).

ინგლისურ არისტოკრატიულ ოჯახებში ძველთაგანვე არსებობდა ტრადიცია, გაეგზავნათ შვილები კოლონიებში, სადაც მათ უნდა გაევლოთ ერთგვარი ცხოვრებისეული სკოლა. ეს აუცილებელი იყო მმართველი წრეების წარმომადგენლებისათვის.

იმ ხანებში, როცა ახალგაზრდა ჰაგარდი თავის კარიერას იწყებდა, დედამიწის ზურგზე ყველაზე მიმზიდველი კუთხე სამხრეთ აფრიკა იყო და ცხრამეტი წლის ჰაგარდი 1875 წელს გაემგზავრა აფრიკაში ნატალის ინგლისის გუბერნატორის პირადი მდივნის თანამდგბობაზე. ამ ბალზე დაკირვებულ, ცნობისმოყვარე და სხარტი გონების ახალგაზრდას ინგლისის კოლონიებში ჰარგა ხანს მოუხდა ყოფნა. აქ გაეცნო ზანგ ტომებს, მათ ადათ-ჩვეულებებს, წესებს; თავს გადახდა უამრავი საინტერესო ამბავი, რაც შემდგომ თავის რომანებში გამოიყენა.

1877 წელს ინგლისის მთავრობამ ხელთ იგდო ტრანსვაალი. ჰაგარდი ამ დროს ინგლისის მთავრობის სპეციალური რწმუნებულის – შეპსტონის – შტაბში მუშაობდა. შემდგომ კი მომავალი მწერალი ტრანსვაალის სასამართლოს თავმჯდომარეობდა.

ჰაგარდი მოწმე გახდა იმისა, თუ როგორ აღდგნენ ბურები ინგლისელ დამპყრობთა წინააღმდეგ, როგორ დაიწყო ინგლისელებისა და ბურების პირველი ომი (1880-1881 წელი), რომელიც ინგლისელების სრული დამარცხებით დამთავრდა.

მაგრამ ამის გამო ინგლისს სრულებით არ დაუკარგავს ინტერესი სამხრეთ აფრიკისადმი. ინგლისის იმპერიალიზმი ვერ შერიგებოდა დამარცხებას და კვლავ და კვლავ ცდილობდა, ხელში ჩაეგდო ბურების მიწის წიაღში ჩაფლული აურაცხელი სიმდიდრე 1899 წელს მან ხელახალი ომი წამოიწყო ბურების წინააღმდეგ. მიუხედავად იმისა, რომ ინგლისელებს საკმაოდ ჭარბი ძალები ჰყავდათ, მათ ვერ შეძლეს, როგორც იტყვიან, ბურების ერთი ხელის მოსმით დამარცხება. ინგლისისთვის ეს სამარცხინო ომი მხოლოდ 1902 წელს დამთავრდა და ბურების დამოუკიდებელი რესპუბლიკები ინგლისის კოლონიად იქცა. ბრიტანეთის იმპერიალიზმა ხელთ იგდო ალმასისა და ოქროს უმდიდრესი საბაზოები.

ინგლისში დაბრუნების შემდეგ ჰაგარდი იწყებს ლიტერატურულ მუშაობას და 1882 წელს აქვეყნებს „კენტერები“ წიგნს „კენტერები“. ამის შემდეგ გამოსცა კიდევ ორი რომანი, რომლებშიც აღწერილი იყო ინგლისის ჯარის დამარცხება ბურებთან პირველი ომის დროს, მაგრამ ამ წიგნებმა მკითხველი საზოგადოება დიდად ვერ დააინტერესა.

ჰაგარდის შემდეგი რომანი იყო „სოლომონ მეფის საგანძუროი“. ეს წიგნი გამოვიდა 1885 წელს და სულ რამდენიმე დღეში მოუპოვა ავტორს სახელი.

ახალი რომანის ეგზომ დიდი წარმატება, უპირველეს კოვლისა, გამოწვეული იყო ინგლისელების უდიდესი ინტერესით სამხრეთ აფრიკის და მისი წიაღისეულის აურაცხელი სიმდიდრისადმი. თავგადასავალთა და სიმდიდრის მოყვარულებს რომანი კიდევ უფრო უცხოველებდა ინტერესს აფრიკის საიდუმლოებით მოცულ მთებში დაფლული განძეულის აღწერით.

ბევრმა გულუბრყვილო მკითხველმა მწერლის ფანტაზია სინამდვილედ მიიჩნია. ჰაგარდს წერილს წერილზე სწერდნენ, ემუდარებოდნენ, გაემხილა მათთვის სოლომონ მეფის საგანძურის ზუსტი ადგილსამყოფელი და კოორდინატები. ერთმა თავზეხელაღებულმა კი მოსწერა: მიუხედავად იმისა, რომ უარს მეუბნებით მაცნობოთ, სად არის დაფლული ის განძი, მე მაინც განზრახული მაქვს, მოვაწყო ექსპედიცია, რათა ხელთ ვიგდო აურაცხელი სიმდიდრე.

რომანს წარმატება მარტო ამ ინტერესში როდი არგუნა. ეს ასე რომ იყოს, რომანი მოკვდებოდა მაშინვე, როგორც კი შესუსტდა მკითხველი საზოგადოების ინტერესი სამხრეთ აფრიკისადმი. ჰაგარდის რომანში ცოცხლობენ დამაჯერებლად და ნათლად დახატული გმირები. დაუგიწყარია მონადირის – ალან ქუოტერმერის სახე. ასევე სიყვარულითა და სიმპათიით არიან დახატულნი მისი სხვა გმირებიც. ისინი მკითხველის გულს ინადირებენ თავიანთი რაინდული, ვაუკაცური ხასიათით, პირდაპირობით, კეთილშობილებით.

დიდი ინტერესით იკითხება ჰაგარდის ისტორიული რომანებიც: „მონტესუმას ასული“, „აიშა“, „მშვენიერი მარგარიტა“. მკითხველს იტაცებს რომანის გმირთა საინტერესო თავგადასავალი, მისთვის გასაგები ხდება რომანებში აღწერილი ეპოქის პოლიტიკური და რელიგიური მიმართულებები.

ჰაგარდის საუკეთესო სათავგადასავლო და ისტორიული რომანები უწინდებულად იზიდავს მკითხველს. ისინი მრავალ ენაზეა თარგმნილი და გამოცემული.